

LIBRARY UNIV. OF
NORTH CAROLINA

DE
CANTV
ET
MVSICA SACRA
A
PRIMA ECCLESIAE AETATE
VSQVE AD
PRAESENS TEMPVS.

A V C T O R E
MARTINO GERBERTO

MONASTERII ET CONGR. S. BLASII IN SILVA NIGRA ABBATE

S. Q. R. I. P.

T O M V S . I.



SVPERIORVM PERMISSV.

TYPIS SAN-BLASIANIS MDCCCLXXIV.

M. Poinsignon, Curé de la ville et du can-
ton de Haguenau,

V 783
63641
V

*Te mente pura & simplici,
Te voce, Te cantu pio
Rogare curuato genu,
Flendo & canendo discimus.*

PRVDENT. CATHEMER.
Hym. II.



F R I D E R I C O
C A R O L O I O S E P H O
SACRAE SEDIS MOGVNTINAE
A R C H I E P I S C O P O ,
S A C R I R O M A N I I M P E R I I
P R I N C I P I E L E C T O R I
E T
A R C H I C A N C E L L A R I O ,
N E C N O N
E P I S C O P O W O R M A T I E N S I .

369434

SALVTI REIPVBLICAE VTRIVSQVE
SVFFRAGANTE VNIVERSO POPVLO
VNANIMIQVE VOTO
CAPITVLI METROPOLITICI MOGVNTINI
DIE XVIII. IVLII
CATHDRALIS WORMATIENSIS
DIE XXVI. EIVSDEM MENSIS ET ANNI
M D C C L X X I V.
ELECTO
FELICITER !
IN FORTVNATVM VLTIMVM HVIUS SECVL VI
AVSPICIVMQUE FVTVR.

EMINENTISSIME ET REVERENDISSIME
ARCHEPISCOPE,
CELSISSIME PRINCEPS
ELECTOR !



uod vota publica dudum, famaque undique a morte statim f. r. Antecessoris ferrebat, id, vel eo etiam nomine felix faustumque accidit, ut summus *Roman-Germanici* imperii, ecclesiæque hierarcha, ac Princeps Elector renunciare ris, dum in lucem publicam aspirans isthæc de cantu & musica sacra a prima Ecclesiæ ætate usque ad præsens tempus, commentatio, in TE iam clientelam illam est consecuta, quam antea pro instituto S. Ordinis togatus, sperare haud poteram.

Resumſi vero animum , religioſe congratulatus cauſæ, cum primum TE MAXIME METROPOLITARUM! ad clavum Eccleſiæ affumtum cognovi , memor comitatis hu- manitatisque, quam ante aliquot annos expertus fueram, cum *Viennæ* , gratiſſimus aulæ Cæſareæ legatus degeres, eo mu- nere ampliſſimo iam *Francofordi* in inauguratione IOSEPHI II. Augustis FRANCISCO Patri, ac Filio tunc *Romanorum Regi* commendatiſſimus , inter aetuales intimos etiam connume- ratus consiliarios. A ſummo enimvero uſque ad infimum omnium TIBI INDULGENTIſſIME PRINCEPS! animos conciliat magnitudo animi, cum mira morum facilitate con- iuncta , qua TE ad omnes demittere ſoles, promteque in- dulſisti , ut hoc excelſo nomini TUO inscriberem opus, quo nihil mihi tum ad teſtificationem devotiffimi animi, cum ad argumenti etiam præſidium , exoptabilius eſſe potuit.

Ipsa narrationis ſeries palam facit, cantum eccleſiæ a ſua ſim- plicitate , quam mille & ultra annis religioſe conservaverat, paullatim deſciviffe ſequiore ævo : Lentis quidem per non pauca ſæcula gressibus, muſica , quam figuralem appellant, in eccleſiam admiſſa, cui instrumentalis noſtra ætate demum, memoria fere hominis confociata, quotidie magis magisque lu- xurians , ac inſoleſcens, diſcrimen iam omne muſicæ ſacræ a profana ſuſtulit.

Probe reminiſcor damnaffe TE irreligionem iſtam , cum adhuc dignitate Cantoris cathedralis eccleſiæ *Bambergenſis* per- fungereris , perinde ac Cuftodis præcelsæ *Moguntinæ* , cui nunc præſides, PASTOR VIGILANTIſſIME! ſedis: quæ ſci- licet munera ſacram attinent liturgiam , cuius pars eſt cantus & muſica ſacra non modica. Nec abludit Rectoris Magnificentif- simi

simi almæ academiæ *Moguntinæ* officium , quod ornasti ANTI-
STES LITTERATISSIME. Fuerat quippe etiam musica pars
doctrinæ publicæ præcipuis in scholis haud longo abhinc tem-
pore, cum adhuc suus huic disciplinæ haberetur honos , ut sunt
hodieque alicubi, in *Anglia* præsertim, doctores, professoresque
musicæ in præcipuis academiis. Olim vero sanctissimi, specta-
tissimique viri, etiam principes sacrum concinnabant melos ;
quam nunc spartam quisque sibi assumit ludio, suasque nenias
sacrario temerarie infert.

Ad hanc tollendam sanctæ religionis nostræ contamina-
tionem , cum consilio opus sit & opera , ad quem potius
quam ad TE, SACRORUM PRÆSUL PRÆCIPUE ! me
convertam ? qui pietate , auctoritateque perinde præftas , ut
valeas inveterato equidem remedium afferre malo , honestatem
vero ac decorem nostris restituere templis, divino dignitatem
cultui: ut agatur , quod agitur ad concelebrandum Divum
Numen , nobisque propitium reddendum precibus , gemiti-
busque. Neque committendum est , ut ad ecclesiam veluti
ad theatrum lenocinii aurium diemque luculentum, ut aiunt,
seu hilarem habendi causa concurratur ; cantus ac musica sa-
cra sic sit composita , ut mentem avocet potius ac distraictam
reddat, quam in se colligat ; sancta verba suffocet & con-
fundat, dum suaviter animo insinuare debuerat.

Quod vero dolendum maxime est , continue ingravescit
malum. Qui statum musicæ ecclesiasticæ præsentis saltem,
aut etiam præteriti sæculi sub oculos posuerit, quin imo lu-
stra tantum aliquot elapsorum proxime annorum cogitatione
sibi repræsentaverit, obstupescet, tam brevi tempore ad tan-
tum excessum rem devenire potuisse , ac quotidie in peius
ruere

ruere ; ut nisi sistatur licentia , Vertumni instar immutandi musicæ faciem , actum sit de publico religionis cultu , qui magnam partem apud nos musica transigitur : cum nec rem-publicam salvam esse posse existimaverit PLATO , mutata mu-sica.

Vides EMINENTISSIME ARCHIPRÆSUL ! quæ me ardenter quidem præprimis flagrantem devinctissimi animi hoc edere argumentum , gravissimæ porro causæ impulerint , ut lucubrationem hanc de vicissitudine cantus ac musicæ sa-cræ a prima ecclesiæ ætate usque ad præsens tempus TUÆ committerem fidei , patrocinioque potenti , quo eget , ut finem propositum ab auctore nanciscatur , quem TUO dudum haud designatus es favore , supplicem iam , ut deditum hier-archico TUO pedo clementer accipias ac tuearis

ARCHIEPISCOPALIS ET ELECTORALIS EMINENTIÆ TUÆ

Dabam apud D. Blasii mense Dec.
in fériis Nat. D.

obsequientissimum servum
MARTINUM GERBERTUM
Abb.

PRÆFATIO.



morem musicæ, quem cum lacte matris bibi, quodque ei disciplinæ haud segniter a teneris annis consecravi studium, severioribus addictus Musis, non deposui penitus, sed mutavi. A iuvenilibus annis propositum semper habui de musicæ aliquid conscribere historia. Inflammatum fuit desiderium incomparabili codice Msc. mea memoria Bibliothecæ *San-Blasianæ* illato, eo ipso, quo olim usus **GLAREANUS** in edendis **Sever. BOETII** operibus, eum statim in fronte *aureum* vocat; iterumque ad finem præfationis **DODECACHORDI** dilaudans: *qui, inquit, omnium scientiarum tractatus varios habebat, ἐγκυλοπαιδίαν* vocant *Græci*. Inerant quinque divi **SEVERINI** volumina de *musicis*: *præterea GUIDONIS ARETINI quædam, BERNONIS, VUILEHELMI, OTTONIS, THEOGERI episcopi, & IOANNIS,* qui postea *Pontifex Max. XXII.* eius nominis fuit. Per hos libros audaciorem se factum profitetur: quod & mihi in suscipiendo hoc opere acciderat; dum ecce codex iste acerbissimo in conflagratione monasterii huius an. 1768. facta, perit cum omni apparatu, quem feceram adornando huic operi *Italianam, Galliam, Germaniam* perlustrando, tum aliis quibusvis studiis, ac opera etiam amicorum solerti.

Id unum solatio erat, quod, qui nunc prodit, tomus primus tunc fere typis expressus esset, exemplaque scriptorum de re musica ex laudato codice descripta iam in aliorum manibus fuerint, præsertim **P. Io. Bapt. MARTINI Bononiensis** Mi-

P R A E F A T I O.

noritæ, quocum amice conveneram, ut dum ipse in eadem musices veteris historia a multis annis desudat, duobus iam editis tomis (tardius nunc demum Cl. Doctor BURNEY *Anglus* certioreme reddit, de historia musices universa abs se in lucem edenda, susceptis, descriptisque etiam eam in rem per *Italiam*, *Galliam*, *Germaniam* itineribus) ego peculiarem partem musicæ sacræ illustrandam sumerem, a prima scilicet ecclesiæ ætate usque ad præsens tempus.

Musica *Hebræorum*, quantum scire interest, satis, ut opinor, ab aliis est pertractata. Quos inter *Mar. MERSENNUS* lucubrationem suam ea de re ab iis scripturæ locis exponendis ordinatur, quæ prophetiam vi concentus musici prophetis contigisse vel insinuant, vel affirmare videntur. Inde ego verisimilius venisse autumo, ut apud ethnicos etiam, *iidem musici & vates & sapientes iudicarentur*, teste *QUINTILIANO Inst. Orat. l. I. c. 10.* quam quod aliis videtur, musicam sacram a *Iudeis* ad alias gentes *Latinos*, *Græcos*, *Syros &c.* transiisse. Ante *DAVIDEM*, & *SALOMONIS* inaugurationem templi musica in usum publici officii divini ordinata dici nequit; cum tamen vel testimonio *LABAN Gen. XXXI. 27.* musica instrumenta adhibita fuerint alio usu, forte in conviviis potissimum. Atqui vero mos antiquissimus fuit, quem loco citato *QUINTILIANUS* refert, inter regalia convivia laudes herorum ac deorum ad citharam canendi, de quo iam *PLATO Dial. II. de republ.* itemque lib. *III. de legibus* testatur, fuisse cantus, *ad deos precibus placandos, quos hymnos vocabant;* & lib. *VII. rectissimum fore, ait, si hymni & laudes DEI precibus mixtae canantur.* Extant etiamnum hymni antiquissimorum poetarum:

P R A E F A T I O.

tarum: quorum versus cani solebant, utque canit THEOCRITUS *Idyll.* 16.

*Semper id est cordi musis, semperque poetis,
Ut divos celebrent, laudes celebrentque virorum*
τμνεῖν αἴθανάτγες, ύμνεῖν ἀγαθῶν πλέον αὐδηῶν.

Suo loco ostendimus SS. Patres, quando fideles ad DEUM hymnis concelebrandum excitant, exemplo Christi & Apostolorum uti, qui hymno dicto exiisse in montem Oliveti, PAULUSQUE & SILAS vel in carcere, media nocte surgentes, DEUM hymnis celebrasse in Actibus leguntur. Quod & alii deinceps Martyres sunt emulati, ut singulari dissertatione de hymnis Martyrum in primitiva Ecclesia, *Ienæ* an. 1700. edita, ostendit *Io. Georg. OSTIUS*: quem quidem si audimus, omnia prope hymnus sunt, quæ SS. Martyres aut dixerunt, aut in PRUDENTII hymnis περὶ σεφάνων, sive *de coronis*, dixisse, seu cecinisse inducuntur.

Nihilominus id ille præterit, quod exactis martyrii S. POLYCARPI, discipuli S. IOANNIS, colligitur apud EUSEBIUM lib. IV. hist. eccl. c. 15. Iacobiique USSERII append. *Ignatiana* p. 25. in oratione a tortoribus interrupta, POLYCARPUM iisdem pene verbis doxologiæ etiamnum usitatæ comma ἀνώστε, ἐνλογῶστε, δοξάζωστε expressisse: uti eius initium *Gloria in excelsis* &c. ex *Lucæ* 1. 14. LIBERATUM & socios Martyres per plateas una voce decantasse, VICTOR Africanus in historia *Vandalicæ persecutionis* lib. IV. narrat: passimque psalmos, aut eorum ἀποσίχια, seu versiculos, in ecclesia præcini solitos, intonasse leguntur. TERTULLIANUS testis est, qua animi contentione,

P R A E F A T I O.

attentioneque fideles, quæ in ecclesia audiebant, percepérint : in libro *de Anima* cap. 9. fororis cuiusdam revelationes enarrans, *Iam vero*, inquit, *prout Scripturæ leguntur, aut psalmi canuntur, aut adlocutiones proferuntur, aut petitiones delegantur*; ita inde materiæ visionibus subministrantur. Sunt hæ divini officii partes apud Christianos, quas EUSEBIUS in Vita CONSTANTINI lib. IV. cap. 45. de restituto per CONSTANTINUM publico DEI cultu commemorat, *orationes, & psalmorum cantus universo populo communes, sacrarum scripturarum lectiones, Pastorum conciones, benedictionem & participationem Sacramentorum.*

Hæc autem qua celebritate exultationeque celebranda sint existimata, ZONARAS & BALSAMON inde declarant, quod luctuoso quadragesimæ tempore, ut iam in Concilio Laodiceno can. 49. statutum legitur, ab Eucharistiæ celebratione abstineatur. *Sacrificare Deo festivæ celebritatis esse putabant, eamque celebritatem hilaritatis atque lœtitiæ, at nullo pacto mœrori quempiam ac lacrymis indulgere, simulque lœtitia exultare & triumphare gaudio posse existimabant.* Hæc ZONARAS in can. Trull. LII. qui est de Missa præsanctificatorum in Quadragesima. Vicissim vero notandus est sexagesimus sextus eiusdem quinisepti Concilii canon de solemnitate paschali rite concelebranda : *A sancta Christi DEI nostri resurrectionis die usque ad novam diem Dominicam tota septimana vacare fideles iugiter oportet psalmis & hymnis, & spiritualibus canticis, in Christo gaudentes, festumque celebrantes, & divinarum scripturarum lectioni mentem adhibentes; ac sanctis mysteriis iucunde & laute fruentes.*

Aberat

P R A E F A T I O.

Aberat nihilominus antiquioribus Ecclesiæ temporibus a simplici illo cantu, experte modulationi musica vel vocum vel instrumentorum, omnis incantatio ille, ut ita dicam, quam S. LEO M. Serm. LXXXVII. qui est quartus de *ieiunio septimi mensis*, proscribit: *Insidioso*, inquit, *etiam sono & mollibus iectibus pulsantur auditus, ut animi soliditas illecebrosa modulatione solvatur, & lethalium consuetudine suavitatum, incauta & parum sobria corda capiantur.* Agit nempe ibi de diversa temptationum arte, qua nobis adversarius noster insidiatur, vocatque *tela dæmonis*; neutquam vero de divina psalmodia seu psalmis, hymnis, & canticis spiritualibus, quibus pie animus in cœtibus ecclesiasticis commovetur. *Dæmoniaca cantica*, sunt verba EVAGRII apud COTELERIUM T. III. *Monument. Ecclesiæ Græcæ p. 281.* cupiditatem nostram cident, animamque in fœdas imaginationes iniiciunt: contra psalmi & hymni, & cantica spiritualia, semper ad recordationem virtutis provocant, ferventem animum nostrum refrigerant, ac desideria extinguunt. Cum tamen proclive sit, ut hic etiam sese insinuet delectationis quidam nocivus sensus, retulimus suo loco, quam studiose SS. Patres id præcavendum allaboraverint. Unum hic addo S. IO. CHRYSOSTOMI locum, qui quidem ad nostrum argumentum de cantu & musica sacra pertinere haud videatur, cum de sermonibus in Ecclesia haberi solitis sit; ad propositum tamen nostrum apprime facit. *Hoc*, inquit, *Hom. XXX. in A&t. Apostol. subvertit ecclesiæ, quod & vos non queritis audire sermonem, qui compungere possit, sed qui oblectet, & tinnulo strepitu & verborum compositione, quasi citharædos & cantores audientes.* Invehitur mox in ipsos

P R A E F A T I O.

facros oratores: *Flosculos verborum & compositionem, & harmoniam curiosus sectamur: ut exhibilaremus, non ut prosimus: ut simus in admiratione, non ut doceamus: ut oblectemus, non ut compungamus: ut plausu & laudibus obtentis abeamus, non ut mores componamus.* Proh! quam apte hæc in musicos nostros, musicamque etiam ecclesiasticam ævi nostri valent, a fine suo sacro prorsus abeuntem, abhorrentemque ab institutis Patrum, ac Ecclesiæ sententia tot sanctionibus prodita.

Id quidem perspicuum fore existimo ex hoc opere *de cantu & musica sacra a prima Ecclesiæ ætate usque ad præsens tempus:* scilicet quibus initiiis ætate prima (quam ad tempora usque GREGORII Magni extendo) progressuque per medium ævum, quo simplici cantui musica polyphona & mensurata seu figurata addita demum est, ad tantum excessum pervenerit a sæculo decimoquinto potissimum, quo musica hodierna, quam figuratam dicimus, olim infucata, semper magis magisque aberrat a suo sancto scopo; numquam tamen tanta, quam nostra memoria præsentique hoc tempore exorbitatione, ausu musicorum lascivientium luxuriantiumque in templis temerario, ac intolerabili: quo eo usque iam ventum, ut nec nomen cantus ac musicæ ecclesiasticae sustineat, nec adeo modus quidem ponni posse videatur, nisi absoluta summarum potestatum auctoritate interposita, in integrum restituatur divini cultus decor profligatus, sacraque nostra profanata, maximo apud nos piaculo, qui iugem in altaris sacrario præsentiam Christi incarnati contra Protestantes acatholicos, minus hac in re culpabiles, agnoscimus; nec satis tamen, ne irreligiosiores, irreverentioresque videamur, fatagimus.

Passim

P R A E F A T I O.

Passim ostendemus altero huius operis tomo, quanta quidem contentione id egerit BENEDICTUS XIV. in epistola encyclica data ad omnes episcopos ditionis ecclesiasticæ an. 1749. *de anno Iubilæo, de cultu templorum, de cantu & musica ecclesiastica*, religiose scilicet ac decenter instituenda, reformandaque. His pie incitata monitis Augusta M. THERESIA instrumenta musica bellica ac venatoria e templis exclusa dudum voluit. Narrat ipse summus revera Pontifex in novissima editione insignis de synodo diœcesana operis lib. XI. c. 7. (ubi iterum agit *de cantoribus eunuchis, ac de musica & instrumentis musicalibus in Ecclesia tolerandis, vel prohibendis*) comperisse se, quæ in illa epistola encyclica tractavit, plerisque piis viris probata fuisse; id vero ab episcopis cavendum vult, *ne theatrales modi ad ecclesiasticos concentus transferantur, neve theatralibus instrumentis ecclesiæ personent.*


Frustra vero omnia esse, vel in ipsa ditione ecclesiastica atque adeo Romæ an. 1762. & 1763. prioribus annis scilicet CLEMENTIS XIII. successoris BENEDICTI XIV. diversatus, didici: nec quicquam obtinebitur, quamdiu circumforaneam quamcunque musicam, a quibusvis quoconque modo concinnatam promiscue ecclesiæ inferre, ac typis etiam edere licet: musicaque sacra eandem semper cum profana mutationem subire permittitur: ac si hæc perinde ac illa ad curiositatem tantum & oblectationem auditorum, vel gloriolam musicorum, auctorum etiam novitati studentium atque admirationi esse cupientium constituta sit. Sed ut cantus planus, quem choralem nominamus, idem sibi semper similis est, ita etiam curandum esset, ut harmonicus gravi decentique habitu incedat, sibi haud diffimile

P R A E F A T I O.

diffimilis, aut dissonans a sanctitate religionis, cui consecratus est: remoto omni ornatu extraneo, qui divinum dedecoret cultum. Quodque in aliis artibus liberalibus hodie egregie fit, ut antiquatis sequiorum temporum *Gothicis* farturis, verus ad prototypon naturæ, præstantissimorumque magistrorum, restituatur ornatus, ita saltem musicam ecclesiasticam cohonestari condeceret, operibus probatissimorum auctorum, quæ feligenda essent, studiose examinata a peritis, probis & sagacibus viris, maturo religiosoque iudicio, ac congerenda vetera & nova ad eandem dignitatem composita, quæ sola fas esset usu sacro in ecclesia audiri, nefastis exesse iussis. Autoritate legitima, typographiæque ope haud adeo difficulter ita rem posse expediri, ordinarique, non obstante cœtuum ecclesiasticorum diversitate, secundum personarum copiam & qualitates, locorumque & temporum circumstantias, ad me nunc non attinet, nec opus est, pluribus docere. Rei momenta prosequor, ex ipsa argumenti serie ponderanda, conversione a prima Ecclesiæ ætate usque ad præsens tempus stupenda:



SYLLA-



SYLLABUS TOMI I.

DE CANTU ET MUSICA SACRA A PRIMA ECCLESIAE ÆTATE, USQUE AD PRÆSENS TEMPUS.



L I B E R I.

DE CANTU ET MUSICA PRIMA ECCLESIAE ÆTATE

C A P U T I.

*De perenni Musicae, ac cantus a prima humani generis origine in Sacris usu,
eiusque ortu, & progressu a prima Ecclesiae ætate.*

Finis primarius Cantus, & Musicæ laus DEI. 1. Quo a prima origine relata. 3. In veteri Testamento a *Iudaïs*. 4. Etiam instrumentalis a tempore *DAVIDIS*. 5. Musica in Sacris gentilium. 6. De Therapeutarum, & primorum Christianorum hymnodia testimonia extranea. 7. De psalmis, hymnis & canticis præcepta apostolica. 8. Exempla ex Scriptura. 9. Testimonia a prima Ecclesiae ætate. 10. Cantorum munus a primordiis Ecclesiae. 11. Munus populi in canto ecclesiastico. 12. Cantis alternum, seu antiphonus in Oriente. 13. Et Occidente. 14.

Aut populi succentu, seu responsorius cantus. 15. Responso populi *Amen*. 16. Doxologia *Gloria Patri*. 17. Cantis *Alleluia*. 18. Psalmorum cantus frequens. 19. Psalmodiæ divina virtus. 20. Ac varia psalmorum genera. 21. Hymni a Christianis elucubrati, non indiscriminatim recepti, præsertim hæreticorum. 22. Inde a primis Ecclesiae temporibus a *Græcis*. 23. Et *Latinis*. 24. Nihil obstantibus adversariis. 25. Fidelibus studiose divinas laudes concinentibus, & devote audientibus. 26. Pastoriibus promovere studentibus.

C A P U T III.

Quænam primæ Ecclesiae ætate in Sacrificio Missæ cantari consueverint.

1. Semper aliqua in Missa fuerunt cantata. 2. Mox in Introitu. 3. Frequens *Kyrie eleison* &c. repetitio. 4. *Gloria in excelsis*. 5. Populi ad salutationem responso, & Collectæ. 6. Cantis ante & post lectiones. 7. Præfertim *Alle-* 8. Symbolum. 9. Offertorium. 10. Praefatio. 11. De hymno *Sanctus* &c. 12. De consecratione, 13. Oratione dominica & benedictione. 14. De canto in fractione & Communione. 15. Dimissio populi,

C A P U T I I I .

Cantus ac Musica sacra aliis in locis, partibusque Officii divini.

1. Sacri Christianorum in hymnis spiritualibus conventus publici, die noctuque, per festa. 2. Vigiliæ paschales, & aliorum præcipuorum festorum. 3. Etiam in carceribus, & martyrio, processionibus, translationibus reliquiarum, exceptonibus hospitum &c. cantus. 4. Cantus in statis litaniarum, seu Rogationum processionibus. 5. Cantus in conviviis, agapis, inter laborandum, aliquis diei momentis. 6. In funere Christianorum. 7. Obsequia moribundis exhibita, ante & post sepulturam. 8. Voces ac cantus cœlitus auditi. 9. Horarum canonistarum cursus. 10. Extraordinaria etiam, aut assidua psalmodia accœmatorum. 11. Communi aliquando fidelium concentu

officium divinum persolutum. 12. Divina psalmodia, seu cursus ecclesiasticus paſſim institutus. 13. Ex psalmorum iugi cantu. 14. Per cantum *Responſorium*. 15. Tractum, totius psalmi decantatione ab uno facta. 16. Alternum seu antiphonum, cui opponitur *indirectum*. 17. Repetitæ antiphonæ. 18. *Alleluia, Gloria Patri*, orationes in fine. 19. Orationes & lectiones inter cantum psalmorum, post lectiones responsoria. 20. Hymni. 21. Uniformis ordo in divina psalmodia. 22. De nocturnis vigiliis tum fidelium. 23. Tum præser-tim monachorum, & clericorum. 24. De matutinis laudibus. 25. De horis diurnis. 26. De Vesperis & Completorio.

C A P U T I V .

Qualem habuerint, eſſe que voluerint prima Ecclesiæ ætate Sancti Patres ecclesiasticum cantum.

1. Vetus musica *Rhythmica* & *Metrika*. 2. An harmonica musica primis seculis in usu? 3. Qualis cantus prima Ecclesiæ ætate fuerit. 4. An aliquis instrumentorum musicorum usus fuerit prima hac ætate. 5. Quales cantus & voces veteres probabant. 6. Qualisque spectatus finis & modus. 7. Ab

iis, qui cantum ecclesiasticum promoverunt. 8. Probaruntque ob insignes eius effectus. 9. Ad monendum pie affectum animi. 10. Ut mens aliena non sit ab eo, quod canitur. 11. Aut etiam opera. 12. Peroratio de cantu ecclesiastico prima ætate.

LIBER II. PARS I.

DE CANTU ET MUSICA ECCLESIASTICA MEDII ÆVI.

C A P U T I .

De statu & progressu Cantus ecclesiastici, Romani præsertim medio ævo.

1. Ars musica exulta medio ævo veterum exemplo. 2. Usque ad excessum. 3. Frustra tamen hæreticis eius usum damnantibus. 4. Cantus *Gregorianus*. 5. Cantus *Ambrosianus*. 6. Eius cum officio *Ambrosiano* fata in *Italia* & *Germania*. 7. Ritus *Mozarabici* in *Hispania* mutatio. 8. Cantus *Gregoriani* in *Anglia* propagatio. 9. Cantus *Gallicanus*. 10. Cui deinceps cum officio *Romanus*

substitutus paucis exceptis. 11. Sub *Pipino*. 12. *Carolo M.* 13. In urbe *Metensi*, paſſimque in *Gal- lia*. 14. ac *Germania*. 15. Et alibi, cura præser-tim *Caroli M.* in disciplina cantus undique insti-tuenda. 16. Item *Ludovicii Pii*, controversia tunc orta inter *Lugdunensem* & *Metensem* Ecclesiam. 17. status musices per medium ævum sac. *IX.* & *X.* &c. 18. Etiam apud *Gracos*.

CA-

C A P U T I I.

De Cantoribus, & eorum functionibus.

1. De choro canentium, seu cantorum in Ecclesia.
2. De schola cantorum *Rome*.
3. Et alibi.
4. Ordo cantorum.
5. De munere & dignitate canticorum, concentorum, succentorum, praecentorum, primicerii, canonarchæ &c.
6. Item Archichori, armarii &c.
7. Ad cantum peculiariter norati, & assumti.
8. Ad id muneris apti factique.
9. Cantores a prima infantia.
10. Ad dignitates haud raro evecti præcipuas.
11. Cantores episcopi, & principes cantu delectati.
12. Multibus cantus interdictus in liturgia sacra.
13. Et vox suavi in cantu, quomodo?
14. Cantores non vni iussi cantabant.
15. Locus, instrumenta cantorum in Ecclesia.
16. Oblatio vini vel aquæ a cantoribus facta cum mappula.
17. Vetus cantorum.

C A P U T I II I.

De ipso Cantu, qualis in Ecclesia fuerit medio ævo, ac cantionum generibus.

1. Cantus notio & incrementa medio ævo.
2. Antiphonus.
3. Responsorius & Tractus.
4. De Neumis.
5. In *Alleluia*, *Kyrie eleison*, antiphonis.
6. De tropis, prosis & sequentiis.
7. Lingua vulgari rhythmicæ cantilenæ.
8. De cantus moderatione.

C A P U T I V.

De solemnis Missæ decantatione.

1. Qualis cantus in sacra liturgia.
2. Cantus Missæ privatæ lectio dicta.
3. In Oriente & Occidente, ubi etiam Graece nonnulla cantata.
4. Varius ritus in Occidente.
5. *Gallicanus* & *Mozarabicus*.
6. *Romanus*.
7. Introitus ad Missam.
8. De veritu, seu psalmo Introitus, eiusque cantu antiphono & tropis.
9. Tropi ad Introitum.
10. De cantu *Kyrie eleison* seu Litaniæ.
11. Tropi ad *Kyrie eleison*.
12. *Gloria in excelsis Deo*.
13. Et cum tropis.
14. De orationibus, & salutatione cum responsione populi.
15. Laudes cum Litania: *Christus vincit* &c. Apud Graecos hymnus ter sanctus,
- doxologia.
16. Lectiones, & cum eis coniunctus cantus.
17. Graduale.
18. Hymnus trium puerorum.
19. Tractus.
20. *Alleluia*.
21. Sequentiæ.
22. Sequentiarum primus auctor.
23. Evangelii festiva deportatio, & cantus.
24. Symbolum.
25. Offertorium.
26. Præfatio.
27. *Sanctus* &c.
28. Sub canone & consecratione responsiones populi & cantus.
29. Cantus diptychorum.
30. Oratio dominica.
31. Benedictio solemnis ad *Pax Domini* &c.
32. *Agnus Dei*.
33. Communio.
34. Populi dimissio solemnis.

C A P U T V.

Cantus & Musica sacra medio ævo in administratione Sacramentorum, ritusque variis, præsertim in horis canonicis decantandis.

1. Cantus in administratione Sacramentorum in Occidente.
2. Et Oriente variis sacris publice & private.
3. Ritus *Ambroianus* Ecclesiæ Mediolanensis pro horis canonicis.
4. *Mozarabicus* in Hispania.
5. Cursus *Gallicanus*.
6. *Romanus* divini officii ordo.
7. Variis mutationibus & additionibus expositus.
8. Laus perpetua.
9. Horarum canonistarum publica, & privata decantatio.
10. No-
- cturnæ vigiliæ.
11. Matutinæ laudes.
12. Horæ minores.
13. Vesperæ & Completorium.
14. Iugis usus in horis canonicis psalmorum & canticorum sacræ scripturæ.
15. Psalmodia ad laborem & refectionem.
16. Usus antiphonarum in horis canonicis.
17. Responsoriorum item.
18. Hymni.
19. *Te Deum laudamus. Gloria Patri*.
20. *σιχαι, σιχηρα* versus.

CA-

C A P U T V I.

*De Cantu & Musica statim per annum diebus, ac solemnitatibus, aliisque tum
ordinariis, cum extraordinariis divini Officii partibus.*

1. De solemni Officio in Adventu & Nativitate Domini. 2. In Septuagesima vel Quadragesima *Alleluia* omisso in Occidente. 3. De Officio quadragesimali. 4. De Triduo ante Pascha. 5. A Paschate usque ad Pentecosten. 6. De rogationibus, litaniis, processionibus. 7. De festis Sanctorum. 8. De cantu in translationibus Sanctorum. 9. In Synodis, acclamationibus, exceptionibus &c. 10.


In benedictionibus Abbatum, Abbatissarum. 11. In agone & funere christiano. 12. In Officio defunctorum. 13. Alia exercitia, preces, & psalmodiæ. 14. Cursus & antiphonæ de B. V. de S. Cruce, omnibus Sanctis &c. 15. Cantus in vulgaribus probationibus, per ignem, aquam &c. 16. Antiphona: *Media Vita.*

C A P U T V I I.


De libris ad Officium, Cantumque sacrum medio ævo pertinentibus.

1. Varii libri liturgici, ad cantum ecclesiasticum pertinentes. 2. Lectionarii varii etiam cum cantu. 3. Psalteria. 4. Sacramentaria, Gradualia, Antiphonaria, Responsalia &c. 5. Ritu Me-

zarabico. 6. In Officio Ambrosiano. 7. In Anglia, Hybernia, Germania. 8. In Galliis. 9. Ac in Oriente.



ante pagin: 1.



Ex veteri Msc. San - gallensi

Johann Haas Del et Sculpsit



Joh. Hag. Sc. Stan.

DE CANTU ET MUSICA SACRA

A PRIMA ECCLESIAE ÆTATE, USQUE AD PRÆSENS TEMPUS.

LIBER I.

DE CANTU ET MUSICA PRIMA ECCLESIAE ÆTATE.

CAPUT I.

*De perenni musicæ, ac cantus a prima humani generis origine
in Sacris usu, eiusque ortu, & progressu a prima Ecclesiæ ætate.*

I.

Antus musicæque primarius finis est, & esse debet Finis pri-
marius can-
tus & musi-
ca laus
DEI. Dei gloria, ac laus, sonis & vocibus quibuscunque demum, sive inanimatis, sive animatis expressa: humanis vocibus ad id aptis, factisque, ut Deum collaudare, & prædicare suapte, atque mentes suavi sono concentuque ad illius laudes excitare, & commovere valeant. Deus porro sicut ceterarum artium, ita huius quoque, de qua nunc oratio instituitur, in ipsa natura rerum sonorum principia, atque in mentibus hominum se-



2 L. I. DE ORTU ET PROGRESSU MUSICÆ

a mina iecit ; idque apud HOMERUM a) etiam musicus confitetur, sibi artem canendi a DÉO inditam menti.

Quo a primo origine re-lata. II. Divinum quoddam initium id genus hymnis in divino celebrando Numine laudandoque sacra Scriptura assignat. *Ubi eras, ipse DÉUS IOBUM alloquitur, cum me laudarent simul astra matutina, & iubilarent omnes filii DÉI?* Ubi notio γένους, cantum clara, atque sonora voce factum denotat. Idem statuendum est principium a rationalibus creaturis DÉO impensi cultus & religionis, atque eiusmodi laudis. Et quis dubitet, primos parentes in iustitia & sanctitate creatos, DÉUM in paradiſo cantu celebraſſe? Quo in felici statu constituti, omnibus scientiis infusis imbuti, haud egebant ab avicularum concentu emendicare canendi peritiam, quæ vulgo tenetur opinio : cum & suapte natura ad canendum ducamur. Id vero quis sibi persuadeat, cum omnia cantu implerent in paradiſo avium chori, reticuisse hominem, quin aliquid in laudem sui Creatoris modularetur? Suopte vero instinctu naturæ & mira prouitatem cum ad cantum feramur, vel hinc opus haud fuerit auctorem huius rei prodere. Primos tibicines & fidicines prodit Scriptura, quæ debentur inventioni & ingenio hominum, non ipse cantus. Sic nec memoriæ proditum est, quando primum modulato sono contentio-neque DÉI laudes celebrari publicis in conventibus cœperint. An, dum Gen. IV. ult. Scriptura refert ENOSI ætate cœpisse invocari nomen Domini, sub id temporis publica etiam carmina, quæ demum cunque adhibita fuerint, in sancto DÉI cultu? quod nonnemini est visum. Neque asseverari tuto potest, MALALEEL, seu MAHALEEL, qui inter primos ADÆ posteros numeratur, nomen fortitum fuisse a γένετη, quod in divinis concinendis laudibus aliquando fore, ut emineret, ore præfago visus fuerit. Nec vero Scriptura memorat, IUBAL, qui pater dicitur canentium cithara & organo, ad DÉI potissimum honorem hæc musica impendisse instrumenta. Qua de re eo magis dubitare licet, quod ex perdita CAINI stirpe fuerit. Nomen inde derivatum musico instrumento, ac metonymice sono & clangori in scriptura sacra tribuitur, unde apposite licet latinum vocabulum *iubilum* derive-re; atque etiam nomen dedit celebri usque ad præsens tempus anno iubilæo γένετη apud Hebræos quinquagesimo: ad cuius auspiciū buccinæ inflabantur, earumque clangore captivis liberatio, servis libertas, debtoribus remissio fœnoris, venditoribus fundorum restitutio, & cuiuscunque ad familiam suam reditus significabatur. Musicam tamen, vocalem præsertim, iam ante IUBAL usu venisse, huicque memorata solum instrumenta KINNOR & UGABB in acceptis esse ferenda VOSSIUS b) & REIMMANNUS c) volunt.

III.

a) Θεὸς δέ μοι ἐν φρέσιν σύμμας πανταῖας ἐγένετο.

b) De natura & constitut. Poesios lib. I. c. 3.p. 13.
c) Einleitung in die Histor. antediluv. Sect. I.

III. Musicæ sacræ ante tempora Moysis exitumque *Israelitarum* ex *Ægypto* nulla in publico DEI cultu fit mentio. Cum vero Moysis & *Israelitarum* mores & instituta, antea etiam pleraque a Patriarchis fuerint adhibita, ut multis exemplis ostendi potest, argumentum inde repetitur, hymnos & musicam non tum demum in religionis officiis locum accepisse. Apud *Hebreos* musicæ usus iugis fuit in DEI laudibus. a) Eo pertinent a DEO afflatis hominibus profusa cantica, inde a Moyse, & eius sorore. Cuiusmodi in sacris paginis occurrunt etiam integri libri: præsertim autem a DAVIDE & SALOMONE editi prostant psalmi מִשְׁנָה etiam dicti, seu hymni, quod ad laudem DEI canerentur. b) Quidam ex illis speciali titulo מִשְׁנָה, *mishnor*, *psalmi* gaudent, an quod maiori artificio melos ipsis esset aptatum? cum aliis nomen esset וּבָשׂ, *odes*, quorum scilicet ratio canendi a vulgari pronunciatione non multum recedebat; nonnullis מִשְׁנָה וּבָשׂ, aliis שִׁיר וּבָשׂ tituli loco præfigitur, ut quibusdam videtur, c) quod illic a psalmodia fieret initium, & huic postremo responderent symphoniaci ἀντιφωνήσεις, seu respondentes voce, istic vero ab organis initium duceretur, cui respondebant psalmorum antiphonæ. Quibusdam tandem יַגְגָּשׁ, *schiggaion*, seu odæ erraticæ nomen datum fuit, ut innueretur, aberrationem ab incepto tono fieri ad abreptionem animi, & affectuum vehementiam significandam. Dubitat ORI-

In veteri Testamento a Iudeis.

a

b

c

q. 43. p. 41. Fuit nonnullorum persuasio, celebratas illas antediluvianas columnas ad musicam pertinuisse: Nam, inquit Adam de FULDA P.I. c.7. Scriptor sœc. XV. de Musica, ante diluvium in duabus columnis per eum (IUBAL) scripta fuisse dicitur, una latericia, & altera marmorea propter metum ignis & diluvii. Quod ipsum quidem JOSEPHUS L. I. Ant. Iud. c. 2. affirmat, dicitque, eas in terra SYRIA hucusque permanuisse. Sed vero a filiis SETH disciplinam rerum cœlestium & ornatum earum eiusmodi columnis inscriptas memorat, quas sunt qui ADAMO, CAINANI, Noë, CHAMO, imo ABRAHAMO, denique alii THUBALI tribuerunt; de IUBAL nihil nspiam legi. Missa facimus, quæ apud BULÆUM T. I. Hisl. Acad. Parif. p. 110. ex Scripto medii ævi referuntur, ABRAHAM docuisse quadrivium, id est quatuor artes, arithmeticam, geometriam, musicam, & astronomiam.

a) Iam D. CALMETT dissert. in *Musicam Hebreorum* obseruavit, nspiam in scripturis apparere, notum fuisse apud *Hebreos* usum musicæ in theatris atque spectaculis, quod etiam apud Græcos recentius habetur inventum.

b) „Canticum itaque Domini (verba sunt S. AMBROSTI proœmio in Psalmos) ficut ros mollior descendit e celo, & fidem hominum sicut granum imbre quodam gratiae spiritalis infudit. Duo igitur cantica in libris MOYSI, tanquam duo mundi oculi, ecclique lumina, totum corpus operis eius illustrant. At vero DAVID principaliiter a Domino ad hoc munus electus est; ut quod in aliis rarum præeminere reliquo in opere videtur, in hoc inge & continuum refulgeret. Unum canticum legimus in libro *Judicum*, reliqua historie more decursa, quibus expressa sunt gesta maiorum. Unum ESAIAS canticum scripsit, quo legentium corda mulceret: in reliquis terribili tuba correptionis infremuit. Canticum ei, ut ipsi quidem inimici obiecere potuerunt, qui eum propter alia dicta usque ad necem sunt persecuti. Unum DANIEL, unum HABACUC, SALOMON ipse DAVID filius licet innumerata cantica eccliuſſe dicatur, unum tamen, quod Ecclesia reperit, Canticorum Canticum dereliquit. „ Progreditur deinde ad eundem, qui caput est, psalmorum librum.

c) Vid. Salomon VAN TILL veterum, imprimis *Hebreorum*, Poetice & Musica &c. Stephanus LE MOYNE Var. Sac. T. II. p. 970.

4 L. I. DE ORTU ET PROGRESSU MUSICÆ

*Tom. II.
Nov. Edit.
S. Maur. pag.
519. c.*

GENES de psalmis, qui inscripti sunt *oratio*, ὡς ἐπιγεγραμμένοι προσευχὴ. Forte, inquit, nec *psalmi*, nec *cantica*, nec *hymni* sunt, sed *nudæ orationes*, orantium convenientes affectui & habitudini, nec non omnibus, qui eodem, ac ii, de quibus dictum est, mentis affectu sunt. Qua de re quidquid sit, celebris apud

a *Iudeos* fuit musicæ disciplina, coetus etiam Prophetarum. a) In colle DEI erant præside SAMUELE coetus Prophetarum, Doctorum & discentium, qui crebro filii Prophetarum appellantur. Horum pensum fuit (iuxta ALTINGIUM, *Hist. Acad. Hebr. p. 23.* & *Andr. SMIDIUM, de Cantor. Eccl. V. & N. T. p. 2.*) musicam exercere, & prophetare, vel hymnos componere in laudem DEI, de qua ibidem erudiebantur. Huc omnino spectant verba illa:

Post hæc venies in collem DEI, ubi est statio PHILISTINORUM, & cum ingressus fueris ibi urbem, obviam habebis gregem Prophetarum descendantium de excelso, & ante eos psalterium, & tympanum, & tibiam, & citharam, ipsosque prophetantes. Ad hunc locum *Cum prophetia*, ait R. *Dav. KIMCHI*, *illorum, erant cantica, & celebrationes nominis divini.* Constat etiam cultum Leviticum præcipue psallendo ac canendo constitisse, maxime a DAVID adornatum. Ac quidem cantores (de cantricibus dubitat cum aliis D. CALMET disp.

b in musicam *Hebræorum*, an in obsequium templi unquam fuerint, b) quod aliis vero haud absimile videtur) ex singulis tribubus erant; chori nihilominus musicorum singulatim fuerunt instituti, atque a DAVID, coelesti monito, cultui divino destinati, ex familia KAATH, GERSON & MERARI; quin tamen prohiberentur reliqui *Israelitæ* suam iungere vocem Levitarum cantui, modo in atrio ISRAELIS consisterent, nec penetrarent in atrium Sacerdotum, miscerenturque Levitis. c) A S. CLEMENTE Alexandrino exemplum musicæ simul psallens & prophetans, ponitur DAVID, DEUM concinne lassans. Idem refert, sacram *Hebræorum* musicam in templo, plerisque *Doricum* retulisse gravissimum, & vetustissimum musicæ

*L. VI.
Stromat.*

a) Legi meretur IO. H. BOCRISII observatio T. IV. Miscell. lipf. p. 56. &c. de *musica Prae exercitamento Ebræorum ad sapientiam diviniorum*, & MAR. MERSENNUS de *Musica Hebræorum*, ubi ab iis scripturæ locis exponendis initium sumit, quæ prophetiam vi conceperunt musici prophetis contigisse vel insinuant, vel affirmare videntur.

b) Vid. IAC. SCHUDT de cantricibus templi apud Blas. UGOLINUM Thes. ant. Sacr. T. XXXII. p. 656. & p. 572. BERNARDI LAMY diss. de Levitis cantoribus Add. IO. LIGHTFOOT *Missionarium templi Hieros. Sect. II. de cantoribus & musica templi*, & IO. WALLSIUS de *pulmorum titulis* inter opera miscellanæ p. 296. &c.

c) Refert JOSEPHUS, Lib. VII. Antiq. Iud. DAVID septem constituisse choros, & eos canentes ac præcinentes, ipsum subsecutum, dum arca Hierosolymam deportaretur. Alias inter quatuor millia viginti quatuor numerantur ordines per annum distributi, inter quos capita erant ASAPH, HEMAN, & IDITHUN a DAVID instituti. I. Paralip. XXV. 1. v. 7. Fuit autem numerus eorum cum fratribus suis, qui erudiebant canticum Domini cuncti Doctores ducentæ octoginta oœlo. Inter hos CHONENIAS, ut legitur c. XV. 22. v. 27. Princeps Levitarum propheticæ præterat ad præcincinnandum melodiam: erat quippe valde sapientis. Mox nominantur Cantores & CHONENIAS, Princeps Prophetarum

musicæ genus, totum fere in spondeis & productioribus syllabis versans. ABEN ESRA in Psal. VI. testatur, esse, qui titulum תְּנִינָהּ super octavam interpretentur cantilenam, cui sunt octo toni, seu soni. Quod generi diatonico congrueret, octo tonis contento, in quo genere modus DORICUS primus censetur. IO. HARENBERGIUS alios etiam modos musicos, vel in ipsa psalmorum inscriptione invenisse visus est. AEOLIUS, ait, dicitur *Comment. de mus. vetustis.* Aijeleth in inscriptione psalmi Davidici XXII. si quid assequi licet divinando. Ionicus autem vocatur τονος in epigrapha odæ Davidicæ LVI. Sic etiam Julius BARTOLOCIUS Tract. de musicis instrumentis Hebraeorum septem omnino tonos notat, octavum vero recentiores addidisse. S. CHRYSOSTOMUS, EUTHYMIUS, & alii SS. Patres vocem διάψαλμα, seu τόνος, Sela, passim in psalmis occurrentem, cantus quandam, seu melodiae immutationem designare putant, quod iam ab ORIGENE fuit notatum. Utrum autem, inquit, cuiusdam musicæ cantilenæ, aut rhythmii immutationem, qui interpretati sunt diapsalma, senserint, aliudve intellexerint, tuo iudicio derelinquo. VAN TILL, postquam varias de voce hac Sela, seu diapsalma retulisset opiniones, suam etiam subdit, ex originatione τόνος, esse admonitionem ad tubicinem, ut elatiore fono signum mutandæ melodiæ daret. Varias va- riorum sententias & disquisitiones de voce Sela vide apud mox citatum Bl. UGOLINUM. Quodsi ad modum musicum mutandum pertinuit in genere diatonico, convenienter id factum fuisse dici potest, quomodo in Ecclesia christiana secundum octo modos eius generis instituitur cantus: est vero singularis melodia psalmi CXIII. In exitu Israel de Egypto, forte e synagoga repetenda, ad eum modum, quem nunc diximus esse τόνος appellatum. Psalmum hunc Hebrei in maxima solemnitate sua ad immolationem agni paschalis singulari cum lætitia decantarunt. Ad eandem etiam originem haud inepte refertur distinctio illa, quæ in psalmorum can- tu ecclesiastico adhibetur in medio, ac in fine versuum, secundum accen-

inter Cantores, unaque Rex DAVID. Cui preci-
pua, nondum ædificato templo, ornatae in cul-
tu Levitico musicæ laus tribuitur. De eo-
dem singularem affert locum Stephanus LE MOYNE Var. Sacr. T. II. p. 977. ex HIPPOLYTI
Portueniæ libro ined. Bibl. Laurentiane in Psal-
mos: Post Mosis disciplinam, liber psalmorum
novam invexit doctrinam, & novum institutum
cultus DEI. Et est velut secundus liber disciplinae
post MOSEN. Nam DAVID oraculo & quasi Spi-
ritu DEI monitus, novam rationem psalmodiæ
prædidit Hebreis, per quam sustulit, & removit
cultum sacrificiorum a MOSE institutum, & no-

*Comment. de
mus. vetustis.
Vol. IX. mis.
Lips. p. 217.
an. 1752.*

T. II. No. 8.
Ed. p. 516.

Dicht- Sing-
und Spiel-
Kunst. p. 477.
A.

vam DRUM colendi invexit rationem per hym-
nos & cantica. Habes hunc locum apud COR-
DERIUM, Catena in Psalm. Proem. P. X. De
eodem DAVID S. AUGUSTINUS, L. XVII. de
Civ. Dei c. 14. Erat DAVID, inquit, vir in
canticis eruditus, qui harmoniam mysticam non
vulgari voluptate, sed fidei voluntate dilexerit;
eaque DEO suo, qui verus est DEUS, mystica rei
magna figuratio servierit. Diversorum enim
sonorum rationabilis moderatusque concentus con-
cordi varietate compactam bene ordinatae civita-
tis insinuat unitatem.

6 L. I. DE ORTU ET PROGRESSU MUSICÆ

tuationem carminibus *Hebræorum* adiunctam : quæ duabus aut tribus constant partibus, ut si solito longior esset sententia, prior iterum dividetur pars : quemadmodum etiamnum fit in nostra psalmodia ; alias autem in medio paululum quiescit, ac in fine respiratur, seu alteri choro in cantu antiphono suis per vices versus decantandus relinquitur. Ad quem ordinem per vices alternatim canendi referri potest vox *τεῦ*, quæ in variis Vet. Test. canticis occurrit : veluti Exod. XV. XXXI. Num. XXI. 1. Reg. XVIII. XXI. XXX. Ps. LXXXIX. &c. S. AUGUSTINUS & THEODORETUS titulum Ps. LXXXVII. de chororum ordinibus invicem sibi respondentibus explicant: quasi instituto solenni cantu in tabernaculo Domini sub DAVIDE etiam cantus responsorius esset frequentatus. Titulus est : *Filiis Choro. In finem. Pro Macheleth*, sive *in chorea*, ut AQUILA, aut *per chorum*, ut SYMMACHUS vertit, *ad respondendum. Responsio autem*, inquit THEODORETUS, *tacite innuit, chororum ordines invicem sibi respondentes.* Sed tota res hæc de psalmorum titulis incerta est perinde ac de

Lib. II. c. 2. accentuum usu musico. Wasmuthus in Vindiciis S. Hebr. Scripturæ dissentientium rationes solvit. Gottlieb Werensdorffius de Prudentia in cantionibus ecclesiasticis adhibenda ex Hebræorum cum Grammaticorum tum Magistrorum scriptis constare testatur, apud Iudeos modernos de accentibus & melodiis psalmorum aliarumque cantionum veteris instrumenti certi haberi nihil. Et sane, addit, accentus in cantando ab ipsis non attendi, vel hoc unum argumento est, quod aliter diebus festis maioribus, aliter minoribus canunt, nec tamen mutant accentus. Omnis igitur disciplina de EBRÆORUM numeris modisque exspiravit. Plerique enimvero accentuum hebraicorum usum non solum ad distinctam legendi rationem, sed etiam ad vocum modulationem, chorali nostro cantui haud absimilem, statuunt, distinguntque accentus grammaticos, rhetoricos, musicos, quorum usus in eo consilitat, quod Iudei in synagogis suis iuxta illos, tanquam musicas intervallorum notas cantillant lectiones Mosis & Prophetarum sabbaticas. Et propter harmoniæ varietatem etiam variae & multiplices sunt accentuum Hebræorum figuræ (licet grammatici & musici coincident, excepto forte decalogo, ut in MSS. advertere est) ut quælibet dictio sicut melodiam, ita & accentum peculiarem habeat. Id quod Georg. Abichtius in Arte distincte legendi & interpretandi Scripturam V. Test. probat, allatis ex Talmude Hierosolymitano ac Babylonico, Masora item & ELIA Levita, testimoniosis, qui unanimi consensu Scripturam secundum accentus lectam & decantatam esse profitentur. Probat idem ex duplice vocum quarundam accentuatione, accentuum servorum multitudine, & hebraicorum accentuum cum Græcorum notis musicis convenientia. Fatetur tamen, musicum

*Accentus
musici.*

Pag. 28.

musicum accentuum hebraicorum usum vel exspirasse prorsus, vel ob ingenitum *Iudeorum Germanorum & Polonorum* in cantu discrepantiam incertum satis esse. *Mich. BECK*, qui contra *Samuel. BOHILIUM* accentuum hebraicorum usum musicum sing. *Dissert.* defendit, ultiro tamen largitur, apiculis istis non designari musicam illam antiquam, qua *Mosis & DAVIDIS* tempore sacra cantica decantabantur, statuitque illum cantum magis, ut hodie loquuntur, figuratum & cultiorem fuisse, quam rudior ille modulus, quo *Iudei* utuntur, solentque, quod præcipuum erat *Bohili* argumentum, cantillare textum ex codice non accentuato: respondet autem *BECKIUS* assuefieri *Iudeos* cura informationis domesticæ huic cantillationi ad ductum accentuum adornandæ ex codice prius accentuato & punctato. Alia est etiam scala a) musicalis accentuum *Hebreorum* ad mentem *REUCHLINI*, quam ex *BECKIO* afferimus, alia *Iudeorum* in suis synagogis; variatque non solum pro diversis nationibus, sed etiam prout sunt diversi libri sacri, quibus in suis Sacris utuntur *Iudei*. Utrumque patet ex discrepantia *Germanorum, Italorum & Hispanorum Iudeorum*. Melos exhibit P. Pet. *GUARIN*, Ord. S. *BENEDICTI*, Congregat. S. *MAURI* in *Grammatica hebræa*: quamvis ea omnia, quæ de musicis accentibus narrant *Iudei*, neque a nobis, neque ab ipsis etiam fortasse percipi existimet; pro certo autem habeat hodiernorum *Iudeorum* musicam a veteri, quæ *Mosis*, aut *DAVIDIS* temporibus in usu erat, plane esse diversam. Discrimen cantillationis huiuscemodi *Hispanicorum, Italicorum, & Gallicorum Iudeorum* quoque in tabula exhibit P. Io. Bapt. *MARTINI*, quoad ipsis psalmos: aliud est quoad accentuum rationem, quo in synagoga utuntur decantando Pentateuchum, confusis admodum vocibus, ac incon-

*T. I. Theol.
Philol. The-
sauri p. 563.
&c.*

a

*Lib. II. Parte
altera p. 329.
&c.*

*T.I. Historiae
musicæ Itali-
ce editæ ad
p. 424.*

a)

dito

8 L. I. DE ORTU ET PROGRESSU MUSICÆ

c. XLVII. II. dito clamore, secus ac apud Ecclesiasticum de instituto per DAVIDEM cantu refertur: *Et stare fecit cantores contra altare, & in sono eorum dulces p. IV. p. 130. fecit modos.* In libro COSRI quærit Iudeus: *Quid vero censes? Existimansne illos musicæ peritos fuisse secundum eius modos, an vero non?* Respondet COSRI: *Tunc temporis citra dubium fuit perfectissima, & varie excitans & afficiens animos, sicut de ea dicitur, quod permovereat & transferat animam ab una proprietate (affectu) ad alteram. Quod hodie de ea scitur, nihil est ad comparationem eius, quod olim fuit: quia hodie contemptibilis redditum est, dum ei operam dant ancillæ & vilissimi quique homines.*

Proinde descendit vel decidit a dignitate sua, sicut & vos ea excidistis. Certe apud nos synagogas intrantibus, non idem, quod P. MARTENIO, & socio DURANDO, qui adhuc superstes id mihi est contestatus, Carpenteriaci accidit, atque in itinere suo litterario referunt, *In conventibus suis, aiunt,*

a) *psalmos hebraice canunt eleganti cantu. Cantari nobis fecimus a pueris Iudeis, qui nos extra nos rapiebant.* Tractatus de Musica veterum Hebraeorum excerptus ex schilte Haggibborim nunc primum a Bl. UGOLINO P. II. Vol. XXXI. Thes. Eccles. ex Hebraico latine redditus docet p. XIV. quomodo Hebrei etiam musicum concentum pluribus vocibus edant. Psalmos, quos singulis diebus, ac festivitatibus canerent in suis synagogis,

*Temple service c. 7.
Edit. Complut. 1526.
4to.* LIGHTFOOT designat. Quomodo autem alia etiam promiscue iam olim cantarint praeter psalmos, ALPHONSUS de Zamora in sua grammatica refert: quinque videlicet libros Moysis, & alias historias sacras, tono dulci, & pleno, prophetias accentu rudi & severo, psalmos tono gravi, qui ad extasim ac contemplationem adducebat, proverbia melodia animos facile subeunte, Ecclesiasten tono serio, ac severo, Canticum canticorum hilari cantare solitos fuisse. Sub anathemate vetitum erat musicis mutare modos, quod fulmen erat synagogæ. Refert D. FLEURIUS, qui de hac re scripsit, se vidisse fragmentum cum notis musicis antiquis cantu maxime harmonico. Si SUIDÆ fides, perierunt veteres notæ Hebraorum ARCADIO imperante. Vestigia veteris musicæ Davidicæ I. Ch. SPEIDE-

b) *lius, b) secundum voces suas distincte diversas, tonos, notas, moderationem ordinis seu numeros, & repetitiones, scrutatus est. Facit huc etiam Salomonis VAN TILL liber iam citatus, quæque magna contentione disputata sunt de metrica psalmorum conscriptione, ac poesi Hebraorum, cum qua vetus eorum musica intercidisse visa est. Ea iterum inventa, ut spem faciunt auctores Galli novi Tractatus*

diplo-

a) *P. I. p. 289.* Dans leurs assemblées ils chantent des Psaumes en hébreu, dont le chant est charmant. Nous en fimes chanter un a des

petits Juifs, qui nous enleverent. b) *P. Christoph. SPEIDELS unverwerfliche Spuren von der alten Davidischen &c.*

diplomatici, de veteri etiam musica *Hebreorum* aliquid sperare licet, quæ apud *Iudeos* unacum templi excidio in eorum dispersione periit, ut postulantibus, quod in psalmo CXXXVI. habetur: *Hymnum cantate nobis de canticis Sion*; quod sequitur solum reponere possint: *Quomodo cantabimus canticum Domini in terra aliena?* ac potius in nostra psalmodia, nostrisque in ecclesiis, quam eorum synagogis avitus cantus *Hebreorum* secundum *Poësis Hebreorum*. plerique *JOSEPHUS* (qui *MoySEN* composuisse ἐν ἑξαμέτρῳ τόνῳ, *DAVIDEM* L. II. *Ant.* trimetro, & hexametro versu, instrumentisque musicis comparatis docuisse *Le-Iud. c. 16.* *vitas ad pulsum eorum laudes DEI decantare, perhibet) *PHILO*, *S. HIERONYMUS*, cum recentioribus non paucis, tum *Rabbinis*, cum christianis Doctribus *VATABLO*, *Theodoro HERBERTO*, *GOMARO*, *MEIBOMIO*, metri aut rhytmii rationem in psalmis, ac canticis hebraicis veteris Testamenti statuunt; alii vero veluti *Augustinus EUGUBINUS*, *SCALIGER*, *CAPELLUS*, *LOESCHERUS*, *HILLIGERUS*, *CALMETUS* hoc negant, naturamque poëeos hebraicæ in oratione vehementi, incitata, gravi, luminibus verborum sententiærumque conspersa, atque in stilo potius, quam syllabarum numero ponunt, uti laudatus *CALMETUS* in singulari dissertatione probat de poesi veterum *Hebreorum* talem ante *MOSEN* apud *Iudeorum* maiores, tum apud *Græcos*, testibus *DEMOSTHENE*, *DIOGENE Laertio*, ac *CLEMENTE Alexandrino*, & apud *Iudeos* sequentibus temporibus in usu fuisse, ut nihil artis ei inesse cognosci possit a).*

a

IV. Instrumenta varia musica in sacris *Iudaicis* fuisse adhibita, dubitare non licet, sed non æque ante *DAVIDEM* & *SALOMONEM*. De *DAVIDE* habetur: *DAVID autem & omnis ISRAEL ludebant coram Domino in omnibus lignis fabrefactis, & citbaris, & lyris, & tympanis, & sistris, & cymbalis.* *DAVIDEM* lusisse caram *SAULE* legimus כנור, *kinnor*, cithara vel *psalterio*. Cui geminum erat נב. Quod voce *nabulum*, *naula* apud alias etiam gentes usitatum in pompis & cærimoniali religionis docet *CALMET*

a) „Vera igitur (eum *Er. LOESCHER* *Io. Zuch.* *HILLIGERUS* de psalmorum, hymnorum, atque odarum discrimine loquitur) & genuina carminum facrorum, & imprimis *Hebreorum* indoles, quantum adhuc penetrare licuit, in tribus consistit momentis, quorum prius est, ut brevibus constent membris, quæ per accentus maiores distinctivos, *selukum*, *athnabum*, & *mercam mappachatum*, ad sensum scopo & texui maxime congruum eruendum, indicantur.

Etiam instrumentalis a tempore DAVIDIS. 2. Reg. VI. 5. 1. Reg. XVI. 23. in Alterum dicitur *rhythmus*, non, quem antea removimus, sed ex *SUIDÆ* descriptione, melodia, seu accommodatio ad musicam, ut poterint illa carmina cantari, quibusdam syllabis tarde, aliis breviter pronunciatis, licet non sint sua tales natura; de cuius harmoniæ, quam mox inquiremus, ordine nobis hodie, ob antiquam *Hebreorum* musicam deperditam, parum aut nihil certi constat. Tertium denique carminis *Hebrei* momentum est *stylus poeticus* &c.“

IO L. I. DE ORTU ET PROGRESSU MUSICÆ

in Dissert. de *musicis Instrumentis Hebræorum*; alium vero usum demonstrat *Angel. POLITIANUS* in libro *Miscellan.* Memorantur instrumenta musica in *Genesi*, sed alia quam cultus divini occasione. *Cur*, aiebat ad IACOB LABAN, *ignorante me fugere voluisti, nec indicare mihi, ut prosequerer te cum gaudio, & cantis, & tympanis, & citharis?* Tubam **הַצְרָתָה**, *bhatzotzerah* MOYES adinvenit ad convocandum populum, quæ qualis fuerit *LOSEPHUS* narrat: *Adinvenit autem, inquit, modum tubæ ex argento factæ, quæ est huiusmodi, longitudinem habens pene cubiti; est autem angusta fistula calamo capacior, præbens latitudinem, quæ conveniat ori ad susceptionem spiritus, & classico tono vicina, quæ hebraica lingua vocatur ASOSRA.* Conspicua est *Romæ* eius forma in arcu triumphali *VESPASIANI* apud *VAN TILL*, & alibi, typis æneis expressa. Sed tuba hæc etiam, postquam instrumentorum musicorum varia genera in sacris Leviticis sunt introducta, usui inter cantandum non fuit, haud dubie ob fortè nimis clangorem, ne sensum verborum obrueret. Fuerunt tamen adhibitæ tubæ, dum cantores respirationent. Quod genus quoddam erat alternae musicæ apud *Hebræos*, quam voce **תְּנוּבָה**, ut iam diximus, notabant a respondendo, seu alternando, ut hodieque haud raro fit in sacris nostris, interludente præfertim organo. At etiam, unacum voce, alia instrumenta componebantur, quod genus musicæ **תְּנוּבָה**, *neginah* vocatur. Inscriptiōnem psalmorum **תְּנוּבָה** **לְיְהוָה**, super octavam Chaldæus interpres, ABENESRA, R. Salomo IARCHI, de instrumento seu cithara octo chordarum interpretantur, quemadmodum titulum psalmorum **תְּנוּבָה** **לְיְהוָה** sunt, qui accipiendum putent de instrumento sex chordarum. Alii tamen putant *scheminitb* **תְּנוּבָה** vocem esse, quæ cum altera consonabat, **תְּנוּבָה**, *alamoth* dicta, sc. virginalis, ut vocem altiorem, ac suaviorem in *diapason* designet; unde altera gravis, & virilis dici possit. Sed melius ipsis instrumentis, hoc posito, applicetur, quæ consonarent cum vocibus virilibus (quippe ante annum vigesimum locus non erat inter cantores) in *diapason*, seu *octava* consonantia. Quod timidius dixerim de altero illo titulo **תְּנוּבָה** **לְיְהוָה** ut de *diphonia* per *sextæ* consonantiam accipiantur. Incertum enim est, an eiusmodi symphoniacæ in usu fuerint apud veteres. De qua re D. BURETTE, & alii scripserunt. Id certum est, varia instrumenta musica apud *Hebræos* in templo obtinuisse, qualia in variis psalmis memorantur, præfertim penultimo; putatque S. CHRYSOSTOMUS, homilia in illum psalmum cum choro SS. Patrum, hoc carnali, crasso, & ad idololatriam prono genio fuisse indultum. Multi ex recentioribus eiusmodi instrumenta descripserunt, ut *Christ. WEIDLINGIUS*, *Mich. Henr. REINARD* de *Hebræorum instrumentis musicis*, ac inter alios D. CALMET singulare dissertatione de *Musica Veterum*, imprimis *Hebræorum*; magnusque numerus initur instru-

instrumentorum hebraicorum a Scriptoribus *Iudaicis*, ex quibus quatuordecim pro spuriis habet laudatus CALMET. In tres autem distinguit classes instrumenta musica genuina. Prima est fidium, seu nervorum: secunda tibiarum; & tertia tympanorum; quæ singula in tabula typis æneis expressa exhibet. Nihil celebrius esse potuit solemni arcæ deductione, iubente DAVID *1. Paral. XV.* Principibus Levitarum, *ut constituerent de fratribus suis cantores in organis musicorum, nablis videlicet, & lyris, & cymbalis, ut resonaret in excelsis sonitus latitiae.* Erant in primo ordine cantores HEMAN, ASAPH, & ETHAN in cymbalis æneis concrepantes: in secundo ordine ZACHARIAS, & MATTHIAS cum suis; illi *in nablis arcana* cantabant; hi in citharis pro octava תְוִמָּה-לָם caneabant opinacion . . . Universusque ISRAEL deducebant arcam fæderis Domini in iubilo, & in sonitu buccinæ, & tubis, & cymbalis, & nablis, & citharis concrepantes.* Sequenti capite singillatim enarratur, quibus quique tractandis musicis instrumentis addicerentur in ministerio arcæ. Et cap. XXV. 1. *Igitur DAVID, & magistratus exercitus segregaverunt in ministerium filios ASAPH, & HEMAN, & IDITHUN: qui prophetarent in citharis, & psalteriis, & cymbalis, secundum numerum suum dedicato sibi officio servientes.* Discimus autem ex veteri *Mishna*, nunquam minus, quam duodecim, qui ore, & totidem, qui instrumentis canerent, fuisse. EUSEBIUS a) a plura instrumenta recensens musica ad psalmorum cantum adhibita, vocem *Scla, Diapsalma* additam putat, quando filerent instrumenta. Alios vero usus b). eius vocis designat ORIGENES b), nec existimat ad omnes psalmos usum instrumentorum fuisse, iuxta psalmorum inscriptiones. Hic rememoranda est, quam paulo antea retulimus, opinio, *Scla*, seu *diapsalma* esse notam pro tibicine, ad signum elatiore sono edendum, pro mutatione melodiæ. Cum excidio templi cessavit etiam instrumentorum musicorum apud *Iudeos* usus, nisi

a) „Hi (funt verba EUSEBII apud CORDER. Ex pos. in psalm. procem. 11. de diapsalmate) stabant in conspectu sanctuarii Domini, laudentes Dominum universorum: unus quidem cymbala, alius vero psalterium, alius fides, alius buccinam, alius citharam habens; quorum medius stabat DAVID; atque hoc modo cantica auspiciabantur, tenentes in manibus istiusmodi instrumenta, & unusquisque Spiritu Sancto motus DEUM collaudabat, omnesque pfallenti suocenebant ALLELUIA. Quomodo autem Spiritus Sancti gratia ad breve tempus eslabat, instrumentis deinde minime motis, tunc, uti par est, vocem istam diapsalma scriebant.“

b) „In psalmis (inquit ORIGENES, Tom. II. pag. 522.) qui habent diapsalmata, AQUILA pro diapsalmate vertit canticum, quinta autem

editio iugiter. Porro iuxta nostra exemplaria & SYMMACHUM, quando musicæ cuiusdam melodie, & rythmi fit mutatio, videtur apposita diapsalmatis nota. Sæpiissime vero & sensus mutatio est in diapsalmatis, interdum & personæ. Existimabit forte quispiam eos, qui psalmorum nomine inscripti sunt, pulsatione instrumenti musici, quod vocatur psalterium, recitatos fuisse; sed quoniام secundum AQUILAM per totum librum, in quibuscunque secundum LXX. psalmus inscribitur, in iis modulatio editur, secundum vero SYMMACHUM ode vel canticum; idcirco necessario hæc annotavimus, ne quis putaret per musicum instrumentum omnes, qui apud nos psalmorum nomine iasribuntur, cantatos fuisse &c.“

I 2 L. I. DE ORTU ET PROGRESSU MUSICÆ

nisi quod subinde artem quandam sonandi, & tripudiandi exerceant, de qua
 Num. 9. p. 24. Romæ in libro diversi Cameralium extat facultas a Cardinali Camerario non-
 nullis Hebrais concessa.

Musica in Sacris Gentilium.

De die Nat.

c. 12.

L. III. Od. 11.

L. I. Od. 36.

Serm. 21.

pag. 65.

Cod. 239.

L. VII. de Leg.

L. IX. de Nuptiis Philologiae.

V. S. CLEMENS Alexandrinus admonitionem ad Græcos, seu ad Gentes, exorsus ab AMPHIONE Thebano, & ARIONE Methymnaeo, Thracioque Sophista ORPHEO, *Mibi itaque videntur*, concludit, & *Thracius ille Orpheus, & Thebanus, & Methymneus, viri, non viri, sed deceptores fuisse, qui prætextu musicæ, vita perniciem afferentes, artificiosis quibusdam præstigiis ad corruptelas dæmoniacæ incitantes, probra orgiis celebrantes, luctus in Deorum cantica traduceentes, primi deduxere homines ad idola: atque lapidibus, & lignis, hoc est simulacris & adumbrationibus agrestem gentis excitatè consuetudinem: illam vere pulchram libertatem eorum, qui sub cælo vitam egerunt, canticis & carminibus in extremam redigentes servitutem.* Quia de re quidquid sit, multorum certe opinione in templis, sacrisque Deorum coepit musica: *Nisi grata esset immortalibus Diis musica, profecto, inquit CENSORINUS, nec tibicen omnibus supplicationibus in sacris adibus adhiberetur.* Hinc musica ab HORATIO vocatur amica templo. Et thure, & fidibus iuvat placare . . . custodes Numidae Deos. MAXIMO TYRIO Socia sacrificiorum dicitur. Et ARISTIDES Quintil. *Musica certe, inquit, divini hymni & venerationes ornantur; festa item propria, urbiumque celebres conventus exultant.* Nec ipse ad tempora accessus vacabat musica, quando prosodion hymnus dicebatur, teste PROCLO in Chrestomathia apud PHOTIUM: *Cum ad aras, aut tempora accederent, & in recessu ad tibiam canebarunt.* PLATO Rectissimum fore, ait, si hymni, & laudes DEI precibus mixte canantur. Quod ex PROCLO in TIMÆUM, & ELIDE intelligimus, apud Paganos preces & cantiones coniungi solebant, & utræque interdum stœte, ac immutabiles in templorum parietibus, ac tabulis consignatae adhibebantur. MENANDRO Rhetori est ὑμνος ᾧ δη εἰς θεὸν, Canticum ad Deum. Odas, seu carmina in Deorum pariter, & Heroum laudes canebarunt. Carmina pia in antiquis inscriptionibus hymnos HOMERI denotant. Cuius hymnum in Apollinem memorat THUCYDIDES; a THUCIDIDE vero dissentit ATHENÆUS. Quemque PAUSANIAS eidem HOMERO tribuit in Cererem, haud immerito eidem ab iudicatur. Cuiusmodi etiam qualiacunque sunt, censeri possunt private religionis: veluti XENOPHON in AGESILAO memorat, numquam eum desisse preferre hymnos. De instrumentis musicis ut aliquid dicamus, eorum divinam originem sic diva virgo apud MARTIANUM CAPELLAM exposuit: *Nam, inquit, fide apud Delphos per deliacam citharam demonstravi: tibiae per Tritoniadam nostri comitem Marssyanque Lydium sonuerunt. Calamos Mariandini*

ni, & Aones in laudes inflavere cœlestium. Panduram ÆGYPTIOS attemptare permisi. Græci imprimis musica instrumenta Diis suis in acceptis retulerunt, nec ferme Apollinem, Minervam, Mercurium, Panam nisi musica aliqua instrumenta gestantes, exprimunt. Quique primi ac præcipui apud eos musici fuerunt, sapientum ac vatum loco habiti (veluti etiam de MEMNONIS apud Thebas statua dicitur musico modo responsa dedisse) immortalitati sunt consecrati, atque inter Deos relati. Nam quis ignorat, inquit F. QUINTILIANUS, musicen tantum illis iam antiquis temporibus non studii modo, verum etiam venerationis habuisse, ut iidem musici, & vates, & sapientes indicarentur? Mittam alios, Orpheus, & Linus, quorum utrumque Diis genitum, alterum vero, quod rudes quoque, atque agrestes animos admiratione mulceret, non feras modo, sed saxa etiam, silvasque duxisse posteritatis memorie traditum est. Et TIMAGENES auctor est, omnium in litteris studiorum antiquissimam musicen extitisse. Et testimonio sunt clarissimi poetae, apud quos inter regalia convivia laudes Herorum ac Deorum ad citharam caneabantur. Iuvat ex eodem deinceps audire, qualem musicen apud antiquos magni fecerit sacram, ut theatralem iam sui ævi exosam habuerit. Quamvis autem satis iam ex ipsis, quibus sum modo usus exemplis, credam esse manifestum, quæ mihi, & quatenus musicæ placeat, apertius tamen profitendum puto, non hanc a me præcipi, quæ nunc in scenis effeminata, & impudicis modis fracta, non ex parte minima, si quid in nobis virilis roboris manebat, excidit, sed qua laudes fortium caneabantur, quamque & ipsi fortes caneant, nec psalteria & sambucas etiam virginibus probis recusanda, sed cognitionem rationis, quæ ad movendos, leniendosque affectus plurimum vallet. OVIDIUS quidem canit;

Lib. I. Institut. orator. c. 17.

*Lib. IV.
Faistor.*

*Temporibus veterum tibicinis usus avorum
Magnus, & in magno semper honore fuit:
Cantabat fauis, cantabat tibia laudis
Cantabat mœstis tibia funeribus.*

Quæ hic colliguntur de usu musices in sacris, atque etiam funeribus, apud HOMERUM memorantur pluribus in locis, plurimumque commendatur musica etiam in conviviis, præliis, & inter operas adhibita: utpote animi motus, atque affectiones, aut comprimens, aut excitans. Vocum differentiam ex ætatibus, sexuque gravei, acutamque discernit. De musica in ludis nihil eum uspiam dicere memini. PLUTARCHUS in libro *de Musica* testatur, apud antiquos nec quidem cognitam suisse theatris musicam, totam religioni dicatam. At enim, ait, apud antiquiores GRÆCOS, ne notam *Lib. II. de Legibus.* quidem dicunt musicam, quæ theatris inserviret: totam scientiam illam Deorum

I4 L. I. DE ORTU ET PROGRESSU MUSICÆ

Pag. 75.

a

Lib. XI.

L. VI. Strom.
Ægyptiorum
Musica.

venerationi, & adolescentium institutioni impensam fuisse. Omnis tunc musica in templis versabatur, cæterum nostris temporibus eius musicæ, quæ ad disciplinam puerorum facit, nulla memoria, nulla cura: omnes theatris inservientem amplectiuntur. Qui vult ergo musica recte, & cum iudicio uti, is veterem modum amuletur. Sed quibus rebus hic etiam fuerit foedata, ipso Gentilium testimonio edoceatur ex actis sinceris Martyrum apud RUNITRUM, passione nimirum SS. EPIPODII, & ALEXANDRI. Nos, aiunt, Deos colimus lœtitia, conviviis, cautionibus, ludis, comedatione, & lascivia: vos vero hominem crucifixum, cui placere non possunt, qui his omniibus perfruuntur. Quod testimonium insigne est, Christianorum religioni datum, & pietati. Pudenda sunt, quæ ARNOBIUS a) adversus Gentes affer de musica in sacris Deorum, Dearumque. Quodsi tamen ex PLATONE afferrem, quam is expetierit esse musicam religiosam in sacris, rectam ac gravem, quæ suapte natura ad æquitatem, & gravitatem duceret, ut ne minimum ornatum, qui necessarius non sit ad movendum, admittat, multi hodie pudore suffunderentur musicæ sacræ cultores. Studiose toni singuli erant destinati hymnis in honorem Deorum DITHYRAMBI, e. g. in honorem Bacchi, tono Phrygio acriore ac vehementiore: Νομε in honorem Apollinis, tono Lydio dulciore, amoenioreque &c. Cum aules, sunt verba DIOMEDIS apud VAN TILL, paribus thure iucensis altaribus, musicus choros geminis gressibus explicaret, & aquipedo sono tibicen spondaulium canere iuberet, ut duabus longis melodiis quasi duplicitibus, & iugibus votis prospera Deorum voluntas firmaretur. Et APULEIUS: Ibant & dicati magno Serapi tibicines; qui per obliquum ad aurem porrectum dextram, familiarem templi, Deique modum frequentabantur. Modus igitur obliquus πλάγιος, mo-

l. 46. libri

nobis de Ægyptiis sacris refert. Primus enim, inquit, procedit cantor, unum aliquod afferens ex symbolis musicæ. Eum dicunt oportere accipere duos libros ex libris Mercurii: ex quibus unus quidem continet hymnos Deorum, alter vero rationes vite regiae. Habebant Ægyptii 46. libros sacros, in sex partes & ordines divisos: ἱερωπὰ, curabant πατοφόροι; ἱερατικὰ, προφήται; παιδευτικὰ, ἢ μοσχοφραιγικὰ, σολιστὲς; κατηγορικὰ, ἱερογραμματεὺς; ἀσφολγικὰ, ὠροτηπος; ὡδὸς, Cantor curabat hymnos Deorum. Vexatus est locus

a) „ Idcirco (inquit lib. II.) animas misit, ut res sancti atque augustissimi nominis symphoniacas agerent & fistulatorias artes, ut in flandis bucculas distenderent tibiis, cautionibus ut praevirent obscenis, numerosos iterarent Scabillorum concrepationibus sonores, quibus animarum alia lascivius multitudo in incompositos cor-

porum dissolvetur motus, saltaret, & cantaret, orbes saltatorios verteret, & ad ultimum clunibus, & coxendicibus sublevatis lumborum crispitudinibus fluctuaret? Idcirco animas misit, ut in maribus exoleti, in fæminis fierent meretrices, fambustrix, psaltrix &c. “

libri de elocutione sub nomine *Demetrii Phalerei* a) : *In AEGYPTO autem & Deos septem vocalibus sacerdotes celebrant, ordinis eas ponentes; & nunc pro tibia, & nunc pro citbara litterarum harum sonus auditur cum suavitate. Quapropter qui eximit collisionem, nil aliud, quam cantum eximit ex oratione, & musam.* *Io. Mathias GESNERUS*, *Dissert. singulari*, *septem græcas vocales, & quidem hoc ordine dispositas ΙΕΗΩΟΥΑ innui ingeniose est commentus, ut nomen tetragrammatum Ἰησοῦ referrent, quasi Aegyptii fuis id in sacris canere solerent. Simpliciorem, ac magis nativam huius loci explicationem alio loco dabimus, spectante potius ad disciplinam musicæ artis, quam ipsam hymnodiam, seu hymnos in honorem Deorum, quales magno numero (ut alibi gentium) peculiaribus libris contentos habuisse Aegyptios ex locis allatis comprobatur. Hymni vero, id genus cantus, ad celebranda numina dicebantur, quos THEOCRITUS αἴθανάτων *Idyl. XVII. γέρας, ornameūtum immortalium* appellat. Notantur *Exod. VII. & VIII. v. 8. חֲרֹטְמִי מִצְרַיִם*, interpretanturque LXXII. ἐπαυοδὸι τῶν ἀιγύπτων. Admodum Incantatio-probable est, esse illam vocem ægyptiacam, sed nihil ad musicam attinere nes-videtur. De eius etymologia videri potest PFEIFFERUS, in *Dub. vex. BOCHAR-**

tus in Hieroz. deduxit ex *صَلْطَنْ* Arabum, murmuravit, ignotæ linguae *P.II. L.IV. c. 18. p. 580.* verba protulit, quod chaldaice notat incantavit. *Deut. XVIII. 11. Psalm. LIX.* mutato ; in σ, & aspiratione initiali, quæ perierat, redeunte. Unde חֲרֹטְמִי, *incantor, ἐπαυοδός, ἐπωδός.* Quæ etsi durior aliis videatur notatio, res tamen in comperto est. Credique potest PYTHAGORAS, qui, ut IAM-BLICHUS perhibet in eius *Vita*, viginti duos annos in Aegypto verfatus est, teste S. CLEMENTE Alex. SONCHEDI archiprophepta præceptore usus, musicam *Lib. I. Strom.* medicam inde didicisse, quam per peculiaria carmina ἐπωδίαι, seu *incantations*, ut PORPHYRIUS in *Vita Pythagoræ narrat, exercebant. Apud N. 3. Græcos* quidem & Romanos, Scriptores antiquissimos, ἐπάθειν, ἐξάθειν, πατάθειν, περιάθειν, *canto, excanto, incanto, passim de magicis operationibus usurpata legimus.* Et ipsæ incantationis formulæ ἐπωδίαι, carmina dicuntur. Atque harum appellationum ratio inde videtur arcessenda, quod apud AEGYPTIOS, Hebreos, Chaldaeos, Babylonios, Græcos antiquissimos sacrorum ministri *Iidem*, ut QUINTILIANUS ait, Ἐψυχοι, Ἐψυχοι, Ἐψυχοι sapientes *Lib. I. Instit. c. 17.* censebantur. Certe vocis נבֵיא usus latissime patet. Apud Aegyptios hæc

VOX

a) Εν ἀιγύπτω δὲ καὶ τὰς Θεὰς ὑμνῶσι διὰ τῶν ἐπτά Φωνήντων οἱ ιερεῖς, ἐφεζῆς ἡχῶντες ἀντα: καὶ ἀντὶ ἀνλός, καὶ ἀντὶ κινδύνους τῶν γραμμάτων τέτων ὁ ἥχος ἀκόστειται ὑπ' ἐυφωνίας, ὥστε ὁ ἐξάιρον τὴν σύγκοσην, γινέντες ἄλλο, η μέλος ἀτεχχώντες ἔχοντες τῷ λόγῳ, καὶ μέσον.

16 L. I. DE ORTU ET PROGRESSU MUSICÆ

vox sonabat *mystam*, *cantorem*, *hominem fatidicum*, h.e. *divinum*, vel, ut APULEIUS magos vocat, *divinipotentem*. Apud *Hebreos* διάβολοι dicuntur etiam cantores, atque poetæ, qui laudibus decantandis vacant. Quemadmodum eodem vocabulo vates, & qui fundarent carmina, & qui prædicerent futura. Præterea antiquitas ἐπωδαῖς non tantum vim divinam, sed

Lib. I. Stro- imprimis vim θεραπευτικὴν ad sanandos morbos tribuebant. CLEMENS Alex. *mat.*

ἐπωδαῖς ad Idæos Dactylos refert, qui sacerdotes erant matris Deûm *Cybeles*. Olim enim sacerdotes, imprimis *Ægyptii*, præter diviniora mysteria salutarem medendi artem profitebantur, ut auctoritatem sibi conciliarent. Ex medicina vero vocabulis barbara superstitione confictis defœdata, nata est magia. De carminum etiam, & musicæ vi θεραπευτικὴν, ad curandas corporis, & animi affectiones nata est fabula de *Orpheo*, & *Amphione*, de qua HORATIUS in epist. ad *Pisones*. Apud HOMERUM, carmine *Antolyci* filius sifit faocio ULYSSI sanguinem. De carminum virtute in corpora, & animos plura habet STRABO lib. X. PLINIUS Hist. Nat. lib. XXVIII. c. 2.

Pag. 461. Sc. c. & imprimis *Sam.* BOCHARTUS in *Hieroz.* Carminum autem præcipua vis in eorum concentu musico sifit, quod supra est, magiæ, seu Diis inferis deputatur.

a Qua de re CELSUS a) apud ORIGENEM expresse dicit, concentibus delectari dæmones illos ἀλλούστοις μελωδίαις, *peregrinis concentibus*, ut vocat ORIGENES, ac postea ἐπωδαῖς, *incantationes*. Conspiratque constans tum græca, cum latina nomenclatura, quod beneficia magicæque artes, per carmina, seu cantica ut plurimum exercerentur. Distinguuntur etiam ὕμνοι

Apud Romanos. καλόθοι, & ἀποπομπαῖοι, qui *Romanis* fuerunt vocati carmina *averruncalia*; prius autem genus carmina *calatoria*, seu *indigita menta*, uti *assamenta*,

quæ in sacris adytis canerentur *Iano*, *Iunoni*, *Minervæ*, & aliis, veluti Græcis *Pean* dicebatur carmen in honorem *Apollinis*. Eo usi *Achivi* in solenni *Apollinis* sacrificio καλὸν ἀειδοντες παιώνα. Quod nomen eti communi ne etiam esset, peculiaris tamen erat *Hypingos* *Dianæ*; *Iulus* *Cereri*; *Adonidia* *Adonidi*; *Dithyrambus* *Baccho*, cui *Orgia* celebrata imprimis fuerant, de quibus CATULLUS:

Orgia,

a) „ Nihil (inquit lib. VIII. n. 58.) in hisce rebus vel minimum esse, cuius cura non alieni potestati mandata fuerit; id disere licet ex *Ægyptiis*, qui aiunt, sex & tringa dæmones, aut æthereos quosdam Deos (sunt etiam, qui plures numerent) corporis in totidem partes divisi, alium alijs partis curam suscipere iussos fuisse. Seiunt etiam dæmonum lingue sua propria, ut *Gnomen*, *Chacromen*, *Cnat*, *Sicat*, *Diou*, *Erou*, *Erebion*, *Ramauor*, *Ria-*

noor, & alia, quæ sua lingua nominant. Quin eorum invocatione morbos partium sanant. „ Et panlo post n. 60. „ Fortasse enim fides male abrogaretur viris sapientibus, qui aiunt, maximam terrestrium illorum dæmonum partem generationis defiderio ardente, sanguinis, nidorum, concentuumque perecupidam, aliisque huinsmodi rebus deditissimam, non aliud melius posse, quam corpus curare &c. „

*Orgia, quæ frustra cupiunt audire profani,
Plangebant alii proceris tympana palmis,
Aut tereti tenues tinnitus ære ciebant.
Multi raucisonis efflabant cornua bombis,
Barbaraque horribili stridebat tibia cantu.*

Plura de his sacris, ut etiam *Rbeæ*, seu *Cibeles*, videbis apud laudatum VAN TILL. STRABO de bello Punico dicit ex *Hetruria* musicam publicam, quæ potissimum in sacrificiis erat usitata, ad *Romanos* pervenisse. Apud *Romanos* cura moderandæ musices in festis & sacrificiis penes summum erat Pontificem. Solemne etiam apud eos erat carmen precationis, quibus Deos exorarent, ut testatur *VALERIUS Maximus* de AFRICANO, cum Censor lustrum conderet. *In quo*, inquit, *solito sacrificio scriba ex publicis tabulis lib. XIV. solemne ei precationis carmen præiret, quo Dii immortales, ut populi Romani res meliores facerent, rogabantur.* Et LIVIUS solempne memorat eiusmodi carmen, quod in concionibus, quæ ad populum habebantur, magistratus præfari confueverat: *Ad hæc, inquit, officia dimissis Magistratibus, consules in rostra descenderunt, & concione advocata, cum solempne carmen precationis, quod præfari priusquam populum alloquantur, magistratus solent, peregrisset consul, ita caput &c.* Carmina huiusmodi plerumque instrumentis musicis, aut etiam saltibus sociata fuerunt; quod nomen Poetis, ac odis Saltationes. lyricis dedit. PROCLUS in *Chrestomathia* apud PHOTIUM, *Hyporchema* vo- c. 239. catum carmen dicit cum saltatione decantatum. Eiusdem nominis ac ritus LUCIANUS est testis, nulla in *Delo* sacra sine saltatione & musica fuisse, ubi cum tibia, citharaque tripudiabant. In hymno *Apollinis* apud HOME- RUM, IAONES cum liberis ac uxoribus dicuntur congregari in *Delum*, & cantu *Apollinem* exhilarare; *Deliaudes* præcipue puellæ, quæ celebrato *Apolline*, *Latona* ac *Diana*, factaque mentione virorum antiquorum & mulierum ὕμνον δείδεσται, θέλγεσται δὲ φῦλ' ἀνθρώπων. *Hymnum canunt, demulcentque gentes hominum.* Imprimis celebria fuerunt hæc, quoad præsens argumentum, *Pythia Apollini* sacra, quæ certamen eius cum serpente *Python* præsentabant. *Dies festus erat*, inquit S. CLEMENS Alex. qui maximo GRÆCORUM Exordio adm. conventu Pythone celebrabatur propter draconem mortuum, EUNOMO canente ad Gentes. serpentis epitaphium: neque satis dixerim, hymnusne, an lamentatio serpentis esset canticum &c. Cantilenæ autem nomen erat *Delona*, eoquod Apollo oriundus esset ex insula *Delo*. POLLUCE teste quinque continebat partes, quarum prima dicebatur *rudimentum*, five *exploratio*, secunda *provocatio*, tertia *iambicus*, quarta *spondæus*, quinta & ultima *tripodium*. Sacra illa fiebant *Apollini* saltatione cum cantu sociata, ut constat ex hymno in A- MART. GERBERT. DE MUSICA ECCL. LIB. I. C pol-

18 L. I. DE ORTU ET PROGRESSU MUSICÆ

v. 149.

pollinem apud HOMERUM. Perpetuamque illi saltationem fuisse tradit LUCIANS $\pi\epsilon\varphi\eta\dot{\iota}\epsilon\chi\sigma\tau\omega\varsigma$. Cuius exemplum apud PLUTARCHUM in Thefeo: *Triplidium saltavit cum impuberibus; quod hac etiam memoria ferunt Delios servare.* Ita Thyades, Atticæ mulieres, quotannis ad Bacchi sacra *Delphos* proficilcentes per viam solitæ saltare, maxime ad *Panopeum*, quan̄ ideo $\kappa\alpha\ddot{\lambda}\chi\omega\varsigma$, *saltationibus celebrem*, alias *amœnam* HOMERUS vocavit, ut notat PAUSANIAS in *Phocicis*, & ex eo *Eb. FEITHIUS*, subditque antiquiores Gracos in honorem Deorum choreas, maxime celebritatibus publicis, agitare solitos, ex infinitis auctoribus comprobari. Loca complura citantur in animadversionibus ad calcem positis. *Alex.* ab ALEXANDRO, *Interque viderum L. IV.*

Odyss. XI.
Antiq. Home-

ric. lib. IV.

Genitalium

c. 17.

Ad Ecl. v. 73.

religiosam affert SERVIUS.

scendum, inquit, *laudes Diis canere assuerant, his, quibus sacrum fieret: pedibusque circum aras psallere ad numerum, carminaque, & hymnos canere, ac cymbala pulsantes, choros agitare.* Fuitque observatum, ut sacrificantes aras circumcurrerent, cursum auspicati a lœva dextrorum, quod religiosus putarunt, mox a dextra lœvorum. Rationem minime quidem ir-

a


Poetæ.

Lib. I.

Quod nullam maiores nostri partem corporis esse voluerunt, quæ non sentiret religionem. Nam cantus ad animam, saltatio ad mobilitatem pertinet corporis. Quam etiam attingit Alexander ab ALEXANDRO, dum *prosodion*, *hyporchema*, & *stasimon* commemorat, quæ hoc pertinent. *Quasi*, inquit, penitus sacro numine afflati, quodam furore capti forent. Indicat item Gentes, quæ his rebus abstinuerint, item quæ secusa). Universim vero musica veterum constitisse rhythmō, metro, instrumento, & saltatione memoratur apud Gracos, & Romanos, musicorum, & poetarum arte communi etiam in sacris, quo universa mythologia, ac sacra etiani publica magnam partem referri possunt. Ex ultima antiquitate celebrantur in hoc genere ipse *Mercurius*, *Orpheus* (TATIANUS quidem, CLEMENS Alexandrinus, aliique negant, *Orhei* esse hymnos, qui eius nomine circumferuntur, sed potius ONOMACRITI cuiusdam, vel, ut alii volunt, CECROPIS) *Amphion*, & *Arion*, atque etiam HOMERI Vatis imitatorem fuisse in musicis *Terpandrum*, PLUTARCHUS scribit. HOMERUS, teste ATHENEO: *Propterea, quod universam poesin suam canebat certis numeris, atque modis, versus non dubitavit multos facere subinanes, absque capite, & ad extre-*

a) „Memphitæ vero (subdit) in Oÿridis templo, dum sacrificant, præter aliorum morem, nec canere tibias, nec psallere soliti sunt. Et Graecorum plerique, cum nulla numinis affiliatione sacrificia perficiant, sed animo remissio absque tibia, vel cantu. Contra apud Indos, quibus nulla fuit numinis consalutatio, vel sacrificium, nisi adhibita saltatio foret. In Dolo quoque absque saltatione, vel musica, sacrum nullum

fiebat. Fertur ANTONINUS Cæsar, quum DEO HELIOGABALO sacrum facret, mulieres Phœnissas, quæ in orbem cursitarent, cymbalaque & organa musica circen aras psallerent, adhibuisse: & Cybelis facerdos cum tinnitu cymbalorum & sonitu tympanorum, sacrum facere. Apud Curetas quoque nullum fit sacrum sine strepitu & fragore, tympanis una tubisque pulsantibus.“



Tav. I. Ad pag. 19.

g C A



Accademia Nazionale
di Scienze Lincee

Differ. Stab ist i. Schuh sei dergleichen zoll lang, breit $\frac{3}{4}$ zoll

extremum curtatos. Αὐδῆς, seu cantores sæpe memorat HOMERUS, e. g. *Phemium*, quem *Penelope* dicit nosse omnium Deorum, & hominum acta, ἐργάνων τε θεῶν τε τὰ τε πλείστην ἀστοῖς gesta hominum, Deorumque, quæ celebrant Poetæ a). Hinc *Orpheus*, *Musæi*, *Lini θεολογία* musicis numeris composta, de quibus STRABO. Passim etiam ATHENÆUS pronunciat veterem *Græcorum* sapientiam musica potissimum constitisse. Queriturque luxuria depravatam in *Græcia* veterum musicam, & eorum more optat, denuo Deorum laudes, Heroumque acta cantu celebrari. Alia item leges apud FEITHIUM. Apud veteres etiam *Gallos* musicam in sacris adhibebant *Druides* Sacerdotes, ac *Bardi* poetæ simul ac musici: dum prælia committebantur in acie stantes canebant heroica gesta Semideorum gentis. Alii *barritum* vocabant elephantum furiosorum, IULIANUS Imp. clangori aspere clamantium avium comparabat: παραπλήσια ταῖς πλαγγαῖς τῶν ταχὺ βοῶντων ὁρνίθων, Am. MARCELLINUS stridentis maris undis b). His veteres *Germanos* accensemus, de quibus TACITUS: Celebrant carminibus antiquis (quod unum apud illos memoriae, & annualium genus est) Tuistonem Deum terra editum; & filium Mannum, originem gentis, conditoresque. Eoque pertinet, quod idem de ARMINIO: Canuntque adhuc, ait, barbaras apud Gentes. c) Et EGINARDUS in Vita CAROLI Magni: Barbara, & antiquissima carmina, quibus veterum Regum actus, & bella canebantur, scripsit, memoriaque mandavit. Operæ pretium est, hic mentionem iniicere instrumenti facri musici, ut videtur, ante annos fere 50. in provinciæ Altosaxonæ arce Forsteckia reperto. Convenit cum eo, quod de fortilegiis Germanorum dicit in eodem libro TACITUS, hac tantum fere differentia, quod ex metallo sit triangulare sex tonorum. Sortium, inquit, consuetudo simplex: virgam frugiferæ arbori decisam, in surculos amputant, eosque notis quibusdam discretos, super candidam vestem temere, ac fortuito spargunt. Mox, si publice consulatur sacerdos civitatis, sin privatim ipse paterfamilias precatus, Deos cœlumque suspiciens, ter singulos tollit sublatos, atque secundum impressam ante notam interpretatur. Huc trahunt celebre numen *Trigloß*, vel *Triglas*, plurimis in Pomeraniæ, Marchiæque locis cultum. Quorsum etiam instrumenti huius ficer usus sumi queat, ex antiquorum *glaffen*, *thönen*, & *tri drey*, quia vasis, & instrumentis musicis maxime colebatur. Ipsa instrumenti figura se in TAB. I. triangulum extendit. Repetitio nominum *Agla*, & *Clio* in sacris frequens est, quæ in dupli trigono leguntur, quod SALOMONI tribuunt: de quo WAGENSEILIUS d).

- a) De hymnis gentilium, quos Diis suis ecineunt, legi meretur Ezech. SPANHEMIUS in not. ad CALLIMACHUM p. 3. VAN DALE in antiquitatibus ex marmoribus descriptis, diff. VII.

p. 567. 568. DEYLINGIUS obf. S. P. III. obf. 45.

b) Vid. VALESII not. in lib. XV. Am. MARCELL.

c) Vid. IUST. Lipf. ad eum TACITI locum.

d) Comment. in Setam, c. XII. „Quæro adhuc

Olyb. I.
v. 338.

a Lib. X. Ath.
L. XIV. &
alibi.

Antiq. Homer.
lib. IV. c. IV.

Lib. II. in
Antioch.

Initio libri de
moribus Ger-
manorum.

L. II. Annal.

c

VI. d

20 L. I. DE ORTU ET PROGRESSU MUSICÆ

De Therapeutarum, & primorum Christianorum hymnorum testimonia extranea.

VI. PHILONIS *Therapeutæ* hymnos, & cantica in honorem DEI vario metrorum genere a se ipsis, aut veteribus composita, inter divinas laudes usurpabant. *Tum*, inquit PHILO de Vita Contemp. *exurgens umis hymnum canit in DEI laudem vel recens a se factum, vel pridem ab aliquo priscom vatum, qui carmina & cantica permulta ipsis reliquerunt trimetri generis: profodias item & hymnos varios; qui ad libamina, ad aram in stationibus quoque, & choris concinuantur, diversis, que in choro fiunt, conversionum vicibus eleganter commensurati. Post illum alii quoque sigillatim canunt, ordinem suum, ac decorum optime servantes, cæteris interim magna cum quiete attendentibus, præterquam ubi ad extrebas certas hymni partes accinenda sunt, quæ vocant EPHYMNIA. Tunc enim omnes simul viri & mulieres pariter exclamant.*

a). Hi utut Christianorum verisimilime non sint DEO canentium chori, iis tamen convenient, quæ apud christianos in suis agebantur conventibus, diu noctuque celebratis; atque adeo a multis quidem tum recentioribus, cum antiquis pro christianis habentur, etiam EUSEBIO, qui articulatim omnia ex PHILONE prosequitur: *Quæ omnia, inter alia ait, supradictus vir eo ordine, eademque consequentia, qua apud nos geruntur, expressit. Et ut unus ex omnibus consurgens in medio, psalmum honestis modulis concinat, utque præcinenti ei unum versiculum omnis multitudo respondeat.* Paulo ante vigiliarum meminerat, sicut apud nos moris est. Ut vero iam proprius instituto nostro accedamus, quædam primum adducemus *Ethnicorum testimonia.*

Lib. II. hist. c. 17.

causam, quare ea triangulorum figura SALOMONI accepta feratur, atque cum in Hispania apud Granatenses Montis, quem vocant, sancti templum lustrarem, magna admiratione illud sigillum in suggestu, calicibus, vestibus Sacerdotum, atque omni reliquo facro apparatu vicibus innumeris vidi expressum. Ipsa quoque laquearia & parietes nihil praeter illud hexagonum referebant: ita tamen, ut sèpe una maior figura minores plurimas suo ambitu completeretur, quod Hispani a Germanis mutuasse videntur. “

a) Et paulo inferius: „Perausta œna subdunt vigilias, in quibus pernoctare solent & cantare hoc modo. Confestim surgunt omnes, ex utraque parte convivium quoddam celebraturi, & primum fiunt chori duo, virorum nuns, alter mulierum. In utroque sius eligitur dux ac præfultor, qui simul & personæ dignitate, & arte musica antecellit. Deinde hymnos canunt in DEUM, metris, & modulationibus multis compositos, nunc iunctis vicibus resonantes una, nunc sibi invicem congrue respondentes

Posteaquam ita duo chori divisim sius tale agitavere convivium, divini amoris studio, ut mero astuentes, unicum ex ambobus chorom efficiunt ad emulationem illius, qui olim fecus mare rubrum factus est, ob patratum illic miraculum; quando DEI opere confpecto, & beneficio accepto, quod sermonem, cogitationem, spemque omnem vinceret, permoti, simul viri ac fæminæ, numineque afflati, & in unum collecti chorom, pro gratiarum actione hymnos Servatori DEO concinebant;. MOYSE quidem Prophetæ inter viros, MARIA vero prophetide inter mulieres chori præfitem agentes. Illius itaque chori simularium refert hic cultorum, cultricumque chorus, in quo editis, redditisque vicissim vocibus & cantibus sonus virorum gravior, & acutior mulierum, contemporati suavem efficiunt, ac vere musicam symphoniam. Pulcherrimæ ibi sententiae, venustissimæ dictiones, & personæ chori honestissimæ. Horum porro omnium unicus est finis, pius DEI cultus.“

nia. Inter quos LUCIANUS (quem passim ad TRAIANI tempora referunt) vel si quis alius dialogi, qui *Philopatris mors* inscribitur, auctor, Christianos cavaillatur, ad hymnos tota nocte decantandos vigilantes ἐπὶ πανυχίσεις ὑμνωδίαις ἀγρυπνήτες. *Dicebant enim*, inquit, *soles decem ieuniū absque cibo perseverabimus; Καὶ ad hymnos tota nocte decantandos vigilantes, talia somniamus.* Tangit calamitates belli, ac terrae motus ingentis, qua Antiochia concussa est, ut a Christianis fuerat prædictum. Nisi tamen hoc ipsum ætatis non paulo posterioris sit indicium, ut contra GESNERUM, & LA CROZIUM propugnat MOSHEMIUS in observat. Sacris, circa Nicæni Concilii tempora conscriptum esse dialogum, ex ipsa phrasí intelligi. Nihil vero alias est in hoc dialogo, quod non respondeat genio, & dictiōni, rebusque ac modo tractandi LUCIANO familiari. Memorat, qui faceret, præiretque precem a patre exorsus, & hymno multorum nominum finiret. Τὴν ἐυχὴν ἀπὸ πατρὸς ἀρξάμενος, καὶ τὴν πολυάνυμον ὠδὴν εἰς τέλος ἐπιθεῖς. RIGALTIUS in notis ad Cap. II. p. 130. TERTULLIANUM de orat. ἐυχὴν ἀπὸ πατρὸς haud inepte orationem dominicam intelligit. Sunt tamen, qui hæc omnia nequaquam de Christianis intelligenda velint. Luculenter vero PLINIUS sub TRAIANO, nimirum circa exordia sæculi secundi, ex ore Christianorum, a fide deficientium refert: *Affirmabant autem*, inquit, *hanc fuisse summam culpæ suæ, vel erroris: Lib. 10. E-* quod essent soliti statim die ante lucem convenire, carmenque Christo, quasi *Pist. 97.* DEO, dicere secum invicem. TERTULLIANUS rem eandem enarrat, ac etiam EUSEBIUS. PLINIUS secundus, inquit TERTULLIANUS, cum provinciam *Euf. in hist. regeret, damnatis quibusdam christianis, quibusdam gradu pulsis, ipsa tamen eccl.* multitudine perturbatus, quid de cætero ageret, consuluit tunc TRAIANUM imperatorem: allegans, præter obstinationem non sacrificandi, nihil aliud se de Sacramentis eorum comperisse, quam cætus antelucanos ad canendum CHRISTO, ut DEO. Quibus verbis declaratur, carmen CHRISTO dicere apud PLINIUM idem esse, ac canere CHRISTO. Sic & EUSEBIUS idem referens, *Ib. lib. III. c. τὸν χοιρὸν δίκην βεβ ὑμνεῖν Christo tanquam DEO canere interpretatur. VIR-* GILIUS de *Agricolis* hymnum Cereri canentibus Georg. ait: *L. I. v. 348.*

Neque ante
Falcem maturis quisquam supponit aristis
Quam Cereri torta redimitus tempora quercu
Det motus incompositos, Καὶ carmina dicat.

Et lib. VI. *Aeneidos.*

v. 644.

Pars pedibus plaudunt, choreas Καὶ carmina dicunt.

22 L. I. DE ORTU ET PROGRESSU MUSICÆ

Unde palam est *carmen dicere amplius aliquid esse quam orationem, & preces fundere*, ut *Hug. GROTIUS* est visum *Annot. ad Ephes. V. 19. a)*

De psalmis, hymnis, & canticis præcepta apostolica. VII. Sed nos tutius rem ex ipsis auctoribus christianis illustrabimus deinceps, telam exorsi ab ipsis Scripturis sanctis. *Sine dubitatione*, inquit S. AUGUSTINUS, *faciendum est maxime id, quod etiam de scripturis defendi potest, sicut de hymnis, & psalmis canendis, cum & ipsius Domini, & Apostolorum habeamus documenta, & exempla, & precepta.* S. IACOBUS in *Eph. 55. ad Ian. n. 34. Iac. V. 13.* sua epistola expresse orationem a psalmodia distinguit. *Tristatur quis vestrum? oret: aequo animo est? psallat.* Passim apud D. PAULUM de hac refit mentio: ut tamen potissimum, quo animatur oratio, ac psalmodia, id *I. Cor. XIV. 15. inculcat: Orabo spiritu, scribit ad Corinthios, orabo & mente: psallam spiritu, psallam & mente.* Ad Ephesios: *Implemini Spiritu Sancto, loquentes vobismetipso in psalmis, hymnis, & canticis spiritualibus, cantantes, & psallentes in cordibus vestris Domino.* Et ad Colossenses: *Docentes & componentes vosmetipso in psalmis, & hymnis, & canticis spiritualibus in gratia, cantantes in cordibus vestris DEO.* Pertinent hæc tum ad fidelium in concinendis DEI laudibus officium, cum maxime ad Pastorum curam, ut suas oves instruerent, & commonerent in psalmis, hymnis, & canticis spiritualibus. Singularem dissertationem philologicam *de psalmorum, hymnorum, atque odarum sacrarum discrimine* edidit Wittenbergæ Ioan. Zach. HILLIGERUS; quæ inserta etiam legitur Tomo secundo Thesaur. nov. *Dissert. Theol. phil.* ubi varias veterum, & recentiorum examinat interpretationes psalmorum, hymnorum, & canticorum spiritualium iuxta D. PAULUM. Ac primo quidem Io. CLERICI in notis ad HAMMONDI N. T. sententiam, nullum plane attendisse discrimen Apostolum, sed tribus verbis idem significasse, refutat §. 2. Sect. II. Examinat deinde §. 3. nonnullorum Græcorum PP. discrimen ab excellentia diversorum subiectorum petitum; tum §. 4. distinctionem ab inscriptionibus psalmorum DAVIDIS derivatam §. 5. differentiam ab argumento, & materia. §. 6. distinguendi rationem a forma diversa excludit: ac si essent psalmi cantiones metricæ cum instrumentis, ex quibus eminet Ψαλτήριον; hymni cantica, laudes DEI præsertim continentia, sive sola lingua, atque sonora voce edita, sive adhibito instrumentorum musicorum concentu; odæ denique succincta cantica, non tantum laudes, sed exhortationes etiam, & alias res sacras complectentia, voce tantum, & lingua decantata. §. 7. denique a recentioribus quibusdam excogitatam distinctionem a modo elaborandi diverso reiicit, ut censeantur psalmi illa carmina DAVIDIS, & aliorum cuiusvis argumenti; hymni extemporales DEI laudes ex occasione natæ, nullisque numeris adstrictæ, cuius generis sint DEBORÆ,

a) Vid. & ZORNII opusc. S. T. I. p. 67.

ANNÆ, ZACHARIÆ, MARII, & Apostolorum is, qui extat *Act. XVI. 25.* Odæ tandem præmeditata carmina, & magis ex arte elaborata, sub angustiori forma, quam psalmi & hymni. Ipse tandem optimam eam D. PAULI interpretationem censet, ut per psalmos ea intelligantur carmina, quæ in libro psalmorum ab ESDRA in ordinem redacto reperiantur; per hymnos reliquæ θεόπνευστοι cantiones in veteri, & novo Test. occurrentes; odæ demum sacra Ecclesiastica a privatis, piisque viris elaborata cantica, extra scripturæ canonem in DEI, eiusque beneficiorum memoriam, ac laudem pro affectu decantata. *Christoph. WOLFFIO* autem in curis philologicis ad hæc D. PAULI loca optime illi agere videntur, qui causam hanc per defectum monumentorum antiquitatis ecclesiasticæ in hoc quidem capite vix confici posse arbitrantur, atque adeo Apostolum diversa canticorum nomina ideo adhibuisse censem, ut omnia, quæ tunc in publico & privato DEI cultu recepta erant, comprehendenderet. Neque vero D. PAULI sententia tota deflecti in sensum allegoricum, seu mysticum debet, inde quod ὡδὰς πνευματικὰ cantica spiritualia nominet; puto, ut a profanis, & σαρκικοῖ gentilium odis, quibus assueti erant, revocaret, id Apostolum egisse. Quam in rem singularem explicationem HILLIGERUS affert de psalmorum, hymn. & odar. fac. discrimine. *Pag. 32.*

Tandem, inquit, non errabimus, si dicemus, per odas sacras ab Ἑβραια voce nomen forte habentes, Εἰς ἔστητα, μέτερες, ἐπάιδες, προσωδίας, παιᾶνας, id genus alia, sacris æque ac profanis scriptoribus, alias dictas, notari carmina, non θεόπνευστα, aut eximio plane Spiritus divini instinctu conscripta, sed ecclesiastica b. e. a viris pietate, Εἰς morum, vitaque sanctimonia conspicuis, tam sub antiquo, quam novo fœdere cum studio singulari elaborata, Εἰς in DEI, huiusque beneficiorum memoriam, ac honorem pie decantata. Vehementer quidem assentimur, multis ingenii, ac doctrinæ reconditæ principibus, plura quoque literis divinitus consignata appellari odas, prout iam supra nostro præstruximus instituto; PAULI tamen scopum, cum hæc scriberet, defixis intuentes oculis, non possumus non fateri, ipsum nullum ad illa habuisse respectum. Quid enim causæ esset, cur ὡδὰς, voce addita, πνευματικὰ restringeret, si per illas divinitus inspiratas, indicare vellet, quas ex sui interna, ac propria indole esse sacras, constat inter omnes? Quum igitur antecedentibus canticorum speciebus hanc limitationem non adiungat, sed ad solam tertiam ὡδῶν referat, quam facillime ex eo cognoscere licet, carmina, humana industria adhibita a viris spectatis, Εἰς commemorabili pietate cognitis elaborata per ὡδὰς πνευματικὰ immi. Etsi promiscue vero etiam deinceps huiusmodi nomina sumta sint. Veluti apud EUSEBIUM quidam scriptor CAIUS, ut videtur, contra ARTEMONEM hæreticum testatur: Ψαλμὸς Eccles. c. 28. δὲ ὅσοι καὶ ὡδαὶ ἀδελφῶν ἀπ' ἀρχῆς ὑπὸ πισῶν γραφεῖσαι τὸν λόγον τῷ θεῷ τὸν

χοΐσθων

Lib. V. Hist.

χριστὸν ὑμνοῦσι θεολογοῦντες. Sed & psalmi, ac cantica, quæ a fidelibus fratribus ab initio scripta sunt, verbum DEI esse Christum & DEUM, tota hymnorum suorum laude concelebrant. HIPPOLYTUS, vel quisquis est auctor orationis de consummatione saeculi, circa finem αἰώνος καὶ ψαλμοῦ καὶ ὥδας πνευματικῶν commemorans, ad D. PAULUM respexisse videtur, αἰώνος seu laudem pro hymno ponens. Passim sancti Patres non solum in commentariis laudatos D. PAULI locos illustrant, sed aliis etiam occasionibus, quis, & qualis ex apostolica institutione ac præceptis fuerit, in conventibus christianis ab ipso Ecclesiæ exordio cantus, docent, tempore, loco, & modo, quem PLINIUS ex ore Christianorum designavit: apertissime vero EUSEBIUS discrimen canticorum spiritualium novi testamenti designat, ab apparatu instrumentorum musicorum veteris Testamenti a). Postquam etiam sensum litteralem, usumque christianum explicavit, spiritualem consecatur ad rationem cultus christiani demonstrandam; ut non solum oris, sed cordis potissimum officium in psalmis, hymnis, & canticis spiritualibus impleatur. Idem SS. AMBROSIUS, CHRYSOSTOMUS, THEODORETUS, & alii interpres in verbis Apostoli sunt prosecuti, qua ratione non ore tantum, sed in cordibus suis, ac spiritu, & mente Christianos psallere, & canere deceat in publicis Ecclesiæ conventibus, quod suos monet ad eadem alludens Apostoli verba S. Serm. IV. in Exod.

GAUDENTIUS Brixiensis: Sollicite convenite ad Ecclesiam: orationibus, hymnis, & canticis spiritualibus nobiscum vigilanter incubite. Hæc sunt otii vestri

a) „ Iure (inquit in Psalm. XCII. p. 608.) Dominica die gratiarum actiones Domino reddimus ubique terrarum in Ecclesiis eius congregati. Cum autem per confessionem progressum, & augmentum acceperimus, tnm iubemus psalliche ad meliorem animæ statum proiecti: aucti vero, ac meliores effecti, hæc aliis annunciare, ac eos, qui ad nos proxime accedunt, misericordias DEI edocere precipimus: atque id agere matutinis horis. Hæc porro iubet scriptura peragere primo diluculo, postquam animas, & corpora nostra nocturno tempore sancta, & a cordibus quibusque pura servaverimus, pietatisque veritatem, repetita nocturnis horis cultus DEI memoria, suscepimus. Olim quidem, cum populi ex circumcitione per symbola, & figuræ DEUM colerent, non incongruum erat, per psalteria, & citharas, hymnos DEO emittere, idque die Sabbati praestare, otium nempe solventes, & in hoc legem Sabbati transgredientes. Nos vero Iudeum in abscondito servantes secundum illud Apostoli dictum: *Non enim, qui in manifesto Iudeus est, neque que in manifesto in carne est circumcisio; sed qui in*

*abscondito Iudeus est, & Circumcisio cordis in Spiritu, non litera: Viventi psalterio & cithara animata, spiritualibusque canticis hymnum effundimus. Omni quippe instrumento musicali acceptior & suavior DEO fuerit CHRISTI populorum concensus, quo in omnibus DEI Ecclesiis una mente, uno affectu, pari consensu, & una sententia fidei, & pietatis, una voce, melos in psalmodiis emitimus. Huiusmodi igitur psalmodiis, & citharis spiritualibus uti consuevimus: quia id docet Apostolus his verbis: Psalmis, & canticis, & hymnis spiritualibus. Alia item ratione cithara fuerit totum corpus, cuius motibus, & operibus anima condescendet hymnum DEO emittit. Psalterium autem decem chordarum Spiritus Sancti cultus est, per quinque corporis sensus, & per totidem animæ virtutes exhibitus; que his declarat idem Apostolus; *Orabo spiritu, orabo autem & mente; psallam spiritu, psallam & mente.* Quasi scilicet mens etiam motus suos habeat, quibus pulsat corpus; & Spiritus item proprios obtingeat motus, quibus animam movet.“*

*vestri opera: quibus debitum reddentes Christo Domino famulatum, mercedem
vitæ æternae consequi ab ipso possitis.* Quin & privatæ domus hæc otia chri-
ftiana idem esse vult: *Sit domus Christiani ac baptizati hominis immunis a* ^{Serm. VIII.} *choro diaboli, sit plane humana, & hospitalis; orationibus sanctificetur assi-
duis, psalmis, hymnis, canticisque spiritualibus frequentetur.* Abducere, at-
que absterrere vult Christianos a profanis cantibus, præsertim in conviviis:
Ubi, inquit, *lyra sonat, & tibia: ubi omnia postremo genera musicorum in- Ibid.*
ter cymbala saltantium concrepant. Idem passim S. CLEMENS Alexandrinus
in suo Pædagogo, S. CHRYSOSTOMUS, & alii, fideles commonuerunt, ut
fuo loco postea dicemus, quæ fuerint Christianorum studia in canendis
privatim psalmis, ac DEI laudibus, etiam in conviviis, præsertim ante, &
post cibum in gratiarum actionem. Idem argumentum D. PAULI est in
citato ad Ephes. V. loco, ut ebrietatem devitent: *Sed implemini*, inquit,
*Spiritu Sancto, loquentes vobismetipsis in psalmis, hymnis, & canticis spiri-
tualibus*, nempe ut a profanis, pro more gentilitio, abstineant canticis, &
facra, seu spiritualia prosequantur, nec non psalmos, quorum constans, ac
indubitata est notio ex sacra scriptura; hymnos item in DEI laudem canant,
sive a DEO inspiratis hominibus in scriptura, sive etiam ab aliis piis homi-
nibus compositos.

VIII. Atque ad hoc CHRISTI Domini & Apostolorum in ultima Cœna Exempla ex
exemplum præsto est, quod MATTHÆI XXVI. 30. & MARCI XIV. 26. me- Scriptura.
memoratur, CHRISTUM hymno dicto exiisse in montem Oliveti. S. AUGUSTINUM
CERETHIUS Episcopus consuluit de quibusdam scripturis, quibus utebantur
Priscillianistæ, quas inter erat hymnus quidam, quem CHRISTUS post
Cœnam dixerit. Habentur ibi excerpta quædam ex libris Priscillianistarum
de hymno illo: ex. gr. *Solvere volo, & solvi volo. Salvare volo,*
& salvari &c. In sensum verborum inquirit ibi Sanctus AUGUSTINUS, ^{Ep. 237.}
quæ postea afferemus. PAULUS Burgensis Episcopus psalmodiam fuisse putat,
quam *Iudæi* canunt hac ipsa nocte, post comedum agnum paschalem, vo-
caturque ab eis *Alleluia magnus, vel magnum* **לְהִיא אֶתְבָּחַד** nimirum a psal-
mis, quorum initium est **אֶתְבָּחַד**. Alii putant, canticum hoc conflatum esse
ex Ps. CXII. vel CXIII. & quinque subsequentibus in Paschate dici solitis apud
Iudeos, quos censent a CHRISTO cantatos. Aliis persuasum est, hymnum hunc
fuisse preces illas Iudaicas, quæ adhuc hebraice apud quosdam scriptores legun-
tur, ut AMELOTIUS in hunc MATTHÆI locum annotavit. Reperitur etiam in
rituali *Iudæorum* libro precatio eiusmodi, quam dignior inter commenfales
poculum vini manu tenens elata voce pronunciare iubetur: *Gratias aga-
mus DEO pro bonis nobis collatis.* Et astantes respondeant: *Laus DEO, qui*
MART. GERBERT. DE MUSICA ECCL. L. I. D nos

26 L. I. DE ORTU ET PROGRESSU MUSICÆ

nos bonis suis emittrivit &c. Sed, ait GROTIUS in eum MATTHÆI locum, sicut ad veterem gratiarum actionem CHRISTUS novam addidit, suo instituto congruentem, ita & de hymno fecisse credibile est. Ac forte ea ipsa hymni in modum dixit CHRISTUS, quæ apud IOANNEM c. XVII. legimus. Nam solebant pro re nata ex tempore hymnos, quos τόνοις vocant, effundere HEBRÆI, nullis numeris adstrictos, qualia sunt carmina DEBORÆ, ANNÆ, ZACHARIÆ, MARIE, IUDÆORUM 2. Machab. X. 38. & hymnus ille Christianorum, qui extat ACTOR. IV. 24. CAROLUM M. res hæc perplexum tenuit, ea que de re ad ALCUINUM scripsit: *Propter hoc, verba eius sunt, sumus non mediocri stupore perculsi, cur tantæ dulcedinis hymnus, vel ab ipso Domino, vel si a discipulis, in præsentia tamen Domini dictus, ab Evangelistis omnibus sit prætermisssus.* ALCUINUS eos refutans, qui psalmum fuisse volunt, canticum illud a reliquis Evangelistis prætermisssum, apud IOANNEM confidere putat partem sermonis ab illis verbis: *Pater venit hora, clarifica Filium tuum, usque: ut dilectio, qua dilexisti me, in ipsis sit, & ego in ipsis. Iste est hymnus sacratissimus & pulcherrimus, & cunctis pernecessariis creditibus, sunt verba ALCUINI, quem peracto convivio, magna dulcedine, & admirabili suavitate, præsentibus suis discipulis decantavit.* Consentit cum ALCUINO H. GROTIUS, ac si CHRISTUS ipse hunc, ut novum a se confitum, cecinerit, cuius contenta apud IOANNEM legi possent. HILLIGERO in Dissert. de psalmorum, hymnorum, & odarum sacrarum discrimine obstat videtur concensus Apostolorum, uno, eodemque tempore factus, qui, si cantilena nova, ipsisque ignota fuisset, nullatenus coniungi potuisset, mavult ideo sententia Ioan. BUXTORFFII in Lex. Talmud. Rabb. adhærere, qua hymnum hunc paschalem, septem psalmos a psal. CXII. ad ps. CXVIII. *Hebræis* נְצָרָת נְהִת dictos, comprehendisse, rectius statuitur. *Ioan. XVII.* Id tamen dici potest, CHRISTI orationem haud abludere ab aliis eiusmodi evangelicis canticis numero haud adstrictis, quorum iugis est in Ecclesia usus, cum psalmis & canticis veteris Testamenti. NICETIUS in tractat de psalmodiæ bono apud DACHERIUM totus fere versatur in hymnographorum & psalmistæ piis deprædicando studiis; primum ex veteri Testamento, deinde ex novo, imprimis CHRISTI ipsius exemplo a). Sancti Patres

Spicil. T. I. a) „Cum (inquit c. 3.) res exigat de novo testamento aliqua ad veterum confirmationem, & ad veltram instructionem debere proferri. Ergo invenies primum ZACHARIAM, patrem magni IOANNIS post longum illud silentium, in hymni vice prophetasse; nec ELISABETH diu sterilis, edito de promissione filio, DEUM de ipsa anima magnificare cessavit; nato in terris CHRISTO

Iaudem sonuit exercitus Angelorum: *Gloria in excelsis DEO, & in terra pax hominibus bona voluntatis.* Annunciantes pueri in templo, O-sanna Filio DAVID clamaverunt; nec Phariseis livore strepentibus Dominus ora innocentium clausit, sed potius aperuit dicens eis: *Non legitis scriptum, ex ore infantuum & laetantium perficiisti laudem?* Et si isti tacuerint, lapides

Patres exemplum CHRISTI cum Apostolis extollunt vehementer, & commendant: *Consummatis*, inquit S. HILARIUS, *universis divinorum mysteriorum In Matth. virtutibus, gaudio, & exultatione communi in cœlestem gloriam efferuntur.* c. XXX. n. 2. Quo innuit, non vulgari aut communi voce hæc fuisse transacta. S. CHRYSOSTOMUS, idem CHRISTI cum Apostolis, ne putas ad solum CHRISTUM in 1. ad Cor. id pertinuisse, deprædicat exemplum: *Considera, inquit, quum sacras illas cœnas Apostoli accipiebant, quid tum faciebant? Nonne in preces convertebantur, & hymnos?* Et in MATTHÆUM, nos ad idem provocat exemplum: *Gratias, inquit, agit, posteaquam dedit, & hymnum cecinit, ut nos quoque similiter faciamus.* S. AUGUSTINUM ad idem alludentem exemplum, & D. PAULI præceptum paulo ante audivimus, iisdemque fere Concilium Toletanum IV. verbis: *De hymnis etiam canendis, & Salvatoris, & Apostolorum can. XIII. habemus exemplum: nam & ipse Dominus hymnum dixisse perhibetur, MATTHÆO Evangelista testante: Et hymno dicto exierunt in montem Oliveti. Ex PAULUS Apostolus ad Ephesios scripsit dicens: Implemini Spiritu, loquentes vos in psalmis & hymnis & canticis spiritualibus. Et Rhabanus MAURUS: Itaque & in hymnis, & psalmis canendis non solum Prophetarum, sed etiam ipsius Domini, & Apostolorum habemus exemplum, & præcepta de hac re utilia ad movendum pie animum, & inflammandum divinæ dilectionis affectum. Sunt autem divini hymni, sunt & ingenio humano comp̄positi.* Hug. GROTIUS paulo ante attulimus observationem de hymnis eiusmodi pro re nata ex tempore effundi solitis. Nec dubito, inquit, quin & hoc canendi genus, vel præcipue commendet PAULUS Eph. V. 19. Col. III. 16. Mansit diu is mos in Ecclesia veteri. Ipse nobis PAULUS exemplum reliquit, ut de eo ac SILA in Actibus custodiis, inquit TERTULLIANUS, orabant, & canebant. Et S. CHRYSOSTOM. Hom. in illud: *Diligentibus DEUM omnia cooperantur in bonum. Toti, inquit, in orationem incumbabant, & admirabilem illum hymnorum cantum offerebant, ac deinceps carcer Ecclesia fiebat, & illorum sanctorum cantu totus ille locus sanctificabatur. Ac videre erat res mira, & inusitata, homines ligno alligatos, neque tamen, quo minus hymnos canerent, quidquam impediri a.* a Ex citatis D. PAULI locis colligitur non psalmos tantum Davidicos, sed & alias canticorum sacrorum species, publice receptas fuisse. Qua de re ceu vulgo nota loquitur, nullamque, quid per psalmos, hymnos, & cantica

clamabunt. Ipse Dominus in verbis doctor, in factis consummator, ut hymnorum ministerium gratissimum comprobaret, cum discipulis hymno dicto exivit in montem Oliveti. Quis iam tali documento de psalmorum, & hymnorum reli-

gione dubitabit? Quomodo ille, qui a cœlestibus cunctis adoratur, & pfallitur, ipse cum discipulis hymnum cantasse perhibetur? “

a) Lege integrum locum T. III. Opp. pag. 159. edit. S. Maur. Paris. 1721.

28 L. I. DE ORTU ET PROGRESSU MUSICÆ

spiritualia intelligat, adiicit explicationem, cum eas species in duabus epistolis eadem ratione enumeret. HEUMANNUS, & ex eo *I. Iac. HULRICUS*, Diff. Lib. II. *P. I.* *De sacrorum hymnorum usu*, ad locum *Ephes. V. 14.* existimat, ab Apostolo produci tres versus anacreonticos cantici alicuius ecclesiastici ex illis, quorum usum *versu* 19. commendet, quodque revera tum temporis ad cultum publicum decantari confueverint his verbis:

*Ἐγειρα ὁ καθεύδων
Καὶ ἀνάστα ἐν τῶν νεκρῶν
Ἐπιφανεῖ σοι ὁ χριστός.*

Testimonia a prima Ecclesie aetate. IX. Id obtinuisse perpetua Ecclesiae traditione, & praxi constat. Ut a S. IGNATIO (qui TRAIANO imperium tenente, ab anno CHRISTI 98. usque 117. Martyr fuit) exordiar, præterea vero allegoriam, qua Presbyterii cum Episcopo concordiam illustrat; a suavissima nervorum in cithara harmonia ἀσματα προσευχὴν σύμφωνον in epistolis ad *Ephesios*, & ad *Romanos* commendat, mysticum etiam pro sua pietate miscens sensum. MEIBOMIUS in praefatione ad antiquæ musicæ Scriptores *Amstelodami* typis *Elzevirianis* editos, quæ sequuntur eo in loco, in vulgatis editionibus corrupta, male que intellecta restituit eum in modum, quo in editione COTELERII habentur a). Apertissime vero S. IUSTINUS M. in *Apol.* ad *ANTONINUM Pium* testatur de hymnis DEO a Christianis decantari solitis, cum ait: *Gratos nos illi*

*An. 1652.
Ep. ad Eph.
n. 4.*

a

a) „Διὰ τότο ἐν τῇ ὁμονοίᾳ ὑμῶν, καὶ συμφώνῳ ἀγάπῃ Ἰησὸς Χριστὸς ἀδεταῖ, καὶ οἱ κατ’ ἄνδρα δὲ χορὸς γίνεσθε, ἵνα συμφωνοὶ ἔτετε ἐν ὁμονοίᾳ χορῷ μαθεῖτε λαβέντες, ἐν ἐνότητι ἀδητε ἐν φωνῇ μιᾷ. Quæ vetus Interpres ita vertit: Propter hoc in consensu vestro & consona charitate IESUS CHRISTUS canitur, sed & singuli chorus facti estis; ut consoni existentes in consensu, melos DEI accipientes, in unitate cantetis in voce una. Χορῶμα interpretatur melos, seu cantum, quod ut novum videri possit, non tamen est inscitum. Addere autem debuisset, iucundum, & animum suavitatem delinquentem, cuiusmodi a virtutis via semper delectare nitens humana natura querit, & desiderat, cum enarmoniis potius, & diatonis, severis illis modis, & ad omnem virtutem inicitibus delectari debebat, ac si dicere vellet παραδειτέον μέν ταῖς σωφρονίαις ἀρμονίας, καταλειπτέον δὲ ταῖς χορωματι-

καῖς, ut loquitur CLEMENS Alexandrinus: Modesti modi sunt recipiendi, relinquendi autem chromatici. Quodsi tamen mollioribus cantilenis diffluere vultis, diviniis rebus illas accommodate, & hymnis in DEI, ac Salvatoris vestri laudes toti incumbite. Hic est genuinus illius loci sensus, quem tantæ antiquitatis Scriptori, qui tot locis corruptus ad nos pervenit, restitutum volumus.“ MEIBOMIUS istæ præcise ad cantum, ac musicam ecclesiasticam in publicis sacris restringit, quem etiam hand obscure Sanctus Martyr designavit in Epistola ad *Romanos* num. 2. „Plus autem (inquit) mihi tribueri non potestis, quam ut immoler DEO, dum adhuc altare paratum est; ut in charitate chorum constituentes, ἵνα ἐν ἀγάπῃ χορὸς γενόμενοι ἀσητε τῷ Πατρὶ ἐν Χριστῷ Ἰησῷ, canatis Patri in CHRISTO IESU, quod Episcopum SYRIÆ dignatus fuerit DEUS in Occidente inveniri, ab Oriente accersitum.“

illi exhibentes , rationales pompas , & hymnos celebramus , quod nati sumus , quod valetudini consultum sit , quod species rerum conserventur , quod vices annuae bene succedant , quod immortalitatem sperare liceat. Loquitur de publicis precibus pro omni hominum statu in sacra liturgia , seu agapis Christianorum , ubi adnotat Editor ex Congr. S. MAURI : *Satis perspicitur hymnos hic vocari tum psalmos DAVIDIS , tum a Christianis ipsis composta carmina , quæ in Ecclesia cantari solebant.* Pompa autem nihil aliud videntur esse , quam ritus , & cærimonie in administrandis Sacramentis , Eucharistie præsertim , & Baptismi solita observari. Διὰ λόγου πομπὰς η ὑμνες πέμπων , vertit GRABIUS , verbis solemnia , & hymnos fundere , atque in notis ad citatum locum , πομπὰς intelligit solemnies cum magno spiritu , & externa pompa aliqua recitatas preces , quales illæ maxime erant , quæ ad altare in tremendorum mysteriorum celebratione fundebantur. TERTULLIANUS Sec. III. in Apologetico c. 39. utriusque generis , vel ex Scriptura , vel ex ingenio editarum cantionum meminit : *Post aquam manualem , inquit , & lumina , ut quisque de Scriptis sanctis , vel de proprio ingenio potest , provocatur in medium DEO canere.* Sermo ei est quidem de agapis Christianorum. Paulo ante tamen , dum eodem fere modo ac S. IUSTINUS M. conventus facros Christianorum describit , innuere etiam cantum videtur : *Certe , inquit , fidem sanctis vocibus pascimus , spem erigimus , fiduciam figimus , disciplinam præceptorum nihilominus inculcationibus densamus.* Post TERTULLIANUM ORIGENES , quid sacris in conventibus in tota terrarum Ecclesia factum sit suo tempore , memorat , id est , eodein seculo tertio : „Psalmi (inquit) pro torcularibus in scripti , qui tres sunt , nempe octavus , octogesimus , & octogesimus tertius , videntur mihi congregationem Ecclesiæ , & multitudinem conventuum , cœtumque significare: siquidem ex multis unam orationem , unamque cantum corum modulationem in Ecclesiis DEO offerri contingit ; quenadmodum in torcularibus ex multis , ac diversis vitibus una vini mixtio conficitur... „octogesimus quoque psalmus , cum de torcularibus agat , iubet omnes gentes Prophetarum DEO hymnum referre; sic aeterni habet : *Exultate DEO adiutori nostro , iubilate DEO Iacob.*“ Contra CELSUM , eius cavillatio- nem adversus Christianos refutans , quasi Barbaris utantur nominibus , Græcos , dicit , Græce , Romanos latine , & sic singulas gentes DEUM propria lingua precari , hymnisque pro viribus concelebrare. Subfannantur postea ab eo Dii Gentium dæmones , sanguini , nidoribus , concentibus , aliisque eiusmodi rebus deditissimi. Et cum in CELSO notasset , cum hymni Minervæ , & Soli canuntur , magnum Deum magis coli videri. At nos , subdit , contra esse scimus. Hymnos enim canimus soli Summo DEO , & Unigenito eius

30 L. I. DE ORTU ET PROGRESSU MUSICÆ

Verbo, atque DEO; & laudamus DEUM, & unigenitum eius eodem modo, ac sol, & luna, & stelle, & tota cœlestis militia. Ex his enim omnibus divinis constat chorus, qui cum iustis hominibus summum DEUM, eiusque Unigenitum hymnis celebrat. Eundem in modum allegoriis (ni malis, ORIGENEM cum PLATONE, PYTHAGORA &c. concentum in motu corporum cœlestium indigitare.

a) *rem involvit S. CLEMENS Alex. Admonit. ad gentes, dum primum in exordio ex fabulis Amphionis, Arionis, & Orphei arripit argumentum; ad finem autem sermonis a Sireibus, & sacris initiationibus; ipse contra ad vere sacrata Verbi mysteria in Ecclesia DEI invitat. Hic, inquit, est mons DEO dilectus, qui non tragædis, quemadmodum CITHÆRON argumentum dedit: sed est dedicatus veritatis actibus; mons sobrius, castis umbrosus sylvis. In eo autem bacchantur, non fulmine iæ Semeles sorores, Mænades, quæ incesta visceratione carnum initiantur, sed DEI filiæ, pulchræ Agnæ, quæ veneranda Verbi orgia concelebrant, chorum moderatum congregantes. Chorus sunt iusti, canticum est hymnus Regis omnium, psallunt puellæ, gloria afficiunt Angeli, Prophetæ loquuntur, editur sonus musicus.*

Et paulo post: Si velis, tu quoque initiare, & chorum duces cum Angelis circa eum, qui est ingenitus, & ab interitu alienus, & qui solus est vere DEUS: una nobiscum comite DEO Verbo. Hoc est, quod antea ex

L. V. c. 28. EUSEBIO b) attullimus, testimonium libri adversus ARTEMONIS hæresin a vetustissimo auctore scripti, CHRISTI divinitatem probare psalmos, & odas fratrum a fidelibus scriptas ab initio. Ipse autem EUSEBIUS propria eius rei

Tom. I. testimonia dedit fæc. IV. præsertim commentariis in psalmos nuper a MONTFAUCONIO in Collectione Patrum Gracorum editis: unde licet iam unum

Pag. 325. attulerimus, insignia tamen præterea habentur in Psalm. LXV. ubi Psallere, inquit, nomini eius præcipit, quod a nobis omnibus in locis observari consuetum est.

Nam & in omnibus DEI Ecclesiis apud gentes constitutis, hac ipsa modulari, & psallere non Gracis tantum, sed etiam barbaris præcipitur. Et postea in eundem: Auditam facite vocem hymni eius, ut ipse habet. Mirari porro subit, qui impletus hic sermo fuerit, quando per universum orbem, in mediis urbibus, in vicis, in agris, per universas DEI Ecclesiias, CHRISTI populi ex universis gentibus delecti, hymnos, & psalmos, non patris diis, non DEI inimicis demonibus; sed uni DEO a Prophetis prædicato, alta emittunt voce, ita, ut psallentium vox vel ab iis, qui foris consistunt, au-

Lib. X. Hist. eccl. c. 3. dicatur. Idem deprædicans felicitatem Ecclesiæ christianæ, pace post persecutions reddita, sub CONSTANTINO M. celebrat inter alia divinos quosdam Augustosque Ecclesiæ ritus, hinc psalmos canentium, & reliquas nobis divinitus

a) Vid. CICERO in Somnium SCIPIONIS: Item b) Ψάλμοι δὲ ὅσαι καὶ ὡδαὶ αἰδελφῶν ἀπὸ
MACROB. lib. II. in id. ἀρχῆς ὑπὸ πιστῶν γραφεῖσαι. L. V. c. 28.

nitus traditas voces auscultantium &c. Et capite sequenti Panegyricus in Encæniis templi Tyrii dictus refertur, in quo hæc leguntur verba: *Alterum nobis triumphalem hymnum canere, atque in hæc verba diserte exclamare licet*: Sicut audivimus &c. HIPPOLYTUS, vel quisquis est antiquissimus auctor de consummatione mundi, & de Antichristo, inter signa Antichristi ponit, ut liturgia extinguitur, & psalmorum decantatio cesset; commendat vero fidelibus a): *Os vestrum, inquit, preparavi ad glorificandum & laudandum DEUM, & psalmos cantionesque spirituales pronuntiandas.* Ex aliis sanctis Patribus, imprimis BASILIO, AMBROSIO, CHRYSOSTOMO, HIERONYMO, AUGUSTINO &c. suis laudabimus subinde locis testimonia varia, & luculenta; unum hic tantum alterumve feligimus. Primum S. BASILII ad virginem lapsam, quam ita affatur: *Recordare dierum tranquillorum, & noctium illuminatarum, & cantilenarum spiritualium, & psalmodiarum sonoræ, & precum sanctorum.* S. AMBROSIUS cantum Christianorum facrum opponit L. III. *Hec mortifero scenicorum: Quos, inquit, non mortiferi cantus cromatum scenorum, quæ mentem emolliant ad amores, sed concentus Ecclesie, & consona circa DEI laudes populi vox, & pia vota delecent.* S. CHRYSOSTOMUS Psalmum CXL. tam frequenter cantari solitum, ut etiam memoria tenere potuerint fideles, memorat. *Huius quidem Psalmi, inquit, verba pene omnes scient, & per omnem etatem perpetuo canunt.* Et paulo post: *Neque enim puto fuisse temere decretum a Patribus, ut hic psalmus vespere diceretur quotidie &c.* Imprimis autem hoc faciunt, quæ alibi de divino apud Monachos officio dicit his verbis: *Ante diem, cum gallus vocem dederit, omnes statim cum reverentia somnum deponentes exurgunt excitante eos Prælato, populum Antonio consunt sanctum constituentes chorum, & statim manus extendentes sacros hymnos decantant . . . Stant hymnos cantantes propheticos, multa cum vocis consonantia, cum apte compositis concentibus.* Neque cithara, neque fistula, neque ullum aliud musicum instrumentum talem emittit vocem, qualem audire licet in profunda quiete, & solitudine sanctis cantantibus illis. Hunc modum cultus christiani per hymnos, inde a DAVIDE introductum, explicat S. HIERONYMUS inquiens: *Et super choros (qui in libro dierum plenius describuntur) ASAPH, & IDITHUN, & EMAN, & filii CORE constituti sunt, ut paulatim a sacrificiis victimarum ad laudes Domini transiret religio.* Hæc est institutio ac origo divina sacri in laudem DEI concentus, christianæ religioni propria, ac digna. *Omnia, ut cum GREGORIO Naz. loquar, ad DEUM, hymnos, preces, vigilias, lacrimas.* Sic S. AUGUSTINUS omnia officia pietatis a Christiano, publico cultu præstari solita, distinguit: „Vide, (ait)

a) Τὸ σόμα ὑμῶν πρὸς δεξιογίαν καὶ ἡυτέωτα λαλᾶν.
ἄνον, καὶ ψαλμὸς, καὶ ὠδὴ πνευματικὰ

32 L. I. DE ORTU ET PROGRESSU MUSICÆ

„(ait) formicam DEI , surgit quotidie , currit ad ecclesiam DEI , orat , „audit lectionem , hymnum cantat , ruminat quod audivit , apud se cogitat.“ Idem Sanctus Doctor singularem librum scripsit contra HILARIUM *de Cantis ad Altare.*

L. II. Retra-
stat. c. II.

Nimirum ut is ipse memorat : „HILARIUS quidam , vir tribunitius , laicus , catholicus , nescio unde , adversus DEI Ministros , ut fieri affolet , irritatus , morem , qui tunc esse apud Carthaginem cœperat , „ut hymni ad altare dicerentur de psalmorum libro , sive ante oblationem , „sive cum distribueretur populo , quod fuisset oblatum , maledica reprehensione , ubicumque poterat , lacerabat , afferens , fieri non oportere .

Art. 114.

„Huic respondi iubentibus fratribus.“ TILLEMONTIUS videtur credidisse , HILARIUM quædam obiecisse contra hunc librum , eique respondisse AUGUSTINUM : quia aliud eius opusculum sic refert POSSIDIUS : *Responso obiectis HILARII , liber unus.* Verum insinuat ibidem POSSIDIUS epistolam 89. quæ

T. VI. Aug.

p. 319. ad alium data est HILARIUM , ut *Bollandistæ* annotarunt . Profecto vix operæ pretium fuisset in re , tanta ecclesiarum confensione firmata , iterum in arenam descendere . Luculenta testimonia cantus Christianorum CONSTANTINI M. tempore , & paulo post a Doctoribus Ecclesiæ allata collegit *Ioan.*

Antiq. Bibl.

c. 4. p. 293.

De bono Psal-

modie c. 3.

A. QUENSTEDTIUS. „Quæcum ita sint fratres (cum NICETIO postquam eadem cum ipso tractavimus , concludere licet) iam pleniori fiducia hymnorum mysterium fideliter impleamus , magnam nos credentes a Deo gratiam consecutos , quibus concessum est cum tantis ac talibus Sanctis , Prophetis dico , atque Martyribus DEI æterni miracula. Hic cum DAVID Domino confitemur , quoniam bonus est ; cum MOYSE potentiam Domini magnis illis canticis personamus ; cum ANNA , quæ Ecclesiæ speciem gerit , olim sterili , nunc fœcunda in DEI laude , corde confirmamur ; cum ISAIA de nocte vigilantes psallimus ; cum ABACUC , cum HIEREMIA , cum IONA , sanctissimis Vatibus orando cantamus ; cum tribus æque Pueris , quasi in fornace positi , convocata omni creatura Crea-

Prudent. Ca-
themey.

hym. 2.

*Te mente pura & simplici ,
Te voce , Te cantu pio ,
Rogare curvato genu ,
Flendo , & canendo , discimus.*

*Cantorum
minus a
primordiis
Ecclesiæ.*

X. Erat inde a prima Ecclesiæ ætate peculiaris ordo psaltum , seu cantorum , in Oriente saltem semper singularis , & a Lectoribus distinctus : qui canonici Psalmæ sunt dicti , quod in Canonem , seu Ecclesiæ matriculam effent adscripti . De prima eorum origine nihil statur potest . Exempli causa

fa ex supposititia epistola S. IGNATII ad *Antiochenos*, in qua cum reliquo ecclesiastico Ordine recensentur: *Saluto Subdiaconos, Lectores, Cantores, Ostiarios, laborantes Exorcistas.* Idem in pluribus apostolicis Canonibus memorantur. Sic Can. XXV. vel XXVII. ex DIONYSII *Exigui* collectione datur libertas ducendi uxorem Lectoribus, & Cantoribus. Can. XLIII. prohibetur Hypodiacono, Lectori, & Cantori, aleis, & ebrietati vacare; & Canone LXIX. statuitur, ut Episcopus, vel Presbyter, vel Diaconus, vel Hypodiaconus, vel Lector, vel Cantor, qui sanctam Quadragesimam, aut feriam quartam, vel Parasceven non ieunaverit, deponatur. Auctor Constitutionum apostolicarum eosdem cum reliquis minoribus Ordinibus reponit. *Sed L. III. c. 11.*
neque reliquos baptismum conferre volumus; veluti Lectores, aut Psaltes, aut Ianitores, aut Ministros, nisi solos Episcopos & Presbyteros ministrantibus Diaconis. In liturgia earundem Constitutionum, item IACOBI & MARCI, pro Psalmib[us] etiam inter reliquos ecclesiasticos Ordines oratur. Et hactenus quidem de ipso eorum officio cantandi non fuit facta mentio, quod fit in Can. XVII. Concilii Laodiceni: *Non oportere præter canonicos Cantores, qui suggestum ascendunt, & ex membrana legunt, aliquos alios canere in ecclesia.* Canone XXIII. decernitur: *Non oportere Lectores & Cantores orarium ferre, & sic legere & cantare.* Canone XXIV. inter cæteros Ordines Cantores & Lectores discretim ponuntur. IUSTINIANUS dicit, Lectorum esse *hymnos & odas L. 34. de Epicancere.* In divali IUSTINIANI Constitutione, Nov. 3. L. *Omnem. 40. de scop. audient.* Episc. & Cler. (qua Clericos ad suum psallendi munus recte implendum gravissimis verbis admonet) Lectores 110. Cantores 25. constituuntur pro Ecclesia *Cpolitana*: totidemque in diplomate HERACLII Imp. Lectores & Can- T. I. Iur. tores etiam distinctim recenset EPIPHANIUS post Har. 80. Haud raro tamen *Græc. Rom.* conveniebat in una persona uterque Ordo. De MARCIANO Martyre Sozomenus: MARCIANUS vero, inquit, *Cantor erat & Lector divinarum Scripturarum.* a) ZONARAS dicit more mutato Lectores circa cantum magis, quam circa lectionem occupatos suo tempore fuisse. BRISO, eunuchus Augustæ memoratur SOCRATI & SOZOMENO, qui tum hymnorum cantoribus erudiendis erat *Zon. ad Can. 22. Laod.* præpositus. Nec vero eunuchi Ordinibus ecclesiasticis idonei erant; minus *Soc. L. 6. c. 7.* *Soz. L. 8. c. 8.* vero Catechumeni: de quibus idem SOCRATES: *In urbe Alexandrina Lectores L. 5. c. 22.* & *Psaltæ absque illo discrimine sunt tam Catechumeni, quam fideles, cum tandem omnes ubique ecclesiæ nonnisi fideles ad hunc gradum promoveant.* Assumebantur etiam in admidum iuvenili ætate. De S. THEODOSIO sic scribit CYRILLUS Scytopolitanus in eius Vita: *Hinc & COMANORUM ecclesiæ Cantor, ipse oppido*

a) Vid. MENARD. n. 696. & 699. in Sacramentari.

S. GRÆG. SUICERUM in Thes. eccl. ad vocem

MART. GERBERT. DE MUSICA ECCL. LIB. I.

ἀναγγεῖσθαι. Petrum COUSTANT in animadv. ad epist. SIRICII col. 633.

34 L. I. DE ORTU ET PROGRESSU MUSICÆ

oppido utilis a puerō factus est, & ecclesiasticum Ordinem accuratissime edocētus, & memoriae mandavit Psalterii librum &c. Nec prætereundum, quod de MARΙ narrat THEODORETUS in Historia religiosa : *Quod corporis integratam servarit, cum multos quidem dies festos Martyrum celebrasset, cum esset adolescentis, vocis autem bonitate demulcisset populum.* Non & plurimo tempore perseveravit psallere, & fuit insigni pulchritudine corporis. Sed tamen nec species corporis, nec vocis claritas, nec, quæ ei cum multis intercedebat congressio, animi pulchritudiui aliquid detrimenti attulit. Non fuit ergo MARIS ex genere Cantorum canonicorum, ut vocat Concilium Laodiceum, qui nempe matriculæ unius cuiusdam ecclesiæ adscripti erant.

Victor Vitenſ. de Persec. Vandal. de TEUCHARIO Lectore apostata narrat : „ De multitudine pergentium confessorum, id est, ecclesiæ Carthaginis Clericorum, suggerente quodam ex lectore TEUCHARIO perduto, quos ille noviterat vocales, strenuos atque aptos modulis cantilenæ, designatione sua debere dicit duodecim infantulos separari, quos ipse, dum catholicus esset, tunc discipulos habuit.“ S. NICETIUM, Lugdunensem Episcopum

De Vitis PP. e. 8. S. GREGORIUS Turonensis perhibet illud omnino studuisse, „ ut omnes pueros, qui in domo eius nascebantur, ut primum vagitum infantiae relinquentes loqui cœpissent, statim litteras doceret, ac psalmis imbueret : scilicet ut ingressui tali iungeretur psallentium, tam antiphonis, quam meditationibus diversis, ut devotio flagitabat, animum posset imbuere.“ Dubito iam prioribus Ecclesiæ sacerulis Cantores a prima infantia Romæ (ut postea in orphanotrophio enutriebantur) fuisse educatos, cum id muneris obierint ante S. GREGORIUM etiam in maioribus Ordinibus constituti. Id vero etiam in Gallia usuvenisse in Vita S. GALLI, Episcopi Arvernensis medio saec.

Ibid.c.6. n.8. VI. docet S. GREGORIUS Turonensis de VALENTINIANO Diacono (qui nunc, ait, Presbyter est, & Cantor) aliisque Clericis, dum Episcopus Sacra agebat, canere solitus. Prius quidem VALENTINIANUM fuisse Cantorem, quam Presbyterum, postea innuit: VALENTINIANUS, inquit, igitur Cantor . . . qui postea Presbyter fuit, sed eum Diaconum cecinisse, captantem etiam ex vocis pulchritudine gloriolam, deinceps narrata produnt a). In occidentalibus

a) „Tunc (inquit) ad servitium Sancti GALLI VALENTINIANUS Diaconus, qui nunc Presbyter est, & Cantor, aeeffit. Cumque Episcopo alio Missam dicente, Diaconus ille propter instantiam potius, quam pro DEI timore cantare vellet, a Sancto GALLO prohibebatur, dicente sibi: *Sine filii, quando Domino inbente nos celebraverimus solemnia, tunc & tu canere debes;* nunc eius Clerici concinuant, qui celebrat Missam. At ille & tunc se posse pronunciat. Cui

Sacerdos: *Fac quod libet, nam quod volueris, non explebis.* Ille igitur negligens mandatum Pontificis abiit, & tam deformiter eecinit, ut ab omnibus irridetur. Adveniente autem alia Dominica, dicente sape dicto Pontifice Missam, eum iussit abire: *Nunc, inquiens, in nomine Domini, quod volueris explicabis.* Quod cum fecisset, in tantum vox eius prælara facta est, ut ab omnibus laudaretur. O beatum virum, cui talis gratia concessa est, ut sicut anima,

cidentalii Ecclesia primitiva non legitur uspiam peculiaris Cantorum Ordo, utputa in recensione totius Cleri *Romani* apud EUSEBIUM, ex epistola COR- L. VI. c. 43. NELII P. ad FABIUM *Antiochenum*. In Concilio *Curthagineensi* quarto, iisdemque verbis in Sacramentario *Gelasiano* singulorum Ordinum ritus ordinandi describitur, occurunt postremo loco Cantores; sed non perinde, sicuti minorum etiam Ordinum, atque inter hos Lectorum Ordinatio ab Episcopo fieri debuit. „ *Psalmita*, id est, Cantor potest absque scientia E- can. X. „ pscopi fola iussione Presbyteri officium suscipere cantandi, dicente sibi „ Presbytero: *Vide, ut quod ore cantus, corde credas: Et quod corde credis,* „ *operibus comprobes.* “ Quæ designatio potius cum sacra benedictione ad officium cantandi est, quam Ordinatio, seu Ordo peculiaris. Ex GREGORIO M. constat, promiscuum id munus fuisse Ordinibus faltem minoribus, ubi reverentiae & dignitatis causa id Diaconis interdicit: Ut Dia- c. in Rom. coni non canant in ecclesia nisi Evangelium, lectiones autem cæteras, uti etiam Eccl. dist. 92. hymnos & psalmos ab inferioribus Clericis decantari finant. Putat MAR- De Ant. Eccl. TENIUS *Psalmitas*, seu Cantores Lectorum nomine plerumque donari apud discipl. c. 3. auctores, quod, cum cantus melodicus tribus primis Ecclesiæ facultatis ignotus fuerit (pro qua fententia citat NICEPHORUM) cum suo in Divinis officio fun- L. IX. hif. gerentur, legentes potius quam cantantes referrent, deinceps Lectores defecti Cantorum ad id munus obeundum, imo Superioris gradus ministros ad- scitos fuisse non negat. „ *Ne quem moveat (obiter hic ex THOMASIO no-* Pr. ref. in Re- „ tem) frequens illa apud veteres locutio: Psalmum, cum legeretur, audi- fons. Et An- „ stis, & eiusmodi alia, quasi Lector non cantaverit psalmum, sed tantum- tiphon. „ modo legerit. Animadvertendum est, ea locutione non cantum exclu- „ di, sed solum indicari, quod Lector ex codice legendu, non memoriter „ recitando præcentorem egerit. Propterea nuspiciam dictum invenitur ad „ populum, *Psalmum legistis*, ut qui ex memoria tantum repeteret. “ Ipse tamen cantus etiam apud S. AUGUSTINUM frequenter notatur: *Psalmum, In Psalm.* inquit, *nobis brevem paraveramus, quem mandaveramus cantari a Lectori.* CXXXVIII. Et homilia XXVII. ex L. *Neque enim nos istum psalmum cantandum Lectori imperavimus; sed quod ille censuit nobis utile ad audiendum, hoc cordi etiam puerili imperavit.* Sic in Concilio *Bracarensi* I. videmus Le- c. 29. ctores Psalterum Officio fungi. S. AMBROSIUS Alius, dicit, distinguen- L. I. Offic. dæ lectioni aptior: *alius psalmo gratior.* Qui tamen selectus sine peculiari Ordine fieri potuit. Romæ scholas Cantorum HILARIUM Pont. in Schola Can- stituisse scribit ANASTASIUS. Sunt, qui præformasse iam S. SILVESTRUM vo- torum Roma. lunt.

ita voces hominum sub eius potestate confiste- & cum libuit, cantare permisit. “ rent! quas & cum voluit, cantu prohibuit:

36 L. I. DE ORTU ET PROGRESSU MUSICÆ

a lunt. ONUPHRIUS a) id innuit de *Interpret. vocum eccles.* IOANNES Dia-
 L. II. c. 6. conus vero S. GREGORIO M. omnino institutionem scholæ Cantorum tri-
 τποσο-
 λεῖς. b Σολεῖς a SOCRATE, quos Lectoribus iungit b), atque idcirco male HABER-
 Archibierat. TUS cum illis confundit. MUSCULUS, & CHRISTOPHORSONUS, qui verte-
 P. IV. obs. I. runt *Interpretes*, VALESIO vapulant. Qui expositionem EPIPHANII Scho-
 In Socratem p. 71. lastici probat: „Optime (inquit) EPIPHANIUS exposuit psalmi pronuntiatio-
 „ res. Horum munus videtur fuisse prima psalmi verba præciner; populus
 „ deinde reliqua succinebat. τποσολεῖς dicebantur olim monitores, qui in
 „ scena monebant histriones, ut docet FESTUS. Hi suggerebant actoribus,
 „ quoties memoria eos deficiebat. Erant & monitores in precationibus,
 „ quorum meminit TERTULLIANUS in *Apologetico*, ubi dicit, Christianos
 In L. II. Con- „ fine monitore orasse, quia de pectore orabant.“ Et COTELERIUS: „Qui
 fit. apost. c. 57. obser. 9. „ Psaltæ ideo in SOCRATIS historia ecclesiastica Lib. V. c. 22. appellantur ὑπο-
 „ Σολεῖς, monitores, suggestores, psalmi pronunciatores, quemadmodum do-
 „ cuit magnus interpres. Atque inde *Græcorum κανονιδοχαι*, & *Latinorum*
 Præcentores „ Præcentores.“ Unde Præcentores, Canonarchæ, quive præcipui erant,
 &c. Primicerii, ut in aliis facultatibus ac muniis, in hac vero frequentius sunt
 dicti, rarius tamen prima hac ætate. *Primicerium scholæ clarissimæ militiæque*
lectorum S. REMIGIUS Remensis in epist. ad FALCONEM, Episcopum Tungrens.
 nominat. Præcentorem psalmi stetisse in medio chori vel cœtus colligimus
 Stantes psal- ex EUSEBIO L. II. hist. c. 17. Quod autem olim Clerici in choro stantes psal-
 lebant. lerent multis SS. PP. testimoniis confirmat GEORGIUS de *Liturg. Rom. Pont.*
 c. IX. Notandum in Concilio Toletano I. etiam Confessores vocari. Confiteri e-
 Ep. 27. nim iuxta Pompeium SARNELLI exponitur per psallere, in psalmi IX. 2. 3.
Confitebor tibi Domine, & psallam nomini tuo Altissime. Apud monachos
 L. II. Inst. *Egypti* unus in medio fratrum assurgens suaviter, ut ex CASSIANO disci-
 c. 5. & 10. mus, decantabat, seu clara, aut sonora voce recitabat psalmum, cui, ne
 cantando deficeret, alii vicissim succedebant, tres aut quatuor ad summum,
 qui duodenarium psalmorum numerum ita partiebantur, ut si duo tantum
 essent,

a) „Quamquam (inquit) tempore S. SILVESTRI P. & postea plures & magna fuerint in urbe basilicæ condite, non tamen singula Clericos vel Monachos speciatim habebant, qui in illis sacra officia celebrarent. Presbyteri enim titulis, Diaconi diaconis præfeci, suo quisque tantum numeri vacabat; illi Sacris administrandis, hi pauperum subventioni procurandæ. Psalmodia vero quotidiana in omnibus ecclesiis tunc in usu non erat: nam singulis urbis basilicis redditus

adhuc assignati non erant, quibus possent singula collegia canentium nutrire. Ideoque schola cantorum instituta fuit, quæ urbi communis erat, & ad stationes, processiones, singulasque diebus corundem festis ecclesiæ urbis conveniebat, ibique sacra officia, & Missarum solemnia, Pontifice vel Presbytero celebrante, decantabat.“

b) Lib. V. c. 22. Εν τῇ ἀντῇ Ἀλεξανδρείᾳ ἀναγένεται καὶ ὑποσολεῖς ἀδιάφορον.

essent, singuli senos; si tres, singuli quaternos; si quatuor, singuli ternos psalmos occinerent; cæteris summo silentio confidentibus, & in pfalentis verba tota animi attentione defixis.

XI. Alias tamen etiam populo erant suæ in psallendo partes. *Unus-* Munus po-
quisque vestrum, inquit Apostolus, *psalmum habet*. At non semper pro-
puli in cantu
miscua plebs psallebat, nisi forte succinens. „Peraclitique (ut habetur in
„Constitutionibus apostolicis) per binos lectionibus, quidam alias *DAVIDIS Lib. II. c. 57.*
„hymnos psallat, & populus extrema versuum succinat: *καὶ ὁ λαὸς τὰ ἀντο-*
τίχια ὑποψαλέτω.“ Et alibi: „In singulis horum, quæ Diaconus pro- *Lib. VIII.*
„loquitur, uti iam diximus, populus respondeat: *Kyrie eleison;* & ante *c. 6.*
„cunctos pueri.“ Ex IUSTINO M. iam notavimus populi responsionem.
Vocat etiam CLEMENS Alexandrinus *φωνὴν τὴν κοινὴν, unam ac communem*
vocem, Ecclesiæ congregationem orationi intentam. Et TERTULLIANUS: *De Ieiunio.*
„Vide quam bonum, & quam incundum, habitare fratres in unum;
„hoc tu psallere non facile nosti, nisi quo tempore cum pluribus coenas.“
Si hæc ad agapen Christianorum pertinent, ad Sacrificii certe celebra-
tionem spectat S. CYPRIANI locus: „Et quando in unum cum fratribus con- *In lib. de orat.*
„venimus, & Sacrificia divina cum DEI Sacerdote celebramus, verecundiæ & *Domin.*
„disciplinæ memores esse debemus, non passim ventilare preces nostras in-
„conditis vocibus.“ Alium in hanc rem TERTULLIANI locum iam supra *p. 29.*
retulimus. S. ATHANASIUS Sacrum ita describit conventum in ecclesia: *Ut, in-*
In Apol. ad
quit, una illuc, eademque popolorum vox cum consonantia audiretur a). Refert alibi *Imp. Conf. T.*
tum ipse, cum etiam SOZOMENUS, & SOCRATES, quomodo omnibus canenti-
I.P.I. p. 305.
bus insidias declinarit militum, qui ecclesiam ad eum capiendum occupave-
rant. „Dum (sunt verba SOZOMENI) ab omnibus caneretur, milites inter- *Lib. III. c. 5.*
„ea quiescebant, intempestivum rati, eo tempore impetum facere. Tum
„vero ATHANASIUS per medium psallentium turbam occultus evasit.“ Et
SOCRATES: „Cum autem in recitatione psalmi suavis concentus totius mul- *Lib. II. c. 8.*
„titudinis extitisset, per unam ex ecclesiæ ianuis omnes egressi sunt. Quod
„cum fieret, milites quidem quieti steterunt, ATHANASIUS vero in media
„psallentium turba evasit incolumis.“ Adde luculentius adhuc S. HILARII
testimonium, quomodo etiam extra ecclesiam populi vox resonaret: „Au-
diat (inquit) orantis populi consistens quis extra ecclesiam vocem, spectet *In Ps. LXV.*
celebres hymnorum sonitus, & inter divinorum quoque Sacramentorum
*officia responsionem devoutæ confessionis accipiat.“ S. BASILIUS eiusdem *Ep. 207.**
rei

a) Præstabat certe istud, hinc enim unanimita-
tem cernere erat, hincque DEUS est ad exau-
diendum promtior. Si namque iuxta ipsius Sal-
vatoris promissionem, duobus ob quamlibet cau-

fam convenientibus, quodecumque petierint, da-
bitur illis: quid si tanti populi convenientis
una vox proferatur, qua DÉO dicunt, *Amen?*“

38 L. I. DE ORTU ET PROGRESSU MUSICÆ

rei varios modos ac vicissitudines in celebri ad *Neocæsarienses* epistola declarat.
 „ Tandem (sunt verba S. Doctoris) a precatione surgentes, ad psalmodiam
 „ transeunt. Et nunc quidem in duas partes divisi alternis succinentes psal-
 „ modi lunt, ac simul & meditationem Scripturarum inde corroborant. . . Post-
 „ ea rursus uni committentes, ut Prior canat, reliqui succinunt. Et sic
 „ posteaquam in psalmodiæ varietate noctem traduxerunt intermixtis pre-
 „ cibus, die iam illucescente omnes simul velut ex uno ore, & uno cor-
 „ de psalmum confessionis Domino concinunt.“ Et: „ Bonorum maxi-
 „ mum charitatem conciliat psalmorum cantus, qui concentum, seu quod-
 „ dam vinculum ad concordiam ineundam adinvenit, populumque ad cho-

In Psalm. I. „ ri unius symphoniam congregat.“ S. AMEROSIUS loquens de mulieribus,
 a S. PAULO in ecclesia quidem iussis tacere: „ Mulieres (inquit) Apostolus
 „ in ecclesia tacere iubet: psalmum etiam bene clamant: hic omni dulcis æ-
 „ tati, hic utrique aptus est sexui . . . si unus loquitur, obstrepunt u-
 „ niversi: cum psalmus legitur, ipse sibi est effector silentii: omnes loquun-
 „ tur, & nullus obstrepit . . . magnum plane unitatis vinculum, in unum

L. I. cap. I. „ chorum totius numerum plebis coire.“ Idem genuinos CHRISTI fi-
 deles describens: „ Quos (inquit) non mortiferi cantus, & acroamata sce-
 „ nicorum, quæ mentem emollient ad amores, sed concentus Ecclesiæ, &

Cap. 5. „ confona circa Dei laudes populi vox, & pia vota delectant.“ *Lib. III.* deinde
 Ecclesiam mari comparat, in qua responsoriis psalmorum, cantu virorum,
 mulierum, virginum, parvolorum confonans undarum fragor resultat a).
 Et S. GREGORIUS *Nazianzenus*, qui matrem suam, quod altum in officio ser-
 varit silentium, neque os nisi ad canendum aperuerit, promiscuum cantum di-
 laudat in carmine de virtute:

*Noctu ne cernis ut canat laudes DEO
 Naturæ uterque sexus oblitus suæ ?
 Quot, quamque Sancti ! cernis Angelorum chorum
 Qui nunc simul, nunc vicibus alternis canit
 Partim deorsum positus, & partim supra,
 Sine fine summi concinens laudes Patris?*

Talis nobis chorus describitur in Commentario inter opera S. HIERONYMI:
In Psalm. CXLIX. „ Ubiunque chorus est, ibi diversæ voces in unum canticum congeruntur. Quo-

„ modo

a) „ Ut (ait) etum undarum leniter alluentium
 sono certent cantus psallentium, plaudent in-
 fulæ tranquillo fluctuum choro, hymnis Sancto-
 rum personent: unde mihi ut omnem pelagi
 palechritudinem comprehendam, quam vidit o-
 perator? Et quid plura? Eequid aliud ille
 concentus undarum, nisi quidam concentus est

plebis? Unde bene mari plerumque compara-
 tur Ecclesia, que primo ingredientis populi ag-
 gmine totis vestibulis undas vomit: deinde in
 oratione totius plebis tanquam undis refluxenti-
 bus stridet: tum responsoriis psalmorum, cantu
 virorum, mulierum, virginum, parvolorum
 confonus undarum fragor resultat.“

„ modo enim diversæ chordæ unam vocem efficiunt cantici: sic & diversæ „ voces, hoc est, cum simul fuerint congregatæ, chorum Domini efficiunt, “ Luculentissimum est S. IOANNIS *Chrysostomi*, præter alia, testimonium in homiliis, primum a MONTFAUCONIO editis a). Quod idem alibi breviter col- „ lit: „ Fœminæ, & viri, & fenes, & iuvenes distincti sunt, & sexu, & a In Ps. CXLV. „ ætate, non tamen distincti sunt ratione concentus. Unusquisque enim „ vocem spiritus temperans unam ex omnibus conficit melodiam. „ Alio equi- Hom. I. in IJu. verba: Vidi Dominum. stiam, ut scite & modeste concinant, monet, sua cum apostolicis conferens Hom. 36. in I. tempora: „ Omnes (inquit) in unum congregati communi voce cantabant; ad Corinth. „ quod & nos hodie facimus.“ Morem suæ ætatis in *Africa* memorans sup- De verbis A- par S. CHRYSOSTOMO S. AUGUSTINUS: „ Cantabimus (ait) psalmum nos ex- cc post. Serm. 10. „ hortantes invicem una voce, uno corde, dicentes: *Venite adoremus &c.* Et: „ Vos certe cantavistis, & adhuc divini cantus sonus recens est in au- Serm. 2. in Kal. Ianuar. „ ribus vestris: *Salva nos &c.*“ Similiter S. LEO: „ Davidicum psalmum, Serm. 2. in An- „ dilectissimi, non ad nostram elationem, sed ad CHRISTI Domini gloriam niv. Assumpt. „ confona voce cantavimus.“ DIONYSIUS item, vulgo *Areopagita*: „ Ponti- De cœlest. „ fax sacrum infit melos, omni Ordine ecclesiastico sacram ipsi psalmo- hierarch. c. 3. „ diam succinente.“ Ex Diatyp. IV. Conc. Nicæni etiam intelligitur, laicos ad officium cantandi admissos esse. De S. CÆSARIO *Arelateni* testatur CYPRIANUS auctor eius Vitæ, quod pristinum morem reduxerit: *Adiecit etiam atque compulit, ut laicorum popularitas psalmos & hymnos oraret, al- taque & modulata voce, instar Clericorum alii græce, alii latine prosas, antiphonasque cantarent.* Ipse CÆSARIUS studium suum ac ardorem in hac re Serm. 284. declarat ex æmulatione etiam aliarum ecclesiarum. *Cum enim, inquit, ego vos ita psallere desiderarem, quomodo in aliis civitatibus psallebatur, taliter præparavit DEUS animum vestrum, ut hoc etiam melius adinvante Domino compleatis.* Poema quoddam extat *Venantii FORTUNATI* in laudem Cleri Parisiaci, quo institutum idem a S. GERMANO deprædicatur:

P. 11.

a) „ Eeee namque (inquit T.XII. Opp. p. 349.) ingressus psalmus voes miserit, & ut innum cum harmonia eanticum efferetur, effecit. Invenes & fenes, divites & pauperes, mulieres & viri, servi & liberi, melos unum omnes emisimus. Si enim cithareæ diversos nervos arte temperans sonos multos, unum efficit, quid mirum, si psalmi & spiritualis cantici vis idipsum fecerit? Neque enim nos solum præfentes, sed etiam mortuum eum vivis miserit. Ille namque nobiscum psallebat beatus Propheta. Etiam in regiis aulis id non licet, nam ibi sedet ille diademate ornatus. Adstant autem omnes cum silentio, licet in maximis magistratibus constituti.

Hic vero non sie: sed loquitur Propheta, & omnes respondemus, omnes una eanimus. Neque licet hic servum videre, nec liberum, nec pauperem, nec principem, nec privatum; sed pellitur illa sæcularis inæqualitas: unus chorus ex omnibus congregatur, æqualitas quoque multa in vocibus est, ac cœlum terra imitatnr. Tanta est Ecclesiæ nobilitas. Neque enim diei potest, Dominum quidem cum multa confidentia psallere, servum autem reprimi, neque rursum divitem quidem lingnam mouere, pauperi autem silentium imperari; neque iterum virum quidem cum fiducia eanere, mulierem vero tare, & sine voce stare.“

40 L. I. DE ORTU ET PROGRESSU MUSICÆ

Pontificis monitis Clerus, plebs, psallit & infans.

Dom. MANNI in opusc. *Ital.* de Discipl. antiqui eccl. Cantus ex antiqua Vita MS. S. ZENOBII Episc. *Florent.* fæc. V. simile institutum refert: *Hymni, psalmi & cantica tam a Cleris, quam a devoto populo decantantur; quin etiam mulieres atque pueri cantilena eius immensa beneficia recensentes &c.* S. NICETIUS *Trevir.* quomodo voces conformare ac moderari fideles debeant, qui in ecclesia cantare volunt aut possunt, monet. „Et nos utique (ait) *offerentur Dei.* „mnes quasi ex uno ore eundem psalmorum sonum, eandemque vocis „modulationem æqualiter proferamus: qui autem æquare se non potest „cæteris, melius est ei tacere, aut lenta voce psallere, quam clamofa voce omnibus perfstrepere; sic enim & ministerii implebit officium, & hu-
De vigiliis „militer psallenti fraternitati non erit offendiculum.“ Iuxta Apostoli mo-
et 1. Cor. „nitum mulieribus in ecclesia silentium fuit impositum. „Virginum vero
XIV. 34. „conventus (ait S. CYRILLUS *Hierosolymitanus*) sic collectus esto, ut psallat,
Procatech. „vel legat, sed tacite; ita ut labia quidem loquantur, vox autem ad alienas
n. 14. „aures non perveniat. Mulieri enim loqui in ecclesia non permitto; &
 a „nupta quoque similiter agat: ut & oret, & labia sic moveat, ne vox ex-
An. 578. c. 9. „audiatur.“ S. ISIDORUS *Pelusiota* (posterior S. CYRILLO, qui sub CON-
 STANTIO Catecheses habuit, cum ISIDORUS an. 432. obierit) quod mulie-
 ribus inde ab apostolicis temporibus, ob connatum loquacitatis vitium in ecclesia canendi facultas sit facta, indicans, quum in peccandi occasionem cessisset, abolitum eum fuisse morem testatur a). In Concilio *Altisiodorensi* vetitum est, *in ecclesia choros secularium vel puellarum cantica exercere.*

Cantus alter-
nus seu anti-
phonus in
Oriente.

L. VI. c. 8.

XII. Celebris in Ecclesia semper fuit modus canendi alternis, quem iam attigimus. Sed de eius origine nunc accuratius est indagandum, cum nec veteres, nec recentiores ea in re convenient. Controversiam autem faciunt contraria sibi veterum SOCRATIS, & THEODORETI de hac re narratio. Quorum ille S. IGNATIO rem tribuit, & quidem id divinitus edocto. „Dicen-
 „dum autem (inquit) & hoc, unde confuetudo alternorum hymnorum in
 „Ecclesia

a) „Importunas (inquit Lib. I. Ep. 90.) in ecclesiis loquacitates Domini Apostoli in ecclesiis compri-
 mire studentes, modestiæque atque gravitatis magistros se nobis prabentes, ut mulieres in ipsis canerent, sapienti consilio permiserunt. Verum ut omnia divina documenta in contrarium versa sunt, hoc quam plurimis in dissolutionem ac peccati occasionem ceslit. Siquidem ex divinis hymnis non ingenti compunctione afficiuntur: verum cantus suavitate ad irritandas

& extimulandas libidines abutentes, nihil eam fenicis cantilenis præstantiorem esse existimat. Operæ pretium est igitur, si, quod DEO gratum est, querere, atque id, quod ex utilitate publica est, facere volumus, iis, ut CHRISTO cauponum instar ad quæsum abutentibus, & divinam gratiam in exitii mercedem convertentibus, ne deinceps in ecclesia canant, atque in civilitate maneant, interdicere.“

„ Ecclesia initium coepit. Vedit aliquando Angelos hymnis alternatim de-
 „ cantatis Sanctam TRINITATEM celebrantes, & canendi rationem, quam in
 „ illa visione animadverterat, ecclesiæ Antiochenæ tradidit. Unde ista tradi-
 „ tio ad omnes postea ecclesias permanavit. Et hæc est ratio alternorum
 „ hymnorum τῶν ἀντιφόρων ὑμῶν.“ GREGORIUS *Alexandr.* in Vita S. CHRYS-
 „ OSTOMI eandem historiam iisdem verbis narrat. Rem confirmat *Grego-*
 „ *rius BAR-HEBRÆUS*, qui & ABULPHARAGIUS P. III. chronicus Syriaci in Vita
 „ S. SIMEONIS Episcopi Seleucia ac Martyris; traditque eum ritum ex imita-
 „ tione Ecclesiæ Antiochenæ in Oriente ab eodem SIMEONE inventum, ut *Rob.*
 „ *SALA* ad *Lib. I. c. 25. Rer. liturg.* Cardinalis *BONÆ* ex *Iof. Sim. ASSEMA-* Tom. II. p.
 „ *NO* obseruat, subditque: „ Passus est SIMEON sub SAPORE, *Perfarum Re-* 399. Et Tom.
 „ *ge, CONSTANTII Imp. tempore, fœculo ineunte quarto; & de ipso glo-* III. P. I. p.
 „ *rioſa est memoria in martyrol. Rom. ad diem 21. Aprilis; quare non aliter,* 321. *Biblioth.*
 „ *quam ex Syrorum antiqua traditione ABULPHARAGIUM, et si recentem fœculi*
 „ *XIII. scriptorem, dicta exarasse credendum est.*“ THEODORETUS autem
 „ *hanc eandem consuetudinem ad FLAVIANUM, & DIODORUM, monachos An-*
 „ *tiochenos* refert, qui tempore *CONSTANTII Imperatoris* floruerunt. „ Isti L. II. hist. eccl.
 „ *duo (inquit) admirabiles viri FLAVIANUS, & DIODORUS, quamquam Sa-* c. 24.
 „ *cerdotii administrationem nondum sunt consecuti, sed annumerati laicis,*
 „ *tamen noctu, & interdiu ad pietatis studium omnes sedulo excitarunt.*
 „ *Hi primi, psallentium choro in duas partes diviso, hymnos Davidicos al-*
 „ *ternis canendos tradiderunt. Quæ res, primum incepta Antiochiae, ubi*
 „ *que pervasit, & ad ultimas orbis terræ oras pervagata est.*“ Sunt multi
 „ *graves auctores, qui SOCRATEM omnino hic deferendum putent; inter quos*
 „ *ex veteribus SUIDAS, & ex recentioribus VALESIUS ad eum SOCRATIS lo-*
 „ *cum a). Nec dissentit MABILLONIUS, & RUINARTUS. Agnoscit tamen VA-* De cursu
 „ *LESIUS ex testimonio THEODORI Mopsuesteni apud NICETAM Choniatem,* Gallicano §. 1.
 „ *eam psalmodiæ speciem iam ante FLAVIANUM & DIODORUM apud Syros ob-* Aet. sincer.
 „ *MH. p. 8.*

tinuisse. a

a) „ Nefcio (sunt eius verba) unde hæc haun-
 ferit SOCRATES. Constat enim, primos om-
 nium FLAVIANUM, ac DIODORUM, re-
 gnante CONSTANTIO, psallentium choros Antio-
 chie bifariam divisiſſe, & psalmos Davidicos alter-
 nis canendos eis tradidiſſe, camque rem primum
 Antiochiae institutam, postea ad reliquas totius
 orbis ecclesias dimanasse. Testatur id THEO-
 DORETUS in libro II. hist. c. 24. Et ante il-
 lum THEODORUS Mopsuestenus qui iisdem tem-
 poribus vixit, quibus FLAVIANUS, atque DIO-
 DORUS. Verba THEODORI refert NICETAS in
 Thesauro orthodoxæ fidei lib. V. c. 30. Quam-

quam ea psalmodiæ species iam ante FLAVIA-
 NUM, atque DIODORUM, a Syris videtur fuisse
 usurpata. Scribit enim THEODORUS, FLAVIA-
 NUM ac DIODORUM primos omnium eam psal-
 modiæ speciem, quas antiphonas vocant, ex
 Syrorum lingua in græcam transtulisse, & o-
 mnium prope solos huius rei auctores cunctis
 orbis partibus apparuisse. Quod igitur Syri diu
 ante FLAVIANUM feeerant, psalmos Davidicos
 lingua Syriaca antiphonatim canentes, id FLA-
 VIANUS & DIODORUS a Græcis Antiochenibus
 psalmos græce canentibus fieri instituerunt.“

4.2 L. I. DE ORTU ET PROGRESSU MUSICÆ

Ad an. 400.

n. 10.

a

De vet. & no-

va disc. T. I.

P.I. L.II. c.

72. n. 6.

Epiſt. 207.

tinuisse. VALESIUM sequitur PAGIUS in critica BARONII. Aperte vero Cardinalis BONA SOCRATI defert, errasse THEODORETUM, & qui eum sunt sequuti, professus a). Robertus SALA ad *Lib. I. cap. 25. Rer. liturgicar.* Cardinalis BONÆ fecutus THOMASINUM, non ita intelligendum vult, quasi DIODORUS, & FLAVIANUS eam primum confuetudinem alternis choris psalmos canendi absolute instituerint, sed quod laicis, & reliquis Clericis potestatem ficerint, ut in choro in duas partes diviso hymnos *Davidicos* alternatim canerent, quos antea foli Cantores, ex primæva S. IGNATII institutione, psallebant. Sed & de Cantoribus ex prima illa ætate nihil eiusmodi memorie proditum legitur. Quodsi vero non omnino deferendus censetur SOCRATES, *ἀντίφωνα ἵμερδια*, quam S. IGNATIO tribuit, de aliis hymnis alternis & sibi mutuo respondentibus, ad imitationem Angelorum, Sanctam TRINITATEM laudantium, forte de ipso cherubico hymno accipi potest, qui ab antiquissimis temporibus (etsi de cantu eius antiphono nihil legatur) in facra liturgia usitatus fuit, ut infra videbimus; cum non THEODORETUS modo, sed SUIDAS etiam, choros ecclesiarum a FLAVIANO & DIODORO divisos in duos ordines dicat, ut alternis *Davidicos* psalmos concinerent. De qua psalmodia S. BASILIUS testatur, suo tempore *recepta instituta omnibus DEI ecclesiis consona esse, & consentientia.* SUIDAS explicans vocem *χορός*, ita scribit: „Chorus est congregatio simul canentium in ecclesia. Divisi sunt chori ecclesiarum in duos ordines sub CONSTANTIO, filio CONSTANTINI M. a FLAVIANO Episcopo Antiochiae, ita ut alternis *Davidicos* psalmos concinerent. Quod quidem cum Antiochiae primo coepit „effet fieri, in omnes mundi terminos transiit.“ Qua de re quidquid sit, constat, iam a S. BASILIO eandem fuisse commemoratam. „Et nunc qui „dem (inquit) in duas partes divisi, alternis succinentes psallunt, ac simul „& meditationem Scripturarum inde corroborant, & animum attentum, & cor „evagationis expers sibi ipsis comparant.“ Sed quoniam Neocæsarienses novitatem in S. BASILII psalmodia redarguebant, de illius maiore ætate statui nihil potest: si tamen illa cavillatio cantum ipsum alternum spectabat. Constat enim alternum cantum tempore GREGORII Nazianzeni in monasteriis

a) „Verumtamen (ait de psalmodia c. XVI. §. 10. n. 1.) vel errasse istos dicendum est, vel non de quoconque alterno cantu, sed de foliis *Davidicis* psalmis intelligi debent. Hi enim primi, ait THEODORETUS, psallentium choro in duas partes diviso, hymnos *Davidicos* alternis canendos instituerunt. THEODORUS autem *Mopsestenus* citatus a NICETA Cioniate lib. V. thesauri orthodoxæ filei c. 30. prefatos monachos eam psalmodiæ speciem ex *Syrorum* lingua in græcam transtulisse asseverat.“ Est

autem iste NICETÆ locus: Bibl. PP. max. T. 25. p. 161. „Per id tempus Antiochiae florebant, & virtute, scientiaque celebres habebantur FLAVIANUS, & DIODORUS, quorum ille *Antiocheno* Episcopatu, hic *Tarsenji* postea praefectus est. Atque ut THEODORUS *Mopsestenus* feribit, illam psalmodiæ speciem, quas antiphonas dicimus, illi ex *Syrorum* lingua in græcam transtulerunt, & omnium prope foli admirandi huius operis omnibus orbis christiani hominibus autores apparuerunt.“

steriis utriusque sexus iam fuisse receptissimum, ex loco paulo ante citato, ubi eorum chorū angelicū vocat, quo nunc iunctis, nunc alternis canatur vocibus: σύμφωνον, ἀντίφωνον ἀγγέλων τάσι. THEODORETUS singularē exemplū refert de PUBLIO, monasterium ex *Græcis Syrisque* componentē, qui mane & vespere in una ecclesia congregati, quilibet in sua lingua vicissim cantabant, ex una & altera parte constituti, alternantes psalmorum versus. SOCRATES THEODOSIUM *Iuniorem* palatū suū sic instituisse narrat, ut a monasterio non multum discreparet, ubi matutino tempore ipse unacum sororibus suis hymnos in DEI laudem alternis recitare confueverit. At CEDRENUS medium eum hymnos canendo prævississe testatur. *Confīstantinopoli* S. CHRYSOSTOMUS, SOCRATE teste ac SOZOMENO, antiphonarum usum ab Arianis receptū emulatus est a). Ariani Catholici insultantes, alternis choris, cantusque periodis, hæc verba ad modum antiphonæ interponebant: *Ubi sunt, qui dicunt, trina virtute unum?* Quibus simili ratione Catholici professionem ομοστίς *Omnis* opponebant. Forte in fine doxologia *Gloria Patri* subiuncta fuit, de qua CASSIANUS memorat, quod uno cantante, in clausula psalmorum omnes astantes concinant *cum clamore per omnem Orientem: GLORIA PATRI &c.* Qui quidem cantus est responsorius; addit nihilominus *hac vero glorificatione Trinitatis tantummodo solere antiphonam terminari.* BINGHAMUS ultimum psalmū putat esse antiphonam, sive ALLELUIA, qui unus ex ipsis psalmis erat, qui in fronte ALLELUIA sibi præfixum habent, & quem ad modum antiphonæ, sive responsoris recitabant, addebatque GLORIA PATRI &c. Antea vero CASSIANUS cantum antiphonū explicaverat, veterem monachorum orientalium morem referens, ita prolongantium psalmiodiam per cantum, ac intercalationem antiphonarum. *Quidam enim, inquit, vicos, seu tricos psalmos, & hos ipsos antiphonarum protelatos melodis, & adiunctione quarundam modulationum debere dici singulis noctibus censuerunt.* Alias vero cantus alternus choris duobus vicissim sese in sequentibus per τίχες, seu versus fit: *quod*

a) „ῳδαὶ ἀντίφωνες, (ait SOCRATES L. VI. c. 8.) hymnos apte ad Arianum hæc sim compositos, alternatim sibi respondentes canebant. Diluculo vero easdem antiphonas canentes, per medianū urbem incedebant &c. IOANNES veritus, ne quis ex simplicioribus huiusmodi canticis (quas prius antiphonas vocaret) uterque ab Ecclesia abstraheretur, quosdam ex catholica plebe, quæ sub ipso erat, eis opposuit, qui nocturnos perinde hymnos decantando, & Arianorum circa hæc studium obscurarent, & suos in professione recte fidei confirmarent.“ Et SOZOMENUS L. VIII. c. 8. „In cœtus di-

visi antiphonatim psallebant, clausulas quasdam iuxta ipsorum dogma compostas adiicientes . . . Tandem vero cantica quoque adiicerunt, quæ ad rixam, & contentionem spectarent. *Ubi sunt, qui Tres dicunt esse unicam potentiam?* Et alia huiusmodi hymnis suis intermissiones. IOANNES itaque veritus, ne quis ex Ecclesia sua per hoc in fraudem induceretur, plebem, quæ sub ipso erat, ut similiter psallere, incitavit. Qui brevi tempore illustriorcs facti, Arianos & multitudine, & apparatus splendore, longe superarunt.“

44 L. I. DE ORTU ET PROGRESSU MUSICÆ

quod etiam Poetis solemne fuisse ex HOMERO, & VIRGILIO discimus. *Homer. I. vers. MERUS de Musis* scribit :

604.

— — Αέιδον ἀμειζόμεναι ὅπὶ καλῇ,

Canebant alternantes voce pulchra.

Elogia III. Et VIRGILIUS :
v. 58. & 59.

Incipe DAMÆTA, tu deinde sequere MENALCA.

a

Alternis dicetis: amant alterna camæna. a)

Et Occidente.

XIII. In Occidente, ut ad nos redeamus, a multis institutum hoc DAMASO P. in acceptis refertur, quod examinat P. COUSTANTIUS in censura decretorum DAMASO I. adscriptorum, quæ inter constituisse dicitur : *ut psalmi diu noctuque canerentur per omnes ecclesiæ b).*

b

Examinat postea etiam Card. BONÆ sententiam quoad Ecclesiam occidentalem, qui cantum antiphonum ab AMBROSIO primum in Occidentem inductum affirmat, ut postea & a DAMASO P. Pontificali auctoritate confirmatum existimet. Quæ fuit sententia *Polydori VIRGILII c).* Sed recte observat COUSTANTIUS, si ab eo tempore, quo S. AMBROSIUM IUSTINA VALENTINI mater persequebatur, ut S. AUGUSTINUS testatur, coepit hæc consuetudo, quod anno 386.

c
Epist. Rom. Pont. T. I. p. 612.

contigit,

a) De *Hebreis* confer, quæ supra pag. 3. & seqq. diximus. *Græcis* vocatur ὁδὴ ἀγριφωνῷ *Psal. LXXXVIII. 1.* תְּנוּעַל מִשְׁפָּט. Quando præcedebant instrumenta musica, & cantantium modulatio per vices excipiebat, vocatur

נִבְרָר שֵׁי *Psalm. LXXXVII. 1. XCII. 1.*

Quando vice verfa voces præibant נִבְרָר שֵׁי vocatur *Ps. CVIII. 1.* Prima autem denominatio generalior ad voces alternas spelet. Legitur apud ISAIAH c. VI. Clamabant Seraphim alter ad alterum. Observatque Pet. GUSSANVILLÆUS in præfat. ad antiphonar. S. GREGORII *Ps. LXVII. 18.* pro eo, quod vulgo legimus *milla lœtantium נִבְרָר Schinan*, Rabbi SALOMONEM, & EUGUBINUM interpretari alternantium a radice נִבְרָר Schanah; quæ significat iterare, duplicare, quasi Angeli alternis DEUM cantibus laudent.

b) „Atque hoc (sunt COUSTANTIUS verba Epist. Rom. Pont. p. 610.) ut apud ANASTASIUM additur Presbyteris, & Episcopis, vel monasteriis, præcepisse intelligi dupliceiter potest: vel nimirum, ut simpliciter canerentur, vel ut alternis vicibus. At vero hunc morem, ut per ecclesiæ psalmi simpliciter canerentur, non a

DAMASO cepisse, sed ab Ecclesia initio semper obtinuisse, antiquitatis periti sentiunt. Ut etiam hymni nonnulli alternis choris decantarentur, S. IGNATIUM Antiochenum Episcopum in Ecclesia sua instituisse, atque hunc usum ab Antiochenæ ecclesia ad cæteras permanasse, SOCRATES (lib. VI. c. 8.) auctor est.“

c) Is de invent. rer. lib. VI. c. 2. „Fertur (ait) idem Pontifex omnium primus hymnum *Gloria Patri*, & cætera, qui tribus divinis personis redidit, ad extremum quemque psalmum adiecisse, quem in Niceno conventu prius editum, memorie proditum est. Idem primus instituit, ut chorus alternis psalmos caneret; quamquam non nemo tradit, id antea ab IGNATIO Episcopo Antiocheno institutum fuisse.“ Subditque: „At divus AUGUSTINUS lib. Confess. 9. ait, AMBROSIUM Mediolanensem Antistitem hunc canendi hymnos & psalmos morem primum apud occidentales instituisse populos, quod non utique multum abhorret a sententia eorum, qui DAMASO assignant, nam cum ambo per idem tempus fuerint, & quod unus cepisset, ab altero ratum haberi oportuerit, non iniuria & ambo eius rei auctores dici possent.“

contigit, non potuisse ratum haberi a DAMASO, quem anno 384. obiisse, ac SIRICUM ab initio saltem anni 385. successorem habuisse, ipsius SIRICII ad HIMERIUM epistola fidem facit. De S. AMBROSIO testatur PAULINUS in eius Vita: *Hoc in tempore primo antiphonæ, hymnique ac vigilia in ecclesia Mediolanensi celebrari cœperunt.* Sicuti vero, quod *Iosephus VICECOMES* ait, Missæ ordinem a S. BARNABA Apostolo, psallendi autem regulam a MIRONCLE, Archiepiscopo Mediolani institutam fuisse, nulla nititur auctoritate, ita etiam, quod Scriptores nonnulli ab EUSTACHIO a S. Ubaldo citati alternatæ psalmodiæ auctorem S. CAIUM, tertium Mediol. ecclesiæ Episcopum faciunt. EUSTACHIUS a S. Ubaldo, Sancto AMBROSIO antiquiorem statuit cantum alternum, BELLARMINUM fecutus, qui TERTULLIANI locum, *Psalmmum inter duos sonare*, de cantu alterno intelligit. Quæstionem hanc de cantus alterni, ac modulati origine, operose tractat laudatus EUSTACHIUS de S. Ubaldo: imprimis, quod ecclesiam Mediolanensem, ac S. AMBROSIUM spectat, Doctorum sententias examinans, qui vel generatim cantum alternum, vel eundem tam a Clero, quam ipsa etiam plebe decantatum institutioni S. AMBROSII adscribunt. S. ISIDORUS a) cantus antiphoni institutio nem per Occidentem S. AMBROSIO tribuit, qui iam prius apud Græcos fuerit in usu. Idem responsorios versus secernit a versibus antiphonariis, quos iam ante in Italia usitatos esse dicit. Utraque notio distincta iam S. BENEDICTO fuisse apparebat ex eius Regula: de quo controversia est, an alternis choris, aut antiquorum monachorum more psalli voluerit. Postremum tueretur MENARDUS, sed contrarium sibi persuadet MARTENIUS. Primo, quod licet S. BENEDICTUS multa ex Ægyptiorum disciplina hauserit, certissimum tamen sit, eum consuetum morem S. AMBROSII in nonnullis ecclesiasticis elegisse &c. Probabiliusque videtur receptam fere ubique, tam apud Monachos, quam apud Clericos, alternis choris psallendi consuetudinem, ut meliorem, ac pietati magis consentaneam adoptasse. Idque censeo esse S. BENEDICTO cum antiphona canere. Qua de re plara Cap. III. contra eorum sententiam, qui præsertim apud S. BENEDICTUM cum antiphona canere idem esse volunt, ac modulate canere; quos citat & sequitur EUSTACHIUS a S. Ubaldo in Disquisit. II. de Cantu a D. AMBROSIO in Mediolanensem ecclesiam inducto. Ubi etiam alteram notionem antiphonæ discutit ad §. 9. eorum mentem, qui non solum sententiam, quæ psalmo præmittitur, & post illum ab omnibus repetitur, per antiphonam significari putant; ve rum

a) Lib. I. de Off. eccl. c. 7. & 8. „Antiphonas (inquit) Græci primum composuerunt, duobus choris alternatim concincentibus, quasi duo Seraphim. Apud Latinos autem primus idem beatissi-

mus AMBROSIUS antiphonas confituit, Græcorum exemplum imitatus: ex hinc in cunctis occiduis regionibus earum usus increbuit.“

46 L. IV DE ORTU ET PROGRESSU MUSICÆ

rum & melodiam, seu formam cantus in psallendo psalmo observandam.

In c. 9. Reg. S. Bened. Quæ duo coniunctissima sunt, optimeque describuntur ab *Ant. PEREZ*: „Sen-
„tentias illas, quæ psalmos antecedunt & cantica, usu vocari antiphonas,
„non quia alternatim a diversis choris cantentur; sed quia sunt claves, &
„indices, ad quorum modulationem, ac sonum sequens canticum psalmus-
„que alternatim cantatur. Tonus enim totius psalmi ex tono antiphonæ
„sumitur.“ Huic notioni magis congruere videntur *PAULINI* verba in Vita
S. AMBROSI, tunc primum antiphonas in *Mediolanensi* ecclesia celebrari
coepitas. Reperitur etiam ea notio in Regula *S. BENEDICTI*, ut capite tertio
patebit. Nuncque antiphona hoc sensu usurpatur; nimirum ad designan-
dam sententiam, quæ toti psalmo præmittitur, & in psalmi clausula itera-
tur, non iam alternatim, sed coniunctim omnibus simul concinentibus.
In expositione antiquæ Liturgiæ *Gallicanæ*, scriptæ medio fœculo, sexto apud

T. V. Anecd. *MARTENIUM*, occurrit descriptio antiphonæ ab hac nostra non abludens:

p. 97. *Antiphona autem dicta, quia prius ipsa anteponitur, & sic ponetur psalmi versiculum, cum Gloria Trinitatis adnectetur.* Quæ intelligi non possunt de antiphona, quæ per versus alternis vicibus subiungebatur, quod proprie est ἀντιφωνῶν, contra clamare, vicissim, & ex adverso respondere; quare a-pud *Græcos* Poetas etiam *Echo* dicebatur antiphona.

Aut populi succinctus, seu responsorius cantus.

XIV. Convenit certa quadam ratione cum hoc antiquissimo in Ecclesia succinendi modo is, quem *Græci ὑποψαλλεῖν, ὑπογχέειν, ὑπακέειν*, *succinere* appellabant. Quamquam enim consuetudo, cantandi versum quedam per modum antiphonæ in Ecclesia antiquitus etiam obtinebat in concinendis psalmis *Davidicis*, solebat tamen potissimum populus aut in clausula versus vel psalmi se coniungere, & unacum Cantoribus, vel Lectoribus repetere, ac succinere versiculum aliquem, quæ iam audivimus ex constitutionibus Apo-L. II. c. 57. stolorum, ἀνηστίχια dici, quibus non initia versuum, ut quidam sunt interpetati, sed extrema indicantur, seu clausulæ, quæ etiam ab *EUSEBIO* & *SOZOMENO ἀνθοτελέντια* vocantur. Nempe ubi *EUSEBIUS* ritus *Therapeutarum* prosequitur ex *PHILON*, ceu Christianorum: *Atque imprimis, inquit, pervigilia magnæ solemnitatis, piisque in iisdem exercitationes, & hymnos, qui a nobis recitari solent, commemorat.* Et quo paſto, cum unusquisquam modulate, ac decenter, psalmum canere exorsus fuerit, cæteri cum silentio auscultantes, extremas dumtaxat hymnorum partes simul concinant? Hic cantus responsorius ab antiphono distinguitur, cuius pau-lo ante ex *SOCRATE*, & *SOZOMENO* mentionem fecimus, qui etiam de L. VIII. c. 8. cantu antiphono *Arianorum ἀνθοτελέντια* memorat his verbis: *Qui in cætus divisi antiphonatum ἀνθοτελέντια, i. e. clausulas quasdam, iuxta ipsorum dogma*

dogma compositus a) alternatim caneabant, qui proprie cantus antiphonus est: responforius autem, cum uno præcینente, cæteri omnes respondent; quo pertinent voces ὑποψάλλειν, ὑπηχεῖν, ὑπακύειν. Gravis vero est error eorum, qui vocem ὑπακύειν *auscultare*, vel *audire* sunt interpretati, quem COTELERIUS ad indicatum constitutionum apostolicarum locum, L.VIII.c.13. atque ad alterum earundem constitutionum notat; ubi eadem vox ὑπακύετω occurrit, cum in priore habeatur ὑποψάλλέτω eodem sensu, ut MONTFAUCONIUS in præfatione tomī primi collectionis *Gracorum PP.* ad EUSEBII commentarios in psalmos, & in notis ad S. ATHANASIUM obserua- T.I.p.304.⁹^⁹ vit. Ipse etiam VALESIUS in notis ad THEODORETUM eius loco pu- P. 334.
tat legendum ὑπηχεῖν. Sed recte habet contextus, inquit MONTFAUCONIUS Pag. 88. in laudata ad S. ATHANASIUM nota; *vocis quippe ὑπακύειν is usus est apud T. I. p. 334.* *Græcos non modo ecclesiasticos, sed etiam profanos.* Exempla multa vides in lexico CONSTANTINI, Francisci PORTI additionibus auctō, excuso an. 1592. EPIPHANIUS *Scholaſticus* hunc locum vertit, populi responderent. Agitur de famosa militum irruptione a SYRIANO immisiorum *Alexandriae*, dum populus pervigilium ageret sequentis synaxis, quam eodem modo SOCRATES, SOZOMENUS, & THEODORETUS, ipseque narrat S. ATHANASIUS in apologia de fuga sua: *Ego vero, ait, cum non æquum existimarem in tanto tumultu N. 24.* *populum deferere, satiusque ducerem me priorem periculo offerre, in throno* sedens iussi Diacono, *ut psalmum legeret, populoque ut responderet τὰς δὲ λαζὸς ὑπακύειν;* Quoniam in aeternum misericordia eius. Simile exemplum SOZOMENUS habet in psalmodia, qua Christiani reliquias BABYLÆ Episcopi & Martyris DAPHNE Antiochiam tempore JULIANI Imperatoris transtulerunt. „Præcinebant cæteris ii, qui psalmos apprime callebant, multitudo L. V. c. 19. „deinde respondebat cum concantu καὶ συνεπήχει τὸ πλῆθος ἐν συμφωνίᾳ, & hunc „verruculum succinebat: *Confusi sunt omnes, qui adorant sculptilia, qui glo- „riantur in simulacris.*“ RUFINUS idem commemorat: *Hæc in auribus L. I. c. 35.* profani Principis per sex millia passuum facta exultatione psallebat omnis Ecclesia, ut cœlum clamoribus resultaret. THEODORETUS id factum dicit, L. III. c. 10.

a) Ad quem SOZOMENI locum VALESIUS. „*Suffrid.* PETRUS (inquit) qui tres postremos SOZOMENI libros latine interpretatus est, ἀκροτελέutia verit corollaria. Ego clausulas vertere malui. Intelligit autem SOZOMENUS doxologias *Arianorum*, quas ad calcem hymnorū canere solebant, hoc modo: *Gloria Patri per Filium in Spiritu Sancto*, uti docet PHILOSTORGUS in libro tertio historie. Quamquam NICEPHORUS non psalmos, sed cantica quedam, ab *Arianis* tum cantata, esse existimat, que ipsi compoſuerint. Ego autem psalmos potius hic in-

præ- telligi puto, ut indicat vox ἀκροτελέutia, id est psalmorum clausula. Quam vocem NICEPHORUS procul dubio non intellexit. Eadem vox legitur apud EUSEBIUM in libro secundo historiæ ecclesiasticæ cap. 17. sub finem: *Καὶ ὡς ἐνὸς μετὰ ρύθμῳ ποσμίῳ ἐπιψάλλοντος οἱ λοιποὶ καθὶ ησυχίαιν ἀκροάμενοι, τῶν ὑμνῶν τὰ ἀκροτελέutia συνεξηχόσι.* Que verba desumpta sunt ex PHILONIS libro de vita contemplativa. “

48 L. I. DE ORTU ET PROGRESSU MUSICÆ

c. p. 59.

a

L. II. c. 16. *dantur omnes, qui adorant sculptilia.* Quod de S. BABYLA post SOCRATEM
L. VI. c. 34. NICEPHORUS ex THEODORETO annotat: BABYLAM, cum abduceretur, ma-

gno animo hæc de Pf. CXVI. accinisse: *Converte te anima ad quietem tuam:*

Dominus enim respexit te: pretiosa in conspectu Domini mors Sanctorum eius.

In Gordium M. Et de Sancto GORDIO Martyre narrat BASILIUS: „Cum ob CHRISTI
 „confessionem in maxima populi frequentia, quæ eo die ad ludicra Martis
 „convenerat, ad supplicium traheretur, nullis cruciatuum terroribus, ty-
 „ranni minis, populi clamoribus, hostium insultationibus perturbari potuit,
 „ut non psalterii recordaretur, & voces animo penitus infixas sonaret.
 „Cum enim tyrannus ira æstuans præcipiteret: præsto sint lictores, flagella
 „plumbis nodis onusta; corpus rotis scindatur, in equuleo suspendatur,
 „omne tormentorum genus excogitetur, feroce adsint bestiæ, igni trada-
 „tur, gladio feriatur, in altum barathrum deiiciatur; CHRISTI miles a-
 „nimo ad hæc tranquillo, oculis in coelum conversis, psalmorum carmina
 „decantabat: *Dominus mibi adiutor, non timebo quid faciat mibi homo:* Et
 „Pf. 23. *Non timebo mala, quia tu tecum es.*“ Aflueti publicis ecclesiæ
 conventibus fideles, eiusmodi ad rem verficulos, quando præfens occur-
 rebat occasio, succinere, idem etiam faciebant privatim, quod alias publice
 in Ecclesia, cantu, ut vocatur responsorio. Qualis haud dubie idem fuit
 sub IULIANO concentus, qui in historia tripartita apud CASSIODORUM re-
 fertur de S. PUBLIA, quæ sicut THECLA in convivio Virginum inducitur præci-
 nens

a) Addit RUFINUS se eum iuvenem postea *An-*
tiochiae vidisse, atque interrogasse, num crue-
 tatus tormentorum sensisset? illum autem respon-
 disse: se quidem dolores parum admodum sensisse,
 astitisse autem sibi quemdam iuvenem, qui fu-

danti sibi candidissimo linteo, & sudore abster-
 geret, & aquam frigidam frequenter infunderet,
 & ita se esse delectatum, ut tunc mæstior factus
 sit, eum e tortura deponeretur, sic nihil oberat
 quo minus latus caneret.

nens apud METHODIUM, reliquis Virginibus in choro circumstantibus, ac respondentibus, ubi ὑπανέσειν vox habetur a). Versus eligebantur singulares, apti ad succinendum, qualem memorat S. IOANNES Chrysostomus in Psalmum CXVII. *Confitemini Domino quoniam bonus.* „Dicatum quidem (inquit) psalmi, quod consuevit populus succinere, hoc est: *Hac est T. V. p. 317.* „*dies, quam fecit Dominus, exultemus, & latemur in ea:* quod & multos excitat, & hoc maxime solet populus illo spirituali, & cœlesti festo succinere: Nos autem, si vos vultis, a capite & ab initio totum psalmum persequamur, non a versu, qui succinitur, sed ab ipso expositionem inchoantes. Versum enim patres nostri, ut qui esset sonorus, & sublime aliquod dogma contineret, populum succinere扇xerunt, quandoquidem totum psalmum ignorabat.“ Festum haud dubie Paschale fuit, quo, uti etiamnum, discimus ex GREGORIO Nissano, & S. AUGUSTINO, versum istum fuisse frequentatum: „*Quod cantavimus Deo, Hic est dies, quem fecit Dominus;* hinc loquamur quod dederit.“ Varia eiusmodi apud S. CHRYSOSTOMUM occurunt exempla b). Plures in Monito S. CHRYSOSTOMI affert locos MONTFAUCONIUS, ubi vox ὑπανέσειν occurrit, convenienter significatui ὑπανέσειν, ὑποψάλλειν, respondere, succinere, responsum,

a

Ser. de Pasch.
Ser. 258.

b

a) „Hæc (uti ibi de PUBLIA narratur Lib. VI. cap. 36.) Habens apud se chorum conversatione digna Virginitatem servantium, semper cum eis laudabat factorem, Salvatoremque DEUM. Transeunte vero Imperatore, clarius in commune psallebant: contemptibilem, & deridendum iudicantes erroneum: illaque maxime cantica resonantes, quæ idolorum traducere videntur debilitatem, dicebantque eum DAVID: *Simulacra gentium argentum & aurum, opera manuum hominum.* Et iterum: *Similes illis fiant, qui faciunt ea: & omnes qui confidunt in eis.* Hæc audiens JULIANUS, & ira vehementer accusans, cas, cum transiret, tacere præcepit. Quæ eius legem parvi pendentes, chorum maiori ordine compleverant, rursusque illo transeunte psallebant: *Exurget DEUS, & dissipentur inimici eius.*“ Quo facto graviter commotus cum magistrorum chori ad se adduci præcepisset, unice fateilibus suis imperavit, ut utramque ci malam cederet, & manibus genas eius cruentaret. Illa vero contumeliam honoris loco ducentis in cubiculum regressa est, & ut apud THEODORETUM legitur lib. III. hist. c. 14. Συνῆσε δὲ ταῖς πνευματικαῖς ἐξαλλε μελωδίαις, καθάπερ ὁ τῆς μελωδίας ἐκεί-

νης συγγεφεύς οὐ διδάσκαλος τὸ πονηρὸν ἐκεῖνον κατέπαυε πνεῦμα τὸ τῷ Σαὰλ ἐνοχλῆν.

b) „Ut in Psalmum CXXXVII: „Si liceat ergo, hoc ita accipere, illud oportet intelligere: cum Sacerdotibus ipsi inchoantibus, & præcedentibus, cum eo, quo par est, ordine consequar, & canam tibi &c.“ Et in psalmum CXLIV. „Hic psalmus est, qui habet hæc verba, quæ, qui sunt mysteriis initiati, affidue concinnunt: *Oculi omnium &c.*“ Et in psalmum sequentem: „Egrediamur nos, & pro ratis palmarum voluntatem animi florentem exhibeamus, & clamemus, quemadmodum hodie in psalmis succinimus: *Lauda anima mea Dominum &c.*“ Omnium vero luculentissime, & sèpius in psalmum XLI. paulo post initium: „Relicta (inquit) rufus funda redeamus ad fissulam: & a contentiosiore dicendi genere cessantes, ipsius DAVID citharam in manum sumentes, & responsum in medium adducentes, quod omnes hodie succinnimus. Quidnam igitur responsum? Quemadmodum desiderat cervus ad fontes aquarum, ita desiderat anima mea ad te DEUS.“

G

50 L. I. DE ORTU ET PROGRESSU MUSICÆ

a vel respcionem innuenti a). Adhuc notandus est ex eodem S. CHRYSOSTOMO
Hom. 36. in locus, ubi rem ipsam breviter ita explicat: *Is, qui psallit, solus psallit: Εἰ si omnes respondendo resonent καὶ πάντες ὑπηχῶσιν, vox fertur tanquam ex uno ore.* Ex quibus omnibus eluescit, quam frustra VALESIUS huiusmodi loca in mendo cubare putarit, dum apud S. BASILIIUM vocem hanc ὑπηχεῖν voci
Eph. 207. n.3. ὑπανέσειν synonymam invenit, ubi in celebri ad Neocasarienses epistola breviter hunc psallendi ritum commemorat: *Poſtea rurſus uni committentes, ut prior canat, reliqui ſuccinunt ὑπηχεῖται.* Non nihil diverſi habet, quod ex DIONYSIO, vulgo Areopagita, suo loco retulimus: Pontificem aufpicari facrum melos, omni ordine ecclesiastico facram ipſi psalmodiam succinente. Melius vero congruit, quod PHILO de *Therapeutis*, relatus ab EUSEBIO, dicit: *Tum ille Praefes affurgens hymnum in DEI laudem compositum canit.*
L. II. c. 17. *Poſt quem οἱ cæteri ordinati in decenti modo, omnibus magno cum silentio auscultantibus; præterquam, cum clausulas, οἱ hymnis finem imponentia, canere oportet.* Et idem paulo ante de Christianis, non modo *hymnos*, qui a nobis recitari solebant, refert, sed & quo pacto, cum unus suavi quodam concentu psallere decenter & modeſte occperit, reliqui placide, & quiete auscultantes, posteriores hymnorū partes ad extreūm una decantent. BALSAMON ad supra allatum canonem *Laodiceum* notat, *non oportere præter canonicos Cantores, qui ſuggeſtum aſcendunt, οἱ ex membrana psalunt οἱ c. Υἱοί εἰναι hoc loco idem denotare, ac cantica ſacra incipere.* Unde etiam dispicitur, iam tum temporis Cantori ſingulare pulpitum, ſeu ambonem fuifſe. Ex EUSEBIO conſtat, præcentorem psalmi ſtetiffi in meedio chori, vel coetus. Huc referri poſſunt, quæ paulo ante ex CASSIANI Institut. retulimus, porroque referemus de populi respcionibus, ſeu, ut vocat ISIDORUS, responſorii, quæ ab ITALIS, ut ait, *longo ante tempore eccl. L.I. c. 8.* ſunt reperta οἱ vocata hoc nomine, quod uno canente, *Chorus conſonando*

re-

a) „Contra (ait T. V. p. 129.) quam vertit *Gennianus HERVETUS*, qui a verbo audire ſemper interpretationem petens, ſententias poffimbat. Contra, quam etiam intelligit GOARUS in Euchologio p. 57. Ubi ὑπακοὴ vertit auditio- nem, quamquam ſubdubitans variorum efferat ſententias. Igitur ὑπανέσειν & ὑποψίλατειν dieebatur populus, eum vel Diacono, vel Sacerdotibus, vel Clericis præcientibus, ſucinebat, vel recitantibus repondebat; ὑπακοὴ illud ipsum, quod repondebatur; exempli cauſa ὄντροπον ἐπιποθεῖν ἔλαφος π.τ.λ. Quemadmodum deſiderat cervus ad fontes aquarum, ita deſiderat anima mea ad te DEUS. Hec e-

rat ὑπακοὴ ſeu responſio; aliæ item ὑπακοὰς erant, nt ipfe ſupra indieat; alteriusque respcionis ſpecimen affert, nempe μωνάριος ἀνὴρ ὁ Φοέλμενος τὸν κύριον; Beatus vir, qui timet Dominum. Aliam item ὑπακοὴ refert ſupra ATHANASIUS nempe ὅτι ἐις τὸν ἀιῶνα τὸ ἔλεος οὐτός; quoniam in ſeculum milericordia eius. Hæc igitur repondebat populus, Diacono, aut Sacerdoce præcientibus, aut legentibus, multaque erant huiusmodi ὑπακοὰς, ſeu responſiones, inquit CHRYSOSTOMUS.“

respondeat. Hoc est, quod S. AMBROSIUS in LUCAM dicit: *respondere psalmum.* Et Hexaem. L. III. c. V. *Ecclesia responsoriis psalmorum . . . resultat.* Atque iam saeculo III. TERTULLIANUS de Oratione c. 27. quod inscribitur: *De subiungendo Psalmo apud MURATORIUM. Diligentiores in orando subiungere t. III. Anecd.* in orationibus ALLELUIA solent, & hoc genus psalmos, quorum clausulis respondent, qui simul sunt; id ipsum confirmat, quod haec tenus sola ISIDORI auctoritate creditum est, cum credibile sit, morem eum ex Italia in Africam venisse, cuius saepissime S. AUGUSTINUS meminit. *Voces istae, inquit, In Pf. 26. E-* psalmi, quas audivimus, & ex parte cantavimus. Et alibi: *Itaque in hoc p. 52.* psalmo, quem cantatum audivimus, cui cantando respondimus, ea sumus dicturi, quae nostis. Idem de privato quodam psalmi responsorii cantu: „Cohibito ergo (ait) a fletu illo puerō, psalterium arripuit EVODIUS, & L. IX. Con- „cantare coepit psalmum, cui respondebamus omnis domus: *Misericordiam fess. c. 12.* „& iudicium cantabo tibi Domine.“ Pertinet huc etiam S. PETRI Chrysol. locus sermonis XLV. ita exorsi: *Responsorium, quod hodie Propheta supplicante cantavimus &c.* Apta erat ad captum vulgi concisior versuum distinctio iuxta Græcos. Card. THOMASIUS Rome MDCXCVII. psalterium cum canticis, versibus Prisco isto more distinctum, edidit; inque præfatione ex S. AUGUSTINI Enarratione secunda in Pf. XXI. id ipsum observat, olim in usitatiore psalmi responsorii cantu, cum in Oriente, tum in Occidente, in quo Lectio præcinebat, usurpatam fuisse antiquam illam versuum distinctionem, qui breviores erant, non alteram sequentis ævi versuum paulo prolixiorum a). Ex S. AUGUSTINO item docet, unum eundemque versum, brevem licet, fuisse aliquando membratim divisum ad populi faciliorem responsonem, posito versu in Diapsalmate: „Aliquando (sunt S. AUGUSTINI verba) in psalmo „versus ipse in diapsalmate ponitur, qui præbeatur a Lectore, & respon- „deatur a populo, non forte alicui cor percutitur, & timet cantare DEO, „& dicere, *Judica me DEUS?* Et tamen cantat populus credens, nec pu- „tat se male optare, quod didicit a divina lectione: et si parum intelligit, „credit aliquid boni esse, quod cantat. Et tamen & ipse psalmus non di- „misit hominem sine intellectu. Secutus enim, verbis posterioribus ostendit, quale iudicium diceret; quia non est damnationis, sed discretionis.

„Ait

a) „Quod (sunt THOMASII verba) minime animadverteram, cum agerem de eiusmodi psalmo responsorio in præfatione ad responsorialia, & antiphonaria antiqua Ecclesiae Romanae, a me sub alio meo cognomine, ut in aliis quoque libris feci, edita in hac urbe (Roma) anno MDCLXXXVI. Nam præterquam, quod id

postulabat ratio eiusmodi institutionis, nempe ut rudis populus psalmos caneret, quos nec de libro legeret, nec memoria teneret; inde necesse erat verba ei pauca præberi repetenda, ut membratim, easimque, totum psalmum percurreret. Locus iste laudatus S. AUGUSTINI id satis indicat.“ G 2

a
Tract. XXII.
n. 5. in Io-
hannem.

52 L. I. DE ORTU ET PROGRESSU MUSICÆ

„Ait enim: *Iudica me DEUS.* Quid est, *Iudica me DEUS?* & discerne causam meam de gente non sancta.“ Hæc ille a). S. AUGUSTINUS in psalmo illo, quem ipse adversus *Donatistas* composuit, & populo in manus dedit, in cuiuslibet partis clausula repeti voluit ὑπαλμα, uti ipse vocat, hoc est: *Omnes, qui gaudetis de pace, modo veram iudicate.* Quod obiter hic noto, capite vero tertio pluribus disquiram, THOMASIUM in ea esse sententia, de cantu responsorio non unum aliquem selectum versiculum populum respondisse, sed singulos, prout Cantor præcinebat. Nimirum Lector, pronuntiato titulo, psalmum de codice legendō exordiebatur, præcinebatque singulos, totosque omnino versus psalmi, quos sigillatim intercalari responsione plebs universa unacum Episcopo, & Clero, repetebat. Affert loca S. AUGUSTINI, imprimis, ubi sæpe repetit e. g. *Cantatum audivimus, & cantando respondimus:* quæ tamen rem mihi haud evincere videntur. Certe, unum versum populum aliquando succinuisse, ex historia BABYLÆ M. & aliis patet; atque is ipse de S. ATHANASIO fatetur, qui repeti fecit versiculum: *Quoniam in aeternum misericordia eius.* Psalmus CXXXV. adhuc dum ita interstinctus, cantu tamen antiphono frequentatur. Exemplum is versiculus haberi queat cantus responsorii in veteri etiam Testamento, ubi 2. *Paralip.* idem bis repetitur, dum de populi concentu in dedicatione templi agitur. VII. 3. 6. Morem hunc sub responsiorum nomine ex veteri Testamento repetit qui T. V. *Anecd.* dem brevis expositio liturgiæ, a MARTENIO ex antiquissimo codice descrip- pag. 97. ptæ ac editæ in Anecdoto: „Responsoria vero (ut ibi habetur) quæ in divi- „nis Officiis die, aut nocte cantantur, de Pentateucho Moysi duxerunt o- „riginem, quando PHARAONE submerso, MARIA Prophetissa sumens tym- „panum præcinebat canticum, & respondebat populus adunatus in choro. „Horum vero quaterna ratio constat, sicut de antiphonabus superius con- „tinetur. Consuetudo præcinendi & respondendi non solum ad mare ru- „brum, sed in multis *Ebraeorum* gentibus comprobatur, quod plenius ve- „teris Testamenti narrat historia.“

Responsio po- XV. EUSEBIUS voce ὑπανγειν utitur de choro angelico: „Chorus (in-
puli AMEN. puli AMEN.
In Pj. 71. „quit) Angelorum respondet una deprecans pro rei consummatione, illaque
n. 19. „confir-

a) Subdit THOMASIUS: „Cæteram, quando cœptum fuerit plures istiusmodi concife distinctos versus conglutinari, puto, hoc per id temporis factum, quod intercessit ab ætate S. AUGUSTINI ad CASSIODORUM; cum hic in suo in psalmos commentatorio, longiusculos versus, ex duobus, vel pluribus angustis illis prœfis versibus coactos, cnumeret: ut præsertim videri potest in proœmio

psalmi XIV. & psalmi CXVI. & CXVII. Invaluerat scilicet per ea interstitia temporis mos cantandi psalmos antiphonatim, hoc est, alternis choris Clericorum, vel monachorum; ad quod institutum aptiores sunt versus minus angusti: cum iam desueferet paulatim eantis responsoriis psalmi, quem præcineente uno lectori populus totus in Ecclesia respondebat.“

„confirmans ac dicens, *fiat*, *fiat*; sive secundum AQUILAM, *fideliter*, *fide-liter*; aut secundum SYMMACHUM, *amen*, *amen*.“ Solemnis & frequens erat in Sacris christianis responsio populi *amen*, iam ab Apostolo memoria: *Qui supplet locum idiotae, quomodo dicet AMEN super tuam benedictionem.* In quem locum S. CHRYSOSTOMUS sic commentatur: „Idiotam dicit laicum, & ostendit, eum non parvum dannum accipere, quando non potest dicere *amen*. Hoc est autem, quod dicit: Si Barbarorum voce benedicas, nesciens quid dicas, neque valens interpretari, non potest laicus respondere *amen*. Non audiens enim illud, *in saecula saeculorum*, quod est finis, non dicit *amen*.“ Innuit speciem illam cantus, quam *Graci* ab antiquissimis temporibus *προσφάνησιν*, *acclamationem* vocant, constanterque apud eos etiamnum observatur, potissimum ob secuturam populi responsionem, qua nulla in omni ecclesia frequentior est hac voce *amen*, quam *responsionem devotæ concionis* vocat S. HILARIUS. S. IUSTINUS *S. Hilar. in Ps. 65.* M. in Apologia II. Christianorum ritus in celebranda Eucharistia describens meminit, ubi Antistes preces, & gratiarum actiones super pane & vino absolverit, populum omnem acclamare *Amen*, *πᾶς ὁ πλεῶν λαὸς ἐν φημεῖ λέγων, ἀμήν.* TERTULLIANUS Christianis, *Romanorum spectacula frequentantibus*, exprobrat: „Ex ore, quo *amen* in Sanctum protuleris, gladiatori testimonium reddere &c.“ DIONYSIUS *Alexandrinus* de homine narrat, veri quidem baptisimi experte, quem baptizare tamen noluerit, utpote gratiarum actionem frequentantem, & cum cæteris respondentem *amen*, *καὶ συνεπιφθεγξανεν τὸ ἀμήν.* S. ATHANASIO nihil hac promiscua populi in Sacris Christianorum conventibus responsione fortius visum est ad mitigandum CONSTANTII animum iratum ob Sacra habita in ecclesia necdum solemniter dedicata, populo potius in deserto, quam in veteri ecclesia, quæ multitudinem capere non posset, synaxin habere volente. „Ubinam (inquit) *Apol. ad Constantium* , condecoratus populus responderet *amen*; in desertis, an in *n. 16.* templo, quod iam appellabatur Dominicum?“ Et mox: „Quid si tanti populi convenientis una vox proferatur, qua DEO dicunt *amen*?“ Sanctum GREGORIUM *Nazianzenum* supra citavimus, matrem suam laudantem, quod altum silentium in Officio servarit, neque os, nisi ad canendum aperuerit, nimirum ad Presbytero Sacris operam danti respondendum *amen*. S. AMBROSIUS symphoniam in hac re variarum ætatum in ecclesia deprædicat in hunc modum: „Hæc est symphonia, quando concinit in ecclesia *L. VII. in Lue. XV.* diversarum ætatum, atque virtutum, velut variarum chordarum indiscreta concordia, psalmus respondeatur, *amen* dicitur. Hæc est symphonia, quam scivit & PAULUS, ideo ait: *Psallam spiritu, psallam corpore mente.*“ S. HIERONYMUS resonantis populi *Romani* vocem paucis, sed significantibus

54 L. I. DE ORTU ET PROGRESSU MUSICÆ

S. Hieron. in Praefat. in Ep. ad Gal. lat. L. II. bus hisce dilaudat verbis : *Romanae plebis ab Apostolo laudatur fides. Ubi alibi sic ad cœlestis tonitrui similitudinem AMEN reboat ? Et AusONIUS in Ephemer. eiusdem vocis vim , inter modulationem psalmorum Davidicorum aëra ferientis , respondentे populo , non minus egregie describit :*

Consona quem celebrant modulata carmina DAVID.

Et responsuris ferit aëra vocibus AMEN.

Doxologia GLORIA PATRI. Antiquissimus inde a nascentis Ecclesiæ primordiis est respondentis usus in clausula orationum , seu doxologia in omnibus liturgiis etiam num usitata , atque in liturgia Constitutionum apostolicarum sic expressa :

L. VIII. c. 12. „ *Quoniam tibi omnis gloria , veneratio , gratiarum actio , honor & adorationis Patri , & Filio , & Spiritui Sancto , nunc , & semper , & in infinita , ac sempiterna sæcula sæculorum. Atque omnis populus respondeat amen.* “

Ibid. c. 13. Vel : „ *Cui tecum , (vel) cum quo tibi , & Spiritui Sancto , gloria , honor , laus , glorificatio , gratiarum actio , in sæcula amen.* “ Ad eam iam Sanctus IRENÆUS videtur respicere in loco , a nobis laudato contra *Valentinianos* , contendentes : „ *Sed & nos ipsos denique in gratiarum actionibus dicentes „ æonas æonum illos æonas significare.* “ TERTULLIANUS grande nefas dicit esse : „ *Ex ore , quo amen in Sanctum protuleris , εἰς ἀιῶνας* alii omnino dicere nisi DEO CHRISTO. “ Et laudatus S. CHRYSOSTOMUS : „ *Non audiens enim illud in sæcula sæculorum , quod est finis (gratiarum actionis) non dicit amen.* “ Ex his testimentiis patet , populum ad hanc doxologiam solemne *amen* respondisse. Quod haud dubie etiam factum post homilia & sermones , qui claudi solebant doxologia eiusmodi. De qua re olim lis mota est S. BASILIO , qui se auctoritate omnium retro sanctorum Doctorum tuetur in libro *Cap. VII. 25.* de *Spiritu Sancto* ; sed in sacra psalmodia etiam paulatim doxologia illa , quam minorem vocant , ingruit , ut etiam ab ipso populo communis diceretur vox , tradente S. BASILIO , hymnum glorificationis , nimirum *Quo Patri & Filio , simulque Spiritui Sancto gloria impertitur* , a rusticis etiam cantari solitum. Et quidem ex illis , quæ paulo ante de *Arianis Cpoli* sub S. CHRYSOSTOMO diximus , patet , illos in suis sacris conventibus cum hymnis & processionibus id affectasse , ut populus aliquid succineret ; S. CHRYSOSTOMUM autem sanctorum hymnorum alternum concentum opponentem , credibile est , doxologiam intercini curasse. PHILOSTORGUS dicit , FLAVIUM *Antiochenum* collecta monachorum multitudine primum omnium acclamasse *Gloria Patri , & Filio , & Spiritui Sancto.* Nam ex iis , qui ætate illum antecessissent , alios quidem dixisse : *Gloria Patri , per Filium in Sancto*

etō Spiritu, atque hanc acclamationem in usu magis receptam esse. Alios vero dicere solitos : *Gloria Patri, in Filio, & Spiritu Sancto*. Sed haec *Arianum* satis produnt auctorem. Quamvis non una omnino olim fuerit formula, ut vel ex S. BASILIO discimus ; & VALESIUS in notis ad SOCRATEM & THEODORETUM obseruavit. Ibi CAMERARIUS etiam , & Iac. SIRMONDUS eidem falli videntur : „ *Quia putarunt, glorificationem seu δοξολογίαν nihil aliud esse, quam versum illum, qui ad calcem psalmorum vulgo cani solet: Gloria Patri, & Filio, & Spiritui Sancto.* In qua opinione etiam fuisse videtur EPIPHANIUS Scholaisticus : sed certum est, *δοξολογίαν* in universum dici omnem glorificationem, quae tam in fine psalmorum, quam ad calcem orationum & homiliarum addi solebat a Christianis.“ Nihil dicam de turbis, inde inter ipsos Catholicos, imprimis autem cum *Arianis*, motis.

*S. Basf. L. II.**c. 21.**Valef. L. II.**c. 24.*

Unde SOCRATES narrat, ARCADIUM antiphonas prohibuisse. Et SOZOME *Socrates L.* nus perhibet, in ecclesia *Antiochena* moris fuisse, ut per choros distributi, *in VI. c. 7.* *ter psallendum, in fine hymnorū ἐν τῷ υπερῶν singuli sententiam suam de-* *Soz. L. III.* *c. 20.* clararint. Nam alii Patrem, & Filium tanquam honore æqualem glorifica-
bant. Alii vero Patrem in Filio : *hac propositione adiecta denotantes Filiū Patri inferiorem* a.) THEODORETUS vero de LEONTIO *Antiocheno*, Epi- *L. II. Hist.* scopo Ariano scribit : „ Cum enim animadverteret, quosdam canere *Glo-* *c. 24.* *ria Patri, & Filio, & Spiritui Sancto*, quosdam *Gloria Patri per Fi-* *a* *lium, in Spiritu Sancto*, ipse totam glorificationem tacite recitatbat, ut „ nihil audiretur, nisi conclusio : *in secula seculorum.*“ b) Ex CASSIANO discimus, quoad hanc doxologiam in psalmodia non eundem morem in Oriente, ac in sua provincia, nempe Narbonenſi, in Gallia fuisse, ubi teste GENNADIO in Catalogo de Viris illustribus CASSIANUS degens, *Mashilie* nimirum, tam Institutionum, quam Collationum libros conscripsit. „ Illud *L. II. Hist.* *tut. c. 8.* etiam, (inquit) quod in hac provincia vidimus, ut uno cantante, in clau- fula psalmi omnes astantes concinant cum clamore *Gloria Patri, & Filio,* *& Spiritui Sancto*, nusquam per omnem Orientem audivimus, sed cum omnium silentio ab eo, qui cantat, finito psalmo orationem succedere. Hac vero glorificatione TRINITATIS tantummodo solere antiphonam ter- minari.“ A S. BENEDICTO in sua Regula ad finem psalmorum præscribi- tur

a) Confer SOZOMENI cap. 19. eiusdem libri.

b) NICEPHORUS Lib. IX. c. 24. „ Sententiam suam (ait) quam quisque de DEO obtineret, in choro stantes, ad finem psalmodie declarabant. Quidam enim Patrem, ac Filium eodem honore celebrantes; nonnulli Patrem in Filio, (præpositione interiecta obscurius secundas partes filio tribuentes) alii *Gloria Patri per Filium in Spiritu Sancto* canebant. Primum omnium

ferunt *Antiochenum FLAVIANUM*, monachorum coacta caterva clare accinuisse : *Gloria Patri, & Filio, & Spiritui Sancto*. Quod quidem, ut nihil habens suspicionis, in Ecclesiis DEI obtinuit. Id vero LEONTIUS videns, inhibere eos, qui iuxta Nicene fidei traditionem DEUM cantibus prosequabantur, non audebat, editionem timens.“

56 L. I. DE ORTU ET PROGRESSU MUSICÆ

Can. 13. tur *Gloria &c.* Diversa a nostra doxologia , atque concisior , in Concilio *Toletano VI.* præscribitur : „ In fine omnium psalmorum dicimus , *Gloria, & honor Patri, & Filio, & Spiritui Sancto, in saecula saeculorum amen.* “ *Ad an. 329.* Fatetur tamen BARONIUS , illam a Concilio *Nicæno* non esse præfinitam , ut eodem modo , quo hodie fit , in Sacris diceretur : cum deinceps varius illius fuerit usus (de epistola spuria S. HIERONYMI ad DAMASUM argumentum haud petimus , Pontificem rogantis , ut in fine omnium psalmorum adhiberetur) *De rebus eccl. c. 25.* quain diversitatem adhuc *IValafridus STRABO* a) notat . Eam *Romæ tempore VIGILII* usitatam fuisse , conitat ex Epist. I. VIGILII P. ad PROFUTURUM , *a Bracarensem* Episcopum n. 3. Exstatque de ea decretum Conc. *Vasensis II.* c. 5. an. 529.

*Cantus AL-
LELUIA.*

In Ps. 21.

*Epist. 178.
vet. Ed.*

*Cap. 27. de
Orat.*

XVII. Haud minus frequentata Sacris christianis vox est *alleluia*. Hanc diebus tantum lœtiae resurrectionis , & diei dominicæ dici solitam S. AUGUSTINUS , alteri simili peregrinæ voci , scilicet *amen* , iungit . „ Videamus (inquit) Fratres , si his diebus per totum orbem terrarum frustra dicatur *amen* , & *alleluia*. “ Et alibi : „ Sciendum est , *amen* , & *alleluia* , quod nec *Latino* , nec *Barbaro* licet in suam linguam transferre , hebræo cunctas gentes vocabulo decantare. “ Præterquam quod idem in Psalm. CXVI. & CX. atque ex occidentalibus Patribus AMBROSIUS in Apologia pro DAVID , S. PAULINUS , SIDONIUS , ISIDORUS , & aliis de frequenti usu huius vocis in Sacris christianis dicunt , rememorandum , quod paulo ante p. 51. ex TERTULLIANO retulimus : „ Diligentiores in orando subiungere in orationibus *alleluia* solent , & hoc genus psalmos , quorum clausulis respondent , qui simil sunt. “ Quæ verba de cantu responsorio interpretatus sumus. Non ausim vero eadem libertate *hoc genus psalmos* , quod indigitat , de psalmis *alleliatricis* , quorum frequentior semper fuit in ecclesia usus , præcise accipere . S. AUGUSTINUS nobis testis est de usu psalmorum *alleliatricorum* , qui nimis *alleluia* , *laudate Dominum* in fronte præfixum habent , seu ab ea voce incipiunt , uti centesimus quadragesimus octavus , & qui

a) „ Dicendum vero (inquit) de hymno , qui ob honorem Sanctæ & unicæ Trinitatis officiis omnibus interseritur , cum a sanctis Patribus aliter atque aliter ordinatum . Nam Hispani (sicut superius commemoravimus) ita cum dici omnimodis voluerunt . Græci autem *Gloria Patri, & Filio, & Spiritui Sancto, & nunc & semper, & in saecula saeculorum, amen.* Latini vero , eodem ordine , & eisdem verbis , hume hymnum decantant : addentes tantum in

medio , sicut erat in principio . Pro quibus etiam particulis quidam Græci , minus sapientes , latinos , proximis ante nos temporibus , calumniis impetrere conati sunt. “ Monachi nimis Græci congregationem Francorum monachorum in codem loco ob hanc additionem hereticos proclamabant , ut ex corum epistola ad LEONEM III. patet , a BALUZIO edita T. VII. Miscell. p. 14. &c.

qui sequuntur, aut etiam in contextu, vel fine iuxta eundem. „Hoc asse-
 „runt (ait), quod omnes *alleluiatici* psalmi habeant in fine *alleluia*, non o- *In Ps. 105.*
 „mnes in capite.“ LUXTA CASSIANUM olim observatum fuit, ut in respon- *L. II. Instit.*
 sione τῆς *alleluia* nullus dicatur psalmus, nisi is, qui in titulo suo τῆς *alle-*
luia inscriptione prænotatur. S. BASILIUS in epistola ad MARCELLINUM Co-
 mitem hos designat CIV. CV. CVI. CXI. CXII. CXIII. CXIV. CXV.
 CXVIII. CXXXIV. CXLVI. CXLVII. CXLVIII. CXLIX. CL. *Vis*, inquit,
psallere respcionem habentem ALLELUIA, ὑπανοὶ ἔχεσσαν τὸ ἀληθέα. Et
 EUSEBIUS in proœmio in psalmos aliquid singulare nobis de veteri Testa-
 mento dicit: *Cum itaque spiritus in quempiam principum cantorum insili-*
ret, cæteri quiete agebant adstantes, ac voce consona respondentes ALLELUIA,
ὑπανόντες συμφώνως τῷ ψάλλοντι ἀληθέα. Laudatus S. AUGUSTINUS distin- *In Ps. 118.*
 guit psalmum *octonarium*, vel *alphabeticum*, vel *alleluiaticum*. Alias *alle-*
luiatricum iuxta HOLSTENIUM in Indiculo declaratorio vocum inusitatorum,
 usurpatarum in Regulis Patrum, ad Reg. S. AURELIANI, in ordine psallendi *P. III. Cod.*
 videtur esse pars quædam Officii divini, in qua iterabatur *alleluia*. Quod *Regul. p. 69.*
 frequens semper fuit tum *Hebræorum* imitatione, cum etiam Angelorum, iuxta
 vīsum S. IOANNIS in *Apocalypsi*, exemplo. „Laudes, hoc est *alleluia* canere
 „(inquit S. ISIDORUS) antiquum est *Hebræorum*. Cuius expositio duorum *De diu. Offic.*
 „verborum interpretatione, vel compositione consistit, hoc est, *laus DEI*. *L. I. c. 13.*
 „De cuius mysterio IOANNES in *Apocalypsi* refert, spiritu revelante vidisse se
 „aut audisse vocem coelestis exercitus Angelorum, tanquam vocem valido-
 rum tonitruorum dicentium *alleluia*. Ex quo nullus debet ambigere, cum
 „hoc laudis mysterium digna fide & devotione celebretur, Angelis esse con-
 „iunctum. *Alleluia* autem, sicut & *amen*, de hebræa in aliam linguam ne-
 „quaquam transferuntur: non quia interpretari minime queant, sed, sicut
 „aiunt Doctores, servatur in eis antiquitas propter sanctiorem auctoritatem.“
 Testatur porro ISIDORUS, in *Africa* non omni tempore *alleluia* dici soli-
 tum, sed tantum dominicis diebus, & quinquaginta post Domini resurre-
 tionem, & secundum antiquam *Hispanorum* traditionem, præter dies ie-
 iuniorum, vel Quadragesimæ, omni tempore. Sicuti etiam S. BENEDICTUS
 singulari capite XV. sive Regulæ, *quibus temporibus dicatur ALLELUIA*, tem-
 pus Paschale, indeque a Pentecoste usque ad caput Quadragesimæ designat.
 Moris illius *Africanus* testis pluribus in locis nobis est S. AUGUSTINUS a). San-
 ctus a

a) Ut: Epist. LV. ad IANUAR. N. edit. p. 139. „Propter hoc (tempus nempe letitiae, quod inter Pascha & Pentecosten intercedit) . . . stantes oramus, quod est signum resurrectionis (unde etiam omnibus diebus dominicis ad altare obser-

vatur, & *alleluia* canitur.“ Et postea c. 17. pag. 141. „Ut autem *alleluia* per folos dies quinquaginta in Ecclesia cantetur, non usque quaque observatur: nam & aliis diebus varie cantatur alibi, atque alibi, ipsis autem diebus ubi

58 L. I. DE ORTU ET PROGRESSU MUSICÆ

a ctus HIERONYMUS inter alia VIGILANTIO obiicit a), quod nunquam, nisi in *L. VII. c. 19.* Pascha *alleluia* cantandum contendat. Quare & SOZOMENUS falsus est, asse-
In Bibliothec.
max. PP. T.
VII. pag. 475. rens, nonnisi semel *Romæ* per annum, idque primo die festivitatis Pascha-
lis cani consueuisse, ut a multis ROMANIS hic hymnus iuris iurandi instar
tum audiri, tum cantari expectatur. Supervacaneum foret, quidquam ex
epistola ad DAMASUM, S. HIERONYMO supposita, de *alleluia*, ab laudato
Pontifice in Ecclesiam Romanam in vecto, referre, quod *Isidorus MERCATOR* ex
S. GREGORII M. epistola ad IOANNEM *Syracusam* hausit, sicque S. HIERO-
NYMUM inducit ad DAMASUM sribentem: *In Ecclesia autem (ALLELUIA) a*
sancta resurrectione usque ad sanctam Pentecosten finiatur inter dierum spacia
quinquaginta. Nec tamen hoc improbat COUSTANTIUS in censura decreto-
T. I. Epist.
R. P. pag.
615. rum DAMASO I. adscriptorum, locum ex S. AUGUSTINI Ep. LV. n. 32. profe-
rens. „ Ut autem *alleluia* per illos solos dies quinquaginta in Ecclesia can-
„ tetur, non usquequa observatur: nam & aliis diebus varie cantatur a-
„ libi, atque alibi.“ Subdit COUSTANTIUS: “ Porro ex iis ecclesiis, quæ *alleluia*
„ tantum intra tempus Paschale cantabant, unam fuisse *Romanam* ex SOZO-
„ MENO haud temere colligitur. Erravit ille quidem, cum scripsit: *Romæ*
„ quotannis semel canitur ALLELUIA, primo die Paschalis festivitatis; & Ni-
„ cephorō CALISTO, verba eius exscribenti, errandi auctor fuit: sed non
„ alia videtur erroris illius causa, nisi quod, cum apud Scriptores Latinos
„ Pascha, vel de toto tempore Paschali, vel de uno Resurrectionis Domini
„ die promiscue dicatur, ALLELUIA *Romæ* tantum in Pascha cantari audiens
„ de uno die interpretatus est, quod de toto tempore Paschali sibi dictum
„ fuerat.“ Traditionem autem illam, qua DAMASO P. auctor eius rei fuisse
dicitur HIERONYMUS, de *alleluia* in Missa interpretatur, usus etiam au-
toritate Regulæ S. BENEDICTI, in qua de *alleluia* per annum extra Qua-
drage-

que.“ Et ad CASULANUM Ep. 36. nov. ed.
p. 75. n. 18. „Quibus tantummodo diebus (iis
videlicet 50. qua a Paschate ad Pentecosten usque
numerantur) in multis ecclesiis, in omnibus
autem maxime cantatur *halleluia*, quam vocem
laudis esse nullus Christians, quamlibet impe-
ritus, ignorat.“ Et in psalmum CVI. n. 1.
„Cuius (psalmi) titulus non nunc tractandus est:
est enim *halleluia*, & bis *halleluia*, quod no-
bis cantare certo tempore solemniter moris est,
secundum Ecclesia antiquam traditionem: ne-
que enim & hoc sine Sacramento certis diebus
cantamus. *Halleluia* certis quidem diebus can-
tamus, sed omni die cogitamus.“ In psalmum
CX. „Venerunt dies, ut iam cantemus *halleluia*.“
In psalmum CXLVIII. distinguens tempora ante,
& post Pascha, „ Illud (ait) tempus in ieiunis

& orationibus exercemus, hoc vero tempus re-
laxatis ieiuniis in Laudibus agimus. Hoc est
enim *Halleluia* quod cantamus, quod latine in-
terpretatur, ut nostis, *Laudate Dominum.*“ Ser-
monem 26. in diebus Paschalibus sic orditur
Idem (Serm. 255.) „Quoniam voluit Dominus,
ut charitatem vestram in *Halleluia* videremus, de
Halleluia vobis verbum debemus. Non sine onere,
si commemoro quod nostis: quia & ipsam *Hal-*
luia quotidie dicimus, & quotidie delectamur.
Nostris enim, quia *halleluia* latine dicitur *laude*
DEUM, & in hoc verbo consonantes ore, &
conscientes corde, exhortamur nos invicem ad
laudandum *DEUM* &c.“ Eo pertinet etiam mox
sequens Sermo 256.

a) Vid. initium libri adversus VIGILANTIUM.

dragesimam, vel tempore Paschali, canendo certæ Regulæ ponuntur. Atque *cap. XV.*
 ita etiam HIERONYMUM conciliat, cuius varii habentur de *alleluia* loci. Vel-
 uti in Epist. ad MARCELLAM festivitatem, & frequentiam huius cantici no-
 nat, inquiens : „In CHRISTI villula tota rusticitas, & extra psalmos silen-
 „tium. Quocunque te verteris, arator stivam tenens *alleluia* decantat.“ Te-
 stisque est, etiam in exequiis defunctorum idem personuisse, in epitaphio FA- *cap. IV.*
 BIOLÆ : „*Hebræo*, *Græco*, *Latino*que sermone resonabant psalmi, & au-
 „rata tecta templorum resonans in sublimè quatiebat *alleluia*.“ Et in epitaphio PAULÆ : „Post *alleluia* cantatum, quo signo vocabantur ad collectam, *cap. XVI.*
 „nulli residere licitum erat.“ Imbui etiam consuevisse infantes, ut in *alle-
 luia* lingua balbutiens primum erumperet, idem perhibet in epistola ad LÆ-
 TAM : „Quis hoc crederet, ut ALBINI Pontificis neptis de promissione Mar-
 „tyris nascetur, ut præsente, & gaudente avo, parvulæ adhuc lingua bal-
 „butiens CHRISTI *alleluia* resonaret?“ Et inferius : „Cum avum viderit,
 „in pectus eius transiliat, de collo pendeat, nolenti *alleluia* decantet.“
 Addo, quod Ven. BEDA de S. GERMANO *Altisiodor. Brittones contra Saxo-* *L. I. Hist. gen-*
& Pictos ad prælium animante, scribit : „Tunc subito GERMANUS signi- *tis Anglorum*
 „fer universos admonet, & prædicat, ut voci suæ uno clamore respondeant;
 „securisque hostibus, qui se insperatos adesse confiderent, *alleluia* tertio re-
 „petitum Sacerdotes exclamabant. Sequitur una vox omnium, & elatum
 „clamorem reperculo aëre montium conclusa multiplicant.“ Et ROBERTUS
Antisiodorensis ad an. 440. „Cum GERMANUS ipse dux belli factus non
 „tubæ clangore, sed clangore *alleluia*, totius exercitus voce ad sidera
 „levata, hostes in fugam vertit immanes.“ Videtur etiam iam prima hac æ-
 state tractus aliquis, ac veluti balatus vocis obtinuisse, quem auctores medii
 ævi, ut suo loco videbimus, *neuma*, seu *pneuma* vocarunt. ALLELUIA
novis balat ovile choris, ut habet S. PAULINUS in epistola ad SEVERUM. *Epist. XII.*
 Non enim insuetus etiam fuit iubili olim alias usus, quod est a) S. AUGUSTI- *a*
 NO, *sonus quidam significans cor parturire, quod dicere non potest*. Idque
 non solum esse dicit prælantibus, *sed eorum qui cantant sive in messe, sive*
in aliquo opere ferventi, impleti tanta latitia, ut eam verbis explicare non
possint, avertunt se a syllabis verborum, & eunt in sonum iubilationis. San-
 ctus HILARIUS : „Iubilum pastoralis, agrestisque vocis sonum nuncupamus,
 „cum in solitudinibus aut respondens, aut requirens, per significantiam
 „ductæ in longum, & expressæ in nisum sonus vocis auditur. In græcis
 „vero libris, qui ex hebræo proximi sunt, non eadem significantia scribi-
 tur. Namque ita se habent : Ἀλαλάζοτε τῷ Θεῷ πᾶσα ἡ γῆ, & cum illis
 „ἀλαλαγμὸς, quem latine *iubilum* ponunt, significat vocem exercitus præ-
 H 2 *„liantis*

a) Enarrat. 2. in Pf. XXXII. n. 8. Vid. HIERON. & THEODORET. in eund. Pf. & RUFINUS in Pf. LXV.

60 L. I. DE ORTU ET PROGRESSU MUSICÆ

*De Canticō
novo c. 2.*

„ liantis , aut in concursu proterentis hostem , aut successum victoriæ exultationis voce testantis.“ S. AUGUSTINUS Alleluia *celeusma* vocat nautarum

fibi a longe acclamantium & respondentium : *Adsit nobis* , inquit , *tutela*,

Christi gratia , *CELEUSMA nostrum dulce cantemus ALLELUIA* , *ut lati & se-*

curi ingrediamur ad felicissimam patriam. Et SIDONIUS APOLLINARIS re-

L. II. ep. 10. vera illud usitatum fuisse scribit :

*Curvorum hinc chorus helciariorum
Responsantibus ALLELUIA ripis
Ad Christum levat annicum CELEUSMA,
Sic sic psallite nauta , vel viator !*

Psalmodiorum
cantus fre-
quentis.

I. Cor. XIV.

a

Cap. 25.

L. IX. Conf.

e. 7.

*L. I. de bonis
operibus.*

XVIII. Psalmorum vero ipsorum iugis semper fuit in Ecclesia usus. *Cum convenitis* , inquit Apostolus , *unusquisque vestrum psalmum habet*. Id est , ut in hunc locum commentatur auctor sub nomine S. AMBROSI , *laudem DEI per canticum loquitur*. Ii quoque auctores , quos initio statim retulimus , etiam extraneos , de carmine & hymnis , CHRISTO tanquam DEO in conventibus Christianorum cantari solitis , huc explicari possunt. Nec obest libri Pontificalis auctoritas DAMASO P. attribuentis , *ut psalmi diu nocturne canerentur per omnes ecclesias* , *qui hoc præcepit Presbyteris , Episcopis , ac monasteriis*. Idem quidem repetunt auctores plerique medii ævi , BEDA , ADO , USUARDUS in Martyrologiis , MARIANUS SCOTUS in Hist. L. II. & SIGEBERTUS in Chronico ad an. 382. ne quid de spuria HIERONYMI ad DAMASUM epistola dicam , hoc consilium suggerente a). *Walafridus STRABO* de ecclesiasticis officiis , postquam de veteri & apostolica facrorum conventuum ratione quædam attulisset , ita concludit : „ Ex his itaque & similibus intelligimus apud multos horas , quæ & nunc celeberrimæ sunt , observatas , sed non ea distributione psalmorum , vel orationum , qua nunc utimur. Quam & circa tempora THEODOSII Senioris inchoatam , ac deinceps expletam multis animadvertisimus causis.“ Adducit deinde auctoritatem S. AUGUSTINI , qua S. AMBROSIO institutio in ecclesia *Mediolanensi* tribuitur , ut iuxta morem orientalium Patrum psalmi , atque hymni in ecclesia canerentur : unde usus ad alias occidentales ecclesias dimanarit. „ Fortasse (inquit BELLARMINUS) loquitur AUGUSTINUS non de cantu absolute , sed de cantu totius populi. Antea siquidem psalmum cantabat unus tantum , audientibus aliis , ut patet ex CASSIANO. Unde est illud HIERONYMI in epist. ad RUSTICUM Monachum : *Dicas psalmum in ordine tuo.* Fortasse etiam foli Clerici , ut „ nunc

a) Vid. Opera DAMASI Nov. Ed.

„ nunc fieri videmus , cantabant ; AMBROSIUS autem ad leniendum mœro-
 „ rem populi in persecutione IUSTINÆ instituit , ut totus populus caneret.
 „ Quod etiam fecit CHRYSOSTOMUS in simili occasione apud Constantinopo-
 „ lim , ut refert SOCRATES .“ Sed ex iam a me dictis clare patet , & deinceps L. VI. Hist.
 magis elucescat , produntque ipsa S. AUGUSTINI verba , de modo potius c. 8.
 canendi hymnos & psalmos magno studio fratrum concinentium vocibus &
 cordibus rem esse. Ait enim l. c. „ Tunc hymni & psalimi , ut canerentur
 „ secundum morem orientalium partium , ne populus mœroris tædio
 „ cantabesceret , institutum est , & ex illo in hodiernum retentum , multis
 „ iam , ac poene omnibus gregibus tuis & per cæteras orbis partes imitan-
 „ tibus .“ Dici namque non potest , antea in Occidente tum populo , cum ipsis
 adeo sceminiis psalmos canendi nullum fuisse usum , dum contrarium com-
 plura TERTULLIANI loca probant , ut L. De Virginibus velandis : Illæ , quæ Cap. ult.
 inter psalmos , & in quacunque DEI mentione retectæ perseverant . Et ad u- L. II. c. 6.
 xorem : Quid maritus suus illi , vel marito , quid illa cantabit ? Et postea ; Ibid. c. 9.
 Sonant inter duos psalmi & hymni , & mutuo provocant , quis melius DEO
 suo canet . Etsi hæc de privata cantillatione intelligi videantur . Id etiam
 CLEMENS Alexandrinus , vel inter ipsam cœnam factum memorat . Morem L. II. Pedag.
 eundem S. CYPRIANUS in epistola ad DONATUM indigitat . Cantus autem c. 4.
 psalmorum usum frequentem etiam TERTULLIANUS publicis in conventibus
 prodit . Iam vero , inquit , prout scripturæ leguntur , aut psalmi canuntur , De anima
 aut allocutiones proferuntur , aut petitiones delegantur . Vides , singula ab c. 9.
 ipso distingui , lectionem scripturarum , prolationem sermonum , & cantum
 psalmorum . Non ita apertus est alter eius de publica synaxi locus : Si ora , De Exhort.
 tionem facit ad Dominum , prope est cœlo . Si scripturis incumbit , totus il- castit . c. 10.
 lic est . Si psalmum canit , placet sibi . Hæc domi ad imitationem eorum fie-
 bant , quæ publicis in conventibus solemniter peragebantur . „Vide (idem De Ieinn.
 „ ait) quam bonum & quam iucundum , habitare fratres in unum . Hoc tu c. 13.
 „ pfallere non facile noſti , niſi quo tempore cum pluribus cœnas .“ Quod
 de publicis sacrisque conviviis , quæ agapæ sunt dictæ , intelligi potest , de
 quibus aperte c. 39. Apologet. loquitur . Omitto Pseudo - HIPPOLYTUM de
 Consummat. Mundi , ubi psalmorum decantationis meminit in ecclesia . To-
 tam liturgiæ rationem , seu ἀρχὴν explicans auctor Constitutionum apo-
 stolicarum : Medius autem , ait , Lector in quodam loco excelsa stans legat L. II. c. 57.
 libros Moysis &c. Peractisque per binos lectionibus , quidam alius DAVIDIS
 hymnos psallat , & populus extrema versuum succinat . Deinde aucta nostra
 recitentur , & epistolæ PAULI adiutoris nostri , quas Spiritus Sancti ductu ad
 ecclesias misit . Postea Diaconus , vel Presbyter legat evangelia . . . Post
 hæc Presbyteri exhortentur populum &c. Hic est pulcherrimus ordo ac vi-
 cissitudo

62 L. I. DE ORTU ET PROGRESSU MUSICÆ

cisitudo in sacris Ecclesiæ conventibus, ad divinum Officium celebrandum promiscuis lectionibus, ac cantu psalmorum. Insigne ad hanc rem **ORI-GENIS** testimonium in ipsius *Commentariis in Psalmos* legimus a), qui licet integri non extent, primi tamen ex illa antiquitate habentur, ex quibus selecta quædam a **MONTFAUCONIO** in novissima editione in lucem sunt pro-dita, veluti etiam in Tomo I. Collectionis *Græcorum* PP. *Commentarii EUSEBII Cæsariensis*, in quibus pariter hæc ecclesiastica consuetudo in toto christiano orbe passim memoratur. „Hoc itaque (ait alicubi **EUSEBIUS** b) „primum, ut necessario præstandum, omnes homines Spiritus Sanctus agere „iubet, dicens: *Iubilate DEO omnis terra.*“ Idem in psalmum XCI. pro-fequitur, qua ratione primo diluculo conventus agant Christiani, panes pro-positionis offerant, psalmos una multitudinis voce concinant. Similiter San-ctus **HILARIUS** in eodem argumento, eadem psalmi verba versans: *Iubilate DEO omnis terra*; psalmorum frequentiam deprædicat c). **S. ATHANASIUS** præter expositiones in psalmos insignem scripsit ad **MARCELLINUM Comitem** epistolam, quæ plenam continet ad psalmos instructionem. Postquam autem totius psalterii divisionem secundum singulorum psalmorum argu-menta, & materias, accurate fecisset, eam demum etiam movet quæstio-nem: quid causæ fit, quod eiusmodi sermones cum modulatione, & oda psallantur d)? Ex dictis, & porro dicendis constabit, quæ incrementa facra

a) Cuius verba vid. supra p. 29.

b) In Psalm. LXV. n. 3. cætera ex p. 30. repe-te.

c) „Simile enim (inquit Tr. in psalm. LXV. n. 4.

& 5.) & officium omnium docetur, & origo-Terrendus ergo est (pergit) confessionis nostræ sermone omnis profanus auditor: & adversum diabolum armaque eius orationum nostrarum sonitu certandum est, & belli nostri victoria ex-sultationis voce monstranda est. Audiat oran-tis populi confitens quis extra ecclesiam vocem, spectet celebres hymnorum sonitus, & inter di-vinorum quoque Sacramentorum officia respon-sionem devote confessionis accipiat. Necesse est terreni omnem adversantem, & bellari adversus diabolum, vincique resurrectionis fide mortem, tali exultantis voce nostræ, ut dictum est, *iubilo*. Sciat hoc DEO placitum esse, hoc spei nostræ testimonium, publicas viætricesque ex-sultationis nostræ voces personare: quarum propheta non negligens est; loco alio memorans, *Circuivi & immolavi in tabernaculo eius hostiam iubila-tionis*. Et ne inanem iubilationis huius doctri-na atque observantiam crederemus, alibi pro-testatur, *Beatus populus, qui scit iubilationem*.

Necessarium ergo id fidei nostræ est, in cuius scientia beatitudo est. Nam primum in admonitionum ordine Propheta dispositus, ut iubilet DEO omnis terra, secundo ut psalmum dicat no-mini eius. DEO itaque iubilandum est; quia debitum ei a nobis exultantis vocis officium est, quia ut per organum psalmus est, ita & corporis nostri, quod anime & affectionis & negotiorum omnium organum est, artificiois o-peribus est placeendum.“

d) „Quidam enim (inquit T. I. P. II. p. 999. num. 27.) inter nos simpliciores, tametsi credunt verba esse divinitus inspirata, arbitrantur tamen ob foni suavitatem, voluptatemque au-rium, psalmos cani. At nequaquam ita se res habet: non enim voluptatem, aut eloquentiam affectavit scriptura: sed id quoque ad animæ utilitatem constitutum est, omnibus, sed duabus maxime de causis; primo quia decuit di-vinam scripturam, non obiter, sed fusiū **DEUM** hymnis celebrare. Continua igitur oratione di-cuntur legis & prophetarum verba, nec non historiæ omnes, cum novo Testamento: fusiū autem efferuntur psalmorum, odarum, & can-

facra psalmodia & cantus ecclesiasticus sub ipso *Alexandriæ* cœperit, ut etiam fœminis sua ad psallendum fuerint psalteria: qualem memorat in epistola ad Orthodoxos, ab *Arianis*, *psalterium* præ manibus tenentem, publice flagellari iussam. S. BASILIUS sermone de legendis libris Gentilium, postquam *damma profanæ musicæ* ostendisset, *Sed musica*, subdit, *altera, qua* *et melior existit*, *ad meliora perducit, consideranda nobis est, qua usus* *DAVID sacrorum carminum auctor furorem Regis, atque insaniam, ut aiunt, sedavit.* Idem insigni encomio primam in psalmos orditur homiliam a). a
*T. II. nov.
edit. p. 182.*

Et in celebri ad *Neocæsarienses* epistola adhuc clarius memorat: „Recepta Ep. 207. n.3.

„nunc instituta omnibus DEI ecclesiis consona esse, & consentientia. De „nocte siquidem confusurit apud nos populus ad domum precationis, & in „labore, in afflictione ac iugibus lacrymis confitentes DEO, tandem a pre- „catione surgentes, ad psalmodiam transeunt. . . . Cæterum horum gra- „tia si nos fugitis, fugietis *Ægyptios*, fugietis & utrosque *Lybies*, *Thebæos*, *Palæstinos*, *Arabes*, *Phœnices*, *Syros*, & eos, qui ad *Euphratem* habi- „tant, ac omnes uno verbo, apud quos vigiliae, precesque & communes „psalmodiæ in pretio sunt.“ Qualis S. BASILIUS in Oriente, talis in Oc- cidente fuit S. AMBROSIUS, divinæ psalmodiæ instaurator, cuius habentur in psalmos quosdam commentarii, atque in proœmio pariter de eorum usu apud omnes in Ecclesia loquitur: *Psalmus enim benedictio populi est, DEI laus*

ticorum scripta: atque eo modo observabitur, ut totis viribus & tota potestate DEUM dili- gant. Secundo, quemadmodum harmonia tibias apte componens unum concentrum efficit; ita cum in anima varii sint motus, insitque vis cogitandi, concupiscendi, irascendi, ex quorum per- motione membrorum corporis operatio exoritur; ratio postulat, hominem secum non dissentire, nec a semetipso dissidere.“

a) T.I. p.90. „Hic liber, quo ad eius fieri potest, pravos coeret affectus, qui per hominim vitam in animos varie grassantur. Atque id cum concinna quadam suavitate atque voluptate, quæ honestas ingerat cogitationes. Etenim ubi Spiritus Sanctus genus hominum perspexit ad excolandam virtutem adduci vix posse, & a nobis ob nostram in voluntatem propensionem viam rectam contemni, quid agit? Dogmatis immiscenti harmoniæ dulcedinem, ut rerum auditorum iueunditate ac dulcedine eloquiorum utilitatem ne- scientes percipiemus: haud aliter atque sapientes medici, qui nanscantibus potionem amariorem daturi, sappiis calicem melle circumliniunt.

Ideo concinni illi psalmorum concentus excogita- tati nobis sunt, ut ii qui pueri sunt ætate, aut etiam omnino moribus sunt iuvenes, dum in speciem quidem cantant, re ipsa tamen animas erudiant suas. Vix enim unquam unus aliquis ex multis & ex desidibus discessit, qui præceptum apostolicum, aut propheticum memoria retineat: at psalmorum oracula & domi modulantur, & in forum circumferunt τὰ δὲ τῶν ψαλμῶν λόγια κατ' ὄνον μελωδίσοι οὐ ἐπὶ τῆς ἀγορᾶς περιφέρεσθαι. Et etiam si quis in fe- ræ modum valde æstuet; ubi psalmis demulceri cœperit, statim consopita per melodiam animi feritate abit.“ (Et paulo post:) „Psalmus incipientibus initium est, incrementum proficientibus, perfectis firmamentum, vox est Ecclæsiae: lætitiat dies festos: eam, quæ fecundum DEUM est, tristitiam creat. Enimvero psalmus e corde lapideo ciet lacrimas. Psalmus Angelorum opus est, cœlestis conversatio spirituale tympana. O sapiens magistri inventum, qui artem, qua simili caneremus, & utilia dif- ficeremus, excogitavit.“

64 L. I. DE ORTU ET PROGRESSU MUSICÆ

Iaus, plebis laudatio, plausus omnium, sermo universorum, vox Ecclesiæ, auctoritatis plena devotio, libertatis lætitia, clamor iucunditatis, lætitiae resultatio. S. CHRYSOSTOMUS haud aliter atque S. BASILIUS. „ Primum (ait) „ est necessarium, quanam de causa psalmus in nostram vitam est introduc- „ ctus, & cum cantico maxime hæc dicitur prophetia. Quanam ergo de „ causa dicatur cum cantico, audi. Cum DEUS vidisset, multos homines „ esse socordiores, nec ad legenda spiritualia lubenter accedere, nec qui in „ eo capitulat laborem tollerare, volens gratiorem laborem efficere, eiusque „ sensum præscindere, admiscerit prophetiæ melodiam, ut omnes cantici mo- „ dulatione delectati, cum magna animi alacritate facros ei hymnos emit- „ tant.“ Facta deinde mentione, quomodo humanum genus universum musica & cantu affiliatur, idem iterum repetit, & ad iugem psalmorum cantum ita hortatur : *Quotidie DEUM interpellamus per psalmos, & orationes.* Quod, qua ratione in Ecclesia christiana sit frequentatum, alibi docet, aut quisquis est auctor homiliæ de poenitentia, & in lectionem de DA-
N. Edit. T. VID &c. a) Ex veteribus in psalmos commentatoribus S. AUGUSTINUS fate-
XIII. p. 190. tur in *Prologo in Ps. CXVIII.* magnam se in interpretatione difficultatem
 a sensisse, ut etiam manum semel admotam ad eum psalmum, qui hodieque in omnium ore est, removerit. Demum post cæteros psalmos omnes, ite-
Proem. in Ps. CXVIII. rum hortatu suorum aggressus. „ Psalmos (inquit) omnes cæteros, quos codicem psalmorum novimus continere, quod Ecclesiæ consuetudine psal- terium nuncupatur, partim sermocinando in populis, partim dictando exposui donante Domino, sicut potui: psalmum vero centesimum octa- vum decimum, non tam propter eius notissimam longitudinem, quam propter eius profunditatem paucis cognoscibilem differebam.“ Præstigit id vero tandem hoc *solvendum*, ut vocat, *debitum*: quod fidelium cantibus celebraretur. „ Hoc enim (ait) iustius esse arbitror, ut conventus ec- clesiastici non fraudentur etiam psalmi huius intelligentia, cuius, ut aliorum delectari assolent cantilena.“ Et epist. CXXXI. ad MEMORIUM de Psalmista : „ Amavit enim vir ille Sanctus DAVID musicam piani, & in ea studia nos magis ipse, quam ullus aliis auctor accedit.“ In suis Confessionibus
 Ibid.
 a) „ In Ecclesia (inquit) sunt pervigilia: ae pri-
 mus, medius, & ultimus est DAVID. In matutinis hymnorum canticis, primus, medius, & ultimus est DAVID. In tentoriis, ubi mortuorum deductiones, primus, & postremus est DA-
 VID. In ædibus virginum, ubi texture sunt, & primus, & medius, & postremus est DAVID. O res inopinatas! multi, qui ne litterarum quidem principia sunt aggressi, totum tamen DAVIDEM edociti, ordine recitant; ac non modo
 in urbibus & in ecclesiis omni tempore & per
 aetas vitæ omnes clarescit, sed etiam in agris,
 in desertis, & per terram non habitatam cum
 sedulitate plurima tripudia sacra DEO excitat.
 In monasteriis chorus sanctus ordinum Angelorum, primus, medius, & postremus est DA-
 VID. In asceteriis, ubi greges virginum MA-
 RIAM imitantium, primus, medius, & postre-
 mus est DAVID &c. “

bus exponit, quam eorum cantu fuerit delectatus non solum, sed etiam ardentissimo flagrarit desiderio, illos per orbem universum, si qua fieri posset, recitandi, indignatus vehementer *Manichæis*, quod lugenda cæcitatem mysteria & remedia hæc non viderent, atque adeo antidotum, quo eis sanitas restitui potuisset, respuerent. „Quas (sunt eius verba) tibi voces dabam in L. IX. c. 4.
 „psalmis illis, & quomodo in te inflammabar ex eis, & accendebar eos re-
 „citare, si possem, toto terrarum orbe adversus typhum generis humani!
 „Et tamen toto orbe cantantur, & non est, qui se abscondat a calore tuo.“
 Et capite VI. „Quantum flevi in hymnis & canticis tuis, suave sonantis Ec-
 „clesiæ tue vocibus commotus acriter.“ THEODORETUS in illud Psalmi
 LVI. 10. *Confitebor tibi in populis Domine &c.* opportune hunc in mo-
 dum commentatur: „Non solum nunc has laudes tibi afferam, verum
 „etiam vera luce exorta, & optato diluculo apparente, omnium gentium
 „& populorum magister chori ero, & veluti quibusdam chordis illorum
 „labiis uteis, gratas tibi laudes canam.“ Sic S. LEO psalmos *Davidicos*,
qui per universalem Ecclesiam omni pietate cantantur, indigitat. Quodsi ex-
 currere vellem, in recensendis iis, quæ ad usum psalmorum, præsertim in
 cœtibus monachorum & anachoretarum, pertinent, dies me deficeret. „Cum-
 „que (ut verbis CASSIANI utar) pro suo unusquisque fervore, infirmitatis L. II. Inst.
 „immemor alienæ, id statui debere censeret, quod contemplatione fidei ac
 „roboris sui facillimum iudicabat, parum discutiens, quid generaliter ple-
 „nitudini fratrum possibile esset, in qua necesse est, infirmorum quoque
 „partem maximam reperiri, diversoque modo enormem psalmorum nu-
 „merum instituere pro animi sui virtute certarent, & alii quinquagenos, alii
 „sexagenos psalmos, nonnulli vero, ne hoc quidem numero contenti, exce-
 „di eum debere censerent, essetque inter eos pro religionis regula piæ con-
 „tentionis sancta diversitas.“ Quæ prius retuli, spectant universos fideles,
 apud quos, teste etiam THEODORETO, tum fuit universalis per Ecclesiam usus, *Quæst. 43. in*
 ac consuetudo cantandi psalmos DAVID. Ne quid dicam de clericali Ordine *2.Lib.Regum.*
 ac Officio, apud quos, auctore *de Cœlesti Hierarchia* DIONYSIO, quisquis
 ille est, sacrorum psalmorum modulatio, omnibus pontificiis mysteriis ef-
 fentiæ instar, & necessario adhibetur.

XIX. Ad institutum modo non est, prosequi, quæ veteres de ingenti Psalmodiæ
 virtute, ac utilitatibus, quas mira quadam divini Spiritus ope- divina virtus,
 ratione afferunt, exposuerunt. Quædam faltem paucis delibabo, argu-
 mento nostro magis consentanea. „Etenim (inquit S. ATHANASIUS in cele- T. I. P. II.
 „bri ad MARCELLINUM epistola) hoc quoque rursus in psalmis admirandum, p. 987.
 „quod in aliis quidem libris, quæ Sancti de quibusdam dicunt, hæc ipsa
 MART. GERBERT. DE MUSICA ECCL. LIB. I. I „qui

66 L.I. DE ORTU ET PROGRESSU MUSICÆ

„ qui legunt , iis , de quibus dicuntur , referant : & qui audiunt , se si aliis existimant ab iis , de quibus sermo habetur , ita ut , quæ gesta dicuntur , ad mirationi solum habeant , & imitanda sibi proponant . At librum istum qui sumit , prophetias de Salvatore , ut in aliis scripturis , more solito cum admiratione & adoratione percurrit : alios vero psalmos , quasi proprios sibi sermones legit , qui autem audierit , quasi haec eadem ipse proferret , communitur , atque ita canticorum verbis afficitur , quasi sua essent .“ Id quod exemplis illustrat tota illa prolixa epistola . Et demum concludens ita sermonem prosequitur : „ Existimo enim his libri huius verbis universam hominum vitam , & animi affectiones , cogitationumque motus contineri , atque his nihil maius in hominibus experiri . Sive enim poenitentia , & confessione opus sit ; sive tribulatio aut tentatio apprehenderit ; sive quis persecutionem sustinuerit , & ex insidiis impetus illos evaserit ; sive etiam tristitia , aut animi perturbatione affectus , & quidpiam simile iis , quæ antea dicta sunt , perpeccus fuerit , vel etiam semetipsum quidem viderit proficere , hostem vero deletum esse , ac laudes , gratiasque , & benedictionem Domino offerre voluerit , potest de singulis doctrinam in divinis hisce psalmis eligere , & ea , quæ in iis sunt , tanquam de se conscripta offerre DEO .“ S. BASILIUS similes fructus psalmodiæ enarrans non solum ad propriam tranquillandam animam , sed ad communem fidelium concentum , adque confociandam charitatem refert utilitates , quæ ex cantu , atque symphonia proveniunt a) . S. AMBROSIUS adhuc plura de psalmodiæ cantu commoda promittit , quæ multo sunt certiora , assertioraque , quam veteres de musica sunt commenti b) . Hæc instar omnium sunt , quæ in hanc rem

a
b

a) „ Psalmus (ait Hom. in Psalm. I. num. 2.) tranquillitas est animarum , pacis arbiter , tumultuosas , turbulentasque cogitationes competit : ut reprimit excandescientiam , & animi concitationem , ita lasciviam refrenat . Amicitias conciliat psalmus : confociat disfidentes : inter iuimicos gratiam componit . Quis enim adhuc eum , quocum unam ad DEUM vocem emisit , loco inimici habere possit ? Itaque & bonorum maximum charitatem conciliat psalmorum cantus , qui concentum seu quoddam vinculum ad concordiam iuividam adinvenerit , populumque ad chorii unius symphoniam congregat . Daemoncs psalmus fugat , accersit Angelorum patrocinium , ministrat arma contra nocturnos timores , diurnorum laborum est requies : infantum securitas , ornamenti invenit , fenum confortatio , convenientissimum mulierum decus , frequentat solitudines , forum emundat &c.

b) Iracundiam mitigat (inquit in librum Psalmorum : argum.) foliitudinem abdicat , moerorem allevat . Nocturna arma , diurna magisteria , scutum in timore , festum in sanctitate . Imago tranquillitatis , pignus pacis atque concordie , citharae modo ex diversis & disparibus vocibus unam exprimens cantilenam . Diei ortus psalmum resulat , psalmum resonat oceaus . Mulieres Apollonus in ecclesia tacere iubet : psalmum etiam bene clamant . Hic omni dulcis ætati , hic utrique aptus est sexui . Hunc senes rigore senectutis deposito canunt , hunc veterani tristes in cordis sui iuviditate respondent . Hunc iuvenes sine invidia cantant lasciviae , hunc adolescentes sine lubricæ ætatis periculo & tentamento concinunt voluptatis , iuvenile ipse fine dispendio matronalis psallunt pudoris , puellæ sine prolapsione verecundie , cum sobrietate gravitatis hymnum DEO inflexæ vocis suavitate modulantur . Hunc tenera

rem non sine fructu afferri possent, ad divinæ psalmodiæ studium excitandum, & amorem.

XX. Veteres Sancti Patres psalmorum interpretes omnia rimati etiam in titulis psalmorum a), (de quorum tamen inspiratione faltem, & divina origine hodieque dubitatur, ac magna adhucdum obscuritas est in eorum sensu) varia non tantum mysteria quæsiverunt, verum etiam de usu disquisiverunt in ipso psalmorum cantu. „ Non enim (inquit S. HILARIUS) *Prologo in L. Psalmorum* a „ fine causa tanta rerum diversitate hic titulorum ordo convertitur, ut nunc „ *in finem*, nunc *psalmus*, nunc *canticum*, nunc *canticum psalmi*, nunc „ *psalmus cantici* ad distinctionem psalmi, qui subiaceat, præferatur.“ Et *Num. 19.* paulo post: „ In musicis vero artibus hæ sunt officiorum & generum varieties. *Psalmus* est, cum cessante voce pulsus tantum organi concinentis auditur. *Canticum* est, cum cantantium chorus libertate sua utens, neque in consonum organi adstrictus obsequium, hymno canoræ tantum vocis exsultat. *Canticum* autem *psalmi* est, cum organo præcidente subse- quens, & æmula organi vox chori cantantis auditur, modum psalterii modulis vocis imitata. *Psalmus* vero *cantici* est, cum choro ante cantante, humanæ cantationis hymno ars organi consonantis aptatur, vocisque modulis præcinentis pari psalterium suavitate modulatur. His ergo quatuor musicæ artis generibus competentes singulis quibusque psalmis superscriptiones sunt coaptatae.“ Anonymus apud CORDERIUM adhuc alia explicat, & breviter. „ *Psalmus* est modulatio per musicum instrumentum: „ *canticum* vero est carminis, quæ per os fit, cum verbis pronunciatio; „ *oratio* autem est supplicatio, quæ pro aliqua re utili DEO offertur; *hy- mnus* est pro bonis obtentis DEI celebratio: *laus*, sive laudatio est divi-

„ norum

gestit pueritia, hunc meditari gaudet infantia, quæ alia declinat ediscere. Ludus quidam est iste doctrinæ, maioris profectus, quam cum seria traditur disciplina. Quantum laboratur in Ecclesia, ut fiat silentium, cum lectiones leguntur? si unus loquatur, obstreput universi. Cum psalmus legitur, ipse sibi est effector silentii. Omnes loquuntur, & nullus obstrepet. Psalmum reges sine potestate superciliosum refulant. In hoc se ministerio DAVID gaudebat videri. Psalmus cantatur ab Imperatoribus, iubilatur a populis. Certant clamare singuli, quod omnibus proficit. Domi psalmus canitur, foris recensetur. Sine labore percipitur, cum voluntate servatur. Psalmus dissidentes copulat, discordes sociat, offendos reconciliat. Quis enim non remittat ei, cum quo unam ad DEUM vocem emiserit? Magnum plate unitatis vinculum,

in unum eorum totius numerum plebis coire. Dispares citharae uerbi sunt, sed una symphonia. In paucissimis chordis sepe errant digitii artificis, sed in populo Spiritus artifex nescit errare. Psalmus nocturni pavoris solatum, diurni laboris requies. Institutio incipientium, perfectorum confirmatio. Angelorum ministerium, militia coelestis, hostia spiritalis, psalmum & faxa respondent. Psalmus canitur, & ipsa etiam faxa peccora molliuntur. Videmus flere præduros, fleti immisericordes. Certat in psalmo doctrina cum gratia simul. Cantatur ad delectationem, discitur ad eruditionem. Nam violentiora præcepta non permanent: quod autem cum suavitate percepseris, id infusum semel præcordiis non confuevit elabi.“

a) Vid. D. CALMET *Dissertat. in titulos Psalmorum.*

T. II. p. 521. „norum miraculorum commendatio.“ Addit ORIGENES, ex quo iam superius aliqua in hanc rem attulimus: *Alii, qui nullum habent titulum, id est, qui neque cantici, neque hymni, neque psalmi, neque modulationis, neque laudationis, neque orationis, neque alius cuiuspiam rei similis nomine inscribuntur, utilia quedam videntur habere præcepta, & sermones exhortatorios, & invitatorios ad pietatis cultum.* Vides alia explicari quoad canendi modum, alia quoad materiam, quod fæpe allegorice, cum aliud nihil asserte suppeteret, fecerunt ipse Sanctus HILARIUS in psalmum LXV.

Ephes. IV. 19. & Sanctus HIERONYMUS, dum illud Apostoli, *Loquentes vobismetipſis in psalmis, & hymnis, & canticis spiritualibus, præ manibus habet:* „Quid

T. VII. p. 187. autem (inquit) intersit inter psalmum, & hymnum, & canticum in psalterio plenissime discimus. Nunc autem breviter hymnos esse di-

Edit. Antwerp. „cendum, qui fortitudinem & Maiestatem prædicant DEI, & eiusdem semper vel beneficia, vel facta mirantur. Quod omnes psalmi continent, quibus alleluia vel præpositum, vel subiectum est. Psalmi autem proprie ad ethicum locum pertinent: ut per organum corporis, quid faciendum, & quid vitandum sit, noverimus.“ Quod D. PAULUS tria illa distinxerit abs re certe haud est; quamvis id apud nos locum non habeat, quod in psalmis, & aliis veteris Testamenti canticis verisimiliter distingui solebat iuxta cantus etiam, & instrumentorum musicorum genera. Qua in re fere con-

Hom. in Ps. veniunt veteres interpretes: luculenta vero imprimis est S. BASILII definitio:

29. *Psalmus itaque, ait, sermo est musicus, cum concinne, apteque ex harmoniæ ratione ad organum pulsatur: canticum vero vox est concinna, quæ modulate citra organi sonum emittitur.* Psalmi potissimum ex sua institutione ad usum templi a DAVIDE sunt destinati vario concentu, instrumentorumque musicorum symphonia; quo pertinet imprimis hebraica inscriptio **לְנִינּוֹת** *al neginoth.* Cantica vero plerumque, qualia in scripturis tam veteris Testamenti, quam novi habentur, ex tempore, & privatum in laudem DEI sunt concinnata. Ut etiam breviores nonnunquam hymni, & exclamations, iubilationesque in DEI laudem. Omnia autem ad commodium nostrum in Sacris christianis rite applicantur eo sacratori usu, quod divinitus inspirata verbum DEI contineant, & ex ipso divino ore divinas nos concinere doceant laudes. a)

Hymni a Christianis elucubrati, non indiscriminatim re-

XXI. Neque solum, quæ in Scripturis a Spiritu Sancto emanarunt, locum habuerunt inde ab Ecclesiæ primordiis, quin etiam suas ingenii vires impenderent Christiani ad conscribenda divinæ laudis cantica, aut etiam ex tempore edenda. Mentionem feci supra p. 25. hymni, quem *Priscilliana*

nistæ

a) *Io. Zach. HILLIGERI* Dissertat. philolog. de *psalmorum, hymnorum atque odarum sacrarum discrimine* digna est lectu hanc in rem.

nistæ CHRISTO tribuebant, atque etiam divinis præferebant Scripturis. Ratio-
nem eorum afferit S. AUGUSTINUS ad CERETIUM: „Habes verba eorum cepti, præscr-
tim hereti-
corum.
„(inquit) in illo codice ita posita: *Hymnus Domini, quem dixit secrete Epist. 237.*
„*Sanctis Apostolis, discipulis suis, quia scriptum est in Evangelio, Hymno n. 4.*
„*dicto ascendit ad montem: Et qui in canone non est positus, propter eos,*
„*qui secundum se sentiunt, Et non secundum Spiritum Et veritatem DEI,*
„*eoquod scriptum est, sacramentum Regis bonum est abscondere, opera au-*
„*tem DEI revelare honorificum est.* Ita est (subdit S. Doctor) magna eo-
rum ratio, cur iste hymnus non sit in canone, quia velut sacramentum
Regis abscondendum fuit his, qui secundum carnem sentiunt, & non se-
cundum Spiritum, & veritatem DEI.“ Qua de re disputando deinceps
ipsa hymni verba in medium profert, quorum expositionem ab ipsis *Pris-*
cillianis factam, in scripturis ostendit aliunde manifestatam, ut rationem
cur in canone relatus non sit, quam *Priscillianisti* dictitabant, exploderet a).

a

Non

a) „Si enim verbi gratia (ait) propterea in isto hymno cantatur, & dicitur *Solvere volo, Et solvi volo*, quia, sicut isti hæc verba exponunt, solvit nos Dominus CHRISTUS a conversatione facili, ut non iterum ligemur in eo: hæc in scripturis canonicis utique didicimus, quod solvat nos Dominus a conversatione facili, & quia in eo non debemus iterum colligari. Nam quid est aliud, *Diripiisti vincula mea Et c. Et c.* Quoniam hæc in scripturis canonicis legimus, ibi intelligimus, inde firmamus, inde quotidie prædicamus. Quid est igitur, quod iste hymnus dicitur carnalibus fuisse subtractus, ut non poneretur in canone, cum quod in illo opertum est, in canone apertum sit. An nsque adeo desipiunt, imo infaniunt, ut audeant dicere, Sacramentum Regis in hoc hymno absconditum esse spiritualibus, in canone autem manifestum esse carnalibus? Hoc de superioribus eiusdem hymni verbis dici potest, ubi ait, *Salvare volo, Et salvavi volo.* Si enim, sicut ipsi exponunt, hoc ista verba significant, quod salvamur a Domino per baptismum, & salvamus, id est custodiimus in nobis Spiritum datum nobis per baptismum, nonne istum sensum scripture canonica clamat, ubi legimus, *Salvos nos fecit per lavacrum regenerationis Et c.?* ... Si hoc, ut dicunt, intelligendum est in ipso hymno, ubi ait, *Generari volo*, quod in canonica epistola PAULI Apostoli scriptum est, *Quos iterum parturio, donec CHRISTUS formetur in vobis:* si hoc intelligendum est in isto hymno, ubi ait, *cantare volo*, quod in psalmo canonico scriptum

est, *Cantate Domino canticum novum: si hoc in-*
telligendum est in isto hymno, ubi ait, *Salte-*
cuncti, quod scriptum est in cantico evangelico,
Cantavimus vobis, Et non saltavitis: si hoc in-
telligendum est in isto hymno, *Plangere volo,*
tundite vos omnes, quod scriptum est in cantico
evangelico, *Planximus vobis, Et non luxivitis:*
si ornare volo, & ornari volo hoc significat in
isto hymno, quod scriptum est in canone, *Ha-*
bitare CHRISTUM per filium in cordibus vestris: &
vos estis templum DEI, Et Spiritus DEI habi-
tat in vobis: si, quod ait in isto hymno, Lu-
cerna sum tibi, ille qui me vides, hoc signi-
ficat, quod scriptum est in psalmo canonico,
In lumine tuo videbimus lumen: si, quod ait in
isto hymno, *Ianua sum tibi quicumque me pul-*
sas, hoc significat, quod in psalmo canonico
legitur, *Aperite mihi portas iustitiae, ingressus*
in eis, confitebor Domino; & in alio psalmo,
Tollite portas principes vestri, Et elevamini por-
tas aternales, Et introibit Rex gloriae: si, quod
ait in isto hymno, *Qui vides, quod ago, tace*
opera mea, hoc significat, quod scriptum est in
libro TOBIÆ, *Sacramentum Regis bonum est*
abscondere; cur iste hymnus non esse in canone
propterea dicitur, ut sacramentum Regis abscon-
datur carnalibus; cum ea, quæ in isto hymno ex-
ponuntur, etiam in canone legantur, & sic
ibi reperiantur manifesta, ut per hæc illa ex-
ponantur obscura: nisi quia istas expositiones
habent in quibus lateant; in verbis vero illius
hymni, quem exponere se simulant, hoc sapient,
quod alienis exponere timeant? Nec mi-

70 L. I. DE ORTU ET PROGRESSU MUSICÆ

Non iniicio hic mentionem *Therapeutarum PHILONIS*, nisi EUSEBII testimoniū adiecto de consimili nostratū exercitatione. „Post pauca (inquit) rursum etiam de eo, quod psalmos novos faciant, ita scribit (PHILO): Itaque non solum subtilius intelligunt hymnos veterum, sed & ipsi faciunt nos, vos in DEUM, omnibus eos & metris & sonis honesta satis & suavi compage modulantes. Multa quidem & alia in eodem libro enumerat, quæ a nostris vel in ecclesia, vel in monasteriis exercentur.“ Habetur id ex antiquo Scriptore, CAIO verisimiliter Presbytero Romano, qui ad finem saeculi secundi contra ARTEMONIS hæresin scripsit apud EUSEBIUM in hæc verba a):

a) *Psalmi quoque & cantica Fratrum, inde a primordio a fidelibus conscripta, Christum Verbum DEI concelebrant.* Iam retuli etiam TERTULLIANI locum, ut quisque de Scripturis sanctis, vel de ingenio potest, provocari in medium DEO canere. In epistola falso S. IUSTINO M. adscripta, vitium, quod inde enasci pronum est, reprehenditur: *Hymni & psalmi, & cantica, & laudes dicenda: at non probandus, qui veluti adversarii condemnandi causa nonnulla subobscure attingit, ac proximum per psalmodiam velicit.* Quod de hymnis, psalmis, & canticis ex ingenio compositis intelligendum. Con Lib. de Carne tigit non raro, ea licentia abuti hæreticos. TERTULLIANUS de VALENTI-Cristi n. 17. NO testatur, quod suos composuerit psalmos, quos magna impudentia, quasi idonei alicuius auctoris, interficerit. Davidicis scilicet christiano usu Cap. 20. consecratis, ut postea explicat: *Nobis quoque ad hanc speciem psalmi patrocinabuntur non quidem apostatae, & hæretici, & Platonici VALENTINI, sed sanctissimi & receptissimi Prophetæ DAVID.* Ille apud nos canit Christum, per quem se cecinit ipse Christus. Idem vitio vertit Concilium Autiochenum PAULO Samosateno apud EUSEBIUM: „Quid vobis in memoriam revocemus, quemadmodum psalmos & cantus, qui in honorem Domini nostri IESU CHRISTI decantari solent, quasi novellos, & a recentioribus compositos ὡς δὲ νεωτέρους, καὶ νεωτέρων ἀνδρῶν συγγενάμενα abolevit. Mulieres autem magno Paschæ die in media ecclesia psalmos quosdam canere ad sui ipsius laudem instituit Φαλμοδεῖν παρασκευάζων. Sub religionis ergo quasi prætextu, ne psalmi novelli, & a recentioribus in honorem Domini nostri IESU CHRISTI compositi canerentur (quod mox audivimus a primordio Ecclesiae a fidelibus fieri consueuisse) grave illud induxit malum, ut in publicis conventibus cani in sui laudem mulieres faceret. Scribit

EPIPHANIUS

rum, quandoquidem ipsum Dominum IESUM loquentem, non per ora Prophetarum, vel Apostolorum, vel Angelorum, sed per os proprium, illudem potius, quam veritatis doctorem fuisse crediderunt. Huic utique hymno divinam tribuentes auctoritatem, ubi eum di-

xisse, nescio, quis eiusdem hymni conditor finxit; verbo illusus cuncta, & non sum illusus in totum.“

a) Vid. LE MOYNE Not. in varia Sacra T. II. p. 937. &c.

EPIPHANIUS, HIERACEM plurima cantica novitia condidisse, cuiusmodi etiam erant ab ARIO ad SOTADIS numeros compositæ cantiones, quas graviter ATHANASIUS incessit his verbis: „Pro Moyse, aliisve viris sanctis, nescio quem SOTADEM, qui ipsis Gentilibus ludibrio est, & filiam HERODIA DIS reperierunt. Namque & illius fractos effeminateosque mores ARIUS Thalias quoque ipse scribendo, imitatus est, & huius saltatricis saltationem suis in Dominum maledictis saltando, & ludendo est æmulatus.“ Ex duobus, qui nomine SOTADIS veniunt, Patres ex Congr. S. MAURI adnotant ex SUIDA *Cretensem Maronitam*, dæmoniacum, Iamborum scriptorem, qui composuit Plyacas (*id est Scurras*) sive Cinædos, Ionica dialeæto. Ad hunc modum Thalias ARII erat: „Est autem (inquit SOCRATES) dicendi genus molle ac dissolutum, Sotadicis carminibus non absimile. Quem quidem librum nunc temporis etiam Synodus condemnavit.“ PHOTIUS in Compendio Historiæ PHILOSTORGII recenset ARIUM, cum ab Ecclesia recessisset, cantica nautica, & molestinaria, ac viatoria conscripsisse, aliaque eiusmodi composuisse, quæ certis modulationibus aptavit, prout unicuique cantico convenire existimabat: atque ita imperitorum animos suavitate cantus ad impietatem suam sensim abduxisse. Quod quidem ad nostrum argumentum non spectat. Quod vero de canticis Arianorum ιδιωτικοῖς SOZOMENUS dicit, eos adiecisse cantica, quæ ad rixam, & contentionem spectarent: „Ubi sunt, qui tres dicunt unicam potentiam?“ LE MOYNE non de ἀνθρακοῖς vel doxologia intelligi vult, sed de hymnis integris, & canticis, quæ psalmorum modulationi soliti sint adiungere. De LEONTIO iam diximus, „qui tum temporis (sub CONSTANTIO) Antiochenam sedem gubernabat, incertus animi, quid ageret, eos quidem, qui iuxta doctrinam fideli dei a Nicæno Concilio traditam, DEUM hymnis glorificabant, prohibere haudquaquam aggressus est. Verebatur enim, ne plebs seditionem commoveret. Manum tamen capiti iam canescenti admovens, dixisse fertur: „hac nive liquefacta, multum erit luti, significans his verbis futurum, ut hymnorum discrepantia, post mortem ipsius in gravissimam plebis seditionem desineret.“ Taceo Meletianos, cum quibus THEODORETUS magnum ATHANASIUM perpetuo bellum gestisse dicit, solitis cum plausu manuum, & saltatione hymnos concinere. Scribit etiam SOZOMENUS a) APOLLINARIS fecta-

a) Lib. VI. c. 25. „In aliis quoque civitatibus separatis conventus agere cœperunt sub Episcopis sive sectæ, & ritibus nisi sunt ab ecclesia catholica alienis, præter sacros hymnos, qui in ecclesia cani solent, cantica quedam numeris adstricta pfallentes, quæ ab APOLLINARE erant excoxitata. Namque hic præter reliquam eruditionem poetices quoque, & omnis generis car-

minum gnarus, multis eiusmodi oblectamento captis, ut ipsi adhærent, persuasit. Deinde viri in conviviis, & dum opus facerent; mulieres vero inter texendum cantica ciuius pfallebant. Etenim pro labore, atque otio, pro diebus fetti, ac reliquis omnibus brevia quedam composuerat carmina, cuncta ad laudem diuinæ nominis spectantia.“

*Orat. I. contra
Arian. T. I.
P. I. p. 406.*

*L. IV. heret.
fabul.
a*

*L. II. c. 2.
L. I. c. 9.
L. VIII. c. 8.
Var. Sac. T.
II. p. 1093.*

Hæret. 67.

sectorios præter sacros hymnos, qui in Ecclesia cani solent, cantica quædam numeris adstricta psallere solitos, quæ ab APOLLINARE erant excogita-

Theod. Hist. ta. De BARDESANIS hæretici filio meminerunt THEODORETUS, & NICEPHORUS, eum in patris hæresin abductum, cantica quædam composuisse, in qua-
c. 29.

Niceph. L. IX. c. 16. bus modorum suavitati *impietatem admiscens, audientium animos demulcebat*, & ad exitium pertrahebat. Pater quidem, ut rem NICEPHORUS ex-

plicatius edifferit, *nominis sui hæresim instituit*: filius autem, GRÆCIS disciplinis satis eruditus, patriis vocibus legitimis modis, musicisque numeris inclusis, ordine circulari eas cani instituit (κατὰ κύκλον ἀδειας χορος παρεστίς) quos ex eo tempore hucusque SYRI psallentes usurpant: non illi quidem carminibus ipsis, scuti ab illo sunt prodita, sed sonis tantum eorum utentes. Nam ille ad pa-

Ep. 55. n. 34. trias testatur S. AUGUSTINUS Catholicos reprehendisse, quod sobrie psalle-

rent, cum ipsis ebrietates suas ad canticum psalmorum, humano ingenio compo-
sitorum, quasi ad tubas exhortationis inflament. Duo extant ad rem ve-
teres canones, alter *Laodicenus*, alter *Carthaginensis*. Quorum ille ita ha-
bet: *Quod non oportet privatos, & vulgares aliquos psalmos dici in ecclesia.*

Can. Afr. 103. Alter: *Ut preces, quæ probatae fuerint in Concilio, sive prælationes, sive com-
mendationes, sive manus impositiones ab omnibus celebrentur.* Quorum il-

Ad ann. Chr. 60. n. 34. lud contra temeritatem APOLLINARIS esse putat BARONIUS. Siquidem illius

Concilii epocha post Concilium Nicænum, sub finem sæculi quarti statuatur, quamquam APOLLINARIS non *Laodiceæ Syriae*, ubi illud Concilium habitum fuit, sed *Phrygiae Episcopus* fuerit. Alter *Carthaginensis* canon contra *Do-
natistas* esse potest, aut Catholicorum etiam licentia hic videtur cohiberi, prout veteres canonum commentatores intellexerunt. In laudato *Laodiceno* Concilio statutum est, ne alii, quam libri in canone recepti, in Ecclesia le-
gerentur: quod utrumque decretum in MARTINI *Bracarensis* capitulis est repetitum a). In Nomocanone huius argumenti plures citantur canones,

Quos,

a) C.67. „Non oportet psalmoꝝ compositos, & vulga-
res in ecclesia dicere, neqne libros, qui sunt extra
canonem, legere, nisi folios canonicos novi &
veteris Testamenti.“ In collectione Conciliorum
Arabica, quæ Oxonii asservatur, sequens legi-
tur canonis *Laodicenæ* explicatio: „Nemo legat
in ecclesia alios psalmos præter illos DAVIDIS.

Nam relatum est ad saeculare Synodus, quosdam
hæreticos alios psalmos sibi compoſuisse, præter
illos, quos compoſuit DAVID Propheta, & illos
in ecclesiis legitimasse. --- Et erant qui recipie-
rent hos psalmos nuper compositos. “ *Theodo-
rus BALSAMON* in suis ad utrumque canonem
commentariis, & primo ad Canonem *Laodicenum*:

Quos, quomodo, qualia canere, precari vel legere oporteat a). Quibus ad rem præsentem adiungi debet Bracarensis II. Canon XII. Ut extra psalmos, vel canonicarum scripturarum novi & veteris Testamenti, nihil poetice compositum in Ecclesia psallatur, sicut & sancti præcipiunt Canones. Nescio, an in Regula PAULI & STEPHANI apud HOLSTENIUM recte mens huius Concilii <sup>Col. Regula-
rum P. II.
p. 78.</sup> exprimatur: *Nullus præsumat responoria, vel antiphonas, quæ solent aliqui composto sono pro suo libitu, & non ex canonica scriptura assunta canere, in Congregatione ista vel meditari, vel dicere.* In Concilio Carthaginiensi rectius cavetur, ne aliquid nisi probatum in publicis officiis admittatur. Concilium Turonense II. nominatim, quod hymnos spectat, eam cautionem adhiberi vult, ne indiscriminatim hymni, quorum auctores non designantur, adoptentur. *Licet hymnos AMBROSIANOS habeamus in Canone; tamen quoniam reliquorum sunt aliqui, qui digni sunt forma cantari, volumus libenter amplecti eos præterea, quorum auctorum nomina fuerint in nomine prænotata: quoniam quæ fide confiterint, dicendi ratione non obstant.* Videntur hæc mox relatum Concilii Bracarensis canonem petere, paucis ante annis habitu. Erant nihilominus deinceps adhuc, in Hispania faltem, quidam hac in re difficiliores, quos perstringit Concilium IV. Toletanum, remque ad rectum reducit usum in Ecclesia, ut vidimus semper consuetum & probatum: deque SS. AMBROSI & HILARII hymnis nominatim agunt Patres b).

a

^{Can. 11. &}
^{23.}
^{An. 567. Can.}
^{23.}

b

XXII.

„Hic quoque (inquit) canon veterem inordinatum morem corrigit. Quidam enim propter arrogantiam, ut videtur, in vespertinos hymnos process componentes, eas legebant, & cum reprehendebantur, se nihil absurdum alienumque facere, nec a Patribus datas orationes dissolvere dicebant.“ Et ad canonem *Carthaginensem*: „Ut est verisimile, aggrediebantur quidam Episcopi dicere precatio[n]es inusitat[as], vel in initiis glorificationum, vel etiam tempore manuum impositionis. Hoc ergo vetantes Patres dicunt, eas solas debere dici precatio[n]es, quæ prins constitutæ sunt, seu quæ sunt consultæ.“ ZONARAS duos coniungit canones: in Can. 18. *Laod.* „Ut in supplicationibus probatæ tantummodo per synodus precatio[n]es, reieciunt aliis novis, ab omnibus adhibeantur, *Carthaginensis* Synodi vigesimo tertio canone constitutum est. Idem hoc quoque canone decretum videtur, ac, ne cui scilicet pro arbitrio formulas precum contexere, easque in publicis conventibus recitare liceat, sed easdem, hoc est, diuturna con-

fuetudine usurpatas in quounque conventu omnes retineant, definitum.“

- a) Videlicet Apostolorum sexagesimus, & octogesimus quintus, *Laodicenus* decimus quintus, decimus septimus, decimus octavus, decimus nonus, vigesimus tertius, quinquagesimus nonus, *Carthaginensis* vigesimus quartus, quadragesimus sextus, centesimus tertius, Concilii sexti trigesimus tertius, sexagesimus tertius, septuagesimus quintus, octogesimus primus, *Niceni* secundi decimus quartus.
- b) „Quos tamen (aiunt c. 13.) quidam specia-liter reprobat pro eo, quod de scripturis sanctorum canonum, vel apostolica traditione non existunt: respuant ergo & illum hymnum ab hominibus compositum, quem quotidie publico, privatoque officio in fine omnium psalmorum dicimus: *Gloria & honor &c.* Nam & ille hymnus, quem nato in carne CHRISTO Angeli ecceinerunt: *Gloria in excelsis &c.* reliqua, quæ ibi sequuntur, ecclesiastici Doctores composuerunt. Ergo nec idem in ecclesiis ca-

Inde a primis Ecclesiæ temporibus a Græcis, In Ps. 184. Iamb. 142. XXII. Si quæ igitur ex ingenio potissimum composita fuerunt, atque ad usum facrum Ecclesiæ adhibita, hymnos fere nuncupavere: qui nimirum ad præsens argumentum pertinent de cantu ecclesiastico; quomodo a S. AUGUSTINO hymnus definitur *Cantus cum laude DEI*. Si laudes DEUM, & non canticum, non dicis hymnum. Si cantes, & non laudas DEUM, non dicis hymnum. Si laudas aliquid, quod non pertinet ad laudem DEI, et si cantando laudes, non dicis hymnum. Hymnus ergo tria ista habet, & canticum, & laudem, & DEI. Aliiquid adhuc ad descriptionem hymni addit S. GREGORIUS Nazianzenus:

Ἐπανός ἐσιν εῦ τι ἐμῶν Φεάται
Ἄνῳ δ' ἐπανῷ ἐις Θεὸν σεβάσμιον
Ο δ' ὑμνῷ ἀνῷ ἐμμελῆς, ὡς ὄμοιος.

Ἐπανός est, si quidpiam laudas mei:
Ἄνῳ supremum laude si regem affcis.
Modulata laus est hymnus, ut quidem arbitror,

nempe ad divinam laudem compositum carmen. HOESCHELIUS in notis afferit S. CHRYSOSTOMI locum μετὰ τὰς ψαλμωδίας ὕμνοι, ἀτε θεότερον πρᾶγμα. Post psalmorias nimirum, hymnos opus esse divinius, seu divinis rebus agendi accommodatus. Complectitur hoc totum id, quod primis Ecclesiæ saeculis in concinendis divinis laudibus fuit usitatum. Ut etiam *Io. Bapt.*

T.I. edit. Florentine nomine pag. 273. *Donius* in dissertatione *de musica sacra* obseruat inter quatuor quasi gradus, quibus cantus ecclesiasticus apud *Latinos* processerit; quorum primus psalmorum tantum, atque hymnorum melodias continuuisse videatur. Quod pariter de *Gracis* valet. De hymnis Ecclesiæ apostolicae scripsit *Io. Georg. Walchius*. Semper vero a prima CHRISTI ætate fuerunt, qui in hac re elaborarunt, non solum divinas laudes hymnis decantando, verum etiam piam in adornandis hymnis, atque ad DEI cultum in conventibus ecclesiasticis adhibendis, navando operam, ut ex *SOCRATE* audivimus, *S. IGNATIUM* visione ab Angelis didicisse διὰ τῶν ἀντιφόνων ὕμνων τὴν ἀγίαν τριάδα ὕμνεύτων alternis hymnis Sacrofæctam TRINITATEM collaudantibus, seu ut in

nendus est, quia in scripturarum sanctorum libris non invenitur. Componuntur ergo hymni, sicut componuntur missæ, sive preces, vel orationes, sive commendationes, seu manus impositiones: ex quibus si nulla decantentur in ecclesia, vacant officia omnia ecclesiastica . . .

Sicut igitur orationes, ita & hymnos in laudem DEI compositos nullus vestrum ulterius improbet; sed pari modo *Gallia*, *Hispania*que celebret: excommunicatione plectendi, qui hymnos reiisse fuerint ausi. “

in tripartita habetur : *Quomodo per antiphonas Sanctæ Trinitati dicerent L. X. c. 9.*
hymnos; unde confuetudo nata sit in Ecclesia canendi alternos hymnos
 $\alpha\tau\tau\varphi\omega\nu\varsigma \bar{\nu}\mu\nu\varsigma\varsigma$. Hoc assertum si accipiatur, S. IGNATIO primus hic tribuen-
dus foret locus: eique adiungendus esset magnus ille HIEROTHEUS, tanto-
pere laudatus ob sacros compositos hymnos a DIONYSIO, si *Areopagita* fo-
ret, Apostolis coætaneus, qualem se, & HIEROTHEUM fingit, variasque
etiam adducit ex ipsius hymnis strophas, & prolixè commendat. *Ita, in De div. No-*
quit, & in clytus noster in sanctis litteris institutor, in amatoriis hymnis, di-^{min. c. 4.}
uinis afflatibus exposuit, quæ profecto in memoriam revocare non indignum
fuerit, & veluti sacrum quoddam caput nostro de amore sermoni inserere.
Inter hymnos contra ARTEMONEM, de quibus iam sumus locuti, forsan
connumerandum putat LE MOYNE hymnum illum matutinum, qui extat, *Var. Sacr. T.*
& editus est ab USSERIO in dissertatione *de Symbolis ex variis MSS. Psalteriis II. p. 1094.*
Græco & Latino idiomate exaratis. $\Delta\delta\zeta\alpha \epsilon\nu \bar{\nu}\psi\iota\sigma\varsigma \Theta\bar{\omega} \kappa.\tau.\lambda.$ *Gloria in ex-*
celsis DEO &c. quain doxologiam frequentissime in facra liturgia hodieque
canimus. De qua plura capite proximo dicemus. Celebris etiam est hy-
mnus φῶς ἵλαρὸν, de quo mox. S. IUSTINI M. Φελτης EUSEBIO memora- *L. IV. c. 18.*
tur, sed ætatem non tulit. S. CLEMENTIS Alexandri Pædagogo, qui do-
xologia etiam clauditur, subiicitur ὑμνος χειτῆς, *hymnus ad Christum*, quem
cum HERVETI versione & commentario suo, atque Germanica metaphrafi
edidit Rudolphus CAPELLUS, extatque & græce, & latine inter Poetas græ-
cos, latinosque. Georgio BULLO in Defensione fidei Nicænae videtur hic *Sæc. III. c. 5.*
hymnus desumitus ex canticis sacris, in primitiva Ecclesia usurpati, vel certe
ad eorum imitationem compositus. Usibus autem privatis tantum inserviis-
se videntur hymni CLEMENTIS Alexand. Ioanni Godof. BAUMANN, Schedias.
de hymnis & hymnopœis veteris & recentioris Ecclesiæ, &c, quem citat, Bud-
dæo in Isag. hist. theol. A DU-CANGIO ANTIGENI Martyri, CLEMENTI *Pag. 168.*
synchroño, in appendice ad Glossarium græcum adscribitur, cum ipse se *Voc. λυχνί-*
CLEMENS eius auctorem prodat his ad finem Pædagogi verbis: *Quoniam au-*
tem Pædagogus nos duxit in Ecclesiam, ipseque sibi ipſi, verbo inquam, quod
docet, & omnia considerat, adiunxit, bene habuerit, si nos cum in hoc
loco sumus, iustæ gratiarum actionis mercedem, pulchræ pædagogiae conve-
nientem laudem Domino offeramus. Videtur etiam DU CANGIUS nominis si-
militudine deceptus ANTIGENEM M. pro ATHENOGENE posuisse: sicuti hunc
cum ATHENAGORA confuderunt BARONIUS & TILEMONTIUS, is tamen suam
revocavit sententiam. Editores *San-Maurenſes* Opp. S. BASILII putant eun- *T. III. p. 62.*
dem esse, quem martyrologia ad diem 16. *Iulii* cum aliis nonnullis Seba-
stia sub DIOCLETIANO passum esse testantur, atque in actis capite plexus me-
moratur. Verum aliud insuper est, cuius memoria in martyrologiis die 18. *Iu-*

nuarii agitur, quem Bollandistæ ad 18. Ian. eundem ipsum esse credunt, qui hymnum adstantibus iam ad ignem festinans reliquerit, in quo Spiritum S.

Cap. 29.

celebravit, teste S. BASILIO de Spiritu S. Si quis, sonant eius verba, etiam novit ATHENOGENIS hymnum, quem tanquam aliquod valedictionis munus discipulis suis reliquit festinans iam ad consummationem, quæ facta est per ignem, is novit & Martyrum sententiam de Spiritu. Ubi etiam distinguit hymnum vespertinum antiquissimum S. Pater, cuius auctorem se ignorare dicit. Edidit istum laudatus USSERIUS dissert. de Symb. incipitque φῶς ιλα-

I. VIII.

c. 36.

Fabr. L. I.

Bibl. Gr.

p. 196.

Gour. p. 32.

*ρὸν. In Constitut. apostol. habetur προσευχὴ ἐσπερῶς eodem pœne sensu & verbis, quamque notante FABRICIO hodie adhuc in usu habet Ecclesia Græca, & ATHENOGENI quidem tribuit GOARUS ad Enchologium, & Græci in horologio his verbis: *Hymnus Sancti ATHENOGENIS Martyris, non vero**

SOPHRONII, Patriarchæ Hierosolymitanæ, ut inepte quidam sentiunt. Testis magnus BASILIUS. Certe SOPHRONIUS Patriarcha Hierosol. vel ipso BASILIO longe est iunior, qui hymnum illum διὰ τὴν τῷ χρονῷ ἀρχιτητα ob antiquitatem temporis in testimonium se adducere testatur. MOYNIUS in variis Sacris aliam proponit coniecturam, istum unacum matutino Δόξᾳ ἐν ὑψίστοις Gloria in excelsis HIPPOLYTO Portuensi tribui posse, cui in laterculo marmoreo adscribuntur ὡδαὶ εἰς πάσας τὰς γραφὰς a). Addit tamen aliam opinionem, odas forsan opus in Canticum canticorum esse, ad quod odas & cantica potuerit deproperare. Nisi forsan, subdit, intelligantur hymni ab HIPPOLYTO conscripti, decantandi in honorem DÉI, & Domini nostri IESU CHRISTI. Sed utraque sententia immensum abit ab inscriptione ὡδαὶ εἰς

T.I. leēt. Ca-
nis. p. 9. *πάσας τὰς γραφὰς. Indignatur BASNAGIUS MOYNIO, quod absque ulla ra-
tione mutandam duxerit vocem γραφὰς in ἀιρέσεις. Ipse tamen etiam com-
miniscitur hic designari homilia potius, legendum ratus ὄμιλαι loco ὡδαῖ,
Quas in totam scripturam ediderat HIPPOLYTUS, ORIGENIS exemplo, quem
sapienter audierat, excitatus. Frequentissimas habuit conciones, quas sapienter
laudavit THEODORETUS in dialogis, quasque omisisse penitus auctorem later-
culi verisimile non fit. Legendum igitur ὄμιλαι εἰς πάσας γραφὰς, nec di-
stinguenda videntur illæ homiliæ a commentariis in scripturam, quas HIP-
POLYTO tribuunt plerique veteres. Nihil quidem difficultatis habere hæc*

T.I. P. I. p. 390. 391. lectio videtur auctoribus historiæ litterariæ Galliarum PP. CLEMENT, & CLEMENCET

a) „Hic SCALIGER (inquit LE MOYNE Var. fac. T. II. p. 1086.) querit odas in sacram scripturam. Sed nescio cui bono odas in sacram scripturam. Deinde HIPPOLYTUS varias scripturæ libros commentariis suis illustraverat, adeo, ut vix sit credibile, in totam scripturam sacram illum odas adhuc adornare voluisse. Fateor ergo ingenie, valde mihi suspectum illum ti-

tulum, quem propter detritas litteras, & cha-
racteres fugientes vix potuerunt lectores acutiores assequi. Enimvero crediderim hic non legendum εἰς πάσας τὰς γραφὰς, sed εἰς πάσας τὰς ἀιρέσεις, in omnes heres. Quale nimurum opus ei EUSEBIUS, HIERONYMUS, & PHOTIUS attribuunt.“

CLEMENCET e Congr. S. MAURI : quam etsi quidem congruentem scriptis, ab HIPPOLYTO editis , nihil tamen minus ab inscriptione alienam putant; nec abs re BASNAGIUM inconstitiae arguunt, qui constituerat, aut omnino reiiciendam tabulam illam , aut nihil in ea immutandum. Miranturque, difficultatem nocti sine causa ; nihil enim obesse , quo minus ḡdās seu cantica HIPPOLYTUS composuerit. Idem BINGHAMUS censet , earum nonnullas probabiliter publici usus fuisse in Ecclesia. Nam , inquit, *in a- lio tractatu de consummatione mundi*, *de antichristo, doxologiarum, psalmorum, spiritualium odarum usum commendat*; *idque inter signa antichristi refert, ut liturgia extinguitur, psalmorum decantatio ceſſet, nec audiatur Scripturæ lectio.* Id pro comperto habendum esset, si HIPPOLYTUS auctor operis comprobaretur de Consummatione mundi , & de antichristo, ubi hoc commendatum est studium : *Os vestrum preparavi ad glorificandum, laudandum DEUM, psalmos, cantionesque spirituales prouinciandas, lectionisque continuam meditationem.* Apud EUSEBIUM NOETHUS *L. VII. c. 19.* laudatur DIONYSIO Alexandrino ab hymnis imprimis conscriptis, qui cantari soliti sint : *Nepotem*, inquit apud laudatum EUSEBIUM, *amplector et diligo, ut profile, pro studio in doctrina posito, pro assidua in scripturis exercitatione.* *Pro nonnullis quoque, variis psalmis hymnisque ab eo compositis καὶ τῆς πολλῆς ψαλμωδίας, quibus hucusque nonnulli fratres libenter utuntur.* HARMONII, BARDESANIS hæretici filii, cantica sacra erroribus conspurcata, ut meminimus ex THEODORETO & NICEPHORO, S. EPHREM Syrus ex ore populi removit , aliis substitutis hymnis, qui tam in DEI, quam Sanctorum laudem catholica dogmata continerent ; quique eodem THEODORETO teste deinceps ad celebritatem etiam, hilaritatemque in festis SS. Martyrum sunt adhibiti a). Inter EPHREMI opera a VOSSIO edita extat ^a hymnus ex Syriaco traductus, istam inscriptionem præferens : *Canticum spiritale in laudem et amorem doctrinæ et sapientiæ.* Gregorius BAR-HEBRÆUS de cantu ecclesiastico post Concilium Nicænum in Ecclesiam inducto, *T. I. p. 267.*

lo-

a) „ Cum (ait L. IV. hist. c. 29.) HARMONIUS BARDESANIS filius odas quasdam olim compoſuiffet , & modorum suavitate audientes demulceret, raperetque ad exitium, ipso modorum concentu inde affumto τὴν ἀρμονίαν τῇ μέλῳ ἐκεῖθεν λαλῶν pictatem indidit, iucundissimumque simul & utilissimum audientibus medicamentum exhibuit. Quæ cantica nunc etiam triumphantium Martyrum festa letiora reddunt.“ NICEPHORUS L. IX. c. 16. „D. EPHRAIM ea re cognita, quamvis græcarum artium expers, HAR-

MONII numeros moderatus est: atque eiusdem modulis, carminibus ecclesiasticæ sententiae consonis, adiectis, Syris ad ea usque tempora canenda dedit. Nam divinos hymnos plurimos, quibus DEUM imprimis celebrat, & laudes præterea virorum, qui vita instituto Deo placuerent, canit, ad HARMONII carminum leges compoſuit: a quibus, ut equidem puto, per simulationis ardorem, posteriores ecclesiæ cantores modulorum formulas mutuati, magis etiam atque magis augere, atque propagare eas sunt aggressi.“ *In Ethicis P. I. c. 5. §. 4.*

78 L. I. DE ORTU ET PROGRESSU MUSICÆ

loquens, primum ponit S. EPHREM, qui composuerit contra hæreses sui ævi hymnos & odas, ut canerentur, cui ISAACUM & DALÆUM itidem *Syros* iungit, qui pro argumento canticorum locos ex psalmis DAVIDIS L. III. c. 16. legerint, quos suo instituto idoneos iudicarent. Testaturque SOZOMENUS in omni genere carminis excelluisse DALÆUM, quem BAR-HEBÆUS coætaneum fere facit Sancto EPHREM: additque, circa tempora Concilii *Ephesi* C. p. 74. *ni* alias fuisse viros pietate illustres apud *Euchitas*, qui divino Spiritu abrepti, varios composuerint cantus. Teste GENNADIO de Viris illustribus: „PETRUS, *Elefrena* ecclesiæ Presbyter, declamator insignis, more S. EPHREM „Diaconi psalmos metro composuit.“ In libro carminum S. GREGORII *Nazianzeni* est hymnus vespertinus, quem ad CHRISTUM precatus est sub initium noctis. Itidemque ad CHRISTUM post silentium die Paschæ. Sunt etiam inter SYNESII opera hymni decem, Lyrico carminis genere. Imprimis SS. TRINITATEM christiano more celebrare contendit. Iudicante *Io. Er-*

Not. in Rec- *nesto* GRABIO, in cæteris omnem fere *Valentinianorum* matæologiam veræ *naum* c. 7. theologie adaptavit, ac hæretica voce orthodoxam cecinit fidem. Sozo-*Ed. Oxon. an.* 1702. MENUS refert singulare quidpiam de *Antiochenis*, qui ob destructam THEO-*L. VII. c. 23.* DOSII statuam sibi timentes, *Quasi mala*, sunt eius verba, *quaæ nuntiabantur iam adessent, gemebant omnes ac lugebant, DEUMque precabantur, ut Imperatoris animum placaret, canticis quibusdam lugubriter ad eam supplicationem utentibus.* Operam ipsis plenissimus FLAVIANUS Episcopus præstítit: nescio an compositis in hunc finem hymnis? Non adeo longe ab illis temporibus EUTHYMIUS & THEOCTISTUS remoti fuerunt, qui primi hodíeni *Typici*, seu libri illius, quo ordo recitandi divini officii præscribitur, auctores feruntur; quam constitutionem S. SABBAS monasterio suo *Hierosolymitano* tradiderit, postea vero, locis illis irruptione *Barbarorum* vastatis, deperditam S. SOPHRONIUS eiusdem civitatis Patriarcha restituerit, eandemque S. IOANNES *Damascenus* revocaverit, scriptoque mandatam reliquerit, uti rem narrat SIMEON *Theffalonicensis* in Dialogo contra hæreses. Rem vero in dubium vocat Card. QUIRINUS in Diatriba de ecclesiasticorum

Pag. 24. *&c.* officiorum apud Græcos antiquitate, ad sæculum octavum & sequentia *Typici* epocham reducens. In altera Diatriba ANATOLIO Patriarchæ locum tribuit

a) inter melodias græcos, constatque ex THEODORO lectore a) THEOPHANE & CEDRENO, fuisse post medium *&c. V.* sub *Leone Macela*, ac S. GENNADIO *Cpoli* celebres duos viros in componendis *tropariis τροπαρίων ποιητάς*, quæ vocant, ANTHIMUM & TIMOCLEM. LIGARIDIUS apud GOARIUM *τροπαρίων* auctorem facit S. IOANNEM *Chrysostomum*, ut nihil dicam de IOSEPHO & NI-

Pag. 155. CODENO, quos GERMANUS Patriarcha *Cpolit.* in Theoria recenset. CEDRE-

NUST

a) Vid. TILM. Mem. T. XVI. p. 72. & DU-CANGIUM V. *τροπαρίου*.

nus etiam THEOPHILo *Alexandrino* hic locum tribuit. Quin imo ipsemet IUSTINIANUS Imperator iuxta THEOPHANEM, & LEO *Sapiens* (ut suo loco dicemus) apud LAMBECIUM hic locum habent. De IUSTINIANO hæc habet *Nic. ALEMANNUS* ad historiam arcanam PROCOPII : „De musica IUSTINIANI peritia THEOPHANES profert græcum *Troparium*, i. e. hymnum, „quem de CHRISTI Divinitate, & œconomia ad ecclesiasticos modulos concoctum, hodieque *Graci* canunt inter Missarum solemnia.“ LEONIS *Troparia ēωθινα* seu matutina leguntur in Octoecho *Græcorum*, odarium cantanyticum memorat LAMBECIUS. *Contaciorum*, qui sunt breviores hymni, auctorem fuisse ROMANUM, Diaconum *Emesenum*, qui circa an. 500. sub *Anastasio Dicoro* vixit, testatur *Synaxarium*: unde & in rubrica *Menæi* (dicato ipsi ab Ecclesia *Græca* die celebri) ὁ τῶν κοντάκιων ποιητὴς dicitur. Inter cantores erat ὁ ἀρχῶν τῶν κοντάκιων, cuius munus erat, *Contacia* cantanda inchoare. Sed hæc recentioris videntur ætatis a). Nihil addo in præfens de hymno, qui præfert nomen THEODORI *Studitæ*, qui tamen, iudice *Conr. Sam. SCHURZFLEISCHIO de hymnis veteris Ecclesiæ*, illius temporis non congruit, quod argumento hymni & indicio septimæ eius odæ confirmetur. b) Præcipuos hymnodos græcos, typis æneis expressos, videre licet in *Typico Græcorum*, edito *Venetiis*, atque apud *Leonem Allatium* recensentur, qui etiam opus meditatus est de melodis *Græcorum*, quod lucem non vidit. *Nicephorus Calixtus* catalogum brevem hymnographorum versibus jambicis concinnavit. Sed plerique ad medium pertinent ætatem. Sic FABRICIUS subiunxit catalogum melodorum græcorum laudati ALLATII dissertationibus de libris ecclesiasticis *Græcorum*. Prosternat etiam *Urbani Godofredi SIBERI Historia melodorum Ecclesiæ Græcæ*; de quibus nos libro secundo plura.

XXIII. Quoad hymnographos latinos tam alte usque ad Ecclesiæ pri- Et Latinis.
mordia ascendere non licet, cum primis temporibus etiam *Romæ* græca
lingua

a) ACONITANUS apud GRETSERUM Comment. in CODINI c. i. κοντάκιον, inquit, non latinam vocem, sed græcam esse arbitror, licet vernacula: κοντόν enim hodie *Gracis* est τὸ Βραχύ, τὸ σύντομον, η συνεσταλμένον, id est, breve, compendiarium & contractum. Proinde a brevitate cantis eiusmodi nomen inditum puto; non quidem quod omnium brevissima, sed quod inter brevissima sint. Huiusmodi vero nomenclatura nulli mira videatur, cum in *Græcorum* ritualibus huic similes multæ reperiantur; immo vero nonnullæ voces, quæ vel latine omnino sunt, vel latinis affines, & ab illis quasi deductæ: cuiusmodi sunt ωδί-

ցօν, μανγάλιον, Φανέλλιον & his similia. Quin etiam si tempora & ætatem τῆς ποιῆτῆς τῶν κοντάκιων scrutemur, nomen τῆς κοντάκιον haud insolens videbitur: cum ROMANUS Diaconus *Emesenus* (ut habetur in Menæis *Græcorum* mense *Oktobi* die 1.) primus τῶν κοντάκιων auctor & concinator ANASTASII Imp. ætate, id est, circa annum Domini quingentesimum floruerit: quo tempore pene corruptus & adulteratus erat græcus sermo, ut hoc idem nomen ostendit, & eius ætatis locutio.“

b) Vid. BARON. ad an. 842.

T. V. Bibl.
p. 295.

a

b

lingua in monumentis ecclesiasticis fere appareat. Sacra carmina, quæ Sancto EUGENIO, socio S. DIONYSII *Parisienfis*, vulgo tribuuntur (funt autem oratio ad DEUM duobus & viginti hexametris constans, ac hymnus de Sancto DIONYSIO *Areopagita*, cuius initium: *Cœli cives plaudite*) abiudicat S. Martyri LAUNOIVS, nec quidquam adversantibus auctoribus Hist. litter.

T. I. P. I. *Francia*, qui sœc. III. opus convenire haud censem. Primus, qui hic occurrit, S. HILARIUS est, de quo S. HIERONYMUS Praefat. in lib. Comment. ad Gal. „HILARIUS latinæ eloquentiæ Rhodanus, Gallus ipse Picavæ genitus, in hymnorum carmine *Gallos* indociles vocat.“ Idem de eodem testatur, scripsisse librum hymnorum. Ex illis fuisse in Ecclesia quosdam

De Scriptor. eccles. c. III. cantari solitos, discimus ex Conc. Tolet. IV. An. 1480. *Parisiis* cum commentario prodiit collectio hymnorum sub nomine S. HILARII iterum *Rotomagi* an. 1505. impressa. Sed eam non esse S. HILARII, & forte nihil prorsus S. Doctoris continere, persuasos esse doctos, testantur auctores historiæ

T. I. P. II. litter. *Francie*. Idemque iudicium ferendum censem de quinque hymnis, qui

p. 180. sub S. HILARII nomine ad calcem psalterii & in Collect. BARTHII reperiuntur. Fuerunt etiam, qui hymnum de S. IOANNE Bapt. *Ut queant laxis* &c. & de passione D. *Pange lingua gloriosi prælium certaminis* &c. S. HILARIO congruere censem. Sed eorum auctores indicabimus suis locis. Ipse Sanctus Pater in epistola ad ABRAM filiam, quam contra ERASMUM, GILOTIUM, & SCULTETUM asserunt auctori suo Patres *San-Maurenses* in operum editione anni 1693. meminit duorum hymnorum. *Interim*, inquit, *tibi hymnum matutinum* & *serotinum misi*, *ut memor mei semper sis*. *Tu vero si minus per ætatem hymnum* & *epistolam intellexeris, interroga matrem tuam, que optat, ut te moribus suis genuerit DEO*. Subiectetur mox in laudata editione matutinus, hoc initio: *Lucis Creator splendide* &c. unacum initio & fine hymni etiam vespertini, a priore longe diversi, & sancto Doctor non adeo digni, ut alter, quem unum S. Doctori afferte tribui posse censem laudati auctores Hist. litter. *Franc.* Antiphonarium monasterii

T. IV. Anecd. *Beuchorensis* antiquissimum a MURATORIO in lucem editum, mox initio notat hymnum S. HILARII de CHRISTO, cuius initium est: *Hymnum dicat turba fidelium*. De hoc hymno ita in præfatione habet MURATORIUS: *At in hymno nunc a nobis producio maiorem fortasse elegantiam desiderabunt nonnulli, ut eum S. HILARIO adscribant*. Inter opuscula S. DAMASI P. habentur carmina de variis Sanctorum festis Apostolorum & Martyrum, testaturque Card. THOMASius in *hymnario*, primum quod de S. PAULO Apostolo est, incipitque: *Iam dudum SAULUS procerum præcepta secutus*, cani folitum fuisse in eiusdem Apostoli Conversione. Aliud insuper S. Pontifex in laudem S. ANDREÆ compositum, ut ex liturgia *Mozarabica*, a Jof. BLANCHI-

Pag. 191. *p. 127.* *Pag. 125.*

NIO edita constat. Patres Congregationis S. MAURI operam sedulam impen-
derunt in genuinis a spuriis fecernendis S. AMBROSIHYMNIS, prout au-
toritate veterum, ut puta, PAULINI, qui eius vitam scripsit, S. AUGUSTINI,
FAUSTI *Regiensis*, CASSIODORI, ILDEPHONSI, & aliis criteriis discernuntur;
suspensa, ubi aliquid asserti haberi nequit, sententia e. g. de hymnis, qui
ad horas diurnas, & feriarum vesperas dicuntur a). Ex antiquissimo codice
Bibl. Reginæ *Sueciae* pauciores quidem, sed vetustiores, & eos ferme, de
quibus extat mentio in priscis Ecclesiæ monumentis, THOMASius protulit.
Quos inter cum genuinos hymnos S. AMBROSIYMNIS comperisset, reliquos, in
eo contentos, eidem Sancto Doctori adscribere non dubitavit. Solos nam-
que *Ambrosianos* hymnos in eo exhiberi, haud levibus de causis pro indu-
bio sumpsit. Dolensque doctissimos editores *Maurinos* eos latuisse, ut Diar.
litterat. Ital. a FONTANINO narratur, sua in collectione reposuit. Habetur T.XXI. p.6.
hymnarium T. VIII. Opp. THOMASII, atque sub nomine S. AMBROSIYMNIS
pro nocturno & diurno officio, etiam *Tertiae, Sextæ & Nonæ*, ponuntur. Firmio-
ra sunt, quæ idem THOMASius refert antiquorum testimonia varia pro asse-
rendis S. AMBROSIYMNIS. In edit. Opp. S. AMBROSIYMNIS a GILOTIO curata T.I. Opp. pag.
sedecim, in *Romanis* editionibus octodecim, in *Parisiensibus* plures adhuc ei^{222.} 230.
adscribuntur, sed sine solidis rationibus. Ipse meminuit S. AMBROSIUS *De Baslicis*
hymnorum suorum, fueruntque deinceps nomine *Ambrosianorum* iam a^{tradendis.}

S. BENE-

a) Primum ediderunt : *Æterne rerum conditor, no-*
tem diemque qui Regis Ec. S. AMBROSIYMNIS, teste
S. AUGUSTINO L. I. Retractat. c. 21. Et sane,
ainnt, eundem hymnum ex Hexaemero L. V. c. 24.
desuntum esse, a multis auëtoribus post BEDAM
de arte metr. obseruatum est. Secundus hymnus :

DEUS Creator omnium,
Polique rector, vestiens
Diem decoro lunine,
Noëtem saporis gratia.

ab eodem AUGUSTINO L. IX. Conf. c. 12. no-
tatur, ubi sum de materno excessu luctum
memorat. Tertiū quoque citatus Doctor memi-
nit L. de Nat. & Grat. c. 63. Et inter *Ambrosianos*
a Ven. BEDA loc. cit. similiter referuntur.
Quarti : *Veni Redemptor gentium* Ec. primam
stropham in Synodo *Romana* ex *Baluziana* col-
lectione, an. 430. celebrata, AMBROSIYMNIS adscri-
ptam reperimus : nec non ab ILDEPHONSO *de*
perpetua Virginit. B. M. non semel proponitam :
quin imo eundem non modo apud CASSIO-
DORUM in Pf. VIII. in Concl. & in Pf. XI. 6.
sed etiam apud FAUSTUM *Regiensem* Ep. ad G.
Diac. legimus. Quintus indicatur a CASSIO-

DORO in Pf. LXXIV. n. 8. Sextus, seu fra-
gmentum, auctoritate eiusdem CASSIODORI in
Pf. CI. AMBROSIYMNIS adscribitur. Sed, inquit
San-Maurenses editores, in eo leges carminis
prorsus negliguntur, cum non tam crebro im-
pingeret AMBROSIUS. Septimi primus versicu-
lus ita memoratur apud BEDEM : Sed Ec
Ambrosiani eo maxime curvunt : *Splendor paternæ*
gloriæ. Cui versiculo ubi subiecit primos tres
alios trium hymnorum, de quibus egimus, hoc
modo prosequitur : *Et cæteri perplures, in qui-*
bis pulcherrimo est decore compitus hymnus bea-
torum Martyrum : Æterna Christi munera. Qui
est octavo loco. Nonum : *Somno refectis artu-*
bus. Decimum : *Consors paterni luminis.* Uni-
decimum : *O lux Beata Trinitas, Ec principalis*
Unitas ! nobis indicavit HINCMARUS, Remo-
rum Episcopus, de non triu Trinit. Duodecimi
cognitionem debemus Beato ILDEPHONSO, qui
semel atque iterum in sermone *de Parturit. Ec*
Purificat. B. MARIE V. primam ciusdem hymni
stropham, tanquam ab AMBROSIYMNIS compositam,
citat.

S. BENEDICTO notati, quos vel ipse fecit, vel ad eius imitationem confecti sunt. Veluti de S. GELASIO P. in antiquo catalogo *Romanorum Pontificum*, quem BLANCHINIUS edidit, habetur. *Fecit & hymnos in modum eccles. c. 94.* *beati AMBROSII.* Eadem verba leguntur apud GENNADIUM, sed desiderari *T. III. p. 635.* hunc articulum in plerisque MSS. ac editis, notant auctores Histor. litter. *Gall. De reb^o eccl. c. 25.* *Walafridus STRABO* refert, quod tractatus, & hymnos in morem Beati AMBROSII composuerit. Celebriores hymnographi fuerunt PAULINUS *Nolanus*, cuius *hymnarium* GENNADIUS memorat. *Marius VICTORINUS Afer*, *De Vir. illust. c. 48.* Vir consularis, cuius tres extant hymni de Trinitate. IUVENCUS, siquidem *p. 2366.* *c. 8.* *huc referri lubeat eius Hift. evangel.* quam heroico carmine scripsit. Sic SEDULIUS hymnos composuit duos, unum collationem V. & N. T. alterum totam CHRISTI vitam continentem, quos BEDA de Metris SEDULIO Scoto adscripsit, qui tamen rectius antiquiori tribuuntur. His iungendi sunt CLEMENS Hispanus sub THEODOSIO *Iuniore*; LICENTIUS *Hipponensis*, AUGUSTINI (cuius hymnos ecclesiasticos inter Poetas christianos edidit FABRICIUS) amicus. Quorum duorum hymni non habentur, aut certe a reliquis, paucim in unum collectis, non distinguuntur. Nec prætereundus est S. AUGUSTINI *psalmus contra Donatistas*, de quo nos paulo ante; ipse vero *Volens*, inquit, *causam DONATISTARUM ad ipsius humillimi vulgi & omnino imperitorum atque idiotarum notitiam pervenire*, & eorum, quantum fieri posset, *per nos inhærere memoriae, psalmum, qui eis cantaretur, feci.* PRUDENTII hymni, ex quibus aliqui successu temporis publice in Ecclesia decantati sunt, continentur in peculiari libro *Peristephanon*. Eiusdem *diversorum hymnorum libros II.* memorat TRITHEMIUS, seu ut sine divisione inscribitur *stef. c. 90.* *καὶ ἡμερῶν*, hoc est, *diurnarum rerum opus, nempe ad gallicinum, ad matutinum, ante cibum, post cibum, ad incensum lucernæ.* Quem BLANCHINIUS *de lucerna ac cereo paschali*, non vero de quotidiana vespertini luminis accensione intelligendum putat. Hic eundem etiam S. AUGUSTINO tribuendum censet, qui hodieque canitur ad cereum paschalem, sed interpolatus, saepe in antiquissimis monumentis S. AUGUSTINI nomen præferrens. Alius eiusdem generis inter opera ENNODII habetur. ENNODII plures hymnos SIRMONDUS edidit. Et ED. MARTENIUS in nova collectione veterum monumentorum ORONTII hymnos versibus heroicis *de Nativitate Domini. De Trinitate. De Nominibus DEI.* In laudato antiquissimo antiphonario, a MURATORIO edito, legimus etiam *Hymnum S. PATRICII, magistri SCOTORUM* a). *Mamertum CLAUDIANUM Sidonius APOLLINARIS* in epitaphio

a) De isto MURATORIUS in Praefatione: „Memini autem, clariss. Virum P. D. Bernardum de MONTEFAUCON, dum olim Medio-

lani ageret, conspecta codicis huius, ac monumenti vetustate, mihi ostendenti fuisse gratulatum. Narrabat quippe, in Galliis esse eruditum

phio celebrat ob collectos psalmos, hymnos, ac lectiones solemnibus annuis ecclesiæ *Viennenis* in *Gallia* accommodas:

*Psalmorum hic modulator, & phonascus
Ante altaria, fratre gratulante,
Instructas docuit sonare classes.
Hic solemnibus annuis paravit,
Quæ quo tempore lecta convenirent.*

Ab eodem collaudatur hymnus quidam illius: *Iam vero, ad eum ipsum scribit, de hymno tuo, si percunctor, quid sentiam; Commatibus, inquit, est copiosus, dulcis, elatus, & quoslibet lyricos dithyrambos amœnitate poetica, & historica veritate supereminet.* Creditur is esse, qui etiamnum hodie quotannis celebratur:

*Pange lingua gloriosi
Prælium certaminis* a).

a

Immerito igitur inter S. FORTUNATI *Pictaviensis* poemata locum habet. Cuius tamen sunt celebratissimi in Sacris nostris hymni: *Vexilla Regis produnt.* Item: *Salve festa dies &c.* Vel secundum alios: *Tempora florigerorum rutilant &c.* b) aliique, quos inter c) numerat LEYSERUS hymnum in LEONTIUM Episcopum, redditum *Burdegalensi* ecclesiæ. Acrostichis inscribitur in G. FABRICII *Poet. eccl.* ed. *Basil.* 1564. Inc. *Agnoscat omne saeculum Antistitem LEONTIUM.* Strophas habet hymnus, quarum primam littera A. secundam

b c

quendam, cui nata suspicio fuerat, non ipsa folum S. PATRICII res gestas, sed eundem S. PATRICIUM inter fabulas *Romanenses* esse amandandum: tantis nempe anilibus commentis deturpata fuerat sancti illius Episcopi historia. At profecto unus hic hymnus satis esse potest ad confirmandam veritatem cum insignium PATRICII opcrum, tum celeberrimæ famæ, quæ de S. Viro ad nostra usque tempora permanavit. “

a) „Adnotarat hoc loco (sunt SIRMONDI verba T. I. p. 932.) scholiares quidam, hymnum significari, cuius initium est, *Pange lingua gloriosi prælium certaminis.* Et quidem filium rediit cultorem, quem FORTUNATI esse soleat; cui tamen illum tribuunt antiqui etiam Scriptores, & codices. In eum præterea se te cadunt

omnia, quæ laudantur a SIDONIO. Scriptus est versibus trochaicis, quibus inserti aliquando pyræchii numeri. Commaticus est, crebris aptisque commatiis incisus, sententiis non interrupctis, sed molliter cum versu cadentibus. Deinde CLAUDIANO carmen hoc vindicat non filium vetus scholiares, quem dixi, verum etiam GENNADIUS, non quidem ut editus est, sed prout in codice Cœnobii S. MICHAELIS de *Tumba* vulgatis auctior in CLAUDIANI mentione legitur his verbis: *Scriptit & alia nonnulla: inter que & hymnum de passione Domini, cuius principium est, Pange lingua gloriosi.*“ Ita etiam editio I. Al. FABRICII *Hamburg.* 1718.

b) Vid. LEYSERI hist. Poetarum medii xvi p. 156.
c) Ibid. p. 152.

dam B. & ita sequentes per universum latinum alphabetum litteræ inchoant. Eadem hymnos 77. tribuit TRITHEMIUS de *Script. eccl.* Quidam leguntur apud CASSANDRUM in *hymnis eccles.* Apud laudatum LEYSERUM vero hymnus : *Crux fidelis inter omnes &c.* qui tempore Passionis canitur. Quare merito in epitaphio a PAULO Diacono laudatur : *Ingenio clarus, sensu celer, ore suavis, cuius dulce melos pagina multa canit.*

Pag. 168.

Pag. 76. &c.

COLUMBANI recenset LEYSERUS. Multo plus curæ & studii inesse veterum deprehenditur hymnis, quam posterioribus: multo etiam plus fuit adhibitum negotii, ne promiscue adoptarentur in sacris nostris præter *Ambrosianos*, ut ex Can. 23. Concil. Turonensis II. supra p. 73. recitato constat. Concilii Toletani IV. Canonem paulo ante retulimus, ex quo discimus, fuisse, qui & de SS. HILARII & AMBROSII hymnis adoptandis dubitaverint. Sunt etiam ex veteribus celebres Poetæ, ac hymnographi latini, quorum usus etiamnum in officio divino obtinet; uti SEDULII, IUVENCII, PRUDENTII, VENANTII, qui honos apud Græcos GREGORII Nazianzeni, SYNESII &c. carminibus haud accidit. Idem videtur iudicium ferendum de iis, quos SIDONIUS ad CONSENTIUM laudat eius *citos iambos, elegos acutos, ac rotundatos hendecasyllabos, & cetera carmina musicos flores, thimumque redolentia, nunc Narbonensis cantanda, nunc Bitterensis.* Et Lib. IX. Epist. XV. maximis etiam præfert Poetis a).

Lib. VIII.

Ep. 4.

a

*Epos sed istud aptius paraverit
Leo, Leonis aut secutus orbitas
Cantu in latino, cum prior sit Attico
Consentiorum qui superstes est patri
Fide, voce, metris, ad fluenta Pegasi
Cecinisse dictus omni forme canticum.*

Nihil obstantibus adver-
fariis.

Ep. 207. n.2.

XXIV. Inde, quod nullæ artis regulæ ac præcepta primis sæculis quoad ecclesiasticum cantum habeantur, eius maxima satis declaratur simplicitas; ac religio summa hinc patet, quod vel minima immutatio, etiam in melius facta, censuram evitare haud potuerit, & quidem acerrimam, cum implacabili & inexpiabili bello; veluti accidit S. BASILIO, ut ipse rem, data ad Neocæsarienses epistola, iam sæpius laudata, exponit. *Quod si, inquit, causam rogentur implacabilis illius, & inexpiabilis belli; psalmos dicunt, & melodiam modum a consuetudine, quæ apud vos invaluit, diversam, & quedam eiusmodi,*

2) Vid. PETR. ZORNIUS in opusculis sacris T. I. Diff. VII. ubi omnes, qui in hoc labore desuda-

runt, & collectiones novas hymnorum veteris Ecclesiarum dederunt, enumerat.

modi, quorum eos par erat pudere. *Inclusamur autem, quod etiam homines habeamus pietatis cultores, qui nuntium remiserunt mundo, & omnibus sæculi curis.* Horum inter alia studium celebrat his verbis: *Quorum os non loquitur opera hominum, sed hymnos DEO nostro concinunt continenter.* Vere dixerat talia esse hæc, quæ criminantur, quorum eos par erat pudere, ad religionem, & pietatem instituta, iamque ubique in Ecclesia recepta. *Quod autem spectat, pergit, ad psalmodiæ criminacionem, qua maxime simpliciores* *Ibid. n. 3.* *territant, iis, qui nos calumniantur, illud dicere habeo, recepta nunc instituta omnibus DEI Ecclesiis consona esse, & consentientia.* Nihil ergo peregrinum, nihil a moribus, & ritu alienum instituerat, tantum, quia videbantur non fuisse sub magno GREGORIO Thaumaturgo inolita, ferenda minime putabant momi illi. *Sed hæc, inquit, non erant tempore magni GREGORII.* Neque tamen hoc concedit. *Hæc autem non fuisse sub admirando GREGORIO, quosnam habetis testes?* Ita ergo se tuetur, ne vel rem a moribus, & consuetudine alienam, aut insolitum aliquid ac novum induxisse videri potuerit, dum fideles suos instituit de nocte confurgere ad domum precationis, ut tandem a precatione surgentes, ad psalmodiam transferint; nunc quidem in duas partes divisi alternis concinente, rursus uni committentes, ut prior canat, reliqui succinant, & sic posteaquam in psalmodiæ varietate noctem traduxere, intermixtis precibus, die iam illucescente, omnes simul velut ex uno ore & uno corde psalmum confessionis Domino concinant, propria sibi unusquisque verba poenitentia facientes. Quæ erat forma sacri apud Cæsarienses conventus eiusmodi, ut summam commendationem ab omnibus exspectare debuerit; nisi malevoli illi, nescio quid, in modo ac fono vocis reperissent, quod vituperarent. *De vocis quidem, inquit iam finiens, sono in psalinorum cantu litigantes.* Aliud erat quod Ariani criminabantur in S. AMBROSIO, alte per suos hymnos veram fidei confessionem SS. TRINITATIS insonante: fueruntque, qui infirmo quidem fundamento, celebratum illum hymnum *Te DEUM laudamus* a S. AMBROSIO indigitari sibi in animum induxerunt. *Hymnorum meorum, inquit, carminibus populum deceptum volunt.* *Plane nec hoc abnuo.* Grande carmen istud est, & quo nihil potenter, quam confessio Trinitatis, quæ quotidie totius populi ore celebratur. Certatim omnes student fidei fateri: Patrem, & Filium, & Spiritum Sanctum norunt versibus prædicare. Ex adverso postmodum Ariani Cpoli sub S. CHRYSOSTOMO, veluti æmulati, quod prius in S. AMBROSIO Mediolani carpserunt, hymnos, ut refert SOCRATES, & antiphonas ex Arianis dogmatibus compositas, decantabant: & hoc maxima noctis parte facientes, diluculo cum ipsis antiphonis per medianam civitatem egressi portam, ad suam ecclesiam concurrebant. „Cumque hoc crebro, quasi ad vituperationem

*De Basiliis
tradendis, seu
serm. contra
Auxentium.*

L. X. h. 8. trip.

L. VI. c. 8.

„ Orthodoxorum facere non cessarent (frequenter enim etiam hæc cantabant: „ *Ubi sunt, qui dicunt tria virtute unum?*) tunc IOANNES, ne simplices huiusmodi cantibus traherentur, instituit suum populum, ut & ipsi nocturnis occuparentur hymnis: quatenus & illorum obscuraretur opus, & fidelium professio firmaretur.“ Itaque non dubitavit pius Pastor, antidotum errori opponere hymnorū, concentum imitando, atque veram deprædicando SS. TRINITATIS confessionem in nocturnis etiam conventibus, uti antea SS. ATHANASIUS, BASILIUS, AMBROSIUS, ad invidiam quidem plerumque malignorum, comprobantibus vero, & studiose consecrantibus fidelibus, solo tunc contra strepente VIGILANTIO, ut iam audivimus, & postea nescio, quo HILARIO in *Africa*, contra quem scripsit S. AUGUSTINUS; liber autem hodie desideratur, tantum ex libro II. *Retractionum* c. 11. constat, quid vitiuperarit HILARIUS. Verba Sancti Doctoris iam pag. 32. retulimus. Vocabatur liber ipse *Contra HILARIUM &c.* incipitque: *Qui dicunt mentionem &c.* Dolendum quam maxime est, intercidisse hunc librum, unde haud dubie multa, quæ nos hodie latent, de veteri ecclesiastico cantu compiriemus. Libri enim, quos scripsit *de musica*, in alio versantur argumento. Et qui subinde eius nomine citatur *de laude spiritualium cantorum*, potius

De orat. &c. cant. c. 18. 19. NICETII videtur esse tractatus *de psalmodia bono*, in quo omnia habentur, quæ apud THOMAM Waldensem citantur ex eo libro. Solum nobis ex S. Doctori constat variam suis confuetudinem de hac re, ut vocat, tam utili ad movendum pie animum, & accendendum divinæ dilectionis affectum.

Ep. 55. ad Iun. „ Et pleraque (pergit) in *Africa* ecclesiæ membra pigriora sunt: ita ut *Domini nostri* nos reprehendant, quod sobrie psallimus in Ecclesia divina cantica Prophetarum.“ Nec illud hic omittendum, quod POSSIDIUS sub finem vitæ S. AUGUSTINI refert de dolore, quo S. Doctor conficiebatur, ob *Vandalos*, qui tunc in *Africa* graffabantur. Cernebat, sunt verba POSSIDI, *etiam hymnos DEI & laudes de ecclesiis deperiisse: solemnia quoque, quæ DEO debentur, de propriis locis defecisse: Sacrificia ac Sacraenta divina, vel non queri, vel querenti qui tradat, non facile reperiri.*

Fidelibus studiose divinas laudes concinentibus, & devote audiētibus.

Laetant. L. VI. Instit. c. 21. XXV. Ex hucusque dictis discimus, quam vetus Ecclesia studiose fuerit in celebrandis Dei laudibus, officio etiam vocis, & cantu, ut eius quod ammodo suavitate, & corpore, & mente, fideles detinerentur, afficerenturque. *Si voluptas est*, inquit LACTANTIUS, *audire cantus & carmina, DEI laudes canere & audire iucundum sit.* *Hæc est voluptas vera, quæ comes & socia virtutis est.* *Hæc est non caduca & brevis, ut illæ quas appetunt, qui corpori ut pecudes serviant, sed perpetua, & sine ulla intermissione delectans.* *Vocis etiam clamor, & contentio, in divinis laudibus animi affectum depromit,*

ac

ac commōnstrat, atque ad magnificandam, amplificandamque Numinis gloriam,
 & maiestatem confert. „ Laudantes enim ipsum (ait EUSEBIUS) par est, non *In Ps. 65.*
 „ humiliter, nec sine gloria id agere, sed magno cum honore & gloria.
 „ Siquidem præter cognitionem DEI in mente defixam, quæ per instrumen-
 „ tum celebratur, par est, etiam divinis sermonibus, laudes, & hymnos DEI
 „ complectentibus, cum pietate, ac veneratione primum præceptum implere.
 „ Quare dictum est, *Date gloriam laudi eius*; vel secundum AQUILAM, *Da-*
 „ *te gloriam hymnis eius*; vel secundum SYMMACHUM, *Constituite in honorem*
 „ *hymnum eius*.“ Fuit hoc frequentatum non solum in publicis ecclesiasticis con-
 ventibus, sed privatis etiam ædibus, & ubicumque demum locorum, veluti vi-
 dimus a veteribus Doctoribus, & Pastoribus saepè fideles admonitos; atque
 hoc modo S. CHRYSOSTOMUS non dubitat, quamvis parvam domunculanū
 ecclesiam fieri a). Multa complectitur Sanctus Doctor, quomodo etiam Spi-
 ritu, & mente psallere debeamus iuxta Apostolum. Unde mox addit: *Non Ib. p. 133 E.*
hic opus est arte, quæ longo tempore perficitur: sed bona tantum voluntate, a
& generoso animi instituto opus est, ac brevi tempore periti evademus.
Non opus est loco, non opus est tempore, sed in omni loco, & omni tempore
licet mente canere. Nam sive in foro ambules, sive iter ingrediaris, sive
cum amicis confideas, licet excitare animum, licet vel tacenti clamare. Ita
enim MOSES clamabat, & DEUS exaudiebat. Et si fueris artifex, poteris
in officina sedens, & operans psallere. Et si miles sis, aut sedens in iudicio,
poteris hoc ipsum facere. Loquitur de studiosa psalmorum ruminatione, ut
quorum cantum frequentem in Ecclesia, publicisque conventibus audimus,
ea semper, & ubique mente agitemus, altius per suavem sonum infixā, ut
pulchre S. AMBROSIUS differit. „Quæ enim (inquit) in illud psalmi CXVIII.
„cantabiles mihi erant iustificationes tuæ, bene tenemus, cantare confuevi-
mus, & quæ melius cantantur, melius nostris inhærent sensibus. Sequitur: Hy-
„mini nobis, canticum nobis, psalmi nobis iustificationes Domini sint. Psal-
„lamus spiritu, psallamus & mente: ne si obliti fuerimus, in tempore ne-
„cessitatis dicatur unicuique nostrum: Abiecisti sermones meos post te. Ideo-
„que ut expelleretur, & eliminaretur oblivio a domo sancta sua, cantores sibi
„fecit

a) „ Ubi enim (inquit psalm. XLI. n. 2.) est psalmus & oratio, & chorea Prophetarum, & pius canentium animus, non aberraverit quispiam, qui hunc cœtum dixerit Eccleſiam. Etiam si vim verborum non noveris, doce interea ipsum os verba dicere. Sanctificatur enim etiam lingua per verba, quando ea dicuntur prompte & alacri animo. Si nos ipsos deduxerimus ad hanc consuetudinem, nec nostra sponte, nec per forcitatem pulchrum hoc prætermittimus ministerium,

more vel invitos nos cogente hunc DEI cultum quotidie peragere. In hac modulatione, seu quis fuerit senio confessus, seu iuvenis, seu voce aspera, seu omnis penitus numeri ignarus, nihil ei vitio dabitur. Quod enim hic queritur, est sobria anima, mens vigilans, cor compunctum, valida ratio, expurgata conscientia: si haec habens ingressus fueris in Sanctum DEI chorūm, iuxta ipsum DAVID stare poteris.“

„fecit Rex verus SALOMON, qui toto spiritu inquirendæ cognitioni Divinitatis intenderent, ne psallentes deessent Ecclesiæ suæ, quorum cantu nequam spiritus fugaretur, sicut DAVID Sancti docemur exemplo, quo psalmista lente malus ille spiritus expellebatur, qui SAUL Regis corda vexabat. Prophetæ quoque ut prophetarent, psallendi peritum iubebant psallere, quo suavi invitata dulcedine spiritualis infunderetur gratia. Et in evangelio legimus, in domo patris illius filium recuperantis percrepisse symphoniam, qua epulantes delectabantur fideles, perfidus autem impatienter audiebat. Dulcis igitur cantilena, quæ non corpus effoeminat, sed mentem, animumque confirmat.“ Idem graviter Virgini lapſe, quod nihil hac ecclesiæ sit mota dulci symphonia, exprobrat in hunc modum: *Aures tuas non penetrabat hymnorum spiritualium cantus.* Aliud se expertum confitetur S. AUGUSTINUS DEO suo: *Quas tibi, DEUS mens, voces dedi, cum legerem psalmos n. 8.*

DAVID, cantica fidelia, & sonos pietatis, excludentes turgidum spiritum, rudit in germano amore tuo, catechumenus in villa cum catechumeno ALIPIO feriatus, matre adhaerente nobis muliebri habitu, virili fide, anili securitate, materna charitate, christiana pietate? Quas tibi voces dabam in psalmis illis, & quomodo in te inflammabar ex eis, & incendebar eos recitare, si possem, toto orbe terrarum, adversus typhum generis humani? Et tamen toto orbe cantantur, & non est qui se abscondat a calore tuo. Quam vehementi & acri dolore indignabar MANICHÆIS, & miserabar eos rursus, quod illa Sacra menta, illa medicamenta nescirent: & infani essent adversus antidotum, quo sani esse potuissent. Nimirum Manichæi, vetus respuentes Testamentum, caruerunt deliciis psalmorum, pietatis & affectus sinceri in DEUM incentivis, suavi præfertim Ecclesiæ cantu, ut fenserat S. AUGUSTINUS, cum non pridem tunc in ecclesia Mediolanensi coepisset genus hoc, ut vocat, consolationis, & exhortationis celebrari, magno studio fratrum concinentium vocibus & cordibus. Quantum, ait, flevi in hymnis & canticis tuis, suave sonantis ecclesiæ tuae vocibus commotus acriter. Voces illæ influebant auribus meis, & eliquabatur veritas in cor meum, & exastuabat inde affectus pietatis, & currebant lacrymae, & bene mihi erat cum eis. Idem de S. HILARIO Arelatenji narratur, quantas lacrymas inter psalmorum cantum profuderit, maxime quando cum harmonia canerentur. Iste igitur finis & fructus est, esseque debet cantus facri ac psalmodiæ, ut suaviter mentem afficiendo erga DEUM moveat. Quomodo autem id factum, curatumque fuerit, postea videbimus, estque hic principalis operis huius scopus, ac finis piis omnibus semper propositus, fidelibus summe proficiens, atque delectatio salutaris, precibus nostris pie coniuncta, aliisque in conventu sacro pietatis exercitiis copulata. Quid bac, ut cum NICETIO loquar, utilitate commodius,

modius, quid hac delectatione iucundius, quia & psalmis delectanur, & orationibus irrigamur, & interpositis lectionibus pascimur? Et vere sicut boni convivæ ferculorum varietate delectantur, ita nostræ animæ multiplici lectione, & hymnorum exhibitione saginantur.

XXVI. Mirum igitur haud est, si pii quique, præceptis & traditioni apostolicæ intenti, sedulo hanc rem curarint in instituendo, ornando, aut restituendo cantu ecclesiastico, ringentibus malignis, collaudantibus vero bonis quibusque. Quos inter (ne quid de CLEMENTE Alex. dicam, qui Gnosticum suum prosequi vult ex musica proportionem, quæ est in iis, quæ sunt coniuncta, & composita) in præcipuis orbis christiani partibus plures laudavimus, *Antiochiae S. IGNATIUM*, aut postea *DIODORUM*, & *FLAVIANUM*, *Alexandriæ S. ATHANASIIUM*, *Cesareæ S. BASILIUM*, nec longe illinc *Edeffæ S. EPHREM*, qui nos in libro *de Pœnitentia* hortatur: *Festivitates nostras coronemus in psalmis, hymnis & canticis spiritualibus.* Cui etiam THEODORETUS, & NICEPHORUS laudem tribuunt institutæ harmonicae modulationis, *Quod*, ut ait Cardinalis BONA, *vel antiquum cantum in aliqua particulari ecclesia instituerit, vel canendi methodum, & notulas intervallorum, ac vocum indices aliqua facilitiore ratione innovaverit.* Quod posterius optandum, ut ad præsentis argumenti illustrationem idoneis documentis assertum foret. Quod vero ad institutionem cantus in *Edeffena* ecclesia spectat, eo intelligi potest, quomodo illis ipsis temporibus idem psalmum factum ex dictis constat, quoad modum videlicet aliquem, aut tempus, præsertim nocturnarum vigiliarum, aut etiam populi consonantiam. Sic ut de S. BASILIO ex celebri ad *Neocæsarierenses* epistola liquet, quemadmodum instituerit, ut in psalmodiæ varietate populus noctem traduceret intermixtis precibus. S. CHRYSOSTOMUM etiam apud PHOTIUM THEODORETUS *Cod. 273.* laudat, quod apud populum cantum psalmorum instituerit; testaturque, *Quæst. 43. in universalem esse usum in Ecclesia cantandi psalmos DAVID.* Eiusdem de cantu a S. PUBLIO in matutinis, & vespertinis conventibus Monachorum instituto, iam laudavimus testimonium. Prolixe S. CHRYSOSTOMUS adhuc *Antiochiae* ad populum verba faciens, Monachorum diu noctuque in decantandis psalmis, & hymnis spiritualibus studium, atque frequentiam collaudat, vocatque *cantica commoda, & in DEUM charitate plena.* Et DAVIDICA *Hom. 59. ad cantica, multos moventia fontes lacrimarum.* In Occidente auctor de *Cursu pop. Antioch. bus ecclesiasticis* apud MABILLONIUM, quartum ponit, quem *Beatus AMBROSIUS* propter hereticorum ordinem dissimilem composuit, & quidem alium, quam qui in ITALIA antea decantabatur. Ex quo, addit MABILLONIUS, *L.c. p. 381.* BELLARMINI sententia confirmatur, afferentis contra quorundam aliorum op-

MART. GERBERT. DE MUSICA ECCL. LIB. I.

M natio-

Pastoribus
promovere
studentibus.

*Th. bish. eccl.
L. IV. c. 19.
Nic. L. IX.
c. 19.
Bona de div.
Pf. c. 17. §. 3.*

*Quæst. 43. in
2. Lib. Reg.*

*De cursu Gall.
§. 1. n. 3.*

L.c. p. 381.

nationem, AMBROSII psalmodiæ in occidentalibus ecclesiis primum institutorem non fuisse, quod ex AUGUSTINI Confessionibus illi colligebant: sed id tantum curasse, ut secundum morem Patrum orientalium psalmi atque hymni a populo etiam canerentur: cum antea a singulis singuli, vel certe a solis Clericis apud ITALOS recitati fuissent. Lectoris oculis subiiciendus est S. AUGUSTINI locus, ut inde iudicium ferre possit, idem a S. AMBROSI Mediolani factum esse, quod in Oriente plerosque eo saeculo fecisse memoravi, ut

L. IX. *Conf.* in nocturnis vigiliis populi concentus celebraretur: „Non longe (inquit) c. 7.

„cœperat Mediolanensis ecclesia genus hoc consolationis & exhortationis cœlebrare magno studio fratrum concinentium vocibus & cordibus. Nimirum annus erat, aut non multo amplius, cum IUSTINA, VALENTINIANI regis pueri mater hominem tuum AMBROSII persequeretur hæresis suæ causa, qua fuerat seducta ab Arianis. Excubabat pia plebs in Ecclesia, moniti parata cum Episcopo suo, servo tuo. Ibi mater mea, ancilla tua, sollicitudinis & vigiliarum primas tenens, orationibus vivebat. Nos adhuc frigidi a calore spiritus tui, excitabamur tamen civitate attonita atque turbata. Tum hymni & psalmi ut canerentur secundum morem orientalium partium, ne populus mœroris tædio contabesceret, institutum est; & ex illo in hodiernum retentum, multis iam ac pene omnibus gregibus

L. II. *Retraet.* „tuis, & per cetera orbis imitantibus.“ Ex eodem S. AUGUSTINO liquet, c. 11.

suo ævo morem *Carthagine* cœptum, dicendi ad altare hymnos de psalmodiorum libro, sive ante oblationem, sive cum oblata populo distribuerentur.

De cursu Gall. Videtur MABILLONIO, & ex illis, quæ in superioribus passim ex S. AUGUSTINO attulimus, coniici potest, duobus modis in *Africa* psalmos fuisse pronuntiatos, nempe vel cantando ad DEUM laudandum, vel alta voce proferendo ad psalmum auscultandum. Primus modus alternis choris fiebat,

secundus per solum lectorem. Cum secundus modus fuerit inolitus, primus ex imitatione S. AMBROSI inductus fuisse videtur, condicto etiam in canendi partes populo. Nisi, concentum populi iam antea in *Africa* obtinuisse, ex OPTATO Milevitano concludere quis velit, incessante *Donatistis*, apud se solos Ecclesiam esse iactantes, cum prædictum sit, ut psalmis & hymnis in omni terra, & ab ortu solis usque ad occasum DEUS laudaretur.

L. II. *Fraudatis*, inter alia ait, *landes DEI, si vos soli landatis, totus tacebit orbis, qui est ab ortu solis usque ad occasum.* *Clausitis ora omnium christianarum gentium: indixistis silentium populis universis, DEUM per momenta laudare cupientibus.* Adhuc memorandus est S. AUGUSTINI discipulus S. FULGENTIUS, de quo in eius Vita FERRANDUS Diaconus sic scribit:

Cap. 19. *Summum quoque diligentiam præbuit, ne quis Clericus negotiis secularibus occupatus ab officio ecclesiastico diutius vacaret, iubens, omnes non longe ab eccl-*

ecclesia domos habere, manibus propriis hortum colere, psallendique suaviter ac pronuntiandi curam maximam habere. DAMASUM Romæ instituisse, ut die nocturne canerentur psalmi, non liquet. Negat BARONIUS, primam fuisse a DAMASO factam institutionem, cum constet ab initio viguisse in Ecclesia cum cantu diurnam, nocturnamque psalmodiam: sed fortasse aliqua forma a DAMASO præscripta, vel emendatum solum a S. HIERONYMO psalterium *Septuag. Intt.* canendum ecclesiis occidentalibus traditum est. In antiquissimo MS. *San-Gallensi* 900. circiter annorum, aliorum etiam Pontificum post DAMASUM studia laudantur circa cantum ordinandum. S. LEONIS nempe, GELASII, SYMMACHI, IOANNIS, BONIFACII &c. a) Monumenta quidem vetera hic deficiunt, ut hæc clariore luce donemus, quid singuli hi, aliisque Pontifices antiquiores, in adornando ecclesiastico cantu præstiterint. Iam supra p. 36. retulimus auctoritatem ONUPHRII; atque *Dominicus MAN-* Della disciplina del Canto eccles. p. 13. PETRUM *Urbevetanum* citat pro S. SILVESTRO P. Sæc. IV. cantus Romæ instauratore. ANASTASIUS vulgatus HILARIUM P. post medium Sæc. V. Ex S. LEONIS colligimus sermone in Cathedra S. PETRI, suaviter modulantium symphonias illic resonasse in festis: *Hinc itaque, inquit, solemnitatem nostram, ut ita dixerim, dilectissimi, duplice, ut dignum est, iucunditate colamus;* *non modo exterius, sed etiam interius, pleno animi desiderio celebremus.* *Hinc ergo suaviter modulantium symphonie resonent;* illinc concordes animorum motus concordent. *Constantinus-CAIETANUS* in notis ad vitam GELASII II. primordia cantus Romanæ Ecclesiae a Monachis *Benedictiuis* repetit, cuius rei S. BENEDICTUS auctor fuerit HORMISDAE P. De instituendis vero Romæ cantorum scholis, altera prope *Lateranum*, altera prope *Vaticanum*, consilium coepisse HILARIUM, in quibus Clericos *Basilicarios* Monachi erudierint ad cantus instituta, ut statim in Ecclesia diebus festis per annum recurrentibus diuinæ laudes rite persolverent b). Refertque ANASTASII Bibliothecarii de HOR-

a) „Beatus DAMASUS Papa adiuvante sancto HIERONIMO Presbitero vel ordinem ecclesiasticum discriptum de *Hierusalem* a præmisso sancto ipso DAMASO transmittente instituit, & ordinavit. Post hunc beatissimus LEO Papa annalem cantum omnem instituit, atque opuscula in canonica institutione luculentissima edidit, quam si quis ea usque ad unum iota non reciperit, vel veneraverit, anathema sit. Deinde beatus GELASIUS Papa similiter omnem annalem cantum seu & decretalia canonum honeste, atque diligentissime facto, in Sede beati PETRI Apostoli convento Sacrdotum plurimum conscripsit. Post hunc SIMMACHUS Papa similiter & ipse annalem suum cantum ededit. Iterum post hunc IOANNIS Papa similiter & ipse annum circuli cantum vel omni ordine conscripsit. Post hunc

MISDA
BONIFACIUS Papa, qui inspirante Sancto Spiritu & regolam conscripsit, & cantilenæ anni circuli ordinavit. Post hos quoque beatus GREGORIUS &c. “ Quæ suo loco referemus. b) „Divinas igitur (ait inter alia) laudes, & litterarum studia, hi sanctissimi Pontifices, iniuriis temporum coacti, non ea, qua par erat, celebritate cantabant, vel in academiis listebant; donec Omnipotens DEI fulmen, & tonitru BENEDECTUS HORMISDAE Pontifici Maximo clamavit, ut intrepide ministros in ecclesia choros collocaret, sacris præditos litteris, qui diu nocturne apte digneque ad altaria hymnos, psalmos, & cantica Conditori, ac Redemptori nostro, invitatis quibuscunque terrenis, aut infernis potestatibus, personarent. “

MISDA testimonium, quod Clerum composuerit, & psalmis erudiverit. Monachos ad id adscitos ab HORMISDA vult laudatus CAIETANUS. Cui consensit *Angelus de Nuce* in notis ad chronicon *Casinense*; sed hoc de S. BENEDICTO aliter vix constare potest, nisi si quid forte, eius erga rem divinam studium imitandi causa, ad celebritatem officii divini *Romæ* aut alibi assumptum est: cum BENEDICTUM *Romam* rediisse, postquam mundo renunciavit, nullis probatis auctoribus sciamus. In præfatione editi *Romæ* 1754. veteris Missalis *Romani* monastici *Lateranensis*, ut quidem inscribitur, ex historia PANVINII Basilicæ *Lateranensis*, quæ manuscripta servantur in eiusdem Basilicæ archivo, refertur sub IOANNE III. fugientes ex diruto a *Longobardis* monasterio *Casinensi*, *Romæ* suscepitos Monachos iuxta *Lateranensem* Basilicam monasterium construxisse sub titulo SS. IOANNIS *Baptistæ*, *Evangelistæ*, & PANCRATII, ubi per centum & triginta annos, quoad *Casinense* monasterium dirutum permanxit, perstiterint, & laicorum loco in *Lateranensi* Basilica sacras horas, & psalmos canere coeperint, canonicas tantum sacra in ea facientibus, & Sacraenta administrantibus. Sed rectius a MABILLO-
Annal. Lib. NIO ad an. circiter 580. sub PELAGIO II. hæc referuntur. Redeuntibus postea
VII. n. 1. an. *Casinum* Monachis istis, GREGORIUS III. ad eundem finem alios iterum constituit *Ad persolvenda quotidie sacra officia laudis divinæ in Basilica Salvatoris Domini nostri IESU Christi, quæ CONSTANTINIANA nuncupatur, iuxta Lateranas, diurnis nocturnisque temporibus ordinata, iuxta instar officiorum beati PETRI Apostoli*, uti in vita huius Pontificis refertur. Alterum monasterium SS. ANDRÆ, & BARTHOLOMÆI ab HONORIO P. iuxta PANVINIUM conditum, & ab ADRIANO I. in pristinum splendorem restitutum fuit, ut eiusdem monasterii Monachi in Basilica Salvatoris alternis choris cum Monachis alterius monasterii S. PANCRATII DEO psallerent. „Ab uno quidem (ut „ANASTASIUS, seu alias auctor in Vita HADRIANI I. loquitur) qui dudum „singulariter in utroque psallebant Monachi ex monasterio S. PANCRATII „ibidem posito, & ab alterno choro Monachi iam fati monasterii SS. „ANDRÆ & BARTHOLOMÆI HONORII Papæ, quatenus piis laudibus pariter „psallentes hymniferis choris læti resonent cantus, reddentes Domino glo- „riosum melos.“ Tertium monasterium fuit SS. SERGII, & BACCHI, in quo præter Monachos degebant etiam sacræ Virgines, quod cum PASCHALIS I. anno 817. adeo rebus omnibus destitutum reperiisset, ut sacræ Virgines, quæ in monasterio remanserant, sacras DEO laudes ob inopiam non amplius perfolverent, Monachos aliunde accersivit, voluitque, ut facros hymnos ac psalmos in Basilica *Lateranensi* nocte dieque decantarent. *Quatenus*, ut in laudati Pontificis vita habetur, *ipsa congregatio residens, omni necessitate postposita, soli DEO, Sanctisque eius, laudes, & hymnos nocte dieque*

dieque modulanter in venerabili ecclesia Salvatoris Domini nostri IESU Christi, sita iuxta Lateranas, decantaret. Hæc ex occasione eorum referenda hic duxi, quæ Constantinus CAIETANUS, & Angelus de NUCE de instituto Romæ, suau S. BENEDICTI, cantu canonico asseruerunt. Aliunde vero, dudum antea in Italia pariter, ac in Gallia cantum floruisse ecclesiasticum, certum est. Insigne, præter iam passim relata, in eam rem est S. PAULINI testimonium *In natali IX. S. FELICIS*, ubi NICETAM Dacorum, & Getarum Apostolum, & Episcopum, qui *Nolam* ad D. FELICIS reliquias peregrinatum venerat, ita alloquitur:

*Ingredere hæc, psalmis recinens Antistes, & hymnis;
Et mea vota refer Domino, & tua gaudia votis
Iunge meis, celebrans communis festa Patroni.
Hora opportuna pro peccatore rogabis,
Gaudentem Dominum te Confessoris honore.
Hoc duce, proclivi tua tramite vota ferentur.
FELIX divinas tibi prævius ibit ad aures,
Teque sacris psalmis, simul & devota litante
Obsequia, placido descendet Numine CHRISTUS,
Ut populum templumque sacra caligine velet,
Infundens niveam per operta sacraria nubem.*

Eiusdem S. PAULINI luculentum extat testimonium de ecclesiis, & monasteriis Galliæ, in epistola ad VICTRICUM Rotomagensem, de ipsa illa urbe Rotomago: *Ubi, inquit, quotidiano sapienter psallentium per frequentes ecclesiis, & monasteria secreta concentu, castissimis ovium tuarum & cordibus delectantur & vocibus.* Sidonii APOLLINARIS iam attulimus versus de Mamerto CLAUDIANO, psalmorum modulatore & Phonasco, qui ante altaria, fratre gratulante, instructas docuerit sonare classes. Qui nimirum ipse Clericos in cantu psalmorum instruebat, officium divinum ordinaverat, atque lectio-nes etiam per festa anni. In Gallia vixit circa ea tempora NICETIUS Episco-pus, cuius extant tractatus duo: alter: *de bono psalmodiæ*, alter *de vigiliis servorum DEI*. De S. CÆSARIO postea videbimus. Utrique idem fuit stu-dium, populum cum ad psalmodiæ consociationem, tum vigilias advocandi. Quas a quibusdam reprehendi innuit NICETIUS: *Sed a fide catholica & re-* *L. IV. ep. II.* *De Vigiliis servorum Dei.*

C A P U T II.

Quænam prima Ecclesiæ ætate in Sacrificio Missæ can-tari consueverint.

Semper ali-
qua in Missa
fuerunt can-
tata.

L. III. de Off.
c. I.



panem & vinum, quo reficeretur populus ad animarum salutem: sicut pri-mævis temporibus fiebat apud Apostolos. Paulo plus, conscriptis nempe iam De Institut. sacris paginis novi Testamenti, Rhabanus MAURUS concedit. Sed enim, in Cleric. c. 32. quid, in initio mos iste cantandi non erat, qui nunc in Ecclesiæ ante Sa-crificium celebratur, sed tamen epistolæ PAULI recitabantur, & sanctum evange-lium. Quodsi tamen auctori de traditione divinæ Missæ, quæ sub nomine S. PRO-CCLI Sæc. V. Ep. Cpolitani prostat, credimus, ipsique S. CRYSTOSTOMO amplior tunc longe, quam postea fuit hæc sacrosancta liturgiæ actio, decantatioque a).

Apud

a) „Etenim (ait) postquam Servator noster in cœlum assumpsus est, Apostoli priusquam per omnem terram dispergerentur, conspirantibus animis convenientes ad toto die orandum con-vertebantur: & cum multam consolationem in mystico illo dominici Corporis Sacrificio positam invenissent, fusissime, & longa oratione Missam decantabant, hæc enim divina sacra unacum docendi ratione coniuncta ceteris rebus anteponenda existimabant. Atque maiori & alacriori rerum divinarum & Sacrificii sacrosancti studio & de-fiderio flagrabant, & illud obmixte amplectebantur, quod in memoria semper haberent verbum illud Domini dicentis: *Hoc est Corpus meum,* &: *Hoc factum in meam commemorationem,* Et:

Qui manducat meam Carnem & babit meum San-guinem, in me manet, & ego in eo. Quare & contrito Spiritu multas preces decantabant, di-vinum Numen impense orantes: quin etiam eos, qui ex Iudeis ac Gentilibus reenter illustrati erant, ad religionem DEI & pietatem eruditabant, docebantque, veteri doctrina relata sacris illis & pietate plenis Missæ mysteriis sensus suos, & mentem imbuere. Per has igitur pre-ces Spiritus Sancti adventum exspectabant, ut eius divina præsentia propositum in Sacrificium panem, & vinum aquæ permixtum, ipsum il-lud Corpus & Sanguinem Servatoris nostri IESU CHRISTI efficiat. Qui quidem religiosus ritus observatur ad hoc usque tempus, & ad finem

Apud DIONYSIUM singularis habetur phrasis ἐπανέων ἐνχαιρισίας. Vocis ἐπανέων notionem explicavimus superiore capite, tractantes de cantu responsorio, succentu ac responsionibus populi, quo accipienda est DIONYSII locutio, non de auditione Missæ. Illo sensu familiaris S. IUSTINO Martyri est vox ἐπευφημεῖν acclamare, ac secunda respondere voce, ubi in Apologia II. ad ANTONINUM Pium descriptionem luculentam sacræ liturgiæ facit; primo- *Apol. I. n. 65.*
que occurunt Communes preces & pro nobismetipsis, & pro eo, qui illuminatus est, & pro aliis ubique omnibus intento animo.... Invicem osculo salutamus, ubi desimus precari. Deinde ei, qui fratribus praest, panis affertur, & poculum aquæ & vini: quibus ille acceptis laudem & gloriam universorum parenti per nomen Filii, & Spiritus Sancti emittit, & Eucharistiam, sive gratiarum actionem pro his ab illo acceptis donis prolixe exsequitur. Postquam preces & Eucharistiam absolvit, populus omnis acclamat AMEN. AMEN autem hebræa lingua idem valet ac fiat. Postquam vero is, qui praest, preces absolvit, & populus omnis acclamavit &c. Vides hic precibus absolutis emitte prolixam gratiarum actionem, ad quam populus acclamavit Amen. Quod paulo post adhuc articulatius prosequitur, quo- *Num. 67.*
modo in omnibus oblationibus divina laus fuerit peracta, atque post lectio-
nes sacras exhortationemque, postque communes preces, gratiarum actionem emiserit, populo acclamante Amen. Quæ vocis contentio, totis viribus emissa, populique acclamatio a precibus ipsis distincta, si non articulatum cantum, plus tamen aliquid, quam solam vocalem orationem designat: quandoquidem a simplici prece expresse S. Martyr distinguit. In liturgia, quæ libro VIII. Constitutionum apostolicarum inserta legitur, his simillima articulatim exponuntur, quæ hic summatim indicantur. Idque etiam singulare notatur pro illis difficillimis Ecclesiæ temporibus, quibus vix publicos conventus habere licuit: *Si neque in domo neque in Ecclesia congregatio L. VIII.*
potest agitari; unusquisque apud se psallat, legat, precetur; vel duo aut tres simul. Ubi eadem tria distinguuntur officia psallendi, legendi, precandi. *Constit. apost. c. 34.*
Facile vero quisque largiatur tunc pressam Ecclesiam, et si nihil residui fererit, quod ad celebritatem tanti mysterii pertinuit, non potuisse tamen eodem, quo deinceps ornatu, apparatuque rem peragere; neque eam canendi rationem adhibuisse, quæ deinceps semper magis invaluit. „Non „infior (sunt verba Antonii BELLOTE) olim confuse, & quasi in chorea *In rit. lau-*
„cantari solitum; imo & Missam forte sine cantu celebratam. Scimus enim, *dum. p. 66.*

„cantatæ

usque saeculi florebit. At posteri abiecta fidei
firmitate, & fervore negotiis huiuscem mancipati,
& immersi, Missæ longitudinem (ut dixi)
pertulsi, vix conveniebant ad audienda Domini
verba.“ S. CHRYSOST. hom. 27. in I. ad Cor.

„Cum sacras (inquit) illas cœras Apostoli ac-
cipiebant, quid tum faciebant? Nonne in pre-
ces convertebantur, & hymnos? Nonne in fan-
tas vigilias? Nonne in longam illam doctri-
nam, & multæ plenam philosophiæ.“

„ cantatæ seu caritandæ Missæ nomen dupliciter sumi posse; aut enim si-
 „ gnificat omne genus Missæ, quod apparatissima pompa conficitur, velut id,
 „ cui Diaconi, ac reliqui Clericorum Ordines inferviunt; aut signat aliquando
 „ eam liturgiam, quam cum Sacerdote cantores musico concentu alternant:
 „ priori modo sumpta Missa cantata ipsis Apostolorum temporibus receptissima
 „ fuit, quod declarant non modo DIONYSIUS *Areopagita*, sed etiam IACO-
 „ BUS, & MARCUS, cæterique liturgiarum scriptores; quorum ille libro *de*
 „ ecclesiastica Hierarchia; hi in Missis a se exaratis Diaconorum & reliquorum
 „ ecclesiastici Ordinis virorum Sacerdoti infervientium pluribus locis memi-
 „ nerunt, ut legentibus patet.“ Cum enim tunc temporis in Christianos
 tyrannorum ira debacharetur, cantu facile prodi potuissent fideles, & ad
 necem rapi, conventus publicos agentes. „Quod nunc agimus (inquit

De rebus ec- cleſiast. c. 22. „Walafridus STRABO) multiplici orationum, lectionum, cantilenarum, &
 „ consecrationum officio, totum hoc Apostoli, & post ipsos proximi (ut
 „ creditur) orationibus & commemoratione Passionis Dominicæ, sicut ipse
 „ præcepit, agebant simpliciter: unde circa domos, secundum superius com-
 „ memorata testimonia, frangebant panem. Quod etiam alia sententia LUCAS
 „ declarat dicens: *Una autem Sabbati, cum convenissemus ad frangendum*
 „ *panem, & reliqua.* Et relatio maiorum est, ita primis temporibus missas
 „ fieri solitas, sicut modo in Parasceve Paschæ..... Proficiente dehinc
 „ religione amplius aucta sunt a CHRISTI cultoribus officia Missarum.“ TERTULLIANUS tamen in libro *de Oratione* iam saeculi secundi nobis disci-
 plinam describens, liturgiam scilicet Christianorum, *Orationem DEI propriam,*
& acceptabilem, quam scilicet requisiuit, quam sibi prospexit, subdit: *Hanc*
de toto corde devotam, fide pastam, veritate curatam, innocentia integrum,
castitate mundam, Agape coronatam, cum pompa operum bonorum inter psal-
mos & hymnos deducere ad DEI Altare debemus. Id etiam in comperto est,
 frequentes suisse populi responsiones, & acclamations, ex liturgiis veteribus
 omnibus, quæ licet ad nos, non ea, qua primum erant simplicitate, de-
 latæ fuerint, in hoc tamen convenienter omnes: & postquam rubricæ ad Or-
 dinem ministerii sacri adiungi coeperunt, paſtim tum Sacerdotis, & ministro-
 rum, cum populi προσφῶντι ac vocis exaltationem, cantumque præscri-
 bunt. Veluti in liturgia S. IACOBI, quæ convenit cum ea, qualis apud S.
CYRILLUM Hierosolymitanum Sæc. IV. describitur. Ubi expresse memorat
Vocem psallentis divina quadam melodia. Idque accuratius in Ecclesia Græca
 usque ad hodiernum diem servatur apud orientales, ut nunquam sine cantu
 sacram peragant liturgiam, quemadmodum a RENAUDOTIO est observatum,
 qui varias edidit orientales liturgias. Quas inter communiter receptæ sunt
 SS. BASILII, & CHRYSOSTOMI; Missa etiam præsanctificatorum, quæ iuxta
 Can. 25.

Can. 52. *Trullanum* in omnibus sanctæ quadragesimæ ieunii diebus, præterquam Sabbato, & Dominica, & sancto Annuntiationis die, fit, a SOCRATE iam descripta. *Et leguntur scripturæ, & Doctores eas interpretantur, & Lib. V. c. 22.* omnia, quæ ad synaxin spectant, administrantur præter mysteriorum consecrationem. Singulæ hæc habentur in Euchologio Græcorum, ac passim in manuscriptis, cuiusmodi in Bibliotheca Barberina vidi liturgiæ S. BASILII exemplar mille annorum; rotulum etiam antiquissimum apud P. BLANCHINIUM; memoranturque in Can. XXXII. *Trullano*, LEONTIO BYZANTINO contra *Lib. III.* NESTORIUM, & EUTYCHETEM, & alibi. In laudata traditione divinæ Missæ, S. BASILIO, & S. CHRYSOSTOMO id tribuitur, quod breviorem reddiderint a). Utriusque paulo ante studium in adornando sacro cantu vidimus. Intelligimusque ex vetustiore his EUSEBIO, quomodo, præsertim in celebriori diei Dóminicæ conventu, sacraque Eucharistiæ synaxi, psalmos una multitudinis voce concinendi mos obtinuerit b). Nempe: *Psalmorum sacra modulatio, quæ mysteriis hierarchicis fere omnibus quasi substantialis coniungitur, ab omnium sanctissimo nequaquam erat divellenda;* Ut loquitur DIONYSIUS. Ex quibus elucefecit frequens psallendi in Sacris usus, & quidem in solemní Sacrificio iuxta EUSEBIUM, quod diluculo celebrari solebat, exceptis diebus ieunii, de quibus, quotidianis etiam in Quadragesima oblationibus, insig-
gnis

a) „Quamobrem & divus BASILIUS medica quædam ratione usus, breviorem eam concisiorēmque reddidit. Haud vero multo post pater ille nostra aurea præditus lingua IOANNES, de ovium salute, ut Pastorem decet, strenua enra sollicitus naturæ humanæ socordiam, ignaviamque respiciens, fibras omnes ac radices satanici prætextus huius volniti evellere; & idcirco multa præcidit, & concisiori preffiorique oratione sacram conficiendum statuit.“

b) „Nam (inquit EUSEB. in psalm. XCI. n. 4.) & Sacrificia, & oblationes, quæ hostiæ laudis vocantur, per solvimus: incensum boni odoris emittimus, de quo dictum est, *Fiat oratio mea sicut incensum in conspectu tuo.* Imo & iam panes propositionis offerimus. (Et mox) Verum etiam ea, quæ in psalmo præsenti recensentur, illa die perficere fatagimus, & opere, & verbis confitentes Domino, & psallentes nomini Altissimi.... Quia vero confessio pro gratiarum actione item accipitur, ut iam diximus, iure Dominica die gratiarum actiones Domino reddimus, ubique terrarum in Ecclesiis eius congregati. Cum autem per confessionem progressum, & augmentum acceperimus, tum iubemur psal-

lere ad meliorem animæ statum proiecti: aucti vero ac meliores effecti hæc aliis annunciare, ac eos, qui ad nos proximè accedunt, misericordias DEI edocere præcipimus: atque id agere matutinis horis, quasi primicias diurnarum actionum doctrinæ de DEI misericordia dicantes. “Nimirum quo tempore semper Eucharistiæ celebrari consuevit. Sic alibi in illud psalm. XXI. *Narrabo nomen tuum fratribus meis, in medio Ecclesie laudabo te.* n. 17. „His porro cultum in Ecclesia eius Dominica die per totum orbem diluculo celebrari solitum propheticæ indicat. Nam cum dicitur, *In medio Ecclesie laudabo te,* locus significatur, in quo se Patrem celebraturus CHRISTUS pollicebatur; his antem verbis, *Et celebrabo diluculo misericordiam tuam,* tempus declaratur, quo paternam misericordiam per omnes gentes effusam unigenitus eius per populum suum de illa gaudens, exultansque celebrat. *Et hoc, inquit, omnia redam tibi: quia factus susceptor meus, & refugium meum in die tribulationis mee.* His quippe omnibus a Patre beneficiis ornatus iure celebrabo misericordiam tuam, egoque ipse tibi psalam.“

gnis est S. AMBROSI locutus Enarrat. in Octonar. octavum Ps. CXVIII. ad vers. 6. *Indictum est ieunium, cave ne negligas. Et si te fames quotidianum cogit ad prandium, ut intemperantia declinet ieunium, tamen cœlesti magis te servato convivio.* Non epulæ paratae extorqueant, ut cœlestibus sis vacuus Sacramentis. Differ aliquantulum, non longe finis est diei: immo plerique sunt eiusmodi dies, ut statim meridianis horis adveniendum sit in ecclesiam, canendi hymni, celebranda oblatio. De Sabbato, & Dominica posteriora verba sunt capienda, quibus solemnis erat, soluto ieunio, Officium. Ge-

L. I. c. 10. de- neraliter loquitur EUSEBIUS: Igitur & sacrificamus & incendimus, alias qui- monst. evang. dem memorium magni illius Sacrificii, secundum ea quæ ab ipso tradita sunt, mysteria celebrantes, & gratias DEO pro salute nostra agentes, religiososque hymnos & orationes sanctas illi offerentes. S. AUGUSTINUS, ut iam p. 32. memini, suo tempore coepit Carthaginē memorat morem, dicendi ad altare hymnos de psalmorum libro, sive ante oblationem, sive cum oblata populo distribuerentur. Et S. HIERONYMUS in illud ISAIÆ 66. Quomodo si offerant filii ISRAEL victimas suas mibi cum psalmis in domo Domini: offerimus, inquit, spirituales hostias placentes DEO: psallimusque spiritu & sensu &c. Cantus vero, ut patet ex dictis, maxime responsorius fuit. Colligitur id etiam ex c. 17. & 18. regula S. PACHOMII. In die Dominica & collecta, in qua offerenda est oblationis, absque præposito domus & maioribus monasterii, qui alicuius nominis sunt, nemo psallendi habeat potestatem. Psallente autem quolibet de maioribus, id est, dicente responsoriū, si quis defuerit, statim ante altare pœnitentiae, & increpationis ordinem sustinebit. Monachis, ac Eremitis etiam solemne fuisse ad synaxin convenire die Dominica, ex CASSIANO, & aliunde constat. In vita S. SAMSONIS Episc. Dolensis post medium Sæc. VI. narratur, cum adhuc in eremo esset, per cunctos Dominicarum dies ad Missam cantandam, & ad CHRISTI communionem venisse in oratorium. Et paucum post: Castellum, ad quod Sanctus SAMSON cunctis Dominicarum diebus cum tribus... fratribus placabilem inibi DEO regulam coletibus ad Missam cantandam veniebat. Antea, ut id obiter commemorem, animæ fratri mortui fit mentio, quæ vix per eius suggestionem, & Sanctorum orationes, ac Missas multas cantatas redempta fuit. Monachos vero, aliunde psalmodiæ assuetos, iuxisse etiam suas vocibus cantantium, quis dubitet? communibus saltē populi responsoriis ad solemnes Sacerdotis, aut cantoris voces, aut promiscuis fidelium cantibus, de quibus diximus capite superiore. Excessum hic aliquem S. AMBROSIUS notare videtur, circumsonare Sacraenta confusis vocibus, ut impediatur oratio pro salute deponita omnium. Sacraenta sunt celebratio sacrorum mysteriorum, seu Missæ apud antiquos, quam in rem vide complura testimonia apud MENARDUM. S. AUGUSTINUS hunc

*T. I. Annal.
Ord. S. Ben.
p. 176.*

*L. III. de
Virgin.*

*Not. 2. in
libr. Sacram.*

hunc universalem ecclesiæ usum memorat, ISAIÆ eundem respiciens locum: *L. XX. de Comparavit autem, inquit, illos Dominus tanquam per similitudinem filiis civitate DEI ISRAEL, offerentibus ei suas hostias cum psalmis in domo eius, quod ubique iam c. 18.* facit Ecclesia. Et in celebri ad IANUARIUM epistola de psalmorum cantu omnia paucis complectitur: *Quomodo autem, inquit, non est tempus, cum in Ecclesia fratres congregantur sancta cantandi, nisi cum legitur aut disputatur, aut communis oratio voce diaconi indicitur. Aliis vero particulis temporum quid melius a congregatis christianis fiat, quid utilius, quid sanctius omnino non video.* In sermone 251. de tempore, nunc S. CÆSARIO Arelatensi vindicato, singulare habetur, quod hic notem: *Adhuc quoque, quod valde dolendum est, conqueri vobiscum volo; quia sunt aliqui, & maxime potentes istius mundi, qui cum veniunt ad Ecclesiam non sunt devoti ad laudes DEI celebrandas, sed cogunt Presbyterum, ut abbreviet Missam, & ad eorum libitum cantet.* Liturgia Gallicana antiquissima S. GERMANI ex codice MS. antiquissimo medii saeculi sexti descripta ac edita a MARTENIO T. V. Anecdotorum unica est ex illa antiquitate, quæ, quid etiam in choro can- p. 91. & seq. taretur, contineat. Sic vero incipit: „GERMANUS Episcopus Parisiensis scripsit „de Missa. Prima igitur ac summa omnium carismatum Missa canetur, „in commemoratione mortis Domini, quia mors CHRISTI facta est vita „mundi, ut offerendo proficerit in salute viventium & requiem defuncto- „rum.“ Notandum hic est, quod de Musæo Presbytero Massiliensi GEN- NADIUS de Viris illustribus refert: *Sed & ad personam Sancti EUSTASII Episcopi c. 79.* successoris prædicti hominis DEI, composuit Sacramentorum egregium, & non parvum volumen, per membra quidem pro opportunitate officiorum, & temporum, pro lectionum textu psalmorumque serie & decantatione discre- tum: sed supplicandi DEO, & contestandi beneficiorum eius soliditate sui consentaneum. Apud eundem GENNADIVM VOCONIUS Castelani in Mau- c. 78. ritania Episcopus composuisse dicitur volumen Sacramentorum. Eodem per- tinet SIDONII Apollinaris liber de Missis ab eo compositis, cui se præfatio- nem coniinxisse, testatur GREGORIUS Turon. Ubi plenus declaraverit, L. II. hift. quod hic breviter narrat contigisse Quadam die, ut ad festivitatem Basilicæ Franc. c. 22. monasterii . . . invitatus accederet: ablatoque, pergit, sibi neqniter libello, per quem sacrosancta solemnia agere consueverat, ita paratus a tempore cun- ctum festivitatis opus explicuit, ut ab omnibus miraretur, nec putaretur ibidem hominem locutum fuisse, sed Angelum. TILLEMONTIUS putat librum T. XVI. H. illum eundem esse posse ac contestationiculas, quas ipse se dictasse testatur. E. p. 277. Contestationes saltem constanter cum collectarum libris coniunctæ fuerunt. L. VII. ep. 3. Sed eiusmodi libri Sacramentorum, quæ ad cantum spectabant, non com- pletebantur, quæ ad officium Sacerdotis pertinebant. Talis fuerit liber my-

100 L. I. QUÆNAM PRIMA ECCLESIAE ÆTATE

steriorum S. HILARII, quem unacum libro hymnorum commemorat S. HIE-
De script. ec- RÓNYMUS. Et laudatus GENNADIUS de S. PAULINO Nolano: *Fecit & Sacra-*
c. 100. *mentarium, & hymnarium.*
c. 48.

Mox in In-
troitu. II. De COELESTINO P. refertur in libro pontificali, & apud ANASTA-
SIUM: *Constituit ut psalmi DAVID CL. ante sacrificium psallerentur antiphon-
natim ex omnibus: quod antea non fiebat, sed tantum epistolæ B. PAULI
recitabantur, & Sanctum Evangelium.* Antiquus Pontificum Romanorum
catalogus apud SCHELSTRATIUM habet, constituisse, ut antiphona ante Sa-
crificium caneretur, quod antea non fiebat. Quod idem ex MS. cod. Pa-
c. 6.
Eccl. Afric. Latino citat HENSCHENIUS in actis SS. adnotatque: „Scilicet cum aliquo ex
Difser. II. die 6. p. 544. „ dicitis psalmis, quod iam dicitur *Introitus Missæ*, constans antiphona una
„ & psalmo: sed cuius solum principium cani, ipsumque addito *Gloria Pa-*
„ tri, & resumpta antiphona concludi, subsequentium seculorum usu, usque
„ in hodiernum diem observato, invaluit.“ Qua de re suo loco. De mo-
do vero ac ratione cantus antiphoni a COELESTINO P. instituti nihil deter-
minari potest. Apud WARÆUM PATRICIUS ad *Hibernos* a COELESTINO
missus, in chronico Anonymi cuiusdam Monachi Cœnobii *Malmesburiensis*,
p. 144. dicitur *constituisse, ut psalmi antiphonatim canerentur a choro ad chorūm.*
Quod ad institutionem COELESTINI P. referri potest, quam ei in acceptis re-
ferunt, quotquot medio ævo de officiis scripserunt, sub nomine ALCUINI,
centones, AMALARIUS, Rhabanus MAURUS, Walafridus STRABO, BERNO,
& ex Historicis MARIANUS SCOTUS lib. II. SIGEBERTUS ad an. 416. & MAR-
TINUS Polonus, qui addunt: *Ex hoc instituto excerpti ex psalmis INTROITUS,*
GRADUALIA, OFFERTORIA ante Sacrificium, COMMUNIONES inter communican-
De observat. *dum cum modulatione ad Missam in Ecclesia Romana cantari cœperunt.* RADUL-
c. 23. PHUS Tungrensis: *Non antem intelligendum, quod COELESTINUS primo in-*
triduxit psalmos dici particulatim ante Sacrificium, immo ab initio diu ante
eum a patribus sunt servati. Unde CASSIANUS libro III. de institutis Mo-
nachorum c. 10. Verum ne hoc quidem ignorandum, die Dominica unam
tantummodo Missam ante prandium celebrari. In qua psalmorum, atque ora-
tionum, seu lectionum pro ipsius collectæ vel communionis Dominicæ reveren-
tia solemnius aliquid impendentes, in ipsa TERTIAM, SEXTAMque pariter con-
summatam reputant. Licet vero Tungrensis deceptus sit in notione *Missæ*,
quæ dimissionem in CASSIANO significat; id tamen patet, quod ob Sacrificium
pro ipsius collectæ vel communionis Dominicæ reverentia solemnius aliquid
fuerit impensum, Tertia ac Sexta simul consummata, id est, publice in ec-
clesia, ut hodie fit, contra morem antiquorem Monachorum celebrata. Alio-
quin adhuc tempore S. AUGUSTINI a salutatione (quemadmodum etiam apud

Græ-

Græcos, ut palam est ex liturgia S. MARCI) & lectione Scripturarum sacramentum Officium sacrum fuit incoepum: *Procedimus*, inquit, *ad populum, plena erat ecclesia, personabat vocibus gaudiorum, DEO gratias, DEO laudes,* pro miraculo scilicet sanitatis cuidam iuveni collatae, nemine tacente, hinc atque inde clamantium. *Salutavi populum, & rursus eadem ferventiore vocem clamabant.* Facto tandem silentio, Scripturarum divinarum sunt lecta solemnia. Quod antea intelleximus ex SIGEBERTO, & aliis, COELESTINI instituto excerptos fuisse ex psalmis *Introitus &c.* confirmari videtur ex Concilii Agathensis Canone 30. celebrati ineunte saeculo sexto, ubi ita habetur: *Et quia convenit ordinem Ecclesie ab omnibus æqualiter custodiri, studendum est, ut sicut ubique fit, & post antiphonas collectiones per ordinem ab Episcopis, vel Presbyteris dicantur.* Nisi tamen hoc potius ad horas canonicas spectet, more veteri *Gallicano* iuxta Card. THOMASIUM. Ad rem pertinet, quod ex liturgia S. GERMANI edocemur, ab antiphona fuisse inceptam Missam, quæ apud nos *Introitus*, in liturgia vero *Ambrosiana, Ingressa* dicitur, quamque cum versu psalmi & *Gloria Trinitatis* iam tunc chorus præcinebat, uti legitur in prædicta liturgia S. GERMANI, cum hoc barbaro quidem, sicut pleraque, titulo *De prælegere*: „Antiphona ad prælegendo „canetur, in specie Patriarcharum illorum, qui ante diluvium, adventum „CHRISTI mysticis vocibus tonuerunt . . . Sicut enim prophetantibus ve- „nit manus Domini super arcam. . . . Ita psallentibus Clericis procedit „Sacerdos in specie CHRISTI de Sacrario tanquam de cœlo in arca Domini, „quæ est Ecclesia.“ Sed hic cavendum, ne notionem antiphonæ, quæ postea inolevit, cum cantu ipso antiphono seu alterno psalmorum confundamus, quod ex institutione COELESTINI P. obtinuisse diximus; quem tamen modum canendi haud expreslit S. LEO M. in anniversario die assumptionis Serm. II. suæ ad Summi Pontificis munus, de Psalm. CIII. verba faciens, accommode ad Missam illius solemnitatis cantato: Unde (inquit) & *Davidicum psalmum dilectissimi non ad nostram elationem, sed ad CHRISTI Domini gloriam consona voce cantavimus.* Ipse est enim, de quo propheticæ scripsi: *Tu es Sacerdos in aeternum secundum ordinem MELCHISEDECH.*“ Forte quis coniiciat, hunc ipsum versum pro antiphona ad solemnitatem illam adhibitum fuisse. Sed nec quidem constat, an ad initium Missæ hæc pertinuerint, an post lectionem, ubi cantus responsorius fuit frequentatus? De quo mox. Ex DIONYSIO, vulgo *Areopagita*, discimus, etiam apud *Græcos* a psalmorum melo fuisse inceptam liturgiam, at ordiente ipso Pontifice, Ordine ecclesiastico prosequente. „Pontifex aufpicatur sacram psalmorum De eccl. hier. „melos: omni Ordine ecclesiastico sacram ipsi psalmodiam succinente. Et sub nomine S. THOMÆ Apostoli: „Episcopus inchoans Eucharistiæ celebra-

L. XXII. de
civ. DEI.
c. 8.

Præf. in psal-
ter. p. XI.

Serm. II.

De eccl. hier.

c. 3.

„tionem, secundum consuetudinem Apostolorum incipit a thurificatione „veniens de altari ad chorū, & iterum revertitur ad altare incipiens de „cantare psalmos simul cum choro. (Et:) cum igitur huiusmodi hymno „rum modulatio, quæ sacra omnia continet, animales habitus nostros con „grua dispositione præparaverit ad ea, quæ paulo post sunt celebranda my „steria, divinorumque carminum concentu, atque consensu unicam illam „ad divina, & ad semetipsos, atque ad alterutrum consensionem, & con „cordiam, quasi una concordi & consona sacrarum rerum chorea institue „rit; ea quæ in psalmorum modulatione spirituali concisiora sunt, atque „adumbrata magis pluribus manifestioribusque figuris, ac recitationibus fa „cratissima divinarum scripturarum lectione dilatantur.“ In liturgia S. IA „COBI, præmissa oratione Episcopi, sequuntur orationes „Cum incenditur thus „in ingressu. Deinde canere incipit Diaconus in ingressu: *Unigenite fi „li &c.*“ De tribus antiphonis *Græci* ritus dicemus lib. II. Huc etiam pertinet solemnis ad stationem processio cum litaniis ac psalmis, quem ve

Epist. 40. ad Theod. n. 16. terem ritum iam S. AMBROSIUS appellat, ubi Monachis a VALENTINIANIS prohibitum memorat, *Iter, quo psalmos canentes ex consuetudine, usque veteri pergebant ad celebritatem MACHABÆORUM Martyrum.* Solemnes, Romæ imprimis, fuerunt ab antiquissimis temporibus ad condicātā stationem a collecta populi alio in loco seu Ecclesia facta, processiones, ut ex antiquissimis ordinibus *Romanis* constat. Quodque frequens *Kyrie eleison* in huiusmodi supplicationibus resonabat, inde idem initio Missæ cantus originem ducere non dubito.

Frequens Ky
RIE ELEI
SON &c. re
petitio.

L. II. diff.
Epist. 7.

Lib. VIII.
c. 9. 10.

T. II. p. 41.
&c.

III. Iuxta liturgiam S. MARCI mox post salutationem *Pax omnibus*; a Sacerdote dictam (uti etiam ex S. AUGUSTINO notavimus) Diacono inclinante *Orate*, populus ter dicit, *Kyrie eleison*, quod saepius deinceps repetitur in aliis etiam orientalibus liturgiis, imo usu etiam apud gentiles frequenti, quod ex ARRIANO discimus: *DEUM invocantes precamur eum Kyrie eleison.* Videturque, idem factum fuisse ad singulas precatio[n]es dia προσφωνήσεως per exclamacionem notatas in constitutionibus apostolicis: quemadmodum c. 7. prescribitur pro catechumenis: *Porro in singulis horum, quæ Diaconus proloquitur, ut iam diximus, populus respondeat, KYRIE ELEYSON, & ante cunctos pueri.* Et pro baptizandis: „Adhuc intente omnes pro ipsis dicamus; *Kyrie eleison.* Quemadmodum etiam in liturgia *Ambrofiana* in cipiente Diacono, & choro respondentे *Domine miserere.*“ Et iam S. AUGUSTINUS seu potius *Vigilius TAPSENSIS*, vel quisquis est auctor altercatio[n]is cum PASCENTIO Ariano in appendice, universalem eum morem in Ecclesia collaudat: „Sicut enim (inquit) *Græca* lingua quod est ὁμούσιον;

„una

„ una dicitur vel creditur a fidelibus Trinitatis omnino substantia , sic una *Sub finem col-*
 „ rogatur ut misereatur a cunctis *Latinis & Barbaris* unius DEI natura, *lat. cum Pasc.*
 „ ut a laudibus DEI unius nec ipsa lingua Barbara sit , ullatenus aliena. *Ariano.*

„ Latine enim dicitur, *Domine miserere.* Sola ergo hæc misericordia ab
 „ ipso uno DEO Patre , & Filio , & Spiritu Sancto lingua debet hebræa
 „ vel græca , aut ipsa ad postremum postulari latina , non autem & bar-
 „ bara? si enim licet dicere , non solum *Barbaris* lingua sua , sed etiam
 „ *Romanis fibora armen* , quod interpretatur , *Domine miserere* , cur non
 „ liceat &c. “ Quod si secundum *Saxonem grammaticum* apud DU-FRES-
 NIUM in *Glossario*, legendum sit *Her thius forbarme* lingua *Gothica* , no-
 stræ *Germanicæ* conveniret. In Concilio *Vasenſi* II. illustre habetur exem-
 plum de personante ubique suaviter *Kyrie eleison*: „ *Quia tam in sede apo-*
 „ *ſtolica* , quam etiam per totas orientales , atque *Italiæ* provincias dulcis
 „ & nimium salutaris consuetudo est intromissa , ut *Kyrie eleison* frequen-
 „ tius cum grandi affectu & compunctione dicatur, placuit etiam nobis, ut
 „ in omnibus Ecclesiis nostris ista tam sancta consuetudo & ad matutinos,
 „ & ad Missas , & ad vesperam DEO propitio intromittatur.“ In litur-
 gia S. GERMANI sequentem in modum legitur sententia non integra: „ Tres
 „ autem , qui ore uno ſequentes *Kyrie eleison* , hebræa ſcilicet , græca , &
 „ latina , vel trium temporum ſæculi , ante legem ſcilicet , sub lege , &
 „ sub gratia.“ Agitur autem simul de *Aius*, seu *Agios*, de quo paulo post.

c. 3.

IV. S. CHRYSOSTOMUS unacum *Kyrie eleison* , ἐλέησον με ὁ Θεός , *mife-* GLORIA IN
rere mei DEUS , meminit doxologiæ angelicæ *Gloria in excelsis DEO* , dum EXCELSIS.
 populum reprehendit ob indecoras gesticulationes , & inconditos clamores
 in Ecclesia a). Idem eiusdem hymni meminit , describens , quomodo qui
 vitam asceticam conſectantur, illico , postquam e-lectulo surrexerint , choro
 conſtituto , integra conſcientia omnes quaſi ab uno conſonantes ore, di-
 ligenter hymnis laudare DEUM , gratias pro universis tam propriis , quam
 communibus beneficiis agere , & inter alia , ſimiles angelis in terra, canere
 ſoliti ſint *Gloria in excelsis*. Apud CÆSARIUM , & AURELIANUM in regulis
 idem in matutinis horis pro diebus paſchalibus , itemque pro ſingulis do-
 minicis , & maioriibus festivitatibus præſcribitur. Et *Alexander Acoemetes*
 insti-

a

a) „ *Miferere mei DEUS* , inquis (ait Homil. in
 ISAIAM) ac mores a mifericordia alienos de-
 claras. Clamas , *Serva me* , & corporis ſpeciem
 a ſalute alienam exprimis. Quid ad ſupplican-
 dum conferunt manus , quaꝝ ſemper in ſublime
 iactantur , & indecore circumaguntur , quid
 clamor vehemens , qui cum violento Spiritu
 impulſu ſtrepitum habet , nihil certi declarantem.

An non iſta quidem partim ſunt mulierum in
 triviis meretriciam artem exercentium : partim
 vero eorum , qui in theatris vociferantur , ſunt
 exempla ? Quomodo igitur audes Angelorum
 DEUM glorificantium hymnis ἀγγελικῆ ταύτῃ
 δοξολογίᾳ dæmonum admifcere Iudica ?“

15. *Iuniar.* instituisse dicitur apud BOLLANDUM, „Hymnologiam Sanctorum Angelorum „nocte ac die septuagies septies decantari, scilicet: *Gloria in altissimis DEO,* „*& in terra pax hominibus bonæ voluntatis.*“ S. ATHANASIUS in libro *de Virginitate* eundem hymnum commendat Virginibus etiam privatim sub di-
- L.VII. c. 47. luculo recitandum, iamque in *Constitutionibus apostolicis* vocatur προστευχὴ ἐωθινὴ *Oratio matutina*: ubi integer, paucis immutatis reperitur, ut hodie-
que canitur. Ut adeo S. HILARIUS auctor additionum earum haberi non
possit (quas Concilium Toletanum IV. ab ecclesiasticis Doctoribus factas
folummodo commemorat) quod inter alios auctor chronici *Turonensis* apud
MARTENIUM T. IV. in praefatione afferit: „Hic composuit *Gloria in ex-*
„*celsis DEO, & in terra pax hominibus.*“ Sunt vero qui a LUCIANO eum
indigitari putent, ubi de hymno πολυωνύμῳ, tanquam a Christianis usurpari
solito, loquitur: quos inter Thomas SMITH ecclesiae *Anglicanæ* Presbyter,
qui ad saeculum II. & ætatem LUCIANI irrisoris referendum censet. Laudatus
auctor chronici *Turonensis* SYMMACHUM P. instituisse dicit, in Dominica,
& festis Martyrum cantari *Gloria in excelsis*; olim vero in nocte Nati-
talis Domini tantummodo decantatum fuisse. Liber pontificalis sub nomine
DAMASI TELESPHORO P. tribuit: „Ut ante Sacrificium hymnus diceretur angeli-
„cus, hoc est, *Gloria in excelsis DEO.*“ Qui medio ævo de officiis divinis scrip-
serunt, non tantum hac auctoritate nixi, eam institutionem TELESPHORO tribue-
runt, verum etiam passim adoptant, quod habetur in spuria eiusdem Pontificis
decretali, de hymno illo in nocte sancta Nativitatis Domini Salvatoris decantando,
quoniam & eadem nocte ab Angelo pastoribus nunciatus est. Dubium hic
De rebus ec-
clesiasticis. c. 22. movit Walafridus STRABO: „Si idem (inquit) hymnus huius Papæ tempo-
„ribus ante Sacrificium cœpit dici: cur longo tempore post sub COELE-
„STINO legatur, tantum ante Sacrificium lectionem Apostoli, & evangelium
„præcessisse, ut ille necessario de psalmis DAVID antiphonas, quæ ante
„ipfas lectiones cantarentur, præposuisse videatur? Ubi respondendum est,
„constitutum quidem fuisse a TELESPHORO, ut idem hymnus in capite Mis-
„sæ diceretur, sed apud posteros ipsam eius Constitutionem intermissam,
„donec a sequentibus plenius totus ordo Missæ componeretur: sed ita sta-
„tutum ab eo, ut ipse hymnus in summis festivitatibus, & a solis Episco-
„pis usurparetur, quod etiam in capite libri Sacramentorum designatum vi-
„detur, & ideo scriptum esse, usque ad tempora COELESTINI ante Sacrifi-
„cium lectiones tantum habitas: ut subintelligatur, quamvis ille hymnus
„interdum ante Missas diceretur, ut prædictimus, non fuisse tamen, quod
„iugiter in omnibus Missis, ab omnibus Sacerdotibus ante lectiones pone-
„retur, antequam idem COELESTINUS antiphonas ad Introitum dicendas in-
„stituit.“ Omnia hic ex ingenio sunt composita, vacillatque vel ipsa au-
ctori-

ctoritas, qua hoc de hymno decantando decretum TELESPHORO adiudicetur. Qua de re videri potest nota D. COUSTANT. in Epist. Summorum PP. Qui tamen addit: *Si vero angelici hymni nomine una intelligantur angelo- T. I. p. 60.*
rum verba, nil repugnat, quo minus ea ante Sacrificium dici TELESPHO-
RUS præceperit. Quamquam etiam illa non ante Sacrificium, sed post divi-
niam oblationem, & proxime ante Communionem fidelium apostolicæ consti-
tutiones lib. VIII. c. 13. diceuda præcipiunt. Non me fugit, constitutiones illas
post TELESPHORI tempora fuisse auctas. Sed inter illa additamenta cur Ce-
leberrimi Papa constitutio locum non habeat? SIGEBERTUS in chronico SYM-
MACHUM Pontificem perhibet, constituisse omni die dominico, vel natalitiis
Martyrum Gloria in excelsis DEO ad Missas cantari. Quem hymnum TE-
LESPHORUS septimus a PETRO Papa, nocte tantum Natalis Domini ad Missas,
*a se in ipsa nocte institutas, cantari instituerit, & in eo ad Angelorum
verba, quæ sequuntur, adiecerit. De SYMMACHO, librum pontificalem se-
cuti haud dubie, consentiunt AMALARIUS de eccles. Off. BERNO Augiensis de
Miss. Auctor sub nomine ALCUINI de Off. div. & MICROLOGUS de eccl. Observ.
Rhab. vero MAURUS: TELESPHORUS Papa fertur constituisse, ut ante Sacri- L. I. c. 32. de
ficium hymnus Gloria in excelsis dicatur: quod tamen modo non semper agi- inst. Cler.
tur, sed in diebus tantum dominicis, & in sanctorum festivitatibus, quod
SYMMACHUS Papa ita fieri mandavit. S. CHRYSOSTOMUS eiusdem hymni,
ceu in sacratori liturgiæ parte post psalmodias dici soliti, meminit unacum
*hymno cherubico: *Quis sit*, inquit, *hymnus supernorum: Quid superni di-* Hom. 9. in e-
cant Cherubim, sciunt fideles. Quid dicebant Angeli? Gloria in excelsis DEO. pift. ad Coloff.*
Propterea post psalmodias hymni, utpote res quædam divinior &c. Illud ἵστετω
οἱ πιστοὶ, sciunt fideles, Missam innuunt fidelium. Et alibi: „DEUS Ange- Hom. 3. in e-
„los primos huc deduxit, & tunc honinem ad eos sustulit. Cœlum facta pift. ad Coloff.
„est terra, quoniam, quæ erant terræ, cœlum erat suscepturnum. Pro-
„pterea ἐυχαριστήτες λέγομεν gratias agentes dicimus Gloria in excelsis Deo &c.“
Sed in spiam S. CHRYSOSTOMUS additionum meminit, quemadmodum nec
auctor constitutionum apostolicarum, dum refert, inter alia responderi illa
angelica verba, quando Episcopus acclamavit Sancta sanctis, populusque re-
*spondet; *Unus Sanctus, unus Dominus, unus IESUS Christus in gloriam DEI**
Patris, benedicetus in secula amen. Gloria in altissimis DEO &c. Attamen,
ut diximus, sub nomine προτεύχη ἐωθη̄ integer, ut apud nos in Missa ca- Lib. VII.
nitur, habetur, veluti etiam in antiquissimo codice Alexandrino Bibl. regiae c. 48.
Londinenis, ante annos plus 1300. exarato, post odas, quæ sequuntur psal-
mos, sub titulo Ὅμηρος ἐωθη̄, eadem manu descriptus legitur. USSERIUS in Vid. Bibl.
dissert. de Symbolis; ex variis psalteriis manuscriptis Græco, & Latino idiomate Polyg. londin.
*exaratis edidit, & SMITHUS in collectaneis de Cyrillo LUCARIO Patriarcha T. VI. p. 140.**

Cpolitano eundem hymnum ad Codd. MSS. accurate, & magna plane diligentia recognovit. Vocatur a *Græcis δοξολογίᾳ μεγάλῃ*, magna doxologia ut a *μητρᾷ*, seu parva, id est *Gloria Patri* distinguatur. Auctor vetustissimus de cursuum ecclesiasticorum origine apud MABILLONIUM de cursu, per Sanctum MARCUM instituto, agens, quem cum Missæ liturgia confundere videtur, *Sanctus*, vel *Gloria in excelsis*, vel orationem Dominicam, & amen ab universis tam viris, quam foeminis decantari affirmat. In liturgia S. GERMANI nusquam comparet five integer, five pars illius, sed post antiphonam, hoc est, Introitum, sequitur præfatio, seu admonitio ad populum, quam Sacerdos prælegebat ad hortandam plebem, ut, ad quam convenerat, solemnitatem debita cum veneratione celebraret. „Non me latet (sunt

T. V. anecdote. „verba MARTENII) in prævia admonitione ad laudatam liturgiam, quosdam
p. 8. „inter antiphonam & præfationem constituere hymnum angelicum a choro
„decantandum. Verum id absque ullo auctoritatis fundamento. Nam duo
„ex GREGORIO Turonensi loca, quæ ad id probandum proferunt, nihil
„prorsus evincunt, sed hymnum illum in quibusdam aliis supplicationibus
„publicis decantatum fuisse demonstrant. Imo in liturgia *Gallicana*, quam
„ex codice Bobiensi vulgavit MABILLONIUS, hymnus *Gloria in excelsis DEO*
„pro gratiarum actionibus post Missam privatim recitandus constituitur. In
„liturgia *Mozarabica* publice ante lectiones in natalitiis CHRISTI cani iubetur.“

Populi ad salutationem & responsio & collectæ. V. Memoravimus paulo ante ex S. AUGUSTINO, mox in ingressu Pontificis salutare consuevit populum. Quod idem S. CHRYSOSTOMUS testatur, & quam frequens id fuerit, simul commemorat: „Quum ingressus fuerit is, qui præest ecclesiæ, statim dicit: *Pax omnibus*. Quando sermonem facit, ac concionatur: *Pax omnibus*. Quando benedicit: *Pax omnibus*. Quando iubet salutare: *Pax omnibus*. Quando peractum fuerit Sacrificium: *Pax omnibus*. Et rursus intermedio: *Gratia vobis & pax*.“ Solemnis autem fuit ad eam salutationem populi responsio hodieque usu recepta. „Ingressi (idem ait) in Ecclesiam statim secundum legem istam dicimus: „*Pax vobiscum*, & vos respondetis, & cum Spiritu tuo.“ Sæpiissime aliis in locis idem testatur, habeturque in omnibus liturgiis: atque etiam paßim in Constitutionibus apostolicis præscribitur: „Salutet Episcopus ecclesiam, & dicat: *Pax DEI cum omnibus vobis*; & populus respondeat; & cum Spiritu tuo.“ Et sequenti capite ad largiorem Episcopi benedictionem: „*Gratia omnipotentis DEI*, & charitas Domini nostri IESU Christi, & communicatio S. Spiritus sit cum omnibus vobis. Atque omnes una voce respondeant; & cum Spiritu tuo.“ Et ibidem in fine: „*Pax DEI fit*

De cursu Gallicano
p. 381.
Hom. 3. ad Colos.
Hom. 33. in Matth.
Lib. VIII. c. II.

„*sit cum omnibus vobis.* Cunctusque populus respondeat *Amen.*“ Sanctus
 CHRYSOSTOMUS de hac solemni, frequentique populi acclamatione præclare
 testatur: „Nisi esset Spiritus Sanctus in hoc communi patre & Doctore,^{*Hom. 3.*}
 „quum paulo ante facrum hoc tribunal ascendit, ac vobis omnibus pacem
 „dedit, non ei simul omnes acclamasstis; *Et cum Spiritu tuo:* idcirco non
 „quum ascendit tantum, neque quum vos affatur, neque quum pro vobis
 „orat, hac illi voce acclamatis: sed quum huic sacræ mensæ assistit, quum
 „tremendum Sacrificium est oblatus (nam quid dicam, norunt qui sunt
 „mysteriis initiati) non prius attingit proposita, quam vobis ipse gratiam
 „fuerit precatus a Domino, vosque illi acclamaveritis: *Et cum Spiritu tuo.*“
 In Concilio Bracarenſi præscribitur, quæ est frequentior hodie, salutatio *Do-*
minus vobiscum, cum altera illa initio tantum liturgiæ Episcopis sit reservata,
 quod eo ipso Concilio, quadam de causa, videtur inhiberi: „Placuit, ut ^{*Conc. I. c. 21.*}
 „non aliter Episcopi & aliter Presbyteri populum, sed uno modo salutent, di-
 „centes, *Dominus fit vobiscum:* sicut in libro RUTH legitur, & ut respon-
 „deatur a populo: *Ego cum Spiritu tuo;* sicut & ab Apostolis traditum omnis
 „retinet oriens, & non sicut *Priscilliana* pravitas immutavit.“ Putat BING-
 HAMUS *Priscillianam* pravitatem eo spectasse, ut populo libertas adimeretur, ^{*L. XV. orig.*}
 respondendi, secus ac in more positum fuit inde ab Ecclesiæ primordiis. ^{*ecclœfæst. c. 3.*}
 „Olim (ait BONA) universus populi coetus Sacerdoti respondebat, ut ex ^{*De reb. liturg.*}
 „liturgiis, earumque expositionibus apparet: idque Micrologus statutum ait
 „in Occidente a Concilio Aurelianensi, ut scilicet non solum Clerici, sed omnis
 „populus responderet: *Ego cum Spiritu tuo.* At nunc foli Clerici, vel mi-
 „nistri respondent.“ Quod adeo vituperandum non est ad concentus de-
 corem, licet ubi populus id facit, ut e. g. paſſim in *Galliis*, laudandum sit.
 Id quod etiam ad lectiones scripturarum solemne fuit, & quidem ante le-
 ctionem & postea, uti observavit MABILLONIUS: „Audito (inquit) populi ^{*De lit. Gallic.*}
 „responso legit prophetiam, ad cuius titulum populus respondet: *DEO lib. I. c. 2.*
 „gratias, & in fine amen.“ Auctor sub nomine S. CHRYSOSTOMI etiam,
 quod hodie lecto Evangelio dicimus, & ex Liturgia S. GERMANI discimus, Ev-
 angelium intonari solitum, clamantibus Clericis *Gloria tibi Domine*, olim re-
 sponsum fuisse testatur: „Quando Diaconus lectionis curriculum ingressus
 „est, confestim nos exurgimus acclamantes: *Gloria tibi Domine.*“ Haud
 dubie de Evangelio hoc est intelligendum, a Diacono legi solito: *Evange-*
lium Christi, scribit S. HIERONYMUS ad SABINIANUM Diaconum, *quasi Dia-*
conus lectitabas. Ex S. CYPRIANO colligimus, etiam lectorum ante lectionem
 populum salutasse, illo haud dubie respondente. „Auspicatus est (inquit)
 „pacem, dum dedicat lectionem. Antequam (ait ALBASPINÆUS) Evangelii ^{*Not. in Conc.*}
 „pronuntiandi initium faceret olim lector, elata voce proferebat, *Pax vobis;* ^{*III. Carthag.*}
 „per-^{*c. 4.*}
 O 2

„ perinde atque hodierno die Diaconus dicit, *Dominus vobiscum*. Hoc idem ex epistola D. CYPRIANI iisdem verbis probatur: Interim vobis hoc die auspicatus est pacem, dum dedicat lectionem, quibus D. CYPRIANUS verbis allocutum & salutatum populum ait ab AURELIO, quum primo ei Evangelii recitandi potestas esset facta, & pacem & benedictionem CHRISTI Domini fidelibus condonasset.“ In liturgia *Gallicana* antiqua, uti hodie ante *T. V. anecd.* collectam seu orationem, indicte silentio, ut MARTENIUS observavit, Sacerdos populum salutabat, ac populi responsioni collectam subiiciebat a cunctis flexis genibus devote audiendam, ut probant S. CÆSARII quidam sermones. Canone *Laodiceno* XIX. statuitur, fidelium tres orationes fieri, unam quidem, scilicet primam διὰ στωπῆς silentio; secundam vero, & tertiam διὰ προσφωνῆσεως *L. VIII. c. 9.* per enunciationem impleri. Habetur in constitutionibus apost. προσφωνήσεις ὑπὲρ τῶν πιστῶν Enunciatio seu oratio pro fidelibus, ad cuius capita singula haud dubie respondit populus κύριε ἐλέησον Domine miserere. aut ut in fine orationis habetur: *Salva, ergo erige nos DEUS misericordia tua.* Occurrunt huiusmodi enunciations, seu exclamations, non solum passim in liturgiis *Gracis*, sed etiam *Ambrosiana*, & vetusto officio a WICELIO ex Bibliotheca *Fuldensi* descripto. Hucque interpretari forte liceat S. BASILII μηδύγματα ἐκκλησιασμά. Meministi, inquit, indicarum ecclesiasticarum prædicationum, quum sis inter fideles per DEI gratiam numeratus: quod nimirum pro iis intercedimus apud DEUM, qui peregre sunt constituti &c. Sed cum hæc de precebus etiam fine cantu clare & alte prolatis intelligi possint, de hymnodia potius filum orationis prosequamur, in Ecclesia antiqua observata.

Cantus ante
& post lectio-
nes.

VI. Post Collectam in veteri liturgia *Gallicana* chorus cantabat *Sanctus*, & quidem græce, & latine, cum responsione *Amen*: quod sequebatur canticum ZACHARIÆ, *Benedictus Dominus DEUS Israel*. Hoc tamen canticum in Quadragesima cum aliis lætitiae hymnis supprimebatur. Sequebatur lectio ex Prophetis, & Apostolo. Nam præter Evangelii lectionem duas, unam ex veteri, alteram ex novo Testamento, lectiones decantabant. Hæc ex liturgia S. GERMANI sunt deponita. In argumentis psalmorum apud THOMASIUM notari solet: *Lege ad evangelium MATTHÆI, ad Genesim, ad Isiam &c.* De qua re THOMASIUS in præf. ad lectorem: „ Meminerit (inquit) oportet priscæ consuetudinis, qua inter Missarum solemnia post lectiones veteris vel novi Testamenti, ante lectionem vero evangelii integer psalmus a toto Ecclesiæ coetu respondebatur, propterea nuncupatus ab antiquis psalmus responsorius. Qui sane mos per totum Occidentem ad VI. usque saeculum perduravit: quem & in *Romana* item Ecclesia fuisse constat ex sermone I. S. LEONIS Papæ. Respondebatur autem psalmus „ (ut

„ (ut loquitur S. AMBROSIUS) hoc ritu. Lector stans in ambonis gradu, psalmi titulo præmisso, mox psalmum ipsum præcinebat, quem per singulos quosque versus totus Ecclesiæ coetus respondebat, hoc est repetebat : repetebat autem integros ipsos versus haud postremas tantummodo versuum clausulas : sic totus ipse psalmus lectore præcurrente ad finem usque perducebatur.“ Narrat GREGORIUS *Turonensis*, quod sibi acciderat, cum *Hist. Franc.* an. 585. in aula GUNTRAMNI Regis esset : *Iubet Rex, ut Diaconum nostrum, qui L. VIII.c. 3. ante diem ad Missam psalmum responsorium dixerat, canere iuberem.* Hic vetus fuit mos. De modo diximus alibi. Constat ex S. AUGUSTINO, psalmos lectionem inter Apostoli & evangelium fuisse decantatos. „ Lectiones *Serm. 112.* (inquit) sanctæ propositæ sunt, & quas audiamus, & de quibus aliquid seruimus adiuvante Domino proferamus. In lectione apostolica gratiæ aguntur Domino de fide gentium. In psalmo diximus, *DEUS virtutum converte nos* &c. in evangelio ad coenam vocati sumus.“ Et alibi : „ Apo- *Serm. 165.* stolum audivimus, psalmum audivimus, evangelium audivimus ; consonant omnes divinæ lectiones.“ Et : „ Hoc de apostolica lectione percepimus, *Serm. 176.* deinde cantavimus psalmum, exhortantes nos invicem, una voce, uno corde dicentes : *Venite adoremus, & prosternamur ei, & fleamus coram Domino qui fecit nos* : & ibi *præveniamus faciem eius in confessione, & in psalmis iubilemus ei.* Post hæc, *Evangelica lectio* &c.“ Eundem in modum alibi loquitur. Referendum hic, quod GREGORIUS *Turonensis* scribit : *Cui (S. AMBROSIO) celebranti festa dominici diei ista erat consuetudo, ut L. I. de mirac. S. Mart. c. 5. veniens lector cum libro non antea legere præsumeret, quam Sanctus nutu iussisset. Factum est autem, ut illa Dominica, prophetica lectione iam lecta, ante altarium stante, qui lectiones Beati PAULI proferret &c.* Duplicis huius lectionis etiam *Sulpitius SEVERUS* meminit. Duas lectiones ritu *Gallicano* in Missa, nullo interposito cantu, recitatas fuisse, etiam VEZZOSIUS observat : *T. VI. Opp.* At (pergit) contra est unicum documentum *Luxoviensis* lectionarii in Missa Nativitatis Domini : ubi inter ISAIÆ lectionem, & D. PAULI epistolam scriptum legimus : *DANIEL cum benedictione*, id est hymno trium puerorum. In Missa S. GERMANI reponitur post utramque lectionem evangelium.“ Atque hic diversitatem intercessisse in *Gallicana* Ecclesia, ipse putat LE BRUN. Nota porro, quod est in Concilio *Tolet. IV.* statutum : „ In *Dissert. IV.* quibusdam quoque *Hispaniarum* ecclesiis Laudes post Apostolum decantantur, priusquam Evangelium prædicetur, dum Canones præcipiant post Apostolum non Laudes, sed Evangelium annunciarí. Præsumtio est enim, ut antea ponantur ea, quæ sequi debeant. Nam Laudes ideo Evangelium sequuntur, propter gloriam CHRISTI, quæ per idem Evangelium prædicta catur. Circa omnes igitur Sacerdotes hic ordo deinceps retineatur, excom-

I IO L. I. QUÆNAM PRIMA ECCLESIAE ÆTATE

„municationis poenam suscepturn, qui hunc ordinem perturbaverint.“ At si *Laudes*, ut mox dicemus, intelligas *Alleluia*, nihil contrarium S. AUGUSTINO hic habetur. Verum putat *Garsias LOAISA* in notis ad hunc canoneum, indigitari hymnum trium puerorum, de quo tamen postea idem Concilium: „Hymnum quoque trium puerorum, in quo univerfa cœli terræ que creature DEUM collaudat, & quem Ecclesia catholica, per totum orbem diffusa, celebrat, quidam Sacerdotes in Missa dominicorum die rum, & in solemnitatibus Martyrum canere negligunt. Proinde sanctum Concilium instituit, ut per omnes *Hispaniae* ecclesias, vel *Galliciae* in omnium Missarum solemnitate idem in pulpito decantetur: Communionem amissuri, qui & antiquam huius hymni consuetudinem, nostramque definitionem excesserint.“ Uterque canon probe est notandus. De priore illo ita scribit *Walafridus STRABO*: „Responoria & *Alleluia*, quæ ante Evangelium cantantur, deinde adiuncta videntur, postquam antiphonæ ad ingressum dici exspirarunt, quæ & videntur prohibita canonibus *Hispanorum*, qui longo post tempore sunt constituti. In illis enim iubetur, ne aliquis hymnus inter lectionem apostolicam, & Evangelium in ordine Missæ ponatur.“ Ex quo intelligitur, id aliquos tentasse tunc temporis, sed propter novitatem rei nondum fuisse ab omnibus receptum. Quod tamen postea usu *Romano* commendatum, ad omnes *Latinorum* pervenit ecclesiæ. Idem repetit *BERNO Augiensis*. Eadem vero mutatio facta est in Gradualibus, uti vocantur, inter Lectionem & Evangelium cani solitis, quæ circa Introitum inolevit; ut, cum ista initio integra psalmorum serie decantari

Ration. Lib. IV. c. 19. mos esset, deinceps selecti versus canerentur, quod DURANDUS AMBROSIO,

De Canon. ob-serv. prop. 23. GELASIO, GREGORIO I. in acceptis refert. S. AMBROSIUM, & S. GREGORIUM solum nominat RADULPHUS *Tungrensis*. De GELASIO BERNO testatur c. 7. de quibusdam rebus ad *Missam spectantibus*: *Gradualia, sicut non solum in nostris libris habetur insertum, sed etiam ut in quodam ordine secundum Sancti GELASII Papæ auctoritatem reperi prætitulatum* &c. Hinc THOMASIUS,

Prefat. in Ant. lib. Mis- sal. Rom. pag. XXII. nisi titulus ordinis præfati mentiebatur, colligi posse putat, S. GELASII P. tempore iam usitata fuisse Gradualia, quorum forte auctor idem fuerit. Ordini vero a BERNONE laudato consentit liber Sacramentorum Eccl. *Romanæ*, qui GELASIO adscribitur, in quo expressa extat mentio bini responforii post lectiones Fer. VI. Parasc. THOMASIUS, psalmi Responforii antiquum usum adhuc LEONIS I. tempore servatum fuisse, subindicari existimat Serm. II. in anniversario die assumptionis suæ ad Summi Pontificii munus, quem locum paulo ante adduximus, de Introitu agentes. Antiqui moris quoad psalmos reliquiæ sunt in Tractibus, qui quandoque integro absolvuntur psalmo: inde

de quidem dicti iuxta MARTENIUM, quod unus solus canat, nullo succinente vel respondentे, sed audientibus omnibus. Secus ac in Gradualibus accidebat, & haud dubie etiam in cantico trium puerorum, uti hodieque solet Sabbatis Quatuor Temporum cantari: quod iam a WALAFRIDO est notatum, ubi de laudato canone Concilii *Toletani* quarti loquitur in hæc *De rebus eccl. discipl. c. 3.* verba: *In eiusdem loci Concilio statutum est, ut etiam hymnus trium puerorum ad Missam omni Dominica in pulpito cantaretur.* Quod Romani propter multiplicitatem Officiorum non faciunt, nisi quatuor per annum diebus, quibus lectionum XII. numerus adimpletur. Quæ eadem ad verbum fere repeatit BERNO c. 1. *de quibusdam rebus ad Missam pertinentibus*, iam laudato. Eiusdemque hymni iam meminit ATHANASIUS, vel quisquis est auctor libri *de Virginitate*, qui eum virginibus, sed privatim sub diluculum dicendum commendat. In Constitutionibus apostolicis non absimilis subnequitur hymno *L. VIII. c. 36.* matutino *Gloria in excelsis* &c. S. CHRYSOSTOMUS vero ubique terrarum *Hom. Quod cantari, & cantatum iri dicit. Lectionarium Gallicanum antiquissimum, ex nemo legitur codice Luxoviensi editum, eundem hymnum post Prophetarum lectionem nisi a seipso. cani iubet in Sabbatho sancto, non nihil a nostro diversum. Hoc, ait MABILLONIUS, canticum in aliquibus differt ab eo, quod Romanus ordo præscribit in Sabbathis Quatuor Temporum. Aliter in Lectionario nostro habetur in Sabbatho sancto.* Ex his intelligimus, lectionem ex Apostolo non continuo post Prophetiam lectam fuisse in ordine Gallicano. Secus tamen videmus in Liturgia S. GERMANI, ubi Propheta & Apostolus simul memorantur, uti deinceps passim apud nos obtinuit, ac etiam adhuc in impressis Missalibus, quando prophetica & apostolica simul lectio in Missis Natalis Domini prescribitur, addita est, ut suo loco videbimus, rubrica nonnunquam id expresse innuens, ut continenter dicantur. In laudata Liturgia S. GERMANI post lectionem propheticam prescribitur hymnus trium puerorum canendus. *In T. V. Anecd. figura Sanctorum veterum, qui sedentes in tenebris adventum Domini expectabant. . . Secundum hoc etiam Ecclesia servat ordinem, ut inter benedictionem & evangelium lectio intercedat, nisi tantummodo responsorium, quod a parvulis canetur, instar innocentum, qui pressi in evangelium consortis Christi Nativitatem leguntur, vel eorum parvolorum qui properante ad passionem Domini, clamabant in templum OSANNA* &c. Responsorium, cuius fit mentio, ipse hymnus trium puerorum intelligi potest, decantatus modo responsorio (ut etiam MARTENIUS observavit, putatque eundem dici psalmum responsorium a GREGORIO Turonensi) a parvulis, quod hodieque *L. VIII. c. 3. hijs. Francor.* apud nos in Sabbathis Quatuor Temporum fit. Additur adhuc *Aius*, seu *Agios*, canendum ante evangelium in laudata Liturgia, quod etiam ante prophete-

112 L. I. QUÆNAM PRIMA ECCLESIAE ÆTATE

prophetiam canebatur , forte ut in Missa *Mozarabum*. In Liturgia S. IACOBI post Collectam ante lectiones , quæ continenter ex utroque Testamento legi iubentur , a cantoribus cani præscribitur hymnus ter sanctus, *Sanctus DEUS &c.* atque deinceps post orationes aliquas, & exclamations, responsionesque populi , Lectores iubentur inchoare hymnum cherubicum cum aliis, subsequente triplici *Alleluia*. Eadem fere omnia in Liturgia S. MARCI, sed ante evangelium notantur. In Liturgia S. CHRYSOSTOMI , ante lectio-
T. XII. Op. p. 783.
nem Apostoli & evangelii post tertium antiphonum, & troparia, notatur tri-
T. V. Conc. Labb. p. 185.
fagium ; hymnus autem cherubicus post secundam orationem fidelium. Qua de re pluribus L.II. Concilio *Cpolitano* sub MENNA celebrato id convenit, quod Act. V. habet: *Cantores supervenientes converterunt se dicere Trifagium. Et post lectionem sancti evangelii ex more sacra Missa finita & ianuis clausis & sancta lectione iuxta consuetudinem lecta tempore diptychorum cucurrit omnis multitudo cum magno silentio circum circa altare &c.* Trifagion etiam in Conciliis accini solitum ex Act. I. Concilii *Chalced.* ad finem patet. Tragicum est, quod Chron. MARCELLINI Comitis habet: *Dum iubente ANASTASIO Cæsare per PLATONEM in Ecclesia pulpito insidente in hymnum Triunitatis DEI, Passianorum quaternitas additur, multi Orthodoxorum pristina voce psallentes in eiusdem ecclesie gremio cæsi sunt.* In Liturgia S. GERMANI *Sanctus* cantari iubetur a Clero , redeunte sancto evangelio , in speciem, ut ibi habetur , Sanctorum , qui redeunte Domino IESU CHRISTO de inferis canticum laudis Dominum sequentes cantaverunt &c.

VII. *Alleluia* maxime in hac parte liturgiæ fuit frequentatum, ut etiam in Liturgia S. IACOBI & MARCI observavi, & in occidentalibus Liturgiis omnibus notatur unacum responsorio. *Laudes* in Concilio IV. *Toletano* vocatur versiculus cum *Alleluia*, quæ post Evangelium prisco more *Hispaniarum*, ut observavit Cardinalis BONA, dicuntur, ei prorsus conformiter cantui, qui ritu *Romano* post responsorium cantatur. Ipsum vero responsoriū cantabant *Hispani* post lectionem Veteris Testamenti, quæ in eorum Missali Epistolæ, seu lectioni Novi Testamenti præmittitur. At post Epistolam Chorus respondet *Amen*, & sequitur immediate Evangelium. Eodem fere ritu utuntur *Ambroſiani*, nam post lectionem Veteris Testamenti sequitur psalmellus, quem vocant, instar Gradualis *Romanī*. Versum cum *Alleluia* concinunt post Epistolam. In Liturgia *Maronitarum* post lectam Epistolam dicit Sacerdos etiam versus quosdam cum frequenti *Alleluia*. Quod vero *Laudes* idem olim fuerint, ac *Alleluia*, clarum fit ex Liturgia S. GERMANI: „*Laudes* autem, hoc est, *Alleluia*, IOHANNES in „*Apocelypsi* post Resurrectionem audivit psallere. Ideo hora illa Domini „ pal-

„palleo quasi CHRISTUS tegitur cœlo , Ecclesia folet angelicum canticum
 „(supple cantare) quod autem habet ipsa Alleluia prima & secunda & tertia
 „signat tria tempora ante lege , sub lege , sub gratia.“ Innuit nimurum
 ter illud fuisse repetitum. Ad finem Liturgiae iterum de eo , & aliis can-
 tis in Quadragesima omitti solitis , fit mentio , utpote gaudium solemni-
 tatis mōnstrantibus. „Et pro hac (inquit) causa in Quadragesima pro hu-
 „miliatione non utetur (stola) sicut nec Alleluia in nostra Ecclesia , Sanctus ,
 „vel prophetia , hymnum trium puerorum , vel canticum rubri maris illis
 „diebus decantantur. Stola alba namque Angelus præcinctus apparuit , quan-
 „do sedens in monumento Domini , solemnitatem resurrectionis illius nun-
 „ciavit. Ideo in Quadragesima prohibendum hæc cantica , quia cœlestia , &
 „angelica sunt. De cœlis enim cōlumna ignis in nocte , & columna nu-
 „bis in die , Angelus in camino flammæ in cœlis audita est. Alleluia vel
 „Sancti (id est breves orationes illæ , quæ a verbo Sanctus incipiebant , qua-
 „les cantabantur ante Prophetiam , ante , & post Evangelium) tacentur ergo
 „in poenitentia , ut nova fiant in Resurrectione Dominicæ , quando rese-
 „rantur & baptisma. Oportet ergo Levita cœlestem cantet canticum.“

Diximus de hac re superius , refertque VICTOR Vitensis tragicum exem- L. I. Persec.
 plum , quod in Africa tempore Paschalis solemnitatis acciderat. Tunc for- Vandal.
 te , inquit , audiente , & canente populo DEI , lector unus pulpito sistens , alle-
 luiaticum melos canebat. Quo tempore sagitta in gutture iaculatus , caden-
 te de manibus codice , mortuus post cecidit ipse. Iam etiam olim festiviore
 melodia , variantibus semper tropis , cantatum esse Alleluia , discimus ex Cas-
 siodoro , in titulum psalmi CV. sic loquente : Hoc ecclesiis votivum : hoc
 sanctis festivitatibus decenter accommodum. Hinc ornatur lingua cantorum :
 istud aula Domini lata respondet : & tanquam insatiabile bonum tropis sem-
 per variantibus innovatur. Nota illud responsorio modo fuisse decantatum.
 De voce Halleluia doctum programma haud pridem Wittenbergæ edidit
 WERENSDORFFIUS , ubi usum etiam eius liturgicum illustrat a prima Ec-
 clesiæ ætate.

VIII. Nec prætereundus est hic Symboli usus , inde a prima Ec- Symbolum.
 clesiæ ætate in baptismi celebratione potius ad contestationem veræ fidei ,
 quam ritus solemnitatem (licet , etiam hanc in publica baptismi actione iam
 olim cum cantu transactam esse , inter liturgicos ritus inveniamus) adhibi- T. IV. Bibl.
 tus , successu temporis etiam in liturgia adoptatus. Eo quidem neendum PP. Paris.
 referendum est , quod S. AMBROSIUS fieri vult : Symbolum quoque speciali- p. 49. &c.
 ter debemus , tanquam nostri signaculum cordis , antelucanis horis quotidie De Virginib.
 recensere. Quod etiam , cum horremus aliquid , animo recurrentum est. L. III.

MART. GERBERT. DE MUSICA ECCL. LIB. I. P Prius

114 L. I. QUÆNAM PRIMA ECCLESIAE ÆTATE

Prius autem in Oriente, quam in Occidente in sacram Liturgiam est introductum symbolum. Sunt quidem, qui carmen, quod Prisci Christiani apud PLINIUM CHRISTO quasi DEO dixisse leguntur, Symbolum fuisse putent. PLATINA, a MARCO P. SILVESTRI successore, mandatum narrat, *ut omnibus diebus solemnibus statim post Evangelium Symbolum a Clero, & populo magna voce cantetur, eo quidem modo, quo fuerat a Concilio Nicæno declaratum.* Quod etiam RADULPHUS Tungrensis confirmat. INNOCENTIUS vero III.

- Prop. 23.* *L. II. de myst. Mysæ c. 49.* & alii, id DAMASUM iussisse ad exemplum Græcorum, volunt. At nec Græcis id in more fuisse tempore DAMASI, constat, testeque *L. II. coll. etan.* THEODORO Lectore: PETRUM Fullonem dicunt instituisse, ut in singulis Collectis Symbolum recitaretur. Quem sequuntur CEDRENUS lib. II. & Nicephorus L. XV. His. CALIXTUS. Idem tamen alibi: „Nonnulli, inquit, ut MACEDONIUM, per eccl. c. 28. „inde atque trecentorum illorum Symbolum non comprobaret, calumniantur, TIMOTHEUM Cpolitanum Episcopum, non Petrum CNAPHEUM instituisse dicunt, ut in synaxi, & conventu ecclesiastico quovis Symbolum id diceretur, quod antea semel tantum anno quolibet Parafceves Passionis sancto die in Ecclesia legi solitum fuerat, cum Episcopus primas regulationis nostræ constitutiones docere oporteret.“ Dumi nimirum baptizandos catechizabat Episcopus, ut laudatus THEODORUS narrat, TIMOTHEUM Symbolum fidei trecentorum & octodecim Patrum in singulis Collectis recitari præcepisse. A quo rem accepit NICEPHORUS; vixit enim Sæc. XI. demum. THEODORUS vero historiam suam a morte THEODOSII Junioris usque ad IUSTINUM deduxit, cui, & quidem Juniori, quod Symbolum tempore Sacrificii populo concinendum præceperit, S. ISIDORUS, & IOANNES Abbas Bicharensis in Chronico tribuunt; at iam viginti fere annis in Concilio Constantinopolitano sub MENNA mentio illius inventur, tanquam ex more recitari soliti inter lectionem Evangelii & diptychorum. In Concilio Toletano III. primum in Occidente institutum legitur exemplo Græcorum, & quidem ante orationem dominicam: ut etiamnum ante Communionem dicitur ritu Mozarabico a). Laudatus vero ISIDORUS in libro Originum, Symboli formam tota Græcorum & Latinorum confessione in ecclesiis prædicari, dicit Sæc. VI. Verum non statim idem usus, ut

An. 536. Aet. 5. T. V. Conc. p. 185. Tolet. Can. 2. nitur, tanquam ex more recitari soliti inter lectionem Evangelii & diptychorum. In Concilio Toletano III. primum in Occidente institutum legitur

a

- a) „Pro reverentia sanctissimæ fidei, & propter corroborandas hominum invalidas mentes consulti piissimi, & gloriofissimi Domini nostri RECCAREDI Regis, sancta constituit Synodus, ut per omnes ecclesias Hispanie, Gallie, secundum formam orientalium ecclesiarum Concilii Cpolitani, hoc est centum quinquaginta Episcoporum, symbolum fidei recitetur; ut priusquam dominica

dicatur oratio, voce clara prædicetur, quod est fides vera, manifestum testimonium habeat, & ad CHRISTI Corpus, & Sanguinem prælibandum pectora populorum fide purificata accendant; ut priusquam dominica dicatur oratio, voce clara a populo decantetur. Vid. Chriſt. LUPI Symbolum Nicænum scholiis & notis illustratum T. I. Opp. c. 6. p. 194. &c.

ut in *Hispania*, sic in aliis etiam ecclesiis occidentalibus inolevit (ut Libro II. inquiremus) usque ad CAROLUM M. Ut quidem contendit PAGIUS in Critica BARONII: „Imitatæ id postmodum (inquit) sunt quædam sub CARO- Ad an. 325.
„LO M. Gallicanæ ecclesiæ, aliæ tamen, ac ipsa capella regia, imitari non n. 25.
„aufse; ideoque a LEONE III. Pontifice veniam impetrarunt.“ Aliter sta-
tuendum foret, si *Trecanum* in Missa S. GERMANI Symbolum interpretari
luberet, quod satis probabile habent auctores Histor. litter. *Franciæ*, ita ut T. III.
illud sit Symbolum Apostolorum, cui postea *Cpolitanum* fuerit substitutum. p. 315.
At *Gallia Narbonensis* unacum *Hispania* a tempore Concilii *Tolet. III.* *Cpo-* circa an.
litano usq; est. Discrimen apostolici & *Cpolitani* Symboli sunt, qui adhi-
bendum putant, dum Ecclesiæ *Romanae* insuetum fuisse, & quidem usque ad
BENEDICTI VIII. ætatem in BERNONE *Augiensi* legunt, sub quo hic mos in An. 1014.
Ecclesiam *Romanam* admissus sit: „Ne (sunt verba LUPI) a subditis fibi *Hi-*
Schol. in
Conc. Nic.
spaniarum & Galliarum ecclesiis, morem deponere nolentibus, diffonaret.“ In Chronico *Turonensi* apud MARTENIUM legitur DAMASUM Papam in odium
T. I. C. 4.
MACEDONII Episcopi *Cpolitani*, qui Spiritum Sanctum Patri, Filioque con-
substantialem negabat, instituisse Symbolum *Cpolitanum* in Missa celebrari.
Concordat ALBERICUS apud eundem in hæc verba: „Solemnibus diebus de-
„cantari instituit ex decreto universalis Synodi a centum quinquaginta Epi-
„scopis *Cpoli* celebratæ.“ Nulla vero Symboli fit mentio in primo ac an-
tiquissimo ordine *Romano*; mox tamen in secundo itidem antiquissimo, &
quidem *Cpolitani* initium ponitur. Quod, aliaque testimonia BERNONI op-
ponit MARTENIUS: imo non usum, sed cantum Symboli negasse BERO-
NEM putat, et si cantari in Ord. II. dicatur: quod de sola Missa Pontificali
interpretatur. Quid præterea dici verisimiliter possit, exponemus Libro II. a) a

IX. Cum

a) „Et tamen (subdit MARTENIUS) plerique ex-
iſſimant *Romanam* Ecclesiæ in sacra liturgia
Symbolum non recitasse ante tempora HEINRICI
II. Imp. atque ad id probandum, BERNONIS
Abbatis *Augiensi* & testis oculati, qui id revera
affirmit, affirment auctoritatem.... At huic
BERNONIS testimonio repugnant antiquissimi Ordi-
nes *Romani* a MABILLONIO vulgati. Nam in
II. ord. quem *Onufrius PANVINIUS Gelafan-*
num esse censet, a S. GREGORIO emendatum,
hæc leguntur: *Post lectum Evangelium candelæ*
in suo loco extinguntur, & ab Episcopo CREDO
IN UNUM DEUM cantatur &c. Nec desunt etiam
gravissimi scriptores, qui idem confirmant,
IOANNES P. VIII. LEO III. AMALARIUS, &
WALFRIDUS STRABO. His perculsi auctoritatibus

censem nonnulli, per illud intervallum, quod
a medio saeculo IX. effluxit ad initium saeculi XI.
Symboli in Missa recitationem fuisse intermissionem,
quod vix credi potest. Et certe, si BERNONIS
verba sedulo discutiamus, non omnino negare vi-
detur a *Romanis* in Missa recitatum fuisse, sed
tantummodo decantatum: quia revera non solemnni
voce modulatione decantabatur, sed tantum re-
citabatur, ad eum fere modum, quo etiamnum
subdiaconi in ecclesia *Lugdunensis*, præter alia-
rum ecclesiæ morem epistolam absque ulla
canticis inflexione recitat. Et ne quis gratis a
nobis assertum id obiciat, sententia nostra va-
dem affirmans LEONEM III. qui in *Aquisgranensi*
cum CAROLO M. collatione clarissimis id ac per-
spicuis verbis affirmat. *Quod vero* (inquit)

116 L. I. QUÆNAM PRIMA ECCLESIAE ÆTATE

- Offertorium.** IX. Cum olim populus oblationes ipsem ad altare facere consueverit, factum est, ut antiphona, quæ interim canebatur, *Offertorium* seu *offerenda* diceretur, uti Introitus & Graduale successu temporis magis secundum varietatem temporum & festorum ex psalmis potissimum sunt collecta. *Deinde sequitur offerenda*, ut inquit REMIGIUS Altisiodorensis, *quæ inde hoc nomen accepit, quod tunc populus sua munera offerat*. *Sequuntur versus a vertendo dicti, quod in offerendis revertantur, dum offerenda repetitur*. *Offeratorium*, ait BERNO Augiensis, *quod inter offerendum cantatur, quamvis a prioris populi consuetudine in usum Christianorum venisse dicatur, tamen pertinetibus. c. i. quis specialiter addiderit, aperte non legimus*. Plura dicemus siq[ue] loco lib. II. quia ferius induci cœperunt hæ antiphonæ, nec hodieque apud orientales comparent, qui *Anaphoram* proprie sic dictam a *præfatione*, seu *gratiarum actione* auspicantur, quæ in missali *Gothico*, & *Gallicano*, *Inlatio* etiam nominatur, de qua ISIDORUS: *Infertur illatio in sanctificatione oblationis*. In liturgia S. GERMANI vocatur *sonus*, seu *solum*, quod tunc canitur. *Solum* autem, quod canetur, quando procedit oblatio, *huc traxit exordium*. *Præcepit Dominus Moysi*, ut faceret tubas argenteas, quas *Levitæ clangerent*, quando offerebatur *hostia*, & hoc esset signum, per quod intelligeret populus, *qua hora inferebatur oblatio*, & omnes incurvati adorent Dominum, donec veniret columnæ ignis aut nubes, qui benediceret *Sacrificium*. Nunc autem procedentem ad altarium *Corpus CHRISTI* non iam tubis inrepræhensibilibus (ita codex) sed *spiritualibus* vocibus *præclara CHRISTI magnalia dulci melodia psallem ecclesia*. Conveniunt hæc cum laudatis BERNONIS verbis, moreque illorum temporum, ut sacra Eucharistia deferretur ipso oblationis tempore ad altare: *qua allata „Fiebat panis & vini consecrandi oblatio (ut ob „servat MARTENIUS) atque interim chorus canebat Solum, id est antiphonam, nam, quæ nostro Offertorio respondebat, aut quid simile. Forte sonus „aliud nihil erat quam quod expositio nostra mox laudes appellat. Laus „autem in missali Mozarabum constat ex Alleluia, & uno versiculo, sed „in Gallicana liturgia ter repetitum fuisse alleluia &c.“ Huc specialiter referri potest, quod S. AUGUSTINUS contra HILARIUM egit, incessentem monrem, „qui tunc esse apud Carthaginem cœperat (ut loquitur) ut hymni „ad altare dicerentur de psalmorum libro, sive ante oblationem, sive cum „distribueretur populo, quod fuisset oblatum.“ Apud Græcos eodem pertinet,*
- Pag. 87.*
- L. II. Re-tractat. c. II.*

afferitis, illo vos ita cantare Symbolum, quoniam aliquos in istis partibus vobis priores audistis decantasse, quid ad nos, qui id ipsum non cantamus, sed legimus. Unica superest difficultas. Nam antiqui ordines Romani non simpli-citer legi Symbolum præcipiunt, sed cantari, &

quidem alta voce. Difficultatem solvimus respondendo, decantatum quidem fuisse Symbolum in Missa pontificali, at vero solummodo recitatum in qualibet alia Missa, Sacerdote non Pontifice celebrante. “

*Ap. P. le Brun
Explicat. des
Prieurs &c.
p. 284.*

De quibus-dam ad Mis-sam perti-nentibus. c. I.

*L. I. c. 15.
Pag. 94.*

tinet, quod fit, dum more mox laudato, non quidem ipsa sacra Eucharistia ad altare defertur, sed symbola, magna pompa & reverentia: *Dum interim cantores gravi cantu cherubicum hymnum modulantur.* In liturgia MARCI præscribitur: *Hic psallant, Qui Cherubim mystice: dum interim incensum offert Sacerdos, & preces fundit;* quæ nostris secretis videntur respondere, forte inde sic dictis, quod aut durante, aut cessante iam cantu a Sacerdote dicerentur. Hanc liturgiæ partem designat DIONYSIUS vulgo *Areopagita* de cœlest. Hierarch. *Qui in ministrorum ordine primas tenet,* cap. 3. *unacum Sacerdotibus divino altari panem sacrum, Calicemque benedictionis imponunt, ab universa plenitudine ecclesiæ communi hymnologia præmissa.*

X. In liturgia solemnis semper inde ab ecclesiæ primordiis fuit illa gratiæ actionis, quam nos *præfationem* dicimus, ad hodiernum usque diem constanter usitata, quam fere solam S. IUSTINUS commemorat inter ea, quæ ipsam Eucharistiæ celebrationem antecedunt, & consequuntur. *Deinde, inquit, ei, qui præfet fratribus, panis afferitur, & poculum aquæ & vini:* Apol. 2. *quibus ille acceptis laudem & gloriam ἀπὸν καὶ δόξαν univerorum parenti per nomen Filii, & Spiritus Sancti emittit, & Eucharistiam sive gratiarum actionem, pro his ab illo acceptis donis, prolixè exequitur. Postquam preces & Eucharistiam absolvit, populus omnis acclamat amen.* πᾶς ὁ λαὸς ἐπιφημεῖ ἀμήν. Huc referendum, quod apud EUSEBIUM ex epist. DIONYSII ad SIXTUM L. VII. c. 9. Rom. Episc. de quodam ab haereticis baptizato habetur: *Cum enim & gratiarum actionem in ecclesia audisset, & ad illam unacum aliis Amen accinisset. (Εὐχαριστίας ἐπανάστατη συνεπιφθεγχάμενον τὸ ἀμήν.)* Iterum laudatus S. IUSTINUS paulo post bis adhuc repetit, constanterque in omnibus liturgiis reperitur solemnis hæc Præfatio, uti iam vocat S. CYPRIANUS: *Sacerdos ante orationem, Præfatione præmissa, parat fratrum mentes dicendo: Sursum corda; ut dum respondet plebs: habemus ad Dominum, admoneatur, nihil aliud se quam Dominum cogitare debere.* Nihil adeo constanter in utraque ecclesia orientali, & occidentali in sacra liturgia fuit conservatum, quam singula fere huius præfationis verba, ac sensus, quoad gratiarum actionem, seu Eucharistiam ipsam, unde Sacrificium ac Sacramentum Corporis & Sanguinis Domini nomen accepit. Eadem vero fuerunt a primæva ecclesiæ ætate solemnia illa acclamationis & responsionis verba, adhuc hodie usitata: uti iam in constitutionibus apostolicis leguntur ad solemnem Sacerdotis appreciationem: „Atque omnes una voce respondeant; Et cum Spiritu tuo. L.VIII.c.12. „Tum Pontifex, sursum mentem: Et omnes; Habemus ad Dominum. Et „Pontifex; Gratias agamus Domino: Et cuncti, dignum & iustum est. Et „Pontifex dicat; Vere dignum & iustum est, ante omnia laudare te &c.

De orat. dominica.

118 L. I. QUÆNAE PRIMA ECCLESIAE ÆTATE

Non opus est adhuc aliarum liturgiarum quarumcunque verba eadem referre, nec etiam instituti nostri ratio id fert accumulare Doctorum verba, quibus in suis homiliis & sermonibus ad hoc fideles provocant, ut memores & attenti ad ea, quæ respondent, sint verba. „Ac si (ut verbis S. CYRILLI „*Hierosolymitani* utar) præcipiat Sacerdos, ut omnes circa illam horam „deponant curas vitæ huius & domesticas follicitudines, habeantque sursum „in cœlo cor ad clementem DEUM. Deinde respondetis: *Habemus ad Dominum*; ei præcepto per eam, quam pronuntiatis confessionem, assentientes... Postea hæc Sacerdos ait: *Gratias agamus Domino*. Vere enim „gratias agere debemus, quod, quum indigni essemus, ad tantam nos vocavit gratiam, quod inimici cum essemus, nos reconciliavit, quod Spiritu ritu adoptionis est dignatus. Ad hæc vos subiicitis: *Dignum & iustum*.“ Refert deinde eandem fere, quæ in liturgia S. IACOBI habetur, gratiarum actionem, seu, ut olim etiam vocari confuevit, contestationem ac præfationem: Uti iam in S. CYPRIANO vidimus. Nec dubium est, quin hic speget can. XII. Concilii *Milevitani*, ubi præscribitur, *Ut preces, vel orationes, & Missæ, sive Præfationes, quæ probatae fuerint in Concilio ab omnibus celebrentur*. Præfationis locum habent ad mox sequentem hymni angelici cantum, sacratoriæ consecrationis verba: *ἱερὰς τῶν Θεογενῶν ὑμεῖς sacros divina effectivorum hymnos vocat DIONYSIUS* de hierarch. eccl. quem

L. I. c. 89. HONORIUS Augustod. auctorem Præfationis Missæ facit. In ecclesia Romana *GELASIUS Præfationes*, quæ canonem præcedunt, cantu quidem, & sermone eleganti composuit. Eæ iuxta decretalem, quæ circumfertur, epistolam PELAGII, novem numero sunt legitimæ, cum alias innumeræ fere olim fuerint. Decimam ad honorem Deiparæ URBANUS II. (ut suo loco dicimus) addidit. Et quidem, ut est apud BURCHARDUM & SIGEBERTUM, PELAGIUS ille Pontifex decrevit, quotidianam Sacramentorum præfationem ad Missas novem tantummodo præfationibus, secundum antiquum Romanorum ordinem, esse commutandam, scilicet in *Natali Domini*, in *Apparitione*, in *Pascha*, in *Ascensione*, in *Pentecoste*, de *SS. Trinitate*, de *Apostolis*, de *sancta Cruce*, de *icituio Quadragesimali*.

De hymno SANCTUS &c. XI. De hymno triumphali *Sanctus, Sanctus, Sanctus*, quis specialiter addiderit, BERNO Augiensis dicit, non legi. Idem tamen testatur, non deesse, qui putent, SIXTUM P. ad Missam addidisse. Id quod auctores medii ævi non solum, qui de Officiis divinis scriperunt, singillatim auctor sub nomine ALCUINI, Micrologus, RADULPHUS Tungrensis, sed etiam Chronographi paßim, SIGEBERTUS, MARIANUS Scotus, MARTINUS Polonus, auctoritate haud dubie libri Pontificalis afferuerunt; ubi SIXTUS I. constituisse dicitur:

Berno Aug. De quibusd. rebus ad Miss. speculantibus c. 1.

Catech.

XXIII. n. 4.

Cap. 3.

L. I. c. 89.

Gem. anim.

Sigeb. in Chron. ad an. 581.

L. III. De-cret. c. 69.

citur: „Ut Missarum actionem Sacerdote incipiente, populus hymnum de-
„cantaret *Sanctus*, *Sanctus*, *Sanctus Dominus DEUS sabaoth* &c. URSPER-
GENSIS hoc COELESTINO P. attribuit a). In Constitutionibus apostolicis a
idem legitur: „Et omnis populus simul dicat: *Sanctus*, *Sanctus*, *Sanctus*, L.VIII.c.12.
„*Dominus sabaoth: pleni sunt cœli & terra gloria eius: benedictus in sa-*
„*cula. Amen.* Et Pontifex postea dicat: *Sanctus enim vere es, ac Sanctissimus*, L.III.c.18.
„*Altissimus, & Superexaltatus in secula. Sanctus quoque unigenitus*
„*tuis Filius, Dominus noster, & DEUS, IESUS Christus* &c.“ Illustran-
tar hæc clarius ad confessionem totius Sanctæ TRINITATIS, ter repetito
Sanctus, *Sanctus*, *Sanctus*, verbis S. AMBROSI ad hunc ipsum Ecclesiæ u- L.III.c.18.
sum provocantis: *Seraphini*, inquit, *laudant, omnis Beatorum chorus lau-* de Spiritu S.
dat, ut sanctum DEUM dicat, Sanctum Filium, Sanctum Spiritum. Quo-
modo igitur non omnia habet, quæ DEI sunt, qui cum Patre & Filio a Sa-
cerdotibus, & in baptismo nominatim, & in oblationibus invocatur cum
Patre & Filio. Similiter S. HIERONYMUS eundem hymnum in confessio- De XLII.
nem TRINITATIS cani testatur: „In confessionem Sanctæ TRINITATIS erum- manfonibus
„pimus dicentes: *Sanctus, Sanctus, Sanctus Dominus DEUS sabaoth.*“ Quam in initio.
vero antiquum hoc fit in celebratione sacræ liturgiæ, ex actis SS. PERPE-
TUÆ & FELICITATIS apud RUINARTUM, & ad calcem LACTANTII de morte
Persecutorum, colligere licet: ubi S. PERPETUA in visione quadam, vifa sibi
Eucharistiam accipere, inter alia dicit: „Introivimus, & audivimus vocem Ruin. Aet.
„unitam Agios, Agios, Agios sine cessatione.“ S. CYRILLUS Hierosolymit. sincera MM.
expresse ὑμνῳδίας, seu psalmodiæ ac cantus meminit: Propterea enim tra- p. 98.
ditam nobis a Seraphinis hanc Theogiam (seu DEI celebrationem) recitamus, XXIII.n.6.
ut communi laudum modulatione cum superioribus mundo exercitibus con-
iungamur. Deinde, postquam nosmetipso per hos spirituales hymnos sanctifi-
ficavimus, DEUM benignum exoramus &c. S. ATHANASIUS Arianos, qui T. I. P. I.
Trisagion mutata voce canebat, ad finem sermonis in illud, Omnia mihi p. 108.
tradita sunt, incessit his verbis: „Nec vero ullus e sanctis Prophetis, qui
„in huiusmodi visione maxime sunt digni habitu, nobis renunciavit illos ma-
„gna voce usos esse cum Sanctus prima vice proferrent, minus clara secun-
„da vice; submissa denique tertia vice: deindeque prima sanctitatem Do-
„mini significari, secunda subiectionem indicari, tertia demum inferiorem
„designari ordinem.“ Nullus S. CHRYSOSTOMO frequentius meminit my- Epist. 2. ad
sticæ melodiæ, ut vocat sæpius, solita imprimis eloquentia & energia Olymp. hom.
hunc christiani populi cum angelis concentum deprædicans. A CHRISTO 3. de penit.
demum hos ad nos hymnos delatos asserit, atque cani præceptos b). Id &c.
ei

a) Vid. etiam MABILLONIUS supra p. 106. lau- b) „IESUS (inquit Hom. 23. ad Ephesios. T. XI. N.
datus. E. n. 3.) Filius Patris misericordiarum, filius eius

ei solemne est, populum ex hac concentus cum Angelis consociatione ad officia christiana a profanis præsertim cantilenis advocare: *Quomodo, inquit Hom. 21. ad alicubi, non est absurdum post mysticam illam vocem e cœlis delatam, a Che-pop. Antioch. rubim dico, meretriciis cantibus, & fractis melodiiis theatri aures inquirare?* Alibi vero commemorans, quomodo affoleat perfæpe cum ipso etiam Sacerdote populus verba, ac vocem coniungere, ad eundem potissimum provocat hymnum a). Quodam loco populum inde multum collaudat, & dignationem, ut cum choris exercitibusque Angelorum suas conficeret voces, deprædicat b). Loquitur autem de vigiliis, & stationibus nocturnis, ut videri possit, tunc etiam peculiariter dictum fuisse hymnum illum, nisi malis intelligere de coniuncta simul tunc liturgia. SEVERIANUS Episcopus Gabalensis in homilia de filio prodigo eiusdem hymni meminit, addictis sacrosanctis nominibus, explicationis, ut puto, causa: *Recordamini, inquit, tremendorum mysteriorum, ubi subiunguntur voces Angelorum collaudantium de cœlis & dicentium ἄγιος ὁ πατήρ, ἄγιος ὁ νόος, ἄγιος ὁ παράπλητος, τὸ πνέυμα τὸ ἄγιον τὸ τὴν θυσίαν τελεσιγράψαν.* Alius vero est cherubicus hymnus in liturgia Græca ad illationem facrorum Symbolorum cani solitus:

qui est vere DEUS, omnem tulit virtutem, omnes qui inde sunt fructus, hymnos nempe ad nos detulit cœlestes. Nam quæ in cœlis (*ἄνω*) dicunt Cherubim, ea nos quoque iussit dicere: *Sanctus, Sanctus, Sanctus.* “ Et homilia in Seraphim: (T. VI. N. E. p. 141.) „Antea quidem in cœlis tantum hymnus iste canebatur: postquam autem in terram venire dignatus est Dominus, hunc etiam concentum ad nos detulit. Propterea quoque magnus Pontifex cum iuxta sacram hanc mensam consiliterit, ut rationalem cultum exhibeat, & sacrificium offerat incruentum, non simpliciter nos ad hanc fanfam acclamationem invitat, sed ubi prius Cherbim nominavit, & Seraphim mentionem fecit, tum demum ad hanc tremendam vocem mitten-dam omnes adhortatur, & dum eorum nos admonet, qui nobiscum choros agitant, mentem nostram a terra subducit, unumquemque nostrum his propemodum verbis excitans: Unacum Seraphim canis, unacum Seraphim illa, cum illis alas extende, cum illis regium solium circumvolat. “

a) Hom. XVIII. in 2. Cor. „In tremendis quoque mysteriis, ut Sacerdos pro plebe, ita plebs pro Sacerdote vota facit. Hæc enim verba & cum Spiritu tuo nihil aliud quam hoc significant. Rursus ea oratio, qua DEO gratiæ aguntur,

utrisque communis est; neque enim ipse solus gratias agit, sed etiam plebs universa. Nam quum primus illorum vocem sumvit, atque illi assenserunt, id digne ac iuste fieri, tum demum gratiarum actionem auspicatur. Quid autem est, quam ob rem tibi mirum videatur, si cum Sacerdote plebs interdum loquatur, quum etiam cum ipsis Cherubim, ac supernis virtutibus facro-fanctos illos hymnos communiter in cœlum mittat. “

b) „Eoquod (sunt verba laudati Doctoris Hom. in laudem eorum, qui comparuerint in ecclesia) angelicorum ordinum stationem imitantes, sine cessatione landes, & hymnos offertis conditori. O mira CHRISTI dona! in supernis exercitus Angelorum canunt gloriam: in terris candem hominum depromit multitudo, communiterque tum cœlestium, tum terrestrium festivus conventus congregatur: una gratiarum actio, una exultatio, una gaudentis choreæ statio. Hanc enim ineffabilis Domini sece ad nos denittens bonitas constituit, hanc Spiritus congregavit sanctus: huius vocum concentus paterno beneplacito congruit: e cœlis habet modularum consonantiam, dum a Trinitate velut a plectro quopiam movetur, delectabile illud ac felix resonat melos; illam angelicam cantionem, illum desinere neficium concentum. “

tus: ὁ τὰ χεργέμι. Alius item in sacris *Græcorum* frequentatus hymnus τρισάγιος, quem nos quotannis die Parasceve græce, & latine cantamus. Hunc ad tempora Concilii *Chalcedonensis* ad an. 402. referendum, colligitur ex actis eiusdem Concilii. Nec multo post in *Orientis* ecclesiis receptum, & publico usu confirmatum esse, vel ex eo patet, quod multas deinde turbas excitaverit facta ei additio: *Qui passus est pro nobis*, vel: *Qui crucifixus est pro nobis*, quæ facta est a *Petro Fullone*. Passim THEODOSIO *Iuniore* imperante demum in ecclesia cani cœptum aiunt, divinitus quidem S. PROCLO *Patr.* edocto, ut NICEPHORUS, *Io. DAMASCENUS*, PAULUS *Diaconus*, & CEDRENU斯 narrant a). Sunt quidem, ut observat CANGIUS V. *Trisag.* qui decantatissimum *Græcis* hunc hymnum τρισάγιον *Sanctus DEUS* &c. longe ante PROCLUM, circa medium sœc. V. *Copolitanam* sedem tenentem, in usu fuisse putent, quod in omnibus sacris liturgiis IACOBI, MARCI, BASILII, CHRYSOSTOMI, reperiatur. Sed S. CHRYSOSTOMUS constanter de altero illo loquitur, quem triumphalem ideo dicimus, quod istum *Domino DEO exercituum in sublimi gloria throno sedenti, velut DEO forti, & cuncta potenti, celestis militiæ duci, inimicarum legionum debellatori felicissimo, victoriæque omnis datori, angelici Spiritus vidente ISAIA c. 6. cecinerunt*, ut ait GOARUS. *Eucholog* Accedit alicubi in Occidente, ut non ubique in omnibus diceretur Missis: p. 135. quem abusum sustulit Concilium *Vasense* II. statuens: „Ut in omnibus Missis, can. 3. „feu matutinis, feu in Quadragesimalibus, feu in illis, quæ pro defunctorum commemoratione fiant, semper Sanctus, Sanctus, Sanctus eo ordine, „quo ad Missas publicas dicitur, dici debeat. Quia tam dulcis & desiderabilis vox, etiam si die noctuque possit dici, fastidium non poterit generare.“ b) Colligi hinc videtur, quod in Missis, quæ forte fine cantu cele-

a) Ut enim laudati auctores referunt, cum regnante THEODOSIO terra ipsis quatuor mensibus motibus continuis agitaretur, accidit, ut illa vehementius aliquando fluctuante, omnique populo intensius *Kyrie eleison* acclamante, adolescentulus, nemine non vidente, in æra sublatus, divinam audierit vocem, præcipientem sibi, Episcopo populoque nunciaret, ut litanias agerent, dicentes: ἀγιος ὁ θεος κ.τ.λ. Sanctus DEUS, Sanctus fortis, Sanctus immortalis miserere nobis, quin aliud quidquam adderent. Quid ubi PROCLOS fieri mandasset, moremque mandatis fideles gesissent, quiete terræ restituta, ab THEODOSIO hoc *Trisagion* omnibus totius orbis ecclesiis commendatum fuisse. De hac tamen renihil apud coævos auctores legeris. Vid.

Chrif. LUPUS ad Conc. *Trull.* T. III. p. 145. Petr. ALLIXIUS in peculiari lib. de *Trisagio*. BORREMANSIUS in *Vesperis Gorinch.* p. 16. *Conr. SCHURZFLEISCHIUS*, & alii de hymnis ecclesiae veteris.

b) Pro explicatione huius canonis nota ex obseruantia omnium temporum locum S. EPIPHANII in synopsi n. 22. de *Synaxibus*, quæ quarta, ἐπὶ pro sabbato ad horam nonam fiant, in die Dominica matutinis horis κατεῖ τὸς πρωῒδας. Ut vero illis diebus stationum ad nonam, sic in Quadragesima ad vesperam synaxes agebantur. Unde alibi distinguuntur, veluti can. 29. Conc. *Aurelianensis* III. an. 538. *Sacrificia matutina Missarum*, sive *vespertina* nominantur, quæ eadem sunt, ac quadragesimalia. Eo pertinet,

celebrabantur, seu minus solemnibus, omitteretur, dum cani alias consueverat. Occurrit tamen in omnibus liturgiis tam orientalibus, quam occidentalibus, quandoque etiam græce, uti in *Mozarabica* iste: *Agios, Agios, Agios Dominus DEUS Rex aeternæ, tibi laudes & gratias.* Et in liturgiæ S. GERMANI expositione *Aius*, seu *Agios*, & *Sanctus* ante prophetiam, & item ante Evangelium *Agios*; *Sanctus* vero post Evangelium canendum præscribitur, sicut iam diximus: idemque de liturgia *Mozarabica* notandum, in qua præter *Agios*, ac *Sanctus*, quod canonem præcedit, repetitis etiam vicibus canitur, uti in liturgia S. GERMANI, sed non eodem loco. Uſus iste, ut alia eius liturgiæ, haud dubie ab oriente venit. Edidit nuperrime WERENSDORFIUS programma de prece HOSIANNÆ, *eiusque in liturgia usu*, quem iam in constitutionibus apostolicis observamus, atque in liturgia S. CHRYSOSTOMI, & aliis tam *Gracis*, quam *Latinis* ad hodiernum usque diem. a)

De Consecratio- XII. S. AUGUSTINUS ad S. PAULINUM rescribens Epist. 149. n. 16. N. ed.
n. 2. Tim. I. de illo Apostoli: *Obsecro itaque primum omnium fieri obsecrations &c. ut
ait, precatio-nes accipiamus dictas, quas facimus in celebra-tione Sacra-mentorum,
antequam illud, quod est in Domini mensa, incipiat benedicti: oratio-nes cum benedic-tur, & sanctificatur &c.* Orationes hæ postea canon Missæ
sunt appellatae, sub quo consecratio fit. Sic etiam *Precem* vocat INNOCENTIUS I. in epist. ad DECENTIUM; & VIGILIUS P. ad PROFUTURUM, *canonicæ
precis textum.* Quodsi, ut fit, secreto factæ illæ orationes non fuerunt, lo-
Ep. LV. n. 34. cum habere potuit, quod supra iam retulimus ex eodem S. AUGUSTINO: *Quan-
do autem non est tempus, cum in ecclesia fratres congregantur, sancta can-
tandi, nisi cum legitur, aut disputatur, aut Antistes clara voce deprecatur,
aut communis oratio Diaconi indicitur. Quod dicit Antistitem clara voce
deprecari, *Gracis* nuncupantur ἐκφωνήσεις, seu iuxta Concilium *Laodicenum*
orationes διὰ προσφωνήσεως, quæ sunt orationes altiori vocis fono pronun-
tiandæ. Quales IUSTINIANUS Imp. in Nov. Conf. 123. hic fieri vult μὴ πατά
σεσιω-*

quod in Conc. MATISCONENSIS I. (an. 583.) can. 9. –
fancitur, ut a feria S. MARTINI usque ad natale
Domini, secunda, quarta, & sexta Sabbati ieu-
netur, & Sacrificia Quadragesimali debent or-
dine celebrari.

a) Id quidem nostrum nihil attinet institutum,
quod dicit de significatu huic vocis compositæ ex
γένεται & οὐν, quam in unico loco Ps. CXVIII.
LUTHERUS optime transtulerit: *O Herr hilf:
Domine auxiliare interpretatus, atque eo sen-
tu populus, & pueri Hebreorum CHRISTO*

acclamaverint ad auxilium, redemtionemque a
MESSIA impetrandam. Inde vero hand video,
quare inceptum adeo illius vocis usum concludat
tum in liturgia, cum etiam in processionibus,
atque acclamationibus, quæ prima ecclesiæ ætate
Episcopis subinde fieri solebant, atque etiam ex
EUSEBIO discimus, IACOBO Apostolo, dum verba
faceret Hierosolymis, acclamatum esse: *Hannah
filio DAVID;* quippe qui ex stirpe DAVID erat
orinndus, ex qua MESSIAS exspectabatur na-
sciturus.

σεσιωπημένον, ἀλλὰ μετὰ φωνῆς πιστότερα λαῷ ἐξηγορούμενης, non tacite, sed voce a fidei populo percipienda. Tales etiam ἐκφωνήσεις sunt verba, quibus orationes concluduntur, atque ad eas respondet populus. Sic iam ex IUSTINO M. retulimus: „Postquam preces, & Eucharistiam absolvit, populus o-
„mnis acclamat amen.“ Apol. II. n. 10.
„ei, qui praesidet coetui. Is preces, & gratiarum actiones similiter, quan-
„tum potest, DEO fundit: ὅση δύναμις ἀντῷ ἀναπέμψει, & populus accla-
„mat, dicens amen. Tunc fit distributio &c.“ Et ex EUSEBIO: „Cum L. VII. hist.
„enim & gratiarum actionem in ecclesia audiisset, & ad illam unacum aliis
„amen accinisset συνεπιφθεγχάμενον τὸ ἀρέν.“ c. 9.
„modi responsonibus inter ipsa sacratiora verba, iuxta liturgias *Græcas*, &
Ambrosianam, ipso S. AMBROSIUS eius rei mentionem faciente in libro de
iis, qui mysteriis initiantur: „Ante consecrationem aliud dicitur, post conse-
„crationem Sanguis nuncupatur. Et tu dicas amen: hoc est, verum est.“ Quod
ritu *Romano* in precis canonice conclusione etiamnum ante orationem dominica-
cam solemne est.

XIII. Orationis dominicæ tam constans fuit in liturgia usus, ut fue- De oratione
rint, qui, ad eam solam celebrasse Eucharistiam Apostolos, putarint. Videri- dominica, &
que queat, *LUCIANUM* huc respexisse, dum hymnum apud Christianos sole- benedictione.
mnem in Sacris memorat ἀντὶ τῆς πατρὸς a Patre incipientem. Nihilominus in constitutionibus apostolicis non notatur, nisi in baptismi liturgia, a baptizato L. VII. c. 44.
dicenda. S. CYRILLUS *Hierosolymitanus* eandem commemorat, a populo haud dubie communi voce dictam; „Tum vero (inquit) post hæc illam reci- Cut. XXIII.
„tamus orationem, quam Salvator propriis suis discipulis tradidit: DEUM n. 11.
„cum pura conscientia patrem nuncupantes, dicentesque: *Pater noster* &c.“ Post populum Sacerdos: *Et ne nos inducas in temptationem*, subdit iuxta liturgiam S. IACOBI, quæ convenit alias cum liturgia S. CYRILLI; additque S. CYRILLUS, quod in illa S. IACOBI liturgia habetur, ut populus respondeat *Amen*. In liturgia S. MARCI (ubi iam notavi ex vetustissimo auctore de cursuum ecclesiasticorum origine, *Sanctus*, vel *Gloria in excelsis*, vel *orationem dominicam*, & *amen* ab universis tam viris, quam foeminis decantari) primum a Sacerdote, deinde a populo dicenda prescribitur: sed a Sacerdote haud dubie submissa voce, cum mox sequens oratio sit *elata voce* dicenda. Puto unam intelligendam etiam orationem dominicam ex illis, quas Concilium *Laodicenum* implendas διὰ προσφωνήσεως per enunciacionem dicit. Coniungitur hic tam Orientis, quam Occidentis confuetudo, L. VII. epist.
quam notat S. GREGORIUS M. dominicam orationem apud *Græcos* ab omni 64. Vet. ed.
populo dici; apud nos vero a solo Sacerdote. Utrumque tamen MABILLO- De liturg. Gal-
NIUS in ecclesia *Gallicana* observavit, nimirum ut a Sacerdote, & omni lic. lib. I. c. 5.

populo diceretur. In liturgia vero *Mozarabica* a Sacerdote quidem dicitur, ut tamen populus ad singulas petitiones *Amen* respondeat. Quæ diversitas nihil officit; quin declarat, semper quadam ratione populi partes intervenisse, etiam *Romano* ritu, quo populus faltem postremam eius succinit partem. Constatque, eam in liturgiis omnibus in sacratissima parte fuisse

L. II. contra dictam. Quam etiam *OPTATUS Milevitanus* designat: *Inter vicina momenta, Parmen.* inquit, *dum manus imponitis, & delicta donatis, mox ad altare conversi, dominicam orationem prætermittere non potestis.* Ex *S. AMBROSIO*, vel quisquis

L. V. c. 4. est auctor librorum de Sacramentis, idem patet: „Dixi vobis, quod ante „verba CHRISTI, quod offertur, iam non panis dicitur, sed corpus appellatur. Quare ergo in oratione dominica, quæ postea sequitur, ait: *Panem nostrum &c.*“ *S. HIERONYMUS* præfationem videtur indigitare, quæ solet hodieque orationi dominicæ in sacra liturgia præmitti: „Sicut docuit Apostolos suos, ut quotidie in corporis illius sacrificium credentes audeant loqui, *Pater noster &c.*“ Sæpius S. *CHRYSOSTOMUS* ad hanc dominicam orationem a fidelibus dici consuetam provocat, ut officii commoneat, & adhortetur, præfertim quoad petitionem illam *& demitte nobis &c.* At

Retract. lib. I. que *S. AUGUSTINUS*: „In eisdem mandatis est, quod iubemur dicere: „*Dimitte nobis debita nostra, sicut & nos dimittimus debitoribus nostris.* Quam „orationem usque in finem saeculi tota dicit Ecclesia.“ *S. CÆSARIUS Arelat.*

Serm. 282. in append. indiscriminatim hic de populi cantu loquitur: „Quum enim maxima pars „populi, imo, quod peius est, pene omnes recitatis lectionibus exeunt de „ecclesia, cui dicturus Sacerdos, *Sursum corda*: nunquid respondere pos- „sunt, quando deorsum in plateis & corpore simul & corde discedunt? „vel qualiter cum tremore simul & gaudio clamabunt: *Sanctus Sanctus San- & ctus benedictus qui venit in nomine Domini?* Aut quando oratio dominica „dicitur, quis est qui humiliter & veraciter clamet, *Dimitte nobis debita „nostra, sicut & nos dimittimus debitoribus nostris?* Cum enim etiam illi, „qui se in ecclesia continent, si non dimiserint debita debitoribus, ad iu- „dicium magis quam ad remedium orationem dominicam proferunt ex ore,

Reg. c. 13. „quam implere non probentur in opere &c.“ Hinc etiam a *S. BENEDICTO* oratio dominica in matutinis laudibus, & vesperis iubetur dici, audientibus omnibus: „Ut conventi per ipsius orationis sponzionem, qua dicunt,

„*Dimitte nobis debita nostra sicut & nos dimittimus debitoribus nostris, pur- gent se ab eiusmodi vitio.*“ Antea iam dixerat *CÆSARIUS*: „Qui vult „Missas ad integrum cum lucro animæ suæ celebrare, usquequo oratio „dominica dicatur, & benedictio populo detur, humiliato corpore, & com- „puncto corde se debet in ecclesia continere.“ Sancitum id variis in Con- ciliis fuit, veluti *Agathensi*. Ibi: „Missas die dominico a saecularibus totas teneri

An. 506.
Cant. 47.

„spe-

„speciali ordinatione præcipimus, ita ut ante benedictionem Sacerdotis e-
„gredi populus non præsumat.“ *Aurelianensi I.* „Cum ad celebrandas Missas *Cant. 26.*
„in DEI nomine convenitur, populus non ante discedat, quam Missæ fo-
„lemmitas compleatur, & ubi Episcopus fuerit, benedictionem accipiat Sa-
„cerdotis.“ Idem repetitur in Conc. *Anrel. III.* Solemnes formulas huius *Cant. 29.*
benedictionis, quæ ante communionem solebat impertiri, afferemus sequen-
tibus in libris.

XIV. Iam supra attuli S. AUGUSTINI locum ex Retractat. de suo libro *De cantu in
contra HILARIUM de canticis ad altare*, quem etiam S. POSSIDIUS recenset *fractione, &
in Indiculo operum*, quo morem ecclesiæ *Cartagin.* defendebat, ut hymni *Communio-
ne.* ad altare dicerentur de psalmorum libro, five ante oblationem, five cum *L. II. c. 11.*
distribueretur populo, quod fuisset oblatum. Haec tenus retulimus, qua ra-
tione vocibus, & cantibus tum Sacerdotis aut ministrorum, tum populi,
facra instaurabatur liturgia, præcipueque ad dignam Eucharistiæ tractationem,
susceptionemque excitabantur fidelium mentes. Par erat, rite etiam consum-
mari Sacrificium. *Tu adfuisti*, inquit S. CHRYSOSTOMUS, *hymnum cantasti*, *Hom. 3. in
cum dignis omnibus te es professus, eoquod cum indignis non recesseris.* *Quo-
modo manasti, & mensæ non es particeps?* *Sum, inquis, indignus.* Ergo
illa quoque communione, & societate, quæ est in precibus, es indignus. Non
enim solum per proposita: sed etiam undique per cantica descendit Spiritus.
Tempore communionis etiam piæ audiebantur voces & cantus. Ut enim
nihil dicam de solemni illa acclamazione, qua aut fideles ad dignam præpa-
rationem excitabantur, acclamante Sacerdote: *Sancta sanctis*, respondentibus
vero fidelibus: *Umis Sanctus, umis Dominus:* aut dum sub ipsum commu-
nionis tempus ad verba illa *Corpus CHRISTI, Sanguis CHRISTI*, solemni-
ter prolata, quisque accipientium, simulque universi elata voce responderunt
Amen: veluti ex iam laudatis SS. PERPETUA, & FELICITATIS actis discimus, *Ad calcem
Laetantii de
mort. persecu-
torum.*
dum in visione S. PERPETUA Eucharistiam, sacræ liturgiæ præfens, visa est par-
ticipare: *Ego, ait, accepi iunctis manibus, & manducavi, & universi cir-*
cumstantes dixerunt AMEN. Scimus prima illa ætate peculiarem psalmum,
trigesimum tertium nimirum, esse dictum inter ipsam communionem: *Psal-
mus autem, ut habetur in Constitutionibus apostolicis, trigesimus tertius di-
catur, dum reliqui omnes communicant.* Cumque universi, & universæ com-
municaverint, accipientes Diaconi, quæ supersunt, inferant in pastophoria.
Et Diaconus, quando, qui psallit, fecerit finem, pronunciet: percepto pretioso
corpore &c. Vides hic distinctam psallentis, ac pronunciantis orationem, Dia-
coni vocem. Et ex illo psalmo imprimis hoc peraccommodum versiculum:
Gustate, & videte, quam suavis est Dominus, singulari quadam, & divina

I 26 L. I. QUÆNAM PRIMA ECCLESIE ÆTATE

melodia cantatum fuisse, S. CYRILLUS *Hierosolymitanus* testatur. „ Audivisti
 Cat. XXIII. „ deinde (inquit) vocem psallentis, divina quadam melodia vos ad sancto-
 n. 20. rum mysteriorum communionem invitantis, ac dicentis: *Gustate & vi-*
 „ *dete, quod bonus est Dominus.*“ Ad quem cantum repetendum videmus
 T. II. Bibliothe etiam in liturgia S. IACOBI specialiter Diaconi admonitionem præcessisse. Dia-
 max. PP. conus: „ *In pace CHRISTI cantemus.* Cantores: *Gustate & videte, quod*
 p. 8. „ *benignus est Dominus.*“ Idem factum ex liturgia *Mozarabica* intelligi-
 Ib. p. 7. mus, atque eundem locum communiter sanctos Patres de sacra Eucharistie
 L. I. de Eu- participatione interpretatos, constat. Assignantur in eadem S. IACOBI liturgia
 char. c. 5. etiam psalmi in fractione & mixtione panis & calicis. MORNÆUS ex variis
 monumentis antiquis designat, quinam psalmi in Eucharistie distributione cani
 consueverint. Nimirum Ps. XXII. *Dominus regit me.* XXXIII. *Benedicam Do-*
mimum in omni tempore. XLI. *Quemadmodum desiderat cervus ad fontes a-*
quarum. CIII. *Benedic anima mea Domino.* CXVI. *Laudate Dominum*
omnes gentes. CXLIV. *Exaltabo te DEUS mens Rex.* Regula Aurelianii præ-
 scribit, ut psallendo omnes communicent. Cantus antiphonus præscribi-
 tur in liturgia S. GERMANI his verbis: *Sacerdote autem frangente, supplex*
clerus psallat antiphona, quia paciente dolore mortis omnia trementis testata
sunt elementa. Tempore communionis præscribitur *Trecanum*, quod quid
 T. V. Anecd. fit, difficile est divinare. „ Erit forte (inquit MARTENIUS) qui *Trecanum*
 p. 90. „ interpretetur Symbolum Apostolorum, Sanctæ Trinitatis fidem explicans,
 „ quod in missali quidem *Mozarabum* post consecrationem ante commu-
 „ nionem dicendum præscribitur: in *Gallicana* vero liturgia post commu-
 „ nionem recitaretur.“ Videlque huic opinioni favere, quod ibi de hoc
 p. 90. *Trecano* dicitur: *Trecanum vero quod psalletur, signum est catholicae fidei*
de Trinitatis credulitate procedere. Sed adversantur quæ sequuntur, indi-
 cantque potius repetitionem stropharum, aut versicularum. *Sic enim prima*
in secunda, secunda in tertia, & rursum tertia in secunda, & secunda ro-
tatur in prima. Ita Pater in Filio mysterium Trinitatis complectet. Res
 illustrari queat ex liturgia *Mozarabica*, in multis convenienter cum hac S.
 p. 330. GERMANI ac veteri *Gallicana*, ut inter alios BRUNUS in opere liturgico, &
 T. VI. PINIUS in actis SS. *Iulii* declarant, etiam quoad hoc, quod *Trecanum* can-
 p. 99. 105. taretur eodem plane loco in Missa S. GERMANI, quo canitur *Gustate, &*
videte in missali *Mozarabico*, quod *responsum ad accedentes* dicitur, atque
 in eo ubique occurrit ternarius numerus. 1. Constat tribus versibus, nimi-
 rum *Gustate. Benedic, & Redimet.* 2. Ter dicitur *Alleluia* post versus
 istos singulos. 3. Subditur illis doxologia, *Gloria, & honor*, in qua no-
 minatim exprimuntur tres personæ divinæ. 4. Doxologæ isti subiungitur
 ter *Alleluia.*

XV. Demum solemnis etiam dimissionis hic mentio facienda est, Dia- Dimissio po-
cono eadem haud dubie verba, *Ite missa est*, quæ etiamnum usitata sunt, puli.
a priore Ecclesiæ ætate fidelibus acclamante: a) unde & *Missæ* nomen ea- a
dem ex ratione aliis divini officii partibus est inditum, usu repetito a pro-
fanis eiusmodi dimissionibus, prout apertissime AVITUS declarat inquiens: *A Epist. I. apud*
cuius proprietate sermonis in ecclesiis palatiisque sive prætoriis Missa fieri pro- Sirm. T. II.
nuntiatur, cum populus ab observatione dimititur. opp. Var. p. 3.

a) Duplicem eiusmodi dimissionem fuisse, ex ve-
teri Christianorum liturgia colligimus, quarum
alii Catechumenos, cæteros fideles alia specta-
bat. Ista finitis precibus, quibus Catechumenis,
atque Energumenis adesse licuit, hæc vero post
εὐχὴν ἀπολυτικὴν a Diacono recitatam fie-
bat. Ipsum vero *Missæ* nomen quod attinet,
sane antiquum id fatis est, atque ad finem ter-
tii sæculi, aut paulo ante ad mentem Clar.
CASAUBONI inventum; quod ex epistola COR-
NELII (aut si quis forte alius eiusdem auctor
est) ad LUPICINUM *Vienensem*, circa annum


Domini 250. scripta, Vir landatus clarum fieri
asserit (Exercit. XVI. ad ann. BAR.) ea iam
ætate *Missæ* nomen notum fuisse. Certe iam
S. AMBROSIUS ep. 13. ad MARCELLINAM fo-
rator. it. serm. 34. & S. CÆSARIUS Arelatenfis
hom. 12. *Missæ* nomine integrum liturgiam, seu
omnia, quæ ad celebrationem Sacrificii ineruenti
pertinebant, comprehendenterunt; cum tamen cre-
dere vix licet, istud vocabulum statim ab in-
cunabulis suis tam late patuisse, ut non potius
populi olim dimissioni id proprium fuerit.



CA-

C A P U T III.

Cantus ac musica sacra aliis in locis, partibusque officii divini.



Sacri Christianorum in hymnis spiritualibus conuentus publici, die noctuque per festa.

Apolog. c. 39.

Ep. 207.

a

*L. 28.
n. 3.*

dem, inquit S. BASILIUS, *populus confurgens antelucano tempore domum preicationis petit; inque labore, & tribulatione, ac lacrymis indefinitibus, facta ad DEUM confessione, tandem ab oratione surgentes ad psalmodiam instituntur.* In maioribus urbibus, ubi plures erant ecclesiae, divisis etiam populis in turmas, nihilominus pii Pastores studebant ubique per vices adesse, & facris operam dare a). Vidimus superius p. 21. LUCIANI testimonium de Christianis, ad hymnos tota nocte decantandos vigilantibus. Meminitque earundem vigiliarum in festis christianis Ammianus MARCELLINUS his verbis: *In statione primis tenebris observata custodum absentia, qui die festo christiani ritus in ecclesia pernoctabant &c.* S. ATHANASIUS de *Virginitate* hoc studium perpetuis hymnis, & glorificationibus DEUM celebrandi, singulariter

a) „Iam dudum (sunt verba ciudem S. Doctoris in psalm. CXIV.) occupato hoc sacro Martyrum templo, a media nocte ad hanc usque meridiem DEUM Martyrum, dum adventus noster exspectaretur, hymnis placare perrexistis. Itaque vobis parata merces est, qui Martyrum honorem, DEIque cultum & somno & quieti prætuleritis. Quod si opus est ut nostram ipsorum defensionem suscipiamus, causam cur moras interposuerimus, vosque deseruerimus diutius, dicturi sumus: quod alteram huic patrem DEI ecclesiam, non medioeri intervallo a vobis disiunctam, administrantes, istud diei spatium in id insinuerimus. Cum igitur tri-

rant fidelibus inde ab Ecclesiæ primordiis stata divini servitii tempora, quæ die noctuque in hymnis, psalmis, & canticis spiritualibus traducebant, prout paßim in superioribus ostendimus, ac deinceps magis patefiet: ubi quisque invitabatur ad cantandas laudes DEI ex scriptura, vel proprio ingenio, uti ex TERTULLIANO p. 29. audivimus. Intelleximus porro, malevolos ob nocturnas pervaigilias cavillandi non semel accepisse occasionem; dum boni tamen omnes, & pii laudarunt, propagaruntque. *De nocte* sicut

I.

buerit Dominus, ut & apud illos impleverim ministerium, nec sim a vestra charitate frustatus, mecum largitori beneficio gratias agite, qui hanc quam videtis corporis nostri debilitatem invisibili sua potentia levavit. Porro ne diutius detentis vobis simus molesti; ubi panca ex eo psalmo quem vos canentes deprehendimus, differnemus, ac verbo consolatorio pro nostris viribus paverimus vestras animas: singulos ad habendam corporis curam dimittamus. Quid igitur erat quod a vobis canebatur: *Didlexi, inquit, quoniam exaudiens Dominus vocem orationis meæ.*“

ter DEO dicatorum esse vult. *Ea autem est voluntas CHRISTI, ut is, qui ipsi conglutinatus est, nihil secum omnino saeculi ferat, nihil terrestria craret, sed solum, ut crucem eius, qui pro se crucifixus est, baiulare velit, curamque ac sollicitudinem gerat, ut perpetuis hymnis, & glorificationibus eum celebret.* Sic S. GREGORIUS Naz. Cpoli abiens dolenter valedixit Nazariorum choris, psalmodiarum concentibus, atque stationibus nocturnis. Et S. BASILIUS laudata epist. *Scire autem vos volo, nos laudi ducere, quod virorum, & mulierum coetus habeamus, quorum conversatio in cælis est.... noctu, diuine perseverant in orationibus: quorum os non loquitur opera hominum, sed hymnos DEO nostro concinunt continenter.* S. AMBROSIUS in celebri ad Vercellenses epistola in hac re S. EUSEBIUM Vercellensem, & eius discipulos hisce verbis collaudat: *Qui in hymnis dies, ac noctes personant. Hæc nempe Angelorum militia est, semper esse in DEI laudibus: orationibus conciliare crebris, atque exorare Dominum student.* S. CHRYSOSTOMUS, ne T. VI. p. 95. repetam, quod idem ea de re in laudem Monachorum ad populum Antiochenum dixit, istud totius populi studium, ac pietatem, homilia in laudem eorum, qui comparuerunt in ecclesia, extollit: *Nimirum, inquit, ex hoc concursu, ex eo quod ecclesiam omnium matrem studiose occupatis, ex hac pernocte perpetuaque statione, ex eo quod angelorum ordinum stationem imitantes, sine cessatione laudes, & hymnos offertis conditori &c.* Et postquam satis deprædicasset populi felicitatem, qui angelicis chorus veluti sociatus, in ecclesia eorum cantus coelestes imitaretur: *Hic est, subdit, studii præsentis finis, hi conventus nostri fructus: eoque gaudeo, talem conspicens celebritatem: gaudeo, dum animorum vestrorum latitiam considero, dum gaudium spirituale, dum secundum DEUM exultationem.* Neque enim nulla res tantum affert gaudii vitæ nostræ, quantum hoc, quod ex animo gaudeatis in ecclesia congregati. Adhærebat templis Episcopi cum suo clero habitatio: inde rationem repetunt Patres Conc. Matisconensis II. ne Episcopi canes alant: An. 585. *Custodienda est igitur, aiunt, episcopalis habitatio hymnis, non latratibus, operibus bonis, non moribus venenosis.* Ubi igitur DEI est assiduitus cantilenæ, monstrum est, & dedecoris nota, canes ibi, vel accipitres habitare. Illustre est PAULINI ad VICTRICIUM, Morinorum & Nerviorum Apostolum, testimonium de ecclesiarium illic nova constitutione: *Ubi quotidiano, ait, sapienter psallentium per frequentes ecclesias, & monasteria secreta concentu, castissimis ovium tuarum & cordibus delestantur, & vocibus.* Idem de NICETA canit redeunte in Daciam:

*Quis mibi pennas daret ut columbae,
Ut chorus illis citus interesse,*

MART. GERBERT. DE MUSICA ECCL. LIB. I.

R

Qui

^{207. n. 2.}

^{An. 585.}

^{Can. 13.}

^{Epist. 2.}

*Qui DEUM CHRISTUM, duce te, canentes
fidera pulsant.*

*Sed licet pigro teneamur ægri
Corporis nexu, tamen evolamus
Mentibus post te, Dominoque tecum
dicimus hymnos...*
*Audient AMEN tremefacta cete,
Et Sacerdotem Domino canentem
Lata lascivo procul admeabunt
monstra natatu...*

Item : *Orbis in muta regione per te
Barbari discunt resonare CHRISTUM
Corde Romano, placidamque casti
vivere pacem...*
*His precor cum te dominus alna Sancto
Ceperit fratrum numerosa cætu
In choris, & nos pietate chari
peccoris abde.*

Vigilie Paschalales, & a-
ftorum cura, ut ad hoc fideles obstringerent, maxime festis præcipuis. In
litorum præ- Conc. Matisc. II. de Paschate præcipit canon secundus: *Nullus servile opus
cipiorum
Festorum. audeat facere: sed omnes simul coadunati, hymnis paschalibus indulgentes
perseverationis nostræ præsentiam quotidianis sacrificiis ostendamus, laudantes
creatorem vespere, mane, & meridie. Præcipua semper paschalis solemnitas ita est traducta. Quis nocturnis, inquit TERTULLIANUS de gentili nupto
christianæ, convocantibus, si ita oportuerit, a latere suo eximi libenter feret?* Et THEOPHILUS
L. II. ad Uxores.
T. V. Bibl. PP. p. 849.
p. 844.
L. X. histor. Fr. c. 31.

II. Olim etiam haud rara fuit pia ista fidelis populi contentio, atque pa-
storum cura, ut ad hoc fideles obstringerent, maxime festis præcipuis. In
Conc. Matisc. II. de Paschate præcipit canon secundus: *Nullus servile opus
audiret facere: sed omnes simul coadunati, hymnis paschalibus indulgentes
perseverationis nostræ præsentiam quotidianis sacrificiis ostendamus, laudantes
creatorem vespere, mane, & meridie. Præcipua semper paschalis solemnitas ita est traducta. Quis nocturnis, inquit TERTULLIANUS de gentili nupto
christianæ, convocantibus, si ita oportuerit, a latere suo eximi libenter feret?* Et THEOPHILUS
Alexandrinus Epistola I. paschali contra Origenitas: *Forstan hæc audientes
ecclesiasticæ congregationis amor subeat, & recordentur fratrem in communione
lætitiae: hymnorum, quibus cum ceteris Dominum concinebant. Iam prius
meminerat psalmi CXVII. inde ab antiquissimis temporibus in solemnitate pa-
schali cantari soliti, ubi, „Totis itaque (ait) viribus animas nostras ab omni
„contagione purgantes, dignas celebritati, quæ imminet, præparemus, ut
„possimus cum sanctis canere: DEUS Dominus, & illuxit nobis.“ Sic fe-
stiva cantica solemnitatis paschalis excipiebant luctum proxime antecedentium
dierum passionis, ac mortis dominicæ: quemadmodum in antiquissimo fa-
cramentario Gelasiano præscribitur de Coena Domini. *Eodem die non psal-
litur, nec salutat: id est non dicit: Dominus vobiscum, quod hodieque
in horis canonicis eorum dierum observatur. S. GREGORIUS Turonensis ma-
gnus**

gnum numerum recenset vigiliarum tum in festis Domini, cum Sanctorum, quibus in ecclesiis, seu ad quas ecclesias procedendo a S. PERPETUO Episcopo *Turonensi* celebrandæ fuerint, institutæ Sæc. V. In Vita S. IOANNIS *Eleemosynarii* apud ROSWEIDUM sic LEONTIUS Episcopus loquitur: „ Hy-

^{p. 205.}

„ mnodia enim anniversaria post multum temporis dormitionis Sancti celebrata in templo superius memorati Sancti TYCHONIS . . . erat autem, quæ colebatur facra vigiliae hymnodia annuæ recordationis Sancti miraculum factoris TYCHONIS.“ Ex *Africana* ecclesia testis nobis idoneus est VICTOR *Uticensis*, qui L. II. de Persecutione *Vandalica* de festo Epiphaniæ agens, sub S. EUGENIO *Carthag.* Episcopo, *Iam enim*, inquit, ob celebritatem festivitatis hymni nocturni per ecclesiam canente populo concrepabant.

In Occidente deinceps præcipue S. CÆSARIUS ad hoc in suis sermonibus fideles incitavit, promiscuam plebis inducendo psalmodiam. Et S. NICE-

TIUS hac potissimum cantus suavitate fideles ad idem permovit. „ Quid

„ hac (inquit) delectatione iucundius, quia & psalmis delectamur, & ora-

De bono Psal.

„ tionibus irrigamur, & interpositis lectionibus pascimur.“ Et in peculia-

c. 3.

ri tractatu de Vigiliis servorum DEI, mox initio: „ Novimus autem (inquit) cap. 1.

„ multos hominum, ut aut maioribus suis placeant, aut sibi aliquid pecu-

„ liariter profint, noctis particulam ad aliquod opus segregare, & id pro lu-

„ cro ducere, quod, furati de sopore suo, operari potuerunt. Quodsi in

„ carnalibus instrumentis, id est, vieti ac vestiti necessariis, qui vigilant,

„ non reprehenduntur, imo laudantur, quanto magis nos sacras vigilias,

„ tam spirituali opere fructuosas, orationibus scilicet, hymnis, lectioni-

„ bus foecundas observare, & amare debemus, ut a Domino DEO merce-

„ dem recipiamus?“ Discimus autem ex eodem, Sabbati & Dominicæ huic cap. 2.

tam sancto operi fuisse destinatas noctium particulas: cum apud Monachos,

ac etiam Clericos quotidianum esset hoc servitutis pensum. Invenimus et-

iam extraordinarias pervigilias in singularibus necessitatibus. Cuiusmodi

exemplum OROSII refert efficax contra GILDONEM tyrannum. „ Igitur

„ (scribit) MASCELZEL iam inde a THEODOSIO sciens, quantum in rebus de-

L. VII. c. 36.

„ speratissimis oratio hominis per fidem CHRISTI a clementia DEI impetra-

bijt.

„ ret, *Caprariam* insulam adiit, unde secum servos DEI aliquot permotos

„ precibus suis sumvit, cum his, orationibus, ieuniis, psalmis dies, &

„ noctes continuans, sine bello victoriam meruit, ac sine cœde vindictam.“

Et paulo post: „ Substituit, ac tertio demum die, per noctem orationibus,

„ hymnisque pervigilem, ab ipsis cœlestium Sacramentorum mysteriis in ho-

„ stem circumfusum processit.“ Extat eiusdem ætatis epistola responsoria

SS. LUPI *Tricassini*, & EUPHRONII *Augustodunensis* ad commonitorium,

nempe TALASII, Episcopi *Andegavensis*, quæ inter alia de vigilarum duratio-

ne , & soleminiis in Paschate , Epiphania , & Natali Domini diversimode a-
 a gendis inter *psallendum* , & *legendum* a) tractat. Idem PRÆTEXTATI , Episcopi
Rotomag. necem narrans , „Adveniente autem (inquit) Dominicæ Resurrec-
 „tionis die, cum Sacerdos ad implenda ecclesiastica officia, ad ecclesiam ma-
 „turius properasset , antiphonas iuxta consuetudinem incipere per ordinem
 „coepit. Cumque inter psallendum formulæ incumberet , crudelis adfuit
De hier. eccl. „homicida &c.“ DIONYSIUS consecrationem aquæ baptisinalis , fieri solita-
c. 2. m in Paschæ , & Pentecostes vigilia , describens, inter alia refert, Sacerdotem *sacrosanctum DEO afflitorum Prophetarum divina aspirationis hymnum cecinisse*. Neque hic præterire fas est, quod in vita S. REMIGII apud HINC-
MARUM narratur de CLODOVEO , *Francorum Rege*, ad baptisnum deducto,
præcedentibus sacrosanctis Evangelis , & *crucibus cum hymnis* , & *canticis spiritualibus* , atque *letaniis* , *Sanctorumque nominibus acclamatis* , *subsequente Regina* , & *populo*. Quod semper fuit servatum in solemi fontium con-
 feeratione , & baptisni collatione. Cuius rei meminit S. GREGORIUS Naz.
Orat. in S. Pa-
scba. „Statio (ait) in quam post baptismum ante magnum altare constitueris , ventu-
 „ræ gloriæ est præludium. Psalmodia , cum qua susciperis , laudis ventu-
Orat. 2. de
Paschate. „ræ est anteambulatrix.“ Quem in locum NICETAS commentans : „Præ-
 „clara etiam (inquit) fuit hefterna luminum celebritas , hoc est cœtus ille,
 „qui ad vesperam magni Sabbati celebrabatur. Pervigilem enim noctem
 „traducebant usque ad horam septimam cantantes , ac lampades accenden-
 „tes , atque imminentem Servatoris nostri resurrectionem exspectantes.“
Epist. 12. Diem illum designat S. PAULINUS , quando ALLELUIA novis balat ovile choris.
S. CHRYSOSTOMUS celebritatem cantus ea solemitate satis innuit his in ser-
T. II. p. 440. mone de Resurrectione verbis: „Non enim quovis modo participes nos
 „fieri Spiritu iam oportet , sed spiritu impleri , psalmis , hymnis , canticis
 „spiritualibus , quibus repleti estis.“ Hinc dies Dominicæ per annum fe-
 stive fuit celebrata , ut supra ex Apologia S. IUSTINI M. vidimus , isque
 status dies est , quo teste PLINIO antelucanis horis convenire solebant Chri-
 stiani ad canendum DEO carmen. S. HIERONYMUS vero de Monachis,
Epist. 22. præcipue ad EUSTOCHIUM , perhibet , *Dominicis diebus orationi tantum* , &
canticibus vacant: *quod quidem & omni tempore completis opusculis fa-*
ciunt.

a) „Vigilia (aiunt T. IV. Cone. Labb. p. 1048.) natalis Domini longe alio more , quam Paschæ vigilia , celebranda : quia hic nativitatis lectio- nes legendæ sunt , illuc autem passionis. Epiphaniæ quoque solemnitas habet suum speciale- cultum. Quæ vigilie vel maxime , aut perpetue nocte , aut eerte in matutinum vergente , eu randæ sunt : paschalis autem vigilia a vespere

raro in matutinum usque perdueitur. Deinde in Vigilia Paschæ diverorum librorum lectiones sunt recensendæ , quæ totæ habeant aliiquid de prefiguratione , aut vaticinio passionis: antedicta autem vigilia , prout visum fuerit , inter psal lendum , & legendum , five de Prophetis , five de novo testamento , quod quisque voluerit , non legali , sed voluntaria lectione præsumet. “

ciunt. Laudatum *Matisconense* Concilium de eodem die: *Eftote omnes in hymnis & laudibus DEI corpore & animo intenti.* Fuisse etiam festa Sanctorum ita concelebrata, insignis est THEODORETI locus, ubi postquam dixisset PETRO, PAULO, THOMÆ, SERGIO, MARCELLO &c. aliisque sanctis Martyribus solemnia populari epulo peragi, subdit: „Proque illa veteri pompa, „pro turpi obsecnitate, ac impudentia, fiunt modestæ, castæ, ac tem-„perantia plenæ festivitates, non illæ quidem ad ebrietatem usque produ-„ctæ, neque comediantium lascivia, & cachinnis dissolutæ, sed divinis can-„tis personantes, facrisque sermonibus audiendis intentæ, in quibus ad „DEUM preces non sine sanctis lacrimis, ac suspiriis summittuntur.“ Eodem teste, hymnos Sancti EPHREM festa SS. Martyrum lætiora fecisse, iam retulimus. Idem S. MARIM *Persam* laudat, quod, cum iuvenis sonoram *Hift. suc. c. 20.* haberet vocem, solitus sit in locis, ubi festa Martyrum celebrarentur, canere; qua celebritate festa præcipua fuerint transacta. Occurrit hic animo, quod S. GREGORIUS *Nif.* in Vita S. GREGORII *Taumaturgi* narrat. „Cum animadvertisset, (inquit) quod propter corporeas delectationes in idolorum errore permaneret puerile vulgus, & imperitum, ut interim in eo, quod est præcipuum, nempe in DEUM se recte gererent, pro illis inanibus superflitionis ritibus permisit eis, ut in sanctorum Martyrum memoriis se exhilararent, exultantesque oblectarent.“ De pravis consuetudinibus, quæ ex gentilium imitatione in sacra etiam, ac solemnitates christianas irreprobant, dicemus capite sequenti, nunc unum Concilii *Toletani* III. Canonem 23. ponimus: „Exterminanda omnino est irreligiosa consuetudo, quam vulgus per Sanctorum solemnitates agere consuevit; ut populi, qui debent officia divina attendere, saltationibus, & turpibus invigilent canticis; non solum sibi nocentes, sed & religiosorum officiis perfestrepentes.“ Sed innocuus, ac summe laudabilis fuit festivus in quibusvis Christianorum celebritatibus cantus. CONSTANTINO primum ad fidem converso, Ecclesiæ a statu presso emergenti, publicos cantus celebrare demum palam licuit. Primum, quod hic referam, est, quomodo Christiani devicto LICINIO per CONSTANTINUM, *choreis etiam, & hymnis tam per agros, quam per civitates, primum quidem DEUM omnium, prout edocti fuerant, deinde piissimum Imperatorem, & DEO carissimos eius filios, celebrarint*, ut apud EUSEBIUM legitur. Pluribus vero exemplis idem prodit in Vita CONSTANTI, quomodo, Imperatore hoc CHRISTO nomen dante, cultus christianus celebritatem affecitus fuerit, festivitate etiam sacrarum cantionum, e. g. in solemnissimis ecclesiarum magnificentissime exstructarum dedicationibus. Is insuper aliique recensent, quæ ex psalmis in encæniorum solemnitate decantari confueverint. Alias eiusmodi solemnitates etiam fuisse, antea alla-

Aliæ Solemnitates.

L. IX. hift. c. 9.

tum S. BASILII testimonium prodit, atque ea quoque evincunt, quæ superius ex SS. AMBROSIO & CHRYSOSTOMO, qui præcipui cantus & psalmodiæ instauratores, atque etiam insignes præcones habentur, iam retulimus.

Etiam in carceribus, &
martyrio,
processioni-
bus, transla-
tionibus reli-
quiarum, ex-
ceptionibus
hosplitum &c.
cantus.

*Hom. in SS.
Inventinum,
& Maximum
MM.
P. 370. n. 8.*

Ruin. p. 383.

p. 100.

*T. I. Iunii
p. 421. ex
MS. Vatic.
Gr.*

*L. IV. de Per-
sec. Vand.*

III. Nec solum publicis eiusmodi conventibus, ac celebritatibus in Ecclesia, verum etiam aliis occasionibus, opportunis hisce pietatis studiis vacabant in divinis concinendis laudibus, aut quando adhuc locus ipse, vel occasio deerat publica festivitate persolvendi, id certatim agebant. In ipsis Apostolorum Actis c. XVI. LUCAS affert exemplum PAULI & SILÆ, quod in carcere detenti, media nocte orantes hymnos decantarint, προσευχόμενοι ὑπερ. Solenne id fuit etiam aliis, exemplo PAULI & SILÆ confluentibus fidelium cœtibus. *Multi*, inquit S. CHRYSOSTOMUS, *contempta præsenti vita, frequenter eos visitando sacras apud eos vigilias continuis psalmis perficiebant.* Sanctus VINCENTIUS M. post dira tormenta horrido inclusus ergastulo, testis strato, divinitus recreatus, *Psalmum*, ut Acta apud RUINARTUM habent, *DEO & hymnum dicens, latus exultat. Sicque solitudo horribilis Angelorum relevatur frequentia. . . . Dantur hinc laudes DEO, & resonante organo vocis angelicæ modulata suavitas procul diffunditur.* Audientes hæc, cernen- tesque custodes in CHRISTUM credunt. *Africanani Martyres, SATURNINUS Presbyter, DATIVUS, & alii magno numero capti, in urbe ABITINENSI ex more dominicum celebrantes, vincti Carthaginem ducti, alacres, ac læti per totum iter hymnos Domino, canticaque psallebant. Acta SS. PERPETUA & FELICITATIS apud RUINARTUM perhibent, dum procederent de carcere in amphitheatrum, quasi in cœlum, hilares. . . . PERPETUA psallebat, caput iam AEGYPTI calcans.* Antea S. PERPETUA visionem, quam pridie habuerat, narrans, *Cepit, inquit, populus clamare, & favitores mei psallere.* Quod moris erat. Exempla etiam adsunt aliorum Martyrum, qui aut poenam mortis subeuntes, aut ad supplicium properantes, læti hymnis indulgebant. Veluti iam p. 48. de S. BABYLA, THEODORO, & S. GORDIO M. cum de Cantu responsorio ageremus, narravimus; ac præterea Acta martyrii MARCIANI, & Sociorum apud BOLLANDUM perhibent (quod partem operis de Martyribus ab EUSEBIO scripti habent Bollandistæ:) „Post hæc cum tempus præ- „effet, quo illorum animæ ad propria loca, & suum DEUM propera- „rent; Martyres ipsi, multis hymnis, & laudibus DEO prænuntiatis, pu- „rissimas, ut decebat, animas DEO tradiderunt . . . Nos vero christiani „homines Gloriam canamus Patri, & Filio, & Sancto Spiritui, nunc, & „in sæcula sæculorum, Amen.“ Sic apud RUINARTUM, S. IRENE psalmos canens, & DEI gloriam celebrans in rogum se coniecit. VICTOR Uticensis passionem Martyrum Carthag. sub HUNERICO Rege enarrans, simile exem- plum

plum habet a). Licet vero temporum iniqitas non adeo tulerit, nec consuetum semper fuerit, festivis hymnis celebrare Sacra christiana, non tamem semper id refugiebant periculi: quin etiam quandoque extra sacros conventus id agebant palam in profanorum contemtum. Cuiusmodi quædam exempla, quæ IULIANO Imperante accidisse constat, iam laudavi; estque imprimis illud in translatione reliquiarum S. BABYLÆ celebre, quas IULIANUS loco moveri, atque a christianæ religionis cultoribus exportari iusserat b). Ab hoc seungi non debet, quod SOZOMENUS de translatione S. MELETII *Antiochiam* narrat. Ubi, reliquiis iuxta loculum BABYLÆ Martyris conditis, „Fertur autem (inquit) eas regia continue via ex Imperatoris mandato intra moenia in civitatem fuisse receptas, præter consuetudinem Romanis usitatam; & alternatis psalmorum cantibus unoquoque loco honoratas, donec *Antiochiam* usque transportarentur.“ Hic innuitur alterius, seu antiphonus cantus, in superiore autem exemplo responforius. BARONIUS ad an. CCCXXXVIII. ex COSMA *Vestiaro*, de translatione haud absimili S. CHRYSOSTOMI *Cpolim*, refert, sublatam sacram farcinam humeris Sacerdotum, præcentibus Clericis. Et S. HIERONYMUS VIGILANTUM incessens, eiusmodi exemplum translationis Beati SAMUELIS profert, magna celebritate factæ, Episcopis portantibus, omnium ecclesiarum populis occurrentibus, *ut de PALÆSTINA usque CHALCEDONEM iungerentur populorum examina, & in Christi laudem una voce resonarent.* Auctor miraculorum D. STEPHANI, in ecclesia Utalensi iussu EVODII conscriptorum, memorat: „Adventare innumeros populos gaudentes sane, atque psallentes, & cæteros luminaria cum grandi celebritate gestantes, & quasi quandam candidatum

a) „Incedebant itaque (inquit) cum fiducia ad supplicium, quasi ad epulas concurrentes, una voce per ambitus platearum Domino decantantes: *Gloria in excelsis DEO, & in terra pax hominibus bonæ voluntatis.* Votiva nobis hæc dies est, & omni solemnitate festivior. Ecce nunc tempus acceptabile, ecce nung dies salutis, quando pro fide Domini nostri perferrimus preparatum supplicium, ne amittamus acquisitus fidei indumentum. Sed & populis publica voce clamant: “*Ne timeatis, o populi DEI! neque formidetis minas, atque terrores presentium tribulationum.* Sed potius moriamur pro CHRISTO, quomodo & ipse mortuus est pro nobis, redimens nos pretio sui sanguinis salutaris.

b) „Hi (inquit THEODORETUS L. III. c. 10.) alacri animo ad lucum venientes, arcam carpento, quod a bigis trahebatur, impoſuerunt: eamque catervatim præcedentes, cum tripudio in urbem duxre, *Davidicos* hymnos canentes,

a

b
L. III. c. 10.

c. 2.

& singulis versibus hanc clausulam addentes: *Confundantur omnes, qui adorant sculptilia.*“ Pafsim eam rem commemorant eorum temporum historie (SOCRAT. L. III. c. 16. RUFIN. L. I. c. 35.) atque voces usque ad cœlum resonuisse testantur. Imprimis vero memorabilia sunt SOZOMENI verba L. V. c. 18. „Ferunt co tempore viros & mulieres, iuvenes & virgines, fenes & pueros mutua ipsorum cohortatione incitatos, per totum iter psalmos cantasse. Qui quamvis simularent, se, quo labores itineris levarent, cecinisse, tamen canabant revera ardenti studio, & propensa erga pietatem voluntate incensi, propterea quod Imperator aliter omnino, atque ipsi, de DEO sentiebat. Psalmos autem ordiebantur hi, qui eos canere accurate norunt: multitudo autem simul voces fudit cum concentu, huncque versum addidit: *Confundantur &c.*“

„ datum comitantes , eique iteratis vocibus inclamantes : *Confessor Christi*,
 „ *Confessor Christi.*“ Et paulo post : „ Susceptis ibi reliquiis , atque Sacra-
 „ mentis fidelium celebratis , exinde cantantes , atque psallentes cum im-
 „ mensæ multitudinis choris ad civitatem regredi cœpimus.“ De transla-

T. I. Act. Ord. *S. Ben. p. 345.* *fidi* *devotione sanctum corpus posuisse in secreto* , ut eum e civitate *Carnotina* ad fluviolum *Aduræ* X. Kal. *Nov.* in hymnis , & canticis spiritualibus adducerent. De reliquiis S. IOANNIS *Baptistæ* , & aliorum Sanctorum, *Cyrum* a fe translatis , THEODORETUS ita loquentem inducit IACOBUM *Anachoretam* in Historia religiosa : „ Quando hos civitatis Patronos, qui a *Phœnicia* venerant , & *Palestina* , cum *Davidica* excepisti chorea, venit in men-
 „ tem , num hæ essent insignis IOANNIS illius reliquæ , & non alterius Mar-
 „ tyris , qui esset eiusdem nominis. Post unum ergo diem , ego quidem
 „ stabam ad hymnos decantandos : video autem quemdam candida veste
 „ indutum , & dicentem : *Frater Iacobus, cur nobis advenientibus non ve-
 „ nisi obviam?*“ Ipsi , qui hæc narrat , THEODORETO similem obtigisse

T. V. Conc. honorem ex Actis Concilii *Cpolitanii* II. discimus : Imaginem, THEODORETI
Ed. Lab. nimirum, ANDRONICUM Presbyterum , & GEORGIUM Diaconum in currum
p. 560. imposuisse , & in *Cyrenenam* civitatem introduxisse psallentes. Quod ibi
 vitio quidem vertunt Patres ; sed inde , quod fidei integritas THEODORETI
 in dubium vocabatur: unde inquire iussum , „ si quod dicitur de imagine,
 „ factum est , & si psalmum , cuius mentio gestis *Antiochiae* confectis infer-
 „ ta est , psallentes ad imaginis honorem precedebant ; & si SERGIUS re-
 „ verendissimus cum hæc post *Antiochiae* confectis inserta est , psallentes ad
 „ imaginis honorem ea cognovisset , & Clericos admisit , & divinis eis
 „ communicavit mysteriis.“ Nec hic prætereundum , quod de CLODOVEI,
 primi christiani *Francorum* Regis, solemnî in urbem *Virdunensem* ingressu

T. I. Act. o. in vita S. MAXIMINI , Abbatis *Miciacensis* , legitur : „ Sed & Clerus proce-
S. B. p. 583. „ dere ordinatus est , Regem cum laudibns , & DEO dignis cantilenis susce-
 „ pturus , per quæ & Principi dignum sedulitatis suæ monstraret obsequium,
 „ & liberationis propriæ Domino offerret tripudium.“ In altera eiusdem San-

*Ib. p. 593.*cti vita plebem etiam iunxisse voces legitur : „ Præente Clero , itemque
 plebe sequente cum devotarum laudum vocibus exceperunt ducem.“ In

Ib. p. 118. vita S. GALLI , Episcopi *Arvernensis* : „ Exinde cum multo psallentio (psal-
 „ modia) in civitatem recipitur , & in ecclesia Episcopus ordinatur.“ Iam
 meminimus p. 122. Episcopis *Hofanna* acclamatum. Huc revocandum est , quod

Ad dictm 14. in vita S. PACHOMII apud BOLLANDUM narratur de S. THEODORO , S. PA-
Maii p. 332. CHOMII discipulo , dum S. ATHANASIO obviam est progressus . „ Patrum er-
 „ go præcipuis , & Fratribus ad DEI laudes concinendis valentioribus secum
 „ , assumptis,

„ assumptis , iter ingressus Abbas THEODORUS , dum ATHANASIUM reperit,
 „ post mutuas salutationes , ipse asinum Pontificis manu ducens , procedebat
 „ ante eum fratribus psallentibus . Hinc auditæ voces fratrum religiose psal-
 „ lentiū , qui ad centum omnino erant .“ S. GREGORIUS Naz. eundem , ab exilio revertentem , *Alexandriæ* choro canentium fuisse exceptum , meminit .
 S. PORPHYRIO circa an. D. 402. *Cpoli Gazam* reduci , cives *Maiumæ* psal-
 lentes obvios memorat MARCUS *Diaconus* in eius vita apud BOLLANDUM : *T. III. Fibr.*
 „ Postquam descendimus , cognoscentes nos , qui illic erant Christiani , ex-*P. 649.*
 „ ceperunt cum psalmodia : similiter vero ex civitate quoque , cum audi-
 „ vissent , occurrerunt nobis , habentes signum venerandæ Crucis , & ipsi
 „ psallentes .“ Idem de processione cum psalmodia eiusdem Sancti ad plu-
 viam *Gazensibus* impetrandam : „ Quum (ait) fuisset autem mane , accepto
 „ signo venerandæ Crucis , quod nos procedebat , egressi sumus cum hy-
 „ mnis ad antiquam ecclesiam &c .“ Refertur ibi , Gentiles idem ab idolo
Marna obtainere conatos , per septem dies *hymnos dicentes* , civitatem fuisse
 egressos : Sanctum autem Præfulem vera religione ieunium indixisse , ac vi-
 gilias ; „ Fecimus vero tota nocte triginta preces , & totidem genuflexiones ,
 „ præter choros , & lectiones . Quum fuisset autem mane , accepto &c .“
 Omitti non debet , quod in vita S. GILDÆ , Abb. *Ruyensis* de solemini gra-*T. I. Act. O.*
 tiarum actione , ob impetratam divina virtute nimis angustæ ad habitationem *S. B. p. 140.*
 insulæ dilatationem , legitur : „ Tunc iterum revertitur ad oratorium Senior ,
 „ & præ gaudio effusus in lacrimas , cum venerando discipulorum grege cla-
 „ ra voce hymnos , summasque laudes , rerum omnium Creatori Domino
 „ decantat , qui prope adest omnibus invocantibus se in veritate .“ In
 Actis Synodi Ephes. fidei causa Archimandritæ cum catervis monachorum
 narrantur , *hymnos & psalmos canentes* , ad regiam contendisse . Comitabatur ,
 ut porro ibidem refertur , eosdem etiam non parva Orthodoxorum turba .
 Cum vero intra palatium essent , Archimandritæ ab Imperatore acciti , recta
 mox ad illum ingrediuntur . Plebs vero , & monachorum turba , antiphonarum & psalmorum modulationi intenta , foris remansit . Redierunt simili-
 ter ad ecclesiam S. Mocii , ibi cum hymnis excepti . Demum adiungimus ,
 quod V. BEDA , IOANNES *Diaconus* in vita S. GREGORII M. & GOTZELINUS *V. Beda L.I.*
 in vita S. AUGUSTINI , *Anglorum* Apostoli , narrant , ut hic , accepta a Rege *hijt. Angl.*
 venia , ovans cum solemini cantu , quem *letanialem antiphonam* vocat GO-*c. 25.*
 TZELINUS , Metropolim *Doroberniam* cum beato Sanctorum choro fit ingref-
 sus , canticis etiam usus ad prædicationis officium a). IV. a

a) „ Ad civitatem AUGUSTINUS cum sociis , præ-
 lata Cruce , seu Salvatoris imagine , appropin-
 quans cecinit dicens : *Deprecamur te Domine*
&c.“ Quæ sunt IOANNIS *Diaconi* verba , & BE-

Cantus in statis litanias seu Rogationum processionebus.

IV. Antiquissimus est in Ecclesia supplicationum publicarum , seu litaniarum usus , cum quibusdam processionibus , etiam si videatur apud TULLIANUM aliter haec vox accipienda. Earum varii generis iam non paucas indigitavimus , potissimum extraordinarias ; nunc præcipue demum statæ sunt commemorandæ. Quas inter solemnes primo veniunt Romæ usitatisimæ ad stationem processiones , de quibus plura libro II. dicemus. Id monachis alibi prima hac ætate in more fuisse ex epistola S. AMBROSII ad THEODOSIUM discimus , frustra *prohibentibus iter VALENTINIANIS*, quo psalmos canentes ex consuetudine usque veteri pergebant ad celebritatem MACHÆORUM *Martyrum*. Sunt præterea celebres usque ad hodiernum diem Sæc. V. a B. Mamerto CLAUDIANO, Viennensi Episcopo, instituti Rogationum dies , seu litaniae , tribus continua ante Ascensionem Domini diebus. Antequam genuini ab ascitiis sermonibus S. AUGUSTINI accurate discriminarentur , mirum non est , fuisse , qui id institutum longe vetustius S. MAMERTO haberent. Inter eos enim sermones , qui nunc ad calcem tomii V. operum S. AUGUSTINI leguntur , atque S. CÆSARII Arelat. esse comprobantur , tres sunt ordine sermones pro tribus suis litaniarum diebus , *quos*, T. V. p. 297. ut primo statim sermone dicitur , *regulariter in toto mundo celebrat Ecclesia*: atque paulo post modus eas celebrandi designatur *legendo* , *psallendo* , *vel orando* a). GENNADIUS de HONORATO *Massiliensi*, *Litanias*, inquit , ad De Viris illius supplicandam DEI clementiam cum plebe sibi credita pro viribus agit. Quæ, scribus c. 99. aliaque capitum illius verba , viventem adhuc innuunt. Eius forte est homilia EUSEBII *Emeseni* , vel *Gallicani* de litanis , nisi malis cum auctoribus hist. litter. Franciæ CÆSARIO Arelat. adscribere. Causam , quare sint institutæ , mox etiam per alias ecclesiæ propagatae , S. GREGORIUS *Turonensis* declarat: cum urbs tunc Vienna insolitis terræ motibus quateretur , „cessantibus

pæ. „Fertur quoque , appropinquantes civitati Dorovernensi , regni metropoli , more suo cum Cruce , & imagine Christi hanc litaniam consona voce modulatos esse : *Deprecamur te Domine &c.*“ GOTZELINUS: Aet. S. BENED. T. I. p. 511. „Itaque appropinquans possidente civitati pacifer AUGUSTINUS cum beato Sanctorum choro , elato ex more Crucis Domini argenteæ triumphali vexillo , cum imagine vivifica ipsius sempiterni regis IESU Christi , invocat supliciter super eam Salvatoris salvatricem clementiam. Tum hanc letaniam antiphonam dulcimode intonat , & eum excipiente primitia Anglorum nitriecclesia , consona modulatione ac devotione decantat : *Deprecamur te Domine in omni misericordia tua , ut auferatur furor tuus , & ira tua a civitate ista , & a domino sancto tua , quoniam peccavimus.*“ Et paulo

post : „Illum (Christum) canticis , illum prædicationum tonitruis , & signorum coruscationibus , magis ac magis personabant.“

a) Et iterum repetitur , monenturque fideles , ut „perseverent in opere bono , & otiosas , vel fœculares fabulas velut venenum mortiferum respuentes , magis psallere , & orare conentur , & contemnentes amaritudinem mundi , in ecclesia requirant , unde accipiant dulcedinem Christi. Qui vero negligentes sunt , & ad ecclesiæ non solum tarde veniunt , sed etiam priusquam mysteria compleantur , abscedunt ; & in ipsa ecclesia otiosas fabulis vacantes , nec ipsi psallunt , nec alios psallere , vel orare permittunt : qui tales sunt , cito se corrigan : ne sibi in eo loco præparent mortem , ubi invenire poterant vitam.“ Idipsum in sequenti sermone frequentius inculcatur.

„bus quoque exinde terroribus (ait) per cunctas provincias dispersa facti fa-
 „ma cunctos Sacerdotes imitari commonuit, quod Sacerdos fecit ex fide, *Hist. L. II.*
 „quæ usque nunc in CHRISTI nomine per omnes ecclesiæ in compunctione
 „cordis, & contritione spiritus celebratur.“ Opportune hic inferimus, quod
 idem de GEORGIO gestum refert, „cum lues inquinaria populum primæ
 „Germanie devastaret. Cum autem omnes terrentur huius clavis auditu,
 „concurrit Remensium populus ad Sancti sepulchrum, congruum huius cau-
 „sæ flagitare remedium. Accensis cereis, lychnisque non paucis, hymnis,
 „psalmisque coelestibus per totam excubat noctem. Mane autem facto, quid
 „adhuc precatui desit, in tractatu rimatur: reperiunt etenim revelante DEO,
 „qualiter oratione praemissa, adhuc maiori propugnaculo urbis propugna-
 „cula munirentur; adsumpta igitur palla de beati sepulchro componunt in
 „modum feretri, accensisque super cruces cereis, atque ceroferalibus dant
 „voces in canticis, circumeunt urbem cum vicis &c.“ Ad dies Rogatio-
 num redimus. Narrante FORTUNATO in vita S. GERMANI *Parisiorum Episcopi*, quædam mulier, *dum tempore letaniarum præ cæcatis oculis non pos- c. 33.*
 set ire cum populo, audiens chorum psallentium, cum lacrymis domi GER-
 MANI implorat auxilium. Tertio die recepto lumine, *mulier clarescente die ad Missum cum populo progreditur in processu.* Sidonius APOLLINARIS ipsum S. MAMERTUM ob hoc institutum laudat. Causam etiam, & originem *L. VII. ep. I.*
 supplicationum alibi exponens, earumque, quæ olim fuerunt, mentionem faciens, „In his autem (inquit), quas supra fatus Summus Sacerdos, &
 „protulit pariter, & contulit, ieunatur, oratur, psallitur, & fletur: *L. V. ep. 14.*
 „quarum nobis solemnitatem primus MAMERTUS Pater, & Pontifex reve-
 „rentissimo exemplo, utilissimo experimento invexit. Erant quidem prius
 „(quod salva fidei pace sit dictum) vagæ, tepentes, infrequentesque, ut-
 „que sic dixerim, oscitabundæ supplications, quæ sæpe interpellantum
 „prandiorum obicibus hebetabantur, maxime aut imbræ, aut serenitatem
 „deprecaturæ. Ad quas, ut nihil amplius dicam, figulo pariter, atque
 „hortulano non oportuit convenire.“ Et AVITUS *Viennensis* ortum &
 progressum in aliis etiam ecclesiis, non tamen iisdem semper diebus, ex-
 ponit, sermonem de Rogationibus exorsus de communi earum per totum
 orbem observantia, earum institutorem laudans prædecessorem suum, *qui- bus psalmorum officia lacrimarum functionibus annuis persolverentur*, ut ibi a
 loqui-
 a

a) Integer locus sic habet: „Prædecessor namque meus, & spiritualis mihi a baptismo Pater MAMERTUS Sacerdos, cui ante non paucos annos pater carnis meæ, accepto, sicut DEO visum est, Sacerdotii tempore successit, totas in ea,

quam supra diximus, vigilarum nocte concepit animo Rogationes, atque ibi cum DEO tacitus definitivit, quidquid hodie psalmis, ac precibus mundus inclamat. Revoluta ergo solemnitate paschali non iam quid, sed quomodo, aut quan-

An. 511. loquitur. Concilium Aurel. I. statuit : *Rogationes, id est, litanias ante Ascensionem Domini ab omnibus ecclesiis celebrari.* In Concilio Gerundensi aliud assignatur tempus, ut etiam ritu Ambrofiano servatur, haud dubie, ut paschale tempus a ieunio sit immune. *De litania, ut expleta solemnitate Pentecostes, sequenti septimana, a quinta feria usque in sabbatum per hoc triduum abstinentia celebretur.* Et mox secundæ litaniae eodem ritu mense ineunte Novembri decernuntur. S. GALLUS, Avernenis Episcopus, Rogationes illas instituisse dicitur circa medium Sæc. VI. ut media Quadragesima psallendo ad basilicam beati JULIANI Martyris itinere pedestri venirent. Concilium Lugdunense II. Gerundense in secundis litaniis instituendis est secutum, ut in prima hebdomada noni mensis, hoc est ante diem Dominicam, que prima in ipso mense illuxerit, litaniae, sicut ante Ascensionem Domini sancti Patres fieri decreverunt, deinceps ab omnibus ecclesiis, seu parochiis celebrentur. In Concilio Turon. II. de ieuniis antiqua a monachis instituta servanda decernuntur, ut de Pascha usque Quinquagesimam (id est Pentecosten) exceptis Rogationibus omni die Fratribus prandium præparetur. . . . Et quia inter Natale Domini, & Epiphania omni die festivitates sunt, itemque prandebunt. Excipitur triduum illud, quo ad calcandam Gentilium consuetudinem Patres nostri statuerunt privatas in Kalendis Ianuarii fieri litanias, ut in ecclesiis psallatur, & hora octava in ipsis Kalendis Circumcisionis Missa DEO propitio celebretur.

Cantus in conviviis, A- vinis laudibus, non solum ante & post cibum DEO gratias referentes, aut gapis, inter laborandum, antequam cubitum concedebant, verum etiam inter ipsas epulas, sobrias aliisque diei mensas, ac christianas agapas iuxta D. PAULI monitum, „Fuit tempus momentis. „ (ut cum Oliverio BONARTIO loquar) in DEI Ecclesia, quo non solum in L. III. de in- „ templis, sed etiam in conviviis, quæ a charitate agapæ vocabantur, au- stitut. horar. canonicarum. „ rei illius saeculi christiani, cantica resonabant sobria, gravia, modesta, „ plena religionis & gratiæ, ad quæ canenda non modo in locis DEO di- „ catis, sed etiam in coenaculis hortabatur illos Apostolus ad Ephes. V. No- „ lite, inquit, inebriari vino, in quo est luxuria: sed implemini Spiritu „ Sancto, loquentes vobismetipsis in psalmis, & hymnis, & canticis spiritua- „ libus,

do fieri debeat, secreta primum collatione tra-
 statatur. . . . Eligitur tempus triduum præfens,
 quod inter ascensionis sacrae cultum, diemque
 Dominicum quasi quoddam opportunitatis pro-
 priæ limbo, circumpositis solemnitatibus, mar-
 ginaretur. . . . Secutæ fuit succiduo tempore
 quedam ecclœ Galliarum rem tam probabilis
 exempli: sic tamen quod hoc ipsum non apud

omnes iisdem diebus, quibus penes nos institu-
 tum fuerat, celebraretur. Nec porro magni
 intererat, quod triduum eligeretur; dummo-
 do psalmorum officia lacrimarum functionibus
 annuis perfolverentur. Tamen cum dilectione
 rogationum, etiam Sacerdotum crescente con-
 cordia, ad unum tempus, id est, ad præsentes
 dies universalis obseruantæ cura concessit.“

„libus , cantantes , & psallentes in cordibus vestris Domino. Gratias agentes semper pro omnibus , in nomine Domini nostri IESU Christi , DEO & Patri.“ Egregie vero S. CHRYSOSTOMUS in eum locum declarat , quomodo iuxta Apostolum laeti psallendo & cantando in cordibus Domino ebrietatem fugere , & gratos nos DEO pro donis suis redhibere debeamus a). S. CLEMENS Alexandrinus Sacrificium DEO , inquit , sunt psalmi & hymni , dum cibus sumitur , & antequam cubitum itur. Nimirum , ut pro acceptis beneficiis grati animi laus manca haud sit , nec diminuta , vult eandem psallendo praetari , & ante cibum , in potu etiam , & antequam nos noctu quieti damus b). Cavet deinde , ne imitemur Græcos in conviviis ad compotandum institutis , ad hebraicorum quidem psalmorum similitudinem comparato cantico , quod appellabatur $\tau\kappa\lambda\pi\sigma\nu$; maxime autem ab amatoriis canticis absterret , ad Sacrum potius cohortans concentum in fidelium conventibus. „Sint autem (ait) cantica DEI laudes : Laudent , inquit (DAVID) , „nomen eius in choro , in tympano & psalterio psallant ei. Et quis est chorus , qui psallit ? Ipse tibi narrabit Spiritus : Laudatio eius in ecclesia Sanctorum &c.“ Et libro VI. Stromatum usum ab abusu fecernit , & finem recentum præstituit : „Certe etiam in convivio nobis invicem psallendo propinamus , nostram incantantes cupiditatem , & DEUM glorificantes propter copiosam donationem eorum , quibus utuntur & fruuntur homines , & perpetuo suppeditata fuerint nutrimenta ad augmentum corporis & animæ. Est autem supervacanea responda musica &c.“ Fuerant tunc tempora , quibus apud Gentiles in turpem usum nempe gulæ & libidinis incentiva convertebantur. „Præterea certe ego (inquit S. AMBROSIUS de c. 15. „ELIA & Ieiunio) citharam , psalteria , tympana , quæ cognovimus convi-

,, viii

a L.VII. Stromatum.

b

a) „Vis (inquit ille Hom. 19. in Epist. ad Ephes.) latari ? Vis diem consumere ? Ego do tibi potum spiritualem. Ebrietas enim bene significantem lingue nostræ excindit voem , ut balbutiamus efficiens , oculosque , & omnia , ut semel dicam , pervertens. Difce psallere , & videbis rei voluptatem. Nam qui psallunt , implentur Spiritu Sancto , sicut , qui satanica canunt cantica , spiritu immundo. Quid est , in cordibus vestris Domino ? Hoe est , sapienter animum adhibentes. Nam qui animum non adhibent , temere canunt , verba loquentes , corde alibi vagante. Gratias , inquit , semper agentes &c. id est , petitiones vestrae cum gratiarum actione innescant apud DEUM. Nihil enim æque DEUM lætitia afficit , ut quando quispiam est gratus. Maxime autem possumus gratias agere , abducentes animum nostrum ab iis , quæ prius

dicta sunt , & eum expurgantes iis , quæ dixit : Sed implemini , inquit , Spiritu.“

b) „Quemadmodum autem (ait L. II. Pædag. e. 4.) antequam sumamus alimentum , laudare nos convenit factorem universorum : ita etiam in potu nos ei decet psallere , cum eius creaturarum efficiemur partieipes. Est enim psalmus numerosa , & modesta laudatio. Postremo autem , antequam nos somnus invadat , pium , & sanctum est DEO gratias agere , ut qui eius benignitatem , & gratiam fuerimus consecuti , ita cum divino quodam afflatu nos ad somnum conferamus : Et confitemini ei , inquit (Ecclesiasticus) in canticis labiorum , quod in eius iussu fiat , quidquid ei visum est , & ad eius salvare nihil est neque maneum , neque dimicatum.“

„ viis huiusmodi frequenter adhiberi , ut vino , & cantu excitentur libidines.“ Incessere nihilominus paulo post Christianos videtur, mane etiam inter potum musicis ludentes instrumentis. „ Non immerito ergo väx illicis , qui mane ebrietatis potum requirunt, quos conveniebat DEO laudes referre, prævenire lucem , & vacare orationi , occurtere Soli iustitiae, qui nos visitat , & exurgit nobis , si nos CHRISTO , non vino & siceræ surgamus. Hymni dicuntur, & tu citharam tenes ? Psalmi canuntur, & tu psalterium sonas , aut tympanum ? Merito väx , qui salutem relinquis, mortem eligis.“ Qua missa compotationes inter & commissationes licentia, reiectisque musicis instrumentis, hymnis & canticis spiritualibus iuxta Apostoli monitum studebant pii Pastores , in rectum ad DEI laudem, pliisque convivia convivalia oblectamenta revocare usum , ut, cum nullum tempus vacare debeat officio, in DEI laudem etiam illud , quo a DEO quotidianum beneficium alimentorum accipimus, rite impendatur. Nec sit , ut scribit S. CYPRIANUS ad DONATUM , vel hora convivii gratiae cœlestis immunis, sonet psalmos convivium sobrium , & ut tibi tenax memoria est, voce canora aggredere hoc munus ex more. Magis carissimos pasces, si sit nobis spiritualis auditio , prolectet aures religiosa mulcedo. Haud obscure id vult sanctus Martyr, ut, quæ memoria retineant fideles ex Ecclesiæ cantibus, etiam in conviviis adhibeant ad DEUM laudandum. Quis autem dubitet, hoc potissimum factum fuisse in festivis primorum Christianorum conviviis, quæ ἀγαπαὶ sunt dictæ ? De quibus loqui videtur CLEMENS Alexandrinus : Ante comedionem proloquia scripturarum ἐντεῦξις τῶν γραφῶν, psalmi , & hymni post comedionem. Sed aperte TERTULLIANUS : Post aquam manualem , ait, & lumina, ut quisque de Scripturis sanctis, vel de proprio ingenio potest, provocatur in medium DEO canere. Hinc probatur, quomodo biberit. Aequa oratio convivium dirimit. Paulo ante dixerat : Non prius discubitur, quam oratio ad DEUM prægustetur. Ut perhibent acta conversionis S. AFRÆ apud VELSERUM : Episcopus autem veniens, ut cibum caperet, orare cœpit, & psallere. De conviviis porro cum gloriarentur PLATONICI , quos cantus PLATO in iis adornasset, EUSEBIUS nos docet , quam pii pastores , moderatoresque invigilaverint, ut in conviviis nonnisi divinæ canerentur laudes. Iure igitur , inquit , hic apud nos in conviviis odas, & hymnos in DEI laudem canendi receptus mos est: quo in genere honestati ac modestiæ nostri quoque moderatores invigilant , atque prospiciunt. Iam prius laudarat morem , pueros etiam ad hoc instituendi , ut divinorum Prophetarum odas, hymnosque de DEO scriptos terere sœpius , & repetere consuescant. Idemque S. CHRYSOSTOMUS monet , tam in mensa, quam etiam alibi faciendum , ac curanduni domi a patribus familiias, ut loco lascivorum

L. VII.
Strom.

Apol.c. 39.

L. XII. de
Præpar. evang.

rum spiritualia cantica illi maxime doceantur, qui canendi dulcedine permulcere præprimis possunt; oportereque ante & post mensam επιτευχίεν τὴν ἀπὸ τῶν ψαλμῶν ἀσφάλειαν. a) Orationem a psalmorum cantu distinguit non officio pietatis, sed modulo, & contentione vocis. Studiose olim hoc officium psalmos canendi privatim etiam ubicunque locorum monachi præstabant. „In CHRISTI villa (inquit S. HIERONYMUS, de monachis, & monasteriis Bethlehemiticis loquens) tota rusticitas est: extra psalmos silentium est, quocunque te vertas, arator stivam tenens *alleluia* decantat: sudans messor psalmis se avocat, & curva attondens vites falce vinitor aliquid *Davidicum* canit.“ Et S. AUGUSTINUS de opere monachorum: „Canticum divina cantare etiam manibus operantes facile possunt, & ipsum laborem tanquam divino celeumate consolari. An ignoratis, opifices quibus vanitatibus, & plerumque etiam turpitudinibus theatricarum fabularum donent corda, & linguas suas, cum manus ab opere non recedant? Quid ergo impedit servum DEI, manibus operantem, in lege Domini meditari, & psallere nomini Domini Altissimi.“ S. BASILIUS: „Ecquid igitur (ait) beatus, quam in terra concentum angelorum imitari; statim quidem, ac dies incipit, ad preces surgentem, hymnis & canticis Creatorem venerari; exinde sole iam clare dilucentem ad opera conversum, committante ubique oratione, hymnis etiam opera tanquam sale condire? Si quidem hilarem, iucundamque animæ æquabilitatem hymnorum solatia conferunt.“ Loco statarum horarum diurnarum iugia hæc officia fuisse CASSIANUS de monachis *Egypti* testatur: „Apud ipsos etenim hæc officia, L. III. c. 2.

„quæ

a) „Ubi sunt quidem (inquit Expos. in Ps. XLI. n. 2.) mæcreticia cantica, illic congregantur dæmones: ubi autem cantica spiritualia, illuc advolat Spiritus gratia, quæ os sanctificat & animam. Hæc dico, non ut vos tantum landetis, sed ut filios & uxores doceatis talia canere cantica, non solum in texendo, aliove operæ faciendo, sed maxime in mensa. Cum enim diabolus ut plurimum infidetur in conviviis, ebrietatis, ingluvici, rufusque profusi, & remissi animi auxilio utatur, tunc maxime oportet & ante mensam, & post mensam, seminare psalmorum prefidio, & simul cum uxore ac liberis surgentes a convivio, hymnos facios DEO canere. Si enim PAULUS, cui intolerabilia flagella imminebant, cum ligno alligatus in carcere habitaret, media nocte, quando est omnibus somnis iucundissimus, cum SILA DEUM perpetuo laudabat, & nec locus, nec tempus, nec sollicitudines, nec somni tyrannis, nec

illi labores, nec dolores, nec quidquam aliud cum coegerit, modulationem illam intermittere: multo magis nos, qui iucunde vivimus, & DEI bonis fruimur, hymnos, quibus DEO gratiæ agantur, oportet emittere, ut si vel ebrietas, vel ingluvies nostræ animæ turpe aut absurdum quid fecerit, ubi ingressa fuerit psalmodia, omnia illa mala & improba confilia resiliant. Et quemadmodum nonnulli divites impleta balafamo spongia, mensas abstergunt: ut si ex cibis ulla remanserit macula, ea extracta puram mensam ostendant: ita nos quoque faciamus, pro balsamo os implentes melodia spirituali: ut si ex saturitate ulla in anima macula remanserit, eam per illam modulationem abstergamus, & simul omnes stantes dicamus: *Dele strati nos Domine in factura tua, & in operibus manuum tuarum exsultabimus.* Post psalmodiam autem addatur etiam oratio, ut cum anima ipsam quoque domum sanctificemus.“

a

*Ep. 18. Ed.
vet.*

Epist. 2.

L. III. c. 2.

„quæ Domino solvere per distinctiones horarum, & temporis intervalla, cum
„admonitione compulsoris adigimur, per totum diei spacium iugiter cum
„operis adiectione spontanee celebrantur.“ Idem de psalmodia ad coenam

L. III. c. 12. *in solemnibus prandii vel canonica ieuniorum refectione*: „Quam (inquit)
„& præcedere confuetudinarii psalmi solent, & subsequi, nisi in extraor-
„dinariis refectionibus in Sabbato, vel Dominica, seu feriatis temporibus.“

L. VIII.
c. 37.
§. 116.

Regula divinitus S. PACHOMIO tradita iuxta PALLADIUM in *Lauſiaca*: „Quan-
„do autem videretur comedendum multitudini, constituit, ut unusquis-
„que ordo in unaquaque oratione psalmum prius caneret.“ Neque id præ-
terierim ex regula S. PACHOMII: „Quando farinam conspergunt aqua, &
„massam subigunt . . . mane quoque, quando tabulis ad furnum, vel ad
„clibanos deportant panes, simile habebunt silentium: & tantum de psal-
„mis, & de scripturis aliquid decantabunt, donec opus impleatur.“ Op-

L. VII. c. 23. portunum etiam hic est commemorare, quod SOZOMENUS refert de FLA-
VIANO, Imperatoris animum, ob deiectas statuas in *Antiochenos* exacerbata-
tum, lenire omni arte studente. a)

Et in funere
Christianorum

L. II. c. 22. nis cum hymnis delatum describit: „Deinde (inquit) cereis ardentibus

„prælatis, & unguentis, floribusque sparsis, atque angelis cœlitus phe-
„retrum, vel præeuntibus, vel stipantibus, vel etiam consequentibus di-
„vinis Patribus, & Apostolis, mirifica quædam carmina concinentibus, intel-
„lectualis illa, atque spiritualis arca ex *Sion* in *Gethsemani*, apostolicis eam
„gestantibus manibus fertur.“ Quam equidem rem, ex Pseudo-DIONYSIO

p. 159. lit.
Gallic.

expressam, non ut assertam adduco, nec quod ex passione SS. PETRI, &
PAULI in lexionario *Luxoviensi* apud MABILLONIUM legitur: „Et compre-
„henderunt eos in loco, qui dicitur *catacumbas*, via *Appia*, milliario ter-
„tio: & ibi custodita sunt corpora anno uno, & mensibus septem, quo-
„usque fabrecarentur loca, in quibus fuerunt posita corpora eorum, &
„ibi revocata sunt cum gloria, & hymnorum cantica &c.“ Apud ROS-
WEIDUM in vita SS. EPICTETI Presbyteri, & ASTIONIS Monachi, Martyrum,
his verbis eorum sepultura describitur: „Circa solis vero occasum veniens

p. 211.

a) „Non modo (inquit) in publicis privatisque
christianæ plebis congressibus DEUM hymnis &
psalmis invocari voluit, ut iram Imperatoris
mitigaret, sed easdem etiam lugubres, & ad
æternum DEUM supplices cantilenas τὰς ἐν
τὰς λατάς τῶν Ἀντιοχέων Ψαλμοδιὰς
adolescentibus tradidit, qui ad mensam impe-
ratoriam canere solebant, ut illas coram Im-

„VIGI-
peratore concinerent. Quibus valde luctuosis
Imperator ita fuit commotus, ut, cum phialam
manu teneret, lacrimis abstinere non potuerit,
eaque ratione urbi, cui gravissime ob negatūm
tributum, & per seditionem deiecatam PLACIL-
LÆ statuam successebat, reconciliatus est, o-
mnemque iram illico ex animo depositus.“

„ VIGILANTIUS cum omni domo sua , & cum aliis Christianis , occulte tu-
 „ lit corpora Sanctorum Martyrum : & perfundens ea myrrha , & aromati-
 „ bus pretiosissimis in loco congruo & aptissimo , cum hymnis , & psalmis ,
 „ & cum magna devotione sepelivit.“ Nec reticendum , quod in martyrio
 S. IGNATII referunt testes oculati , atque in visione de gloria Martyris edo-
 cti : „ Cum hæc (aiunt) vidissemus , & somniorum visa conferremus , DEUM
 „ datorem bonorum hymnis celebravimus , sanctum Virum beatum prædi-
 „ cavimus , vobis & diem & tempus significavimus , ut tempore eius mar-
 „ tyrii convenientes communionem nostram testificemur.“ Auctor Consti-
 tutionum apostolicarum iusta præscribens , quæ quibusvis fidelibus etiam
 Martyribus persolvantur , „ Congregemini (inquit) in coemeteriis , lectionem L. VI. c. 30.
 „ facrorum librorum facientes , atque psallentes pro defunctis Martyribus , &
 „ omnibus a sæculo Sanctis , & pro fratribus vestris , qui in Domino dor-
 „ mierunt : item antitypam regalis Corporis CHRISTI , & acceptam , seu gra-
 „ tam Eucharistiam offerte in ecclesiis vestris , & in coemeteriis , atque in
 „ funeribus mortuorum , cum psalmis deducite eos , si fuerint fideles in Do-
 „ mino.“ Legenda est COTELERII nota in hunc locum , ubi antiquos aucto-
 res citat : quos inter imprimis memorabilis locus est CONSTANTINI Impe-
 ratoris ad Sanctorum cœtum , quo recensentur ὑμνοι καὶ ψαλτήρια , καὶ ἐνθυμηταὶ . c. 12.
 καὶ ἐυχαριστίας λειτουργία , hymni , psalteria , publica præconia , & Eucharistiæ fa-
 crificium. De ipsa pompa funebri CONSTANTINI EUSEBIUS agit in eius vi- L. IV. c. 70.
 ta. Quod vero de funere CONSTANTII GREGORIUS Nazianzenus narrat ,
 hic imprimis memorandum est. „ Ille igitur (inquit) publicis præconiis , & Orat. IV. in
 „ celebri pompa deducitur , religiosisque etiam his nostris officiis , hoc est Julian. II.
 „ nocturnis cantionibus , ac cereorum ignibus , quibus nos Christiani pium
 „ e vita discessum ornandum existimamus.“ Nocturnæ nimirum cantiones
 ad cadaver fiebant , dum in itinere Cpolim deferretur , in ecclesiis nocte de-
 positorum , quod diu obtinuit , ut tota etiam nocte psalmodiæ cantus insti-
 tueretur , donec traderentur corpora sepulturæ. Id vero memorabile im-
 primis , quod subdit : „ Vox quidem e summis locis a nonnullis exaudie-
 „ batur , veluti psallentium , & prosequentium (angelicarum opinor virtutum)
 „ quod pietatis illi præmium erat , ac funebris remuneratio. Atque his
 „ verbis , commentatur ELIAS Cret. habitis CONSTANTII funus cum impii a
 „ DEO invisi IULIANI funere comparat.“ SOCRATES PAULI Novatiani Epi- L. VII. c. 46.
 scopi corpus psalmodia usque ad sepulchrum deductum dicit. S. GREGO-
 RIUS Naz. describit funus S. BASILII , & CÆSARII fratris cum multiplici hy-
 mnorum cantu deductum , psalmorum cantu luctum consopiente ; quam
 mysticam pompam vocat S. GREGORIUS Nissianus de obitu fororis suæ MA-

a CRINÆ, atque etiam in vigiliis cantum notat celebrem a). Et postquam pompam funebrem descripsisset: „Quæ quidem (pergit) pompa non carebat mysterio, cum a principio ad finem usque decantatio psalmorum eadem voce, triplicique canentium ordine, sicut ille trium puerorum cantus, absolveretur.“ Idem in Orat. funebri PULCHERIÆ Imp. „Tunc „DAVID suos hymnos & laudum decantationes lamentationibus accommodavit, ac pro hilari choro sumto invicem tristi, ac lugubri cantilenis ad lamentationes invitavit.“ *Psallentium* postea nominarunt cum alias, tum hoc etiam in officio funebri psalmorum cantum. Sic *Turonenses Picťavienfibus* S. MARTINI præripientes corpus „Ingressisque Ligeris alveum ad urbem „*Turonicam* cum magnis laudibus, psallentioque dirigunt copioso,“ ut *S. Greg. Tur.* narrat S. GREGORIUS *Turon.* S. GREGORIUS *Nissēnus* in sermone *de Ascensione Domini*, DAVIDEM, uti iucundissimum humanæ vitæ comitem, sic in luctu & funere consolationem esse, dicit. Et EPIPHANIUS in funerum deductione sacras DAVIDIS odas, ad luctum & dolorem minuendum, dicit cantatas. De funere ROMANII PRUDENTIUS: „Docta (inquit) mulier e psalterio hymnum canebat, carminis DAVIDIS: *Pretiosa Sancti mors sub asperitu DEI.*“ In exequiis matris suæ MONICÆ, EVODIUM Episcopum psalmum CI. cecinisse, S. AUGUSTINUS testatur. S. HIERONYMUS varia eiusmodi exempla commemorat in epitaphiis PAULÆ, & FABIOLÆ, ut mox videbimus.

In Vit. PP. In vita S. PAULI *Eremitæ* afferit, S. ANTONIUM in eius funere, licet solum, huic non defuisse muneri, *obvoluto, & prolatō foras corpore, hymnos quoque, & psalmos de christiana traditione decantantem.* De S. SABA similiter refertur, hymnos, & cantica ei de more cecinisse fideles, cum sepeliretur. Fuit autem Episcopus, & monachus. Solemne id fuit maxime apud monachos a primæva institutione, ut in regula S. PACHOMII præscribitur, ut tamen selectus, & ordo in psallendo teneretur: *Si Frater dormierit, omnis eum Fraternitas prosequatur. Nemo permaneat absque maioris imperio, nec psallat, nisi ei iussum fuerit.* Ea iusta quomodo ipsi S. PACHOMIO sint personæ.

T. III. Maii luta, ex vita eius discimus apud BOLLANDUM: *Noctem deinde totam, ut ibidem narratur, lectione & precatione transigentibus Monachis, Viri sancti corpus de more curatum, & cum psalmis in montem fuit delatum, ac sepulturæ traditum.*

Et

a) „Factum est (inquit) ut Virginum cantu lamentationibus commixto resonaret locus. . . . Cum igitur perfecta esset nocturna pervigilatio canendis psalmis, ut in Martyrum celebritate, & crepusculum advenisset, confluentium vicinis e locis omnibus virorum, & mulierum multitudine psalmorum decantationem fletibus interpellabat. Ego autem, quamvis propter calamitatem animæ esse conternatus, tamen ex rebus

præsentibus, quoad fieri potuit, operam dedi, ut nihil in tali funere desideraretur. Itaque confluentem populum in genera distribuens, mulierumque multitudinem admisceens Virginum choro, virorum autem turbam adscribens Monachorum cœtui, unum quemdam studui ex utrisque aptum concinnumque, tanquam in psalmos canentium congressu, ex communi omnium contentu apte coniunctum ordinem constituer. “

S. Greg. Tur.
L. I. h. c. 43.
H. cr. 71.

In Vit. PP.
p. 73.

T. III. Maii
p. 325. B.

Et postea de S. THEODORO: *Vigiliis igitur de more actis, sequenti mane THEODORI corpus, ad sepulturam rite compositum, in monte cum multo psalmorum cantu detulerunt.* Aliter faciendum ipse PACHOMIUS iussit circa Monachum quemdam, qui male vixerat. *In monasterio, ut ibidem perhibetur, obierat aliquis; nec tamen PACHOMIUS passus est, ut in monte ad cadaver psallerent fratres, velut moris est: sed neque sacrificium Missæ pro eo factum est.* *Vestimenta autem eius colligens, in medio monasterii exuri iussit, salutari suos timore complens, ne vitam suam negligenter a).* Sic negatur fratri, a qui defuit in vita suo officio, quæ plena spei est, Christianorum pro defunctis psalmodia; illis contra cum lætitia impensa, qui postquam sanctissimam vitam produxissent, fatis concesserunt: ut præfato S. THEODORO S. ATHANASIUS faciendum putavit, ne lacrymis sui eum prosequerentur: *No lite igitur, fratres dilectissimi & desideratissimi THEODORI mortem lacrymis, & planctu prosequi.* Nemo, cum illius recordatur, plorandum sibi esse existinet; sed illius potius vitam pro viribus imitari satagit: neque enim par est, ut vices illius doleamus, qui ad locum doloris omnis expertem migravit. S. HIERONYMUS in epitaphio PAULÆ celebritatem funeris ita describit. „ Cum c. 13. „ alii Pontifices lampades, cereosque proferrent, alii choros psallentium ducerent. . . . hebræo, græco, latino, syroque sermone psalmi in ordine personabant, non solum triduo, donec super ecclesiam, & iuxta specum Domini conderetur, sed & per omnem hebdomadam.“ Et in epitaphio

FA-

- a) Aliud non minus tragicum exemplum in vita eiusdem S. PACHOMIUS pag. 335. num. 5. refertur, dignum, ut integrum exscribatur: „Contigit alias, ut sanctus Pater noster PACHOMIUS in aliud pergeret monasterium, fratres in eo commorantes visitatus. Proficisciunt igitur, fratris nefcio cuius, eodem in monasterio defundi, oblatum per viam est funus, comitibus illud universis monasterii fratribus cum solenni psalmorum cantu: amici quoque & parentes fratris demortui funebribus intererant. Similiter autem atque S. PACHOMIUS ad se venientem a longe observarunt fratres, in terram deposuerunt feretrum, ut cum advenisset vir sanctus, fias super defuncto preces perfolveret. Subsistebant ergo fratres, atque unacum sceleribus psalmos decantabant. Adveniens deinde B. PACHOMIUS, cum aliquamdiu orationi vacasset, fratribus edixit, ut ne amplius psalmos pro defuncto concinerebent. Tum vestes defuncti in medium afferri, easque in omnium conspectu cremari præcepit; quo facto, cadaver tolli &

absque ulla psalmodia terræ maudari voluit. At vero fratres eius & propinquai ad pedes PACHOMII se abiuentes, fummis contendebant precibus, ut non sine solito psalmorum cantu mortuus sepeliretur, quos tamen PACHOMIUS non audiit.“ Et deinde n. 6. ad eos PACHOMIUS: „Vere dicam, fratres, maior me huius defunctorum, quam vosmetipso capit miseratio; cumque maiorem de ipso curam, ad instar patris amantissimi, fuscipiam, omnia, quæ vidistis, ut fierent, mandavi. Vos siquidem corporis solum examinis cura facit follicitos, at ego ut animæ eius bene sit, unice labore. Si enim cum psalmorum cantu ei parentare volueritis, plures defunctorum & graviores cruciatus excipient, cum de recitatis super eum psalmis ratio sit reposcenda ab eo, qui psalmoram gratia & virtute desitutus obiit. . . . Eam ob rem rogo vos, ut, si cruciatus defuncti cupitis reddere leviores, fine psalmis eum sepulture mandetis: posset enim DEUS, cum bonus sit & misericors, ob hanc ei factam ignominiam, requiem aliquam eidem præbere.“

FABIOLÆ: „Sonabant psalmi, & aurata tecta templorum reboans in sublime
„quatiebat Alleluia.“ Verba eadem *Anonymus* de funere AGAPETI Pontificis ex HIERONYMO adhibet. In occidente etiam *Alleluia* ad funera cantari

T. I. Act. solitum, colligimus ex vita S. RADEGUNDIS Reginæ. „Dum sub muro cum
Ord. S. Ben. „psallentio sanctum eius corpus portaretur, quia constituerat, ut nulla vi-
p. 333. „vens foras monasterii ianuam egrederetur, tota congregatio supra murum

„lamentans, ita, ut planctus earum superaret ipsum psallentium: pro psalmo
„lacrimas, pro cantico mugitum, & gemitum pro *Alleluia* reddebat.“

Ib. p. 677. Eadem periodus posterior in vita S. CÆSARII *Arelat.* legitur. In funere eiusdem
S. CÆSARII id peculiare observatur, extraneos etiam, ac *Indæos* planxisse.
„Nam quis in exsequiis illis sanctus, vel extraneus propter lacrimas psal-
„mum cecinit? Sed omnes omnino boni malive, iusti & iniusti, Christiani
„vel *Iudæi*, antecedentes vel sequentes voces dabant: Væ, vœ, & quotidie
„amplius vœ, quia non fuit dignus mundus diutius talem habere præco-
„nem, seu intercessorem.“ Alias merita summorum virorum gaudium potius eliciebant. Cantu psalmorum, non modo e pluribus choris, sed diversis etiam, ut videtur, linguis concinnato, celebre memoratur S. MELETII funus, *Antiochiam* deportatum, a S. GREGORIO *Nisseno* in præfa-
a ti Sancti vita a).

Hæc celebritas divinum illum virum sequebatur; atque spem vitæ perennis, quæ de Christianis concipitur, consequitur.

De SS. Mar-
tyr. Bernice,
& Prosope. „Principio quidem (inquit S. CHRYSOSTOMUS) super mortuos planctus &
„lamentationes fiebant: nunc autem psalmi, & cantus hymnorum. Fle-
„verunt igitur IACOB quadraginta diebus, fleverunt & MOYSEN totidem die-
„bus aliis *Iudæi*, & planixerunt, quoniam mors tum temporis mors erat:
„iam vero non ita, sed hymni sunt, preces, & psalmi, quæ omnia volupta-
„tem in ea re esse declarant; psalmi enim tranquilli, & hilaris animi signum
„sunt: *Æquo enim est animo quis in vobis, psallat.* Quoniam igitur læti-
„tia affluimus, idcirco psalmos super mortuos psallimus, qui nos cohortan-
„tur, ut mortem non timeamus.“ Multis in locis S. CHRYSOSTOMUS in
importunum super mortuos luctum invehitur, lætitiam potius, & in iustis

b his sacrificii potissimum eucharistici requirit lætitiam b). DIONYSIUS can-
tifica hæc victoriæ symbola dicit christiani obeuntis, *Quod ad optatum victo-*

De bier. eccl. c. 7. *rice*

a) „Exponite (inquit GREG.) quomodo præclarus
DAVID multifariam multisque modis in innumer-
os ordines fese distribuens, inter diversæ simul,
& eiusdem lingue homines circa tabernaculum
tripudiabat, & saltabat. Vult dicere, (notat in
hunc locum GRETSEURUS LII. de funere christi)
NISSÆNUS, psalmos Davidicos diversis linguis in
funere MELETII decantatos esse, prout de fun-
nere S. PAULÆ HIERONYMUS commemorat.“

b) Notanda hic sunt, quæ in illud Apostoli *De dormientibus* perorat. Et hom. IV. in epist. ad *Hebr.* „Nonne (inquit) sicut athletas mortuos comitamus? Quid etiam hymni? Nonne ut DEUM glorificemus, cique gratias agamus, quod iam coronavit discendentem, quod a laboribus liberavit, quod a timore liberatum apud se ha-
bet? Nonne propter hoc hymni? Nonne propter
hoc psalmodia? Omnia ista gaudientium sunt.“

riæ bravium pervenerit, auctorique victoriæ cantica gratiarum solvunt (eius propinqui). Idem in theoria: *Cantica*, inquit, *divinarum promissionum*, ac *lectiones explicant nobis sedes illas beatissimas &c.* Et porro refert, quod Diaconi verissimis de resurrectione promissis, que divinis scripturis inserta sunt, iisdem consona, atque æquivalentia psalmorum cantica concinuerint. S. AUG^{STINUS} L. IX. Conf. c. 12. de funere S. MONICE matris agens, licet suum, ac potissimum ADEODATI filii planctum commemoret, simul tamen illum coercitum dicit: „Neque enim (ait) decere arbitrabamur, funus illud quæstibus lacrymosis, gemitibusque celebrare.... Cohibito ergo a fletu illo puerō, psalterium arripuit EVODIUS, & cantare cœpit psalmum. Cui respondebamus omnis domus: *Misericordiam & Iudicium cantabo tibi Domine*. Audito autem quid ageretur, convenerunt multi fratres, ac religiosæ foeminæ, & de illis, quorum officium erat, funus curantibus &c.“ Fuit hic EVODIUS Uzalenjus postea Episcopus, cuius inter epistolulas S. AUGUSTINI est 158. Ubi de hoc ipso pietatis obsequio insigne habetur documentum in morte piissime obeuntis pueri cuiusdam Presbyteri AEMENI Melonitani: „Exequias (inquit) præbuimus satis honorabiles, & dignos tantæ animæ, nam per triduum hymnis Dominum colamus laudavimus super sepulchrum ipsius, & Redemptionis Sacra menta tertio die obtulimus.“ CORRIPUS in laudem IUSTINI Minoris celebritatem funeris cum cantu ita describit:

*Omnis in exequias sexus convenit & ætas.
Quis numerare potest tantæ miracula pompa?
Hinc Levitarum venerabilis ordo canentum.
Virgineus tonat inde chorus, vox æthera pulsat.*

Indignissimum est visum, & deplorandum, GENSERICUM in Africa iussisse, Catholicorum corpora ad sepulchrum deferri sine celebritate hymnorum, & psalmorum cantu, uti VICTOR Vitenjus narrat. *Quis vero, inquit, sustineat, ac possit sine lacrymis recordari, cum præciperet nostrorum corpora defunctorum, sine solemnitate hymnorum, cum silentio ad sepulturam perduci?* Iustum ex adverso, quod in Concilio Toletano III. est moderamen constitutum: „Religiosorum omnium corpora, qui divina vocatione ab hac vita recedunt, cum psalmis tantummodo, psallentium vocibus debere ad sepulchra deferri. Nam funebre carmen, quod vulgo defunctis cantari solet, vel pectoribus se, proximos, aut familias cedere, omnino prohibemus. Sufficiat autem, quod in spe Resurrectionis, Christianorum corporibus famulatus divinorum impenditur cantorum.“ In Conc. Arelat. apud BINIUM prohibentur carmina profana: *si quis autem cantare desiderat,* T. II. p. 560. F. L. III. Can. 22. *L. I. de persec. Wandal. c. 5.*

Kyrie eleyon *canat.* Huc pertinet, quod BALSAMON annotat in canon. 106. Concilii *Carthagin.* „In synodo huius Reginæ urbium diversa fuerunt edicta, „significantia eos celebrandorum sacrorum suspensioni esse obnoxios Anti- „stites, qui in nobilium, & procerum defunctorum exequiis officium „agunt, & dicunt laudatorias preces cum Iambis, vel etiam soluta ora- „tione. Multi enim hæc facere deprehensi sunt. Similiter & synodali edicto „excommunicati sunt lectors, qui in eisdem musica, & querulas nugatio- „nes edunt, & pro epitaphio epithalamium celebrant.“

- Obsequia moribundis exhibita, ante & post fe- „VII. Absente etiam funere hæc iusta persoluta fuisse, intelligimus ex vita S. MAURI, divinitus de morte S. P. BENEDICTI edocti : „Noctem illam, „rum Paschæ illucescebat Sabbatum, tam beatissimus MAURUS, ac nos, T.I.A&c. Ord. S.Ben. p.287. „qui cum eo ibamus, quam sanctus *Romanus* cum aliquibus discipulis suis, „ieconi pervigilem duximus ; Unusquisque nostrum secreto apud se, ut „illis diebus in Ecclesia *Romana* mos erat, psalmos & orationum preces de- „vote pro exitu eiusdem Patris nostri DEO dilectissimi BENEDICTI consumi- „mantes.“ Præbant hæc officia exitum, cum „Beatisimus MAURUS in „ecclesia consistens transitum eius, qualicunque eveniret hora, orando & „psallendo præmunire, longe licet positus, fatageret.“ Colligimus autem, iam tum in ecclesia *Romana* statas fuisse preces, & psalmos pro moribun- dis, ut semper hactenus mos fuit, olim etiam a mortis articulo usque ad sepulturæ tempus, corpore in ecclesiam deportato, psalmorum officia præ- stare, *quatenus expleto Missarum praconio sepulturæ traderetur*, ut in vita Ibid. p. 358. S. EBRULFI Abb. Uticensis legitur, & paulo post de ipso sancto viro mortuo : „Quem fratres cum magna reverentia in ecclesia deportantes, diebus tri- „bus ac noctibus hymnos & laudes DEO canentes, sanctum illius corpus „diligenter visi sunt custodisse, exspectantes conventum servorum DEI.“ Et Ibid. p. 333. in vita S. RADEGUNDIS Reginæ: „Exspectabatur Pontifex loci, ut eam cum „digno sepelirent honore. Tota congregatio circa eius torum stans psal- „lebat, ubi psallentium vel paululum quiescebat, intolerabilis planctus ade- „rat.“ Eodem referri possunt, vel potius ad ea obsequia, defunctis etiam post sepulturam certis diebus usque ad anniversarium impendi solita, quæ iam apud TERTULLIANUM, in constitutionibus apostolicis, & alibi, prima hac ætate, definita leguntur. Ad eandem quoque rem id, quod in S. Do- Ibid. p. 253. ROTHEI Abb. *Paris.* vita occurrit, spectat. „Huius anima felix civibus iuncta „æthereis cum una concrepet Alalagma tonanti, superna dispositione, quæ „sanctos suos, & in hac vita mirificat, meritorum titulis iugiter turba Fra- „trum monastici ordinis ante eius mausoleum concinit æterno Regi dulci- „flua carmina laudis.“

VIII. Habetur ad BASSULAM socrum suam SULPITII Severi epistola, quo-
modo B. MARTINUS ex hac vita ad immortalem transferit, in qua inter
alia hæc verba : *Hoc igitur beati Viri corpus usque in locum sepulchri hymnis
canora cœlestibus turba prosequitur.* Et mox, MARTINO divinis plauditur
psalmis, MARTINUS hymnis cœlestibus honoratur, in memoriam revocant,
quod S. GREGORIUS Turon. accidisse S. SEVERINO Episc. Coloniensi scribit a).
Cui geminum est, quod S. GREGORIUS M. de audita psalmodia ad corpus S.
HERMENEGILDI Mart. & de obitu S. ROMULÆ monialis narrat, divinitus
choros virorum, & fœminarum respondentium esse auditos: passimque in
vitis PP. exempla leguntur b). Idem officium LEONTIUS SIMEONI Salo,
cum deesset humanum, cœlitus præstatum narrat c) : De ANUPH apud
RUFINUM & BOLLANDUM narratur, continuo post mortem animam eius ab
Angelis in cœlum deferri visam, ita ut vocem hymnorum audirent etiam
ipſi, quibus unacum Angelis anima eius abscedens Dominum collaudabat.

IX. In quotidiano divini officii pensu semper horæ quædam singulari-
ter divinis sunt destinatae laudibus d), exemplo tum ex veteri testamento, præ-
fertim

Horarum ca-
nonicarum
curfus.

d

a) „Dum dic Dominica (inquit TURONENSIS lib. I. de mirac. S. MARTINI c. IV.) loca sancta ex confuetudine post matutinos cum suis Clericis circuiret, illa hora, qua beatus obiit, audivit chorum canentem in sublimi. Vocatumque Archidiaconum interrogat, si aures eius percuterent voces, quas ille attentius audiret. Respondit nequaquam; cum ille diligentius, inquit, aufulta. Archidiaconus autem cœpit sursum collum extendere, aures erigere, & super summos articulos, baculo sustentante, stare. Sed credo, eum non fuisse æqualis meriti, a quo hæc non merebantur audiri. Tunc prostrati terræ ipse pariter & beatus Episcopus, Dominum deprecantur, ut hoc ei divina pietas audire permetteret. Ereptus autem, rursum interrogat senem: *Quid audis?* Qui ait: *Voces psallentium in cœlo audio, sed quid sit, prorsus ignoro.* Cui ille, tibi narrabo. Dominus meus MARTINUS Episcopus migravit de hoc mundo, & nunc Angelii canendo eum deferunt in excelsum.“

b) S. GREGORIUS M. L. III. Dial. c. 31. „Nam cœpit in nocturno silentio psalmodiæ cantus ad corpus eiusdem Regis, & Martyris audiri. “ Et lib. IV. dial. c. 16. „Ecce subito in platea ante eiusdem cellulae ostium duo chori psallentium constiterunt: & sicut se dicebant fexus ex vocibus discrevisse, psalmodiæ cantus dicebant viri, & fœminæ respondebant. Cumque ante fores cel-

lulæ exhiberentur cœlestes exequiæ, sancta illa anima carne soluta est: qua ad cœlum ducta, quanto chori psallentium altius ascendebant, tanto cœpit psalmodia lenius audiri, quoisque & eius psalmodiæ sonitus, & odoris suavitas elongata finiretur.“

c) „Eum portantes (inquit) duo quidam absque co, quod eum lavissent, & fine psalmodiæ, & fine cereis, & fine suffumigationibus eum sepelierunt in sepulchro peregrinorum. Cum autem transirent per domum illius vitreorum poculum opificis, olim Hebræi, quem quidem ipse fecerat Christianum (ut superiorius diximus) ii, qui eum portabant, & ibant ad eum sepelendum, audit is, qui dictus est, psalmodiam, cuius ea erat harmonia, ut nulla vox humana eam possit psallere: & tantam multitudinem vident, quantam humanum genus non potest congregare. Stupefactus ille fono numero, & concinnae vocis angelicæ, exiit, & videt sanctum, qui efferebatur a duobus tantum, qui venerandum eius corpus portabant. Tunc dixit, qui numerosum hunc cantum audierat: *Beatus es, SALE, quod cum non habeas homines tibi canentes, habes cœlestes potestates, que te hymnis honorant, & statim descendens, eum suis manibus sepelivit;* & tunc a se auditâ incorpororum cantica narravit omnibus.“

d) Vid. BELLARM. L. I. c. 13.

fertim ex psalmista, cum etiam ex novo a CHRISTO, & Apostolis desumto. Earum iam mysticas rationes ex mysteriis CHRISTI Domini designat auctor constitutionum apostolicarum : „Mane (inquit) gratias agentes, quod Do-
 „minus abducta nocte, & inducto die, illuminavit nos. *Tertia hora*: quo-
 „niam in ea Dominus sententiam damnationis exceperit a PILATO. *Sexta*:
 „quod in ea crucifixus est. *Nona*: quia cuncta cruxifixo Domino com-
 „mota sunt, dum horrent impiorum *Iudæorum* temeritatem, nec ferre pos-
 „sunt contumeliam Domino illatam. *Vespere*: gratias agentes, quod no-
 „bis noctem dederit, laborum diurnorum quietem. In *gallorum cantu*:
 „eoquod illa hora nunciet adventum diei, ad facienda opera lucis. Si
 „propter infideles impossibile est ad ecclesiam procedere, in domo aliqua
 „congregationem facies Episcopem.... si neque in domo, neque in ecclesia
 „congregatio potest agitari; unusquisque apud se psallat, legat, prece-
 „tur.“ Hæc quidem ea tantum Ecclesiæ tempora designant, ubi tyrranno-
 rum persecutionibus pressa, tribus prioribus sacerulis, & ineunte adhuc quarto
 ingemuit; de quibus ex supra adductis tam extraneis, quam domesticis
 testibus edocemur, horis potissimum antelucanis, & matutinis, solemne
 christianis fuisse, ad canendum CHRISTO carmen, atque psallendum, quando
 simul Eucharistia celebrabatur, convenienter. Discimus tamen ex TERTUL-
 LIANO, id tum mane, tum alias solemne fuisse. *Eucharistæ Sacramentum*
De corona Militis. c. 3. &³ in tempore vicius, & omnibus mandatum a Domino, etiam antelucanis
 cœtibus, nec de aliorum manu quam præsidentium sumimus. Alibi tres po-
 tissimum horas designat, *Tertiam*, *Sextam*, *Nonam*, pariter ac CLEMENS
De Ieiun. c. 10. *Alexand.* ORIGENES, CYPRIANUS. „Porro (inquit) cum in eodem com-
 „mentario LUCÆ & tertia hora orationis demonstretur, sub qua Spiritu San-
 „cto innitiati pro ebriis habebantur, & sexta, qua PETRUS ascendit ad fu-
 „periora: & nona, qua templum sunt ingressi: cur non intelligamus, salva
 „plane indifferentia, semper & ubique, & omni tempore orandum: ta-
 „men tres istas horas, ut insigniores in rebus humanis, quæ diem distri-
 „buunt, quæ negotia distinguunt, quæ publice resonant, ita & solemnio-
 „res fuisse in orationibus divinis.“ Nolim argutari, aut captare verba illa,
 quæ publice resonant, facileque largiar, hæc ad privatas potius preces per-
 tinere: quemadmodum etiam locum istum ex libro VII. Stromatum S. CLE-
 MENTIS Alexandrini: *Quod si nomulli certas ac definitas horas constituant*
precationi, ut verbi gratia, Tertiam, Sextam, Nonam; at Gnosticus per to-
N. 33. & 35. GENES de oratione, ac CYPRIANUS de oratione dominica de iisdem oratio-
 nis horis perhibent. Tempore S. CYPRIANI liturgia etiam vespere fuit ce-
 lebrata: quandoquidem illos in epistola ad CÆCILIJM graviter redarguit,
 qui

qui mane aqua sola utebantur, tempore vero coenæ, seu vespere, calice mixto ex more. In Constitutionibus apostolicis iubetur Episcopus, cum L.VIII.c.35. fuerit *vespera*, congregare Ecclesiam: *Et postquam dictus fuerit psalmus lucernalis, recitat Diaconus orationes pro catechumenis, energumenis, competentibus, & pœnitentibus, ut supra diximus.* Ubi nempe de celebratione Eucharistie agebatur. Alias vero *vespertinis* etiam horis, & *Nona*, iuxta Concilium *Laodicenum*, *liturgia precum fuit celebrata.* Laudatus auctor *Can. 18.* Constitutionum apostolicarum de hac quotidiana Christianorum confuetudine monet: *Singulis diebus congregemini mane & vespere, psallentes, & orantes in ædibus dominicis,* Mane quidem dicentes *psalmum sexagesimum secundum, Vesperi vero centesimum quadragesimum.* S. HILARIUS: *Dies in In Ps. 64. orationibus*, ait, *inchoatur, dies in hymnis clauditur.* S. EPIPHANIUS: *Exposit. filei Matutini etiam hymni in ipsa sancta Ecclesia perpetuo fiunt, & orationes n. 23. matutinæ, lucernalesque simul psalmi.* SOZOMENUS narrat, S. ZENONEM, L. VII. c. 27. *Mainimensem Episcopum iam senem, equidem natum plus minus annos centum, nunquam vel matutinos, vel vespertinos hymnos neglexisse, nisi forte morbus ipsum impediret.* NICEPHORUS addit, eum principio psalmodiarum L.XII. c.45. adesse, eisque præire solitum. S. CHRYSOSTOMUS eorundem sepe meminit temporum, dum populum dicit ad *matutinos, vespertinosque hymnos*, ut vocat, pro more convolasse. Quando vero de monachis agit, plures, & easdem *Hom. 18. in* quæ hodieque celebrantur, canonicas horas designat: „*Tertiam, aëla.* „*inquit, Sextam, Nonam, & Vespertinas orationes celebrant, & in qua-* Hom. 58. ad *pop. Ant.* „*tuor partes diem dispartiti, dum singulæ partes implentur, psalmodiis, & hymnis DEUM venerantur.*“ Homilia 14. in 1. ad Timoth. easdem horas canonicas luculenter recenset, & S. ATHANASIUS, seu alias vetustus auctor *In Ps. 118. libri de Virginitate*, ita virginem sacram instituit: „*Habeto psalterium, & psalmos edisce.* Sol oriens videat librum in manu tua: post *Tertiam ho-* „*ram peragito communionem, quoniam hac hora adductum est lignum Crucis.* *Sexta hora celebrato preces cum psalmis, plorationibus, & obsecrationibus, quoniam hac hora Filius DEI sublatus est in crucem. Ho-* „*ra Nona rursus esto in hymnis & laudibus DEI cum lacrymis confitens pecata tua &c.*“ S. ANTONIUS, ut legitur in eius vita apud S. ATHANASIUM, ad psallendum, *vespere, mane, & meridie* discipulos suos hortatur. De PUBLIO THEODORETUS refert; cum diversi generis haberet monasteria duo, *In Philotheo* templum commune construxit, *in quod iussit eos, & illos convenire incipiente die, & desinente: ut vespertinos, & matutinos hymnos DEO simul offerrent, in duas quidem divisi partes, & singuli sua voce utentes, ex successione autem canticum emittentes.* Generatim SOZOMENUS de mo- L. VI. c.33. nachis Syris, & Persis narrat, *DEUM inde sinenter precationibus, & hymnis,*

secundum Ecclesiæ consuetudinem laudasse. Capite sequenti communem eam monachorum politiam fuisse testatur, ut preces, ieunia, ac divinos hymnos frequentarent, inque iis fere plurimum exercerent. S. BASILIUS obserandas esse horas vult, quas sancti Patres ad orationem demonstrarunt per certas intercapedines psalmodiæ, & genuflexionis contentionem; licet alias vita quidem omnis orationis tempus sit. Et in regulis suis disputatis, quamvis precationi, & psalmodiæ, sicut & pluribus aliis rebus nullum non tempus idoneum esse, dicat, ita ut interea, dum admoveamus manus ad opera, modo quidem ipsa lingua (quando id fieri potest, aut conductit potius ad fidei ædificationem) fin minus, corde in psalmis & hymnis & canticis spiritualibus DEUM collaudemus; statas tamen mox easdem cum distinxisset horas, subdit: Diversitatem autem, atque varietatem in precibus, & in psalmodiæ, quæ statis horis sunt, utilē esse arbitror, quod in aquabiliitate quidem torpescat saepe, nescio quomodo animus, atque præsens absens est. Mutatis vero, & variatis psalmodiæ, & cantu, per singulas horas renovatur eius desiderium, & attentio instauratur.

S. HIERONYMUS eundem morem in epitaphio S. PAULÆ declarat. „Post Alleluia cantatum (inquit) quo signo vocabantur ad collectam, nulli residere licitum erat... Mane, hora Tertia, Sexta, Nona, Vespere, noctis medio per ordinem psalterium cantabant.“ Nihilominus ex CASSIANO, & aliunde discimus, horas, quas nos vocamus minores, a monachis privatim in suis cellis fuisse persolutas, exceptis diebus sabbati, & Dominica a).

S. BENEDICTUS omnes horas suis temporibus in publico conventu celebrandas instituit: „His horis referamus laudes Creatori nostro, Matutinis, Prima, Tertia, Sexta, Nona, Vespere, Completorio, & nocte surgamus ad confitendum ei.“ Meminit subinde moris, sicut psallit Ecclesia Romana, quem etiam scriptor vetustissimus de Cursu ecclesiasticorum origine apud SPELMANNUM parum discrepasse a cursu S. BENEDICTI, qui quinto loco ponitur, testatur. Primus

Reg. c. 16. De Lit. Gall. §. I. Asiacus vocatur apud MABILLONIUM, quem a S. IOANNE Evangelista, eiusque discipulo POLYCARPO, Smyrneorum primo Episcopo, institutum dicit auctor ille antiquus, ac deinde per TROPHIMUM Arelatensem, tum per PHOTINUM

a) „Quam ob rem (ait lib. III. c. 2.) exceptis vespertinis, ac nocturnis congregationibus, nulla apud nos per diem publica solemnitas, absque die Sabbati, vel Dominicæ, celebratur, in quibus hora tertia sacrae Communionis obtentu conveniunt.“ In regula S. AURELIANI e. 38. sic prescribitur: „Cursum diurnum vel nocturnum, id est, matutinos, vigilias seu nocturnos, vesperam, & duodecimam in Basilica domina MARIAE congregatio dicat. Quodsi hiems aspera fuerit, matutinos tantum, vesperam, & duodeci-

mam in predicta Basilica dicite. Secundam vero, Tertiam, Sextam, nonam in interiori oratorio. EUGIPPUS Abbas in vita S. SEVERINI c. 9. „A discipulorum suorum (inquit) cellula spiritualis Doctor longius habitabat, in orationibus, & abstinentia iugiter perseverans, cum quibus tamen matutinas orationes, & propriam noctis principio psalmodiam folemniter adimplebat; reliqua vero orationum tempora parvo complebat oratorio, quo manebat.“

TINUM & IRENÆUM, *Lugdunenses Episcopos*, in *Gallias* propagatum. Alterum *Alexandrinum* notat, auctore MARCO *Evangelista*; qui cursus in monasteriis *Leriniensi*, & *Mafiliensi* CASSIANI receptus sit, atque inde per SS. GERMANUM *Antifiodorensem*, & LUPUM *Tricassinum*, Antiflites, in *Scotiam*, & per CÆSARIUM in *Arelatensem* ecclesiam inductus: quem demum COLUMBANUS apud *Luxovium* admiserit. Tertius cursus *orientalis* a S. CHROMATIO, HELIODORO, beato PAULINO, & ATHANASIO Episcopo editus, in *Gallorum* consuetudine non habetur. Eum S. MACARIUS per duodenas horas, singulis nimirum horis decantavit. Quartus cursus *Ambrosianus* dici potest, seu *Mediolanensis*, quem beatus AMBROSIUS propter hæreticorum ordinem dissimilem composuit, & alium quidem, quam cuius iam antea usus in *Italia* invaliduit. Observat porro MABILLONIUS, quod alias notavimus, auctorem hunc cursus ecclesiasticos cum liturgia confundere. Nam agens de cursu, per S. MARCUM instituto, ita illum describit, „ut *Sanctus*, vel *Gloria in excelsis*, vel *Orationem dominicam*, & *Amen* universi tam viri, quam fœminæ decantarent.“ Alias vero cursus, seu decursus nomine divina officia horarum canonicarum veniunt, quod cursu suo quotidiano persolvantur, seu decurrantur. In hunc sensum regula S. MACARII eam cursus nomenclaturam accipit: *Cursum monasterii super omnia diligas: qui vero sapientia orare voluerit, ubiorem inveniet misericordiam DEI.* Idem forte observare liceret, si GREGORII *Turonensis* supereisset liber de *Cursibus ecclesiasticis*, L. X. hist. quem condidisse se, ipse testatur. Apud BEDAM singulariter nominatur *c. ult.* *cursus canendi*, quando sub AGATHONE P. IOANNES, præcentor *Romanus*, in *V. Beda L. IV.* *Angliam* missus perhibetur, ut *cursum canendi annum*, sicut ad S. Petrum *c. 18. hist.* agebatur, edoceret. Magis accommodate sumitur in Concilio *Calchutensi*: *Can. 7.* *ut omnes ecclesiæ publicæ canoniciæ horis cursum suum cum reverentia habeant.* Canonice vero horæ dici potuerunt, postquam etiam canonibus ecclesiasticis, præsertim pro Clericis, sunt constitutæ, ac omnia ordinatim disposita, quandoque expresse exceptionibus factis singularium monasticarum consuetudinum, veluti in Concilio *Bracarense* I. Placuit omnibus com- *Can. 19.* muni consensu, ut unus, atque idem psallendi ordo matutinis, vel vespertinis officiis teneatur, & non diversæ, ac privatæ monasteriorum consuetudines contra ecclesiasticas regulas sint permixtae, vel: *cum ecclesiasticis regulis sint permixtae.* Ex monasticis Congregationibus assumti sacrorum præfules formam illam retinere adamabant. Quod in FAUSTO *Regiensi*, ex monacho *Liriniensi* Episcopo, laudat APOLLINARIS *Sidonius*: „Pecum per- *L. IX. ep. 3.* „itus Insulanarum, quas de palæstra Congregationis eremitidis, & de Sc- „natu *Lirinense* cellulorum in urbem quoque, cuius ecclesiæ sacra „superinspicis, transtulisti, nil ab Abbatे mutatus per Sacerdotem: quip-

„ pe cum novæ dignitatis obtentu , rigorem veteris disciplinæ non relaxa-
„ veris. “

Extraordina- X. Neque hic substiterunt singularis sanctitatis viri , excedentes et-
ria etiam, ant iam pietatis studio privato divini officii ordinarium cursum. „ Cum (teste
affidua psal- „ S. GREGORIO Nisi.) *Taumaturgus* subiisset templum (in quo scilicet dæmo-
modia acce- metorum. „ nes responsa dabant) illic mansit pro more totam noctem in orationibus,
„ & hymnis decantandis , vigilans.“ Præterea singulare veterum anachore-
invit. S. Greg. *Taum.* c. 8. tarum , & monachorum fuit studium : *Ego* , inquit ISIDORUS , quando e-
S. Isidorus ap. *ram invenis* , *& selebam in cella mea* , non *babebam numerum psalmorum* ,
Rosm. p. 609. *quos dicebam in ministerio DEI* : *nox enim* , *& dies in hoc expendebatur*.
L. II. Inſtit. CASSIANUS narrat , qua ratione in tanta varietate fixus modus orationum,
c. 5. ac cantus psalmorum Angeli indicio fit constitutus , *cum prius pro suo*
unusquisque fervore, infirmitatis immemor alienæ, id statui debere censeret,
quod contemplatione fidei, ac roboris sui facillimum iudicabat. Libertas ta-
men semper privato devotionis studio fuit relictæ , atque officium publicum
S. sec. I. Act. O. chori etiam privatim fuit persolutum. S. GERMANUS , Episcopus Paris.
S. B. P. 744. *equitans, in itinere semper de DEO aliquid aut verbo contulit, aut cantavit,*
cursum nudo capite dicens, et si nix, aut imber urgeret. Id S. BENEDI-
CTUS fratribus , qui longe ab oratorio laborant , aut in via sunt , de con-
a suetis horis præcipit a). De S. GERMANO , servato semper cantandi voca-
bulo , dum de privata solum psalmodia extra ordinem fit sermo , in eius
vita mox subditur , „ Quantam vero vigiliarum curam semper impenderet,
„ quis enarret, aut toleratos algores ardore fidei prædicet ? cum frequenter
„ in lectulo , antequam reliquos de sopore commoneret adsurgere , quin-
„ quaginta psalmos, vel amplius indefessus in templo sui pectoris Domino
„ decantaret . . . Qui celebrata vigilia remeans ad lectulum , quasi nihil
„ egerit , tunc primum reliquos excitaret. Quanta vero ad psallendum
„ fuit constantia , dum velut ferri rigore inducta caro subsisteret . . . ut se
„ mutantibus Clericis sine vicissitudine , ipse decantandi modulamina non
„ finiret. Cum pene hoc incredibiliter dicitur , quod scitur , quia tertia no-
„ ñis hora ingrediens in ecclesiam , non est egressus ulterius psallentium ab or-
„ dine , donec clarescente die decantatus solemniter cursus universus consum-
Ib. p. 253. n. 6. „ maretur ex canone.“ S. DOROTHEUS Abbas , S. GERMANI discipulus , *Præ-
ceptoris sui existens imitator sedulus carnem ieuniis attenuabat, crebrius corpus*
domabat pernoctationibus, nimisque afficiebat algoribus. *Cuius plectrum*
lingue

a) „ Fratres (inquit e. L. Reg.) qui omnino longe
sunt in labore , & non possunt ocurrere hora
competenti ad oratorium , & Abbas hoc perpen-
dit , quia ita est , agant ibidem opus DEI , ubi

operantur , eum tremore divino flectentes genua.
Similiter qui in itinere directi sunt , non eos
prætereant horæ constitutæ , sed ut possunt , agant
fibi , & servitutis pensum non negligant reddere.“

linguae organa DAVIDICA semper resonabat, ut in eius vita legitur. Et postea in vita Sancti MAURI, discipuli Sancti BENEDICTI: „ Ne- Sec. I. Act. „ mo illum unquam vidit de lectulo cum cæteris surgere fratibus, sed O. S. B. „ semper nocturnos vigilando prævenire hymnos attentius procurabat: ple- p. 279. „ rumque quinquagenos, sæpe etiam centenos psalmos, nonnunquam vero „ totum ex ordine psalterium ante nocturnalem consummans synaxim.“ Eiusmodi pietatis operi deditus etiam fragilior sexus, ipsaque Regina S. RA- DEGUNDIS celebratur: „ Ubi surgendi horam media faceret nox, quamquam Ib. p. 329. „ antea totum implevisset cursum, quæ adhuc nec soporem senserat, iam „ parata de stratu ad Domini servitium gaudens surgebat, ut cum fiducia „ diceret: *Media nocte surgebam ad confitemendum tibi Domine.* Nam fre- „ quenter & dormire visa est, & psalmum decantare in ipso sopore, ita, ut „ recte, & veraciter diceret: *Meditatio cordis mei in conspectu tuo semper.* Postea: „ Et si pro infirmitate aliquoties requiescere voluisset, spiritu vigi- Ib. p. 332. „ lante dicebat, tanquam admonens eam, quæ psalmum dicebat: *Age dic.* „ Nulli dubium est, quod aut spiritualiter cum Sanctis psallebat, aut certe „ nec sopor eam superabat. Consuetæ vero psalmodiæ, usque ad diem „ transitus sui, nunquam minuit cursum implere.“ In vita S. THEODUL- Ib. p. 346. „ PHI, Abbatis Remensis, cum adhuc sub THEODORICI disciplina terram co- leret, stupendim quoque valde narratur, quod, cum in tam diu servitio in- Num. 3. tentus esset, nec deficeret, noctes ab agro rediens sæpe unam, frequenter duas per vigiles, hymnum & psalmorum cum laudibus dicebat. Factus postea Abbas fabricarat basilicam in honorem S. HILARII, quo officii sui cursus du- plicaret laboris. Signo signidem, & conventu horarum cum fratribus hymno- logiarum laudes persoluebat: sed ut duplex esset corona meriti, quasi nihil ante gesisset, iterum prædicta in ecclesia vota reddebat. Credibile est, utraque in ecclesia per vices fuisse psallentium chorum. Fuit vero in Oriente singulare monachorum ἀκομήτων, seu insomniū institutum ab ALEXANDRO primum, cui successit IOANNES, deinde a MARCELLO propagatum. Qui, in turmas divisi, per vices in hymnis DEO canendis nunquam die, noctu- que a psallendi assiduitate remittebant. Ita quidem METAPHRastes, ex cu- Ad diem 29. „ ius monasterio, tanquam ex magna Eden, profluxisse salutaria disciplina Dec. apud Sur. acoemetorum per universum fere orbem fluenta, refert. Plura idem in vi- in vita S. „ ta S. IOANNIS Calybitæ sub diem 15. Ianuarii. NICEPHORUS originem Roma petit, sub GENNADIO, Archiepiscopo Cpolitano. „ In episcopatu huius (ait) L.XV. c. 23. „ STUDIUS quidam vir præclarus Roma Constantinopolim pervenit, & divo „ Præcursori templum erexit, in quod monachos ex domicilio eorum, qui „ ἀκομήτοι, hoc est insomnes dicuntur, induxit. Horum domicilium MAR- „ CELLUS divinissimus construxerat, in quo perpetuis carminibus nunquam

„ non hymni DEO canerentur , sodalitate monachorum eam ob rem in
 „ tres cœtus divisa. In ea mandra IOANNES quoque *Calybetes* monachum
 „ egit.“ Jungimus , quod subdit NICEPHORUS de *pervigiliis* , quas *Graci παννύχιας* vocant , ab ANTHIMO eodem tempore *Cpoli* institutis : „ Ea tem-
 „ pestate TIMOCLES etiam , & ANTHIMUS tropariorum poetæ floruere , qui
 „ suas uterque sodalitates habuerunt. Et qui *Chalcedonensis* Synodi decre-
 „ ta comprobabant , ANTHIMI concentus frequentabant , qui etiam pervi-
 „ gilium inter eos instituit.“ In primaria charta fundationis monasterii
Agaunensis , factæ a SIGISMUNDO *Burgundionum* Rege , simile acoemetorum

T. IV. Conc. institutum , post initia Sæc. VI. legitur apud LABBEUM , „ ut secundum ple-
p. 1559. „ nissimam devotionem Domini Regis ex psallendi institutionibus fiant no-
 „ vem normæ , id est , *Granensis* , *Istana* , *Iurensis* , & *Meluenfis* , & cæ-
 „ tera : ut succedentes sibi in officiis canonicis , id est , *Nocturnis* , *Ma-*

tutinis , *Prima* , *Tertia* , *Sexta* , *Nona* , *Vespertina* , in hac die noctu-
 „ que indefinenter Domino famulentur.“ SIGISMUNDUM *psallentium ibi af-*

L. III. hist. fiduum instituisse , memorat GREGORIUS *Turonensis* , quod alibi *psallentium*
Franc. c. 5. *quotidianum* vocat. Verum tam ista , quam alia etiam , ex actis Martyrum
De glor. MM. *Thebaeorum* , auctore EUCHERIO , Episcopo *Lugdunensi* , ut a SURIO sunt
L. I. c. 75. edita , ex veteri historia *Agaunensi* , per ACHIVUM , tertium loci Abbatem

T. I. Annal. allata testimonia , impugnat COINTIUS.
Franc. p. 534.

Communi et- XI. Populum etiam suas olim habuisse partes in præcipuis divini offi-
 iam fidelium ci partibus , ex supra dictis abunde patet , atque ex iis præcipue , quæ de
 concentu of- S. ATHANASIO SOCRATES refert , quomodo ab *Arianis* quæstus , in media
 ficium divi- num perfolu- *psallentium turba evanescit* , cum in recitatione *psalmi suavis* concentus totius
 tum. *multitudinis extitisset*. Et S. BASILIUS sese huius rei causa purgans , ad

Socrates L. II. c. 1. quas non christianas Societas provocat ? Omnes uno verbo , inquit , apud

S. Basil. Ep. quos vigiliae , precesque , & communies psalmodia in pretio sunt. S. HIE-
207. RONYMUS Epist. ad MARCELLAM : *Hierosolymis* , ait , vox quidem diffona , sed
 religio una , tot pene *psallentium chori* , quot gentium diversitates. Memo-
 rabile est , quod GREGORIUS *Nazianzenus* in oratione de funere patris sui
 narrat , cum is adhuc in Gentilismo degeret , nihil non egisse piissimam
 coniugem NONNAM , ut psalmorum cantui assuesceret , licet adigere nun-
 quam potuerit , donec in visione , ac somno semel id agere sibi videretur.

„ Putabat se (ut rem prosequitur) quod ante nunquam fecerat (quamvis uxor
 „ in oratione frequens esset) ex DAVIDIS psalmis eam partem canere :
 „ *Lætatus sum in his , quæ dicta sunt mihi : in domum Domini ibimus.*
 „ Novus erat , & insuetus hic cantus : simulque cum cantu cupiditas ingredi-
 „ tur.“ Haud dubie follicita de salute mariti uxor hoc suavi cantus incitamento
 illum

illum ad ecclesiam convocare studuit, ut in illis divini officii partibus, quibus etiam non initiati adesse poterant, præsens, cantus suavitate alliceretur, & forte ipse etiam suam cum aliis coniungeret vocem: quod maxime in sacra psalmodia fiebat, ut omnium una esset vox, ac concentus, seu *celebres hymnorum sonitus*, ut vocat S. HILARIUS. Et ibid. Idem S. GREGORIUS matrem suam laudans: *Ecquæ, ait, jejuniis, vigiliisque carnem suam magis extenuavit, ant diurnæ, nocturnæque psalmorum se ipsum cantioni affixit?* Eodem tempore, sub CONSTANTIO nimirum Imperatore, FLAVIANUS, & DIODORUS adhuc laici, noctu, diuque ad pietatis studium populum excitantes, eundem, *Davidicos* hymnos per vices canere, docuerunt, THEODORETO teste, adiungente; hoc quidem primum *Antiochiae* institutum, dein ubique pervagatum, ad ultimos terræ fines pervasisse. S. CHRYSOSTOMUS *Hom. 30. in de ipsis Virginibus, & viduis afferit: Ipsæ autem noctu, & interdiu psalunt, & adsunt.* SOCRATES refert THEODOSIUM *Iuniorem Imperatorem summo diluculo cum suis fororibus MARINA, FLACILLA, ARCADIA, PULCHERIA, solemnnes Deo psalmos, & laudes, non fecus ac mystæ, in templis alternatim quotidie concinuisse.* In Occidente S. AMBROSIUS promiscue fidelem populum ad iugem psalmodiam hortatur a). S. AUGUSTINUS præcipuam huius instituti laudem ipsi S. AMBROSIO tribuit, ut supra p. 90. vidimus. Putat BELLARMINUS, recitata ibidem S. AUGUSTINI verba, non de toto Occidente esse intelligenda, sed solum de locis, in quibus ipse erat. *Nam certe, ait, te stimonium ex HILARIO adductum, videtur omnino cogere, ut credamus, in GALLIA fuisse consuetudinem, ut populus in ecclesia caneret, etiam ante AMBROSII tempora.* Mihi tamen, quod ipsa S. AUGUSTINI verba produnt, videtur, S. Doctorem de aliis quoque officii divini partibus præter liturgiam, præsertim in pernoctibus vigiliis, ibi mentionem fecisse. Quomodo etiam PAULINUS non *Nolanus* ille, sed alias non longe posterior, qui PERPETUO L. III. *Turonensi* libros suos de vita S. MARTINI dicavit, canit:

*Vigil oculis omnis
Turba ad consuetos modulamina dulcia psalmos
Advolat, & sanctis solatia querit in hymnis,
Quæ pellant segnes vegetato corpore somnos,
Cantibus & sacris nocturna silentia vincant.*

S. CHRYS.

a) „Divide saltem (inquit in psal. CXVIII.) DEO, & saeculo tempora tua, vel quando non potes agere in publico, quæ sunt istius mundi, & tenebrae prohibent noctis: DEO vacato, indulge orationibus, & ne obdormiscaes, psallito, somnum tuum bona fraude fraudato, mane festina ad ecclesiam. Dcfer primitias pii voti, & postea, si vocat sæcularis necessitas, non excluderis dice-

re: *Prævenerunt oculi mei mane meditari verba tua.* Et sic securus procedis ad tuos actus. Quam iucundum inchoare ab hymnis & canticis, a beatitudinibus, quas in evangelio legis: quam prosperum, ut te CHRISTI sermo benedicat, & dum recantas Domini Benedictiones, studium aliquius virtutis assumas, ut etiam id benedictionis divinæ meritum recognoscas. «

Hist. eccl.
L. II. c. 24.
1. ad Cor.
L. VII. hist.
c. 22.

a

L. I. de bonis
Opp. c. 17.

a

S. CHRYSOSTOMI in componendis hymnis, quos ad *Arianorum* confusio-
nem ab *Omnianis* noctu cani iusserat, eximium studium iam p. 43. lau-
davimus, ubi horum responsiones, quas cantantibus *Arianis* opponebant,
de clausula *Gloria Patri*, psalmis subiungi solita, intelligi posse, diximus;
ut forte ad eam succinendam populus adduceretur, solemeque fuit, ver-
sus faltem quosdam responderi: qui fuit confuetus totius populi cantus.

- In Ps. 26. n. 1.* S. AUGUSTINUS paſlim eum esse *Africæ* morem teſtatur: *Voces istæ psalmi*,
Num. 1. inquit, *quas audivimus*, & *ex parte cantavimus &c.* Et in psalm. XLVI.
Itaque in hoc psalmo, *quem cantatum audivimus*, *cui cantando respondi-
mus*, *ea sumus dicturi*, *que nostis*. Quod putant S. AUGUSTINUM exemplo
S. AMBROSI in *Africam* induxisse. Nos vero superius locum TERTULLIA-
Cap. 27. de
Orat. NI attulimus, diligentiores solitos, in orando subiungere *alleluia*, & hoc
genius psalmos, quorum clausulis respondeant, qui ſimil funt. Quid vero
S. AMBROSIUS instituerit, PAULINUS in eius vita perhibet: *Hoc in tempore
primo antiphonæ, hymni, ac vigilia in ecclesia MEDOLANENSI celebrari cœpe-
runt*. Populi hoc in concentu partes iam ſupra declaravimus. Non loquimur
de privato pietatis studio, quo ſubinde viri etiam principes, uti lib. II. plura pro-
feremus exempla, choris psallentium ſeſe iuxtaſfe memorantur: legiturque in
T.I.A&T.O.S. vita CLODOALDI, CLODOMIRI Regis filii, antequam monaſticum indueret habi-
B. p. 136. tum: *In divina lande choris psallentium magis volebat intereffe, quam illecebroſa
verba virorum inilicite auditæ percipere*. Pertinet hoc ad ea tempora, poſtquam
iam vergente hac prima ætate, chorii psallentium ordinatius institui coepерunt.
Qua de re in *Gallia Mamertum CLAUDIANUM*, a SIDONIO laudatum p. 82.
retulimus. Aperte autem S. CÆSARIUS nominatur, populo hic feciſſe par-
L. I. n. 10. tes, in eius vita, a CYPRIANO Tolonenſi Episcopo conſcripta: „De profe-
„ctibus itaque cunctorum ſollicitus, & providus pastor, ſtatiuſ instituit, ut
„quotidie *Tertia*, *Sextæque* & *Nonæ* opus in S. STEPHANI basilica Clerici
„cum hymnis cantarent: ut ſi quis forte ſecularium, vel poenitentium fan-
„ctum opus exequi ambiret, absque excuſatione aliqua quotidiano intereffe
Num. 11. „poſſet officio.“ Et poſtea: „Adiecit etiam, atque compulit, ut laicorum
„popularitas psalmos, & hymnos pararet, altaque, & modulata voce, in-
„ſtar Clericorum, alii græce, alii latine prosas, antiphonasque cantarent,
„ut non haberent ſpatium in ecclesia fabulis vacandi.“ Fuit is potiſſimus
auctor Canonum *Vafensis* II. Concilii, ubi faluberrimæ eiusmodi de psal-
morum, ac hymnorum cantu habentur institutiones. Populum vero in fer-
Serm. 140. monibus ad hoc frequenter hortatur: „Rogo vos (inquit) fratres chariflimi,
Serm. 283. in append. *T.V.* „ad Vigilias Matutinas ſurgite, ad *Tertiam*, ad *Sextam*, ad *Nonam* an-
S. Aug. p. 471. „te omnia convenite.“ Expertuſ fuerat non fruſtra verba perdiſſe, ſed
&c. adhuc plus urget in hunc modum: „Gaudeo, fratres dilectissimi, & DEO
„gratias

„ gratias ago , quia vos ad audiendas lectiones divinas video ad ecclesiam
 „ fideliter currere ; sed si & profectum vestrum , & gaudium nostrum com-
 „ plere ad integrum vultis , maturius convenire debet . . . Et ideo ro-
 „ go vos , ut & maturius conveniatis , & cum veneritis , magis orare , vel
 „ psallere , quam otiosis vos , vel saecularibus studeatis fabulis occupare . “
 Sermone sequenti impense sibi gratulatur de prospero successu , quod attinet
 hanc populi ad officium divinum frequentiam , & ad concentum in officio divi-
 no a). De S. GERMANO *Parisiensi* iam superius retuli , quod de eo canit FOR-
 TUNATUS : L. II. carm.
a
10.

Pontificis meritis , Clerus , plebs psallit & infans.

Quam vero sedulus hic fuerit populus , etiam in pervigilibus noctibus , de-
 clarat :

Flagranti studio populum domus irrigat omnem

Certatimque monent , quis prior ire valet.

Pervigiles noctes ad prima crepuscula iungens,

Construit angelicos turba verenda choros.

In celebri psalterio apud S. GERMANUM de *Pratis Parisiis* servato , quod ve-
 tus traditio nos docet , teste P. TASSIN , auctore novi tractatus diplomati-
 ci , usui fuisse S. GERMANO , Episcopo *Parisieni* , qui mortuus est 28. Maii *Sed. II. c. 3.*
art. 2. p. 163.
 an. 576. Ad oram saepe occurrit R transfixum linea horizontali : quod
 laudato auctori significari videtur , versum ei respondentem antiphonam es-
 se , quam populus repetere debeat . „ Reperiuntur illic non pauci psalmi , qui il-
 lam notam non habent , alii vero sunt , qui duplēm habent . Quod inde est ,
 quia mutabatur antiphona , vel responsorium . Itaque & istud transfixum notare
 vult responsorium . Signum istud bis comparet in psalmo *Alifereatur* ad versum :
Confiteantur tibi populi , DEUS. Confiteantur tibi populi omnes. Scriptor repe-
 tierit & ; quia idem versus , qui revera *responsorius* erat , repetitus invenitur . “
 Psalterium istud diu in thesauro inter reliquias fuit custoditum , postea in gra-
 tiā

a) „ Gaudium (exorditur) quod mihi Dominus
 de vestra sancta , & fideli devotione concessit ,
 verbis non valeo explicare . Plures enim erant
 anni , quod de hac re astuabat animus meus , &
 tota cordis intentione desiderabam , ut istam psal-
 lendi consuetudinem vobis pius Dominus inspira-
 ret . Unde benedico Dominum meum , & quan-
 tas possim ingiter gratias ago , qui dignatus est
 implere desiderium meum . Cum enim vos ego
 ita psallere desiderarem , quomodo in aliis vici-

nis civitatibus psallebatur ; taliter DEUS pre-
 paravit animum vestrum , ut hoc etiam melius ,
 adiuvante Domino compleatis . Quid nunc inter
 ipsa gaudia nostra agere convenient , nisi ut totis
 viribus Domino supplicemus , ut quomodo de-
 dit initium , etiam consummationem dare dignet-
 ur ; & quibus tam sanctam psallendi conculit
 devotionem , etiam felicissimam perseverantiam
 pro sua pictate concedat . “

tiam litteratorum in bibliothecam translatum: ubi a me est visum. *Sacrifia S. GERMANI de Pratis* an. 1269. in catalogo reliquiarum suæ custodiee concreditarum, psalterium S. GERMANI recenset.

Divina psalmodia, seu cursus ecclesiasticus passionis institutus,
Bellote p. 204.

P. I. p. 47.

" 9.

Ib. p. 37.

a

XII. Maxime autem semper fuit psalmodie apud personas DEO, diuinoque servitio consecratas perennis occupatio a prima origine. Cum autem *psalmus*, ut observat BELLOTE in Observ. in ritus *Laudunenses, Græcis* idem sit, quod *Latinis cantus*, & *psallere* idem, ac *psalmum canere*, nulli dubium fuerit, psalmos olim apud veteres cantari solitos. Veluti magnus ANTONIUS instituit monasteria plena choris psallentium. Solus etiam, ut iam memini, ad corpus S. PAULI Eremitæ pro consuetudine psalmos cantavit, teste S. HIERONYMO in eius vita. Et in vita MALCHI idem testatur, MALCHUM captivum abductum, psalmos, prout in monasterio didicerat, cum gregem Domini sui pasceret, cantare non destitisse. S. PACHOMIUS regulam, modumque psallendi acceperat ab Angelo. In regula S. MACARII hoc breviter inculcatur apud HOLSTENIUM: *Cursum monasterii super omnia diligas, cursum nimirum orationum, vel psalmorum, sicut dudum statutum est*: uti habetur in regula Patrum apud eundem. CASSIANUS copiose de hac re libro II. & III. *Institut.* agit. Et lib. I. quidem *Collationum* inter alia refert ISAACI verba, quantum mulcedine ista abripi mens debuerit, amoris, ac devotionis igniculis eliquata. „Nonnunquam etenim psalmi cuiuscunque versiculos occasionem orationis ignitæ decantantibus nobis præbuit. „Interdum canora fraternæ vocis modulatione ad intentam supplicationem stupentium animos excitavit. Novimus quoque distinctionem, gravitatemque psallentis, astantibus plurimum contulisse fervoris.“ Nihil adeo acerbe habuit S. GREGORIUM *Naz. Cpoli* valedicentem, quam *Nazaræorum* chori, psalmodiarum concentus, stationes nocturnæ. S. CHRYSOSTOMUS in homiliis ad populum *Antioch.* non potest satis deprædicare divinam hanc monachorum harmoniam, uti iam in superioribus vidimus. An vero idcirco hoīniliæ in epistolam ad TIMOTHEUM *Antiochiæ* potius habitæ dici debeant, ut MONTFAUCONIUS contra TILLEMONTIUM sentit, vel ob id, quod ex NAZIANZENO retuli, nolim arbitrari. Inde coniici potest, *Cpoli* etiam causam esse potuisse S. CHRYSOSTOMO extollendi præsertim cantus illam suavitatem a).

S. HIE-

a) „Dehinc (inquit Hom. 14. in 1. ad TIMOTH.) postquam furrexere, flant hymnos canentes propheticos cum multo suavi concentu, & melodia. Non cithara, non fistule, non instrumentum aliud musicum talcum emittit sonum, quemadmodum audire est, in profunda quiete, & in solitude canentibus sanctis illis. Hæc porro can-

tica utilia sunt, & opportuna, atque amore DEI plena. *In noctibus* (inquit) extollite manus vestras ad DEUM &c. Cantica quoque Davidica, multis lacrymarum fontes moventia, cum canit dicens: *Laboravi in gemitu meo &c.* Quando item cum Angelis canunt; nam & Angeli tunc canunt: *Laudate Dominum de celis &c.*“

S. HIERONYMUS in epistola ad RUSTICUM: *Dicas psalmum in ordine tuo.* Et alibi tam de coenobitica, quam privata ascesi in Aegypto verba faciens, tam virorum, quam mulierum hanc primariam occupationem memorat: *Post virorum monasterium, quod viris tradiderat gubernandum, plures Virgines, quas e diversis provinciis congregarat, tam nobiles, quam medii, & infimi generis, in tres turmas monasteriaque divisit, ita duntaxat, ut in opere & cibo separatae, psalmodiis & operationibus iungerentur.* Ad LÆTAM scribens de educatione filiæ: *Affuerat, inquit, ad orationes & psalmos, nocte consurgere, manere, Tertia, Sexta, Nona stare in acie, quasi bellatricem CHRISTI, accensaque lucerna reddere Sacrificium vespertinum.* Et de monasterio S. PAULÆ: Mane, hora Tertia, Sexta, Nona, Vespere, noctis medio, per ordinem psalterium decantabant; nec licebat cuiquam sororum ignorare psalmos, & non de scripturis quotidie aliquid discere. Die Dominica ad ecclesiam procedebant, ex cuius habitabant latere, coetus etiam monialium. Nec dubium est, quin pro more in publicis etiam conventibus eiusmodi diebus festis voces suas ecclesiæ iunxerint, quæ aliis diebus suavem hunc concentum privatim in oratoriis DEO reddebant; veluti etiam S. AUGUSTINUS moniales instituit: *In oratorio nemo aliud agat, nisi ad quod est factum, unde & nomen accepit. Psalmis & hymnis cum oratis DEUM, hoc versetur in corde, quod profertur in voce: & nolite cantare, nisi quod legitis esse cantandum: quod autem non ita scriptum est, ut cantetur, non cantetur.* Ex regula S. AURELIANI pro monialibus iam audivimus cursum diurnum, & nocturnum ordinarie in Basilica implesse. An sole in ecclesia psallerent, non liquet, an cum publico conventu; sicut dudum ante de monachis meminit SIDONIUS APOLLINARIS, quod id alternis cum Clericis egerint. *L.V. Ep. 17.*

Cultu, inquit, peracto vigilarum, quas alternante mulcedine Monachi, clericique psalmicines concelebraverant, quisque in diversa secessimus, non procul tamen, utpote ad tertiam præsto futuri, cum Sacerdotibus res divina facienda. Ex eodem mox laudavimus FAUSTUM Regensem, precum peritum insulanarum, quas nempe de palæstra congregationis eremitidis cellulariorum in urbem transtulerit. Ita paulatim a monasteriis etiam ad ecclesiæ fuit perducta psalmodia horarum canonicarum. *Neque enim, inquit MARTENIUS, post redditam ecclesiæ pacem in basilicis etiam cathedralibus statim invaluit mos omnes officii divini canonicas horas quotidie solemniter decantandi.* Refert deinde ex GREGORII Turon. lib. X. historiæ Francorum, exemplum INIURIOSI Turoneensis Episcopi, qui instituit Tertiam, & Sextam in Ecclesia dici. De psalmodia Cleri Parisiensis FORTUNATUS sic canit:

*Celsa PARISIACI Cleri reverentia pollens,
 Ecclesiæ genium, gloria, munus bonos:
 Carmine DAVIDICO divina poemata pangens,
 Cursibus assiduis dulce revolvit opus.
 Inde Sacerdotes, leviticus hinc micat ordo:
 Illos canities, hos stola pulchra tegit.
 Illi iam senio, tamen hi bene vestibus albent:
 Ut placeat summo piæta corona DEO.
 In medio GERMANUS adest Antistes honore,
 Qui regit hinc iuvenes, subrigit inde senes.*

*An. 465.**Can. 14.**a**An. 517.**Brittan. eccl.**a**antiq.**p. 343.**a**antiq.**p. 343.**a**antiq.*

„ ipsum cursum decantaverunt. Qui B. LUPUM, & B. GERMANUM Monachos in eorum monasterio habuerunt: & ipsi sub normam regulæ ipsum cursum decantaverunt, & postea in *Britanniis*, vel *Scotiis* prædicaverunt.“ Huc referri queat antiphonarium monasterii *Benchorenſis*, probabilius quidem *Hiberniæ*, unde S. COLUMBANUS prodiit, atque focio S. GALLO etiam *Alemanniam nostram* non solum fidei christiane luce, verum etiam vitæ asceticæ principiis imbuīt. Hinc haud dubie prima apud nos cursus ecclesiastici, ex psalmis, canticis, hymnis, collectis, & antiphonis promiscue compositi, norma defumta fuit: ita ut collectæ, seu collectiones, ut ibi vocantur, & antiphonæ psalmis, & canticis familiaribus accommodatae sint, quæ est ipsa forma, quam CASSIANUM, ab Oriente sumto exemplo, in *Gallias* induxisse, verisimillimum est. Concludimus rem IUSTINIANI verbis ad ATARBIUM *L.I. Cod. tit.*
prætorio præfectum: Sancimus ut omnes Clerici per singulas ecclesias consti-
tuti per seipſos psallant Nocturna, & Matutina, & Vespertina, nec ex sola
ecclesiasticarum rerum consumtione Clerici appareant, nomen quidem haben-
tes Clericorum, rem autem non implentes Clerici circa liturgiam Domini
DEI.

3. c. 41.

XIII. Non abs re psalmodiæ nomen cursui huic ecclesiastico inditur, Ex psalmo quandoquidem & psallendi munus habet, & psalmis potissimum *Davidicis* ^{rum jugi} cantu, conficitur, iisque omne fere divini officii pensum constat. DIONYSIUS *Alexan-*
dinus laudat psalmorum cantus multiplices, quibus plerique ex fratribus *L.VII. c. 24.* delestantur. „Hic (ut cum S. EPHREM. loquar) solitudines inhabitat, con- *Enc. in psal-*
ciones temperat, rudibus est instructio, proficientibus incrementum, per- *mos.*
„fectorum firmamentum, & vox ecclesiæ. Hic festa colluſtrat, hic dolo-
„rem secundum DEUM operatur. Etenim psalmus ex lapideo etiam corde
„lacrymas excutit. Psalmus Angelorum opus est, cœleſte munus, atque
„administratio, incensum spirituale. Psalmus mentium illuminatio, ac cor-
„porum sanctificatio. In hoc fratres nunquam exerceri desistamus, & do-
„mi, & extra, in viis, & dormientes, & excitati, loquentes nobismet-
„ipſis in psalmis, & hymnis, & canticis spiritualibus.“ Prolixas eiusmodi
psalmorum commendationes ex SS. Patribus superius attulimus. Hic vero
iterum digitus intendendus est ad celebrem S. ATHANASII ad MARCELLINUM *T. I. P. II.*
epiltolam, qua distributionem psalmorum amplissimam facit pro singulis ma- ^{p. 982.}
teriis, occasionibus, ac etiam diebus. *Psallere vis*, inquit, *in sabbato?* *Ib. p. 996. E.*
habes nonagesimum primum. *Vis gratias agere dominico die?* *habes vigesimum tertium.* *Vis secunda Sabbati psallere?* *dic, quæ sunt in nonagesimo quarto.* *Canere vis die Parasceves?* *laudem habes in nonagesimo secundo* *&c.*
Necdum tunc adeo exacta habebatur divini officii distributio, sed, si quod

res

res est, dicere velimus, melior ordo, & selectus, & amplior etiam psalmodiū usus. „Cum igitur (inquit idem) psalmi tali ordine dispositi sint, libet, & deinceps legentibus in singulis deprehendere, ut supra dixi, motus, & constitutionem animæ suæ, atque singulis in rebus formam, doctrinam, que, quidve dicendo placere posse Domino; cuiusmodi verbis fese possit corrigere, Dominoque gratias agere.“ Qui sub nomine eiusdem S. ATHANASII habetur liber de Virginitate, iam præceptum dat ediscendi psalterium. *Habeto psalterium, & psalmos edisce.* Discimus vero ex genuina S. ATHANASII ad orthodoxos epistola, fuisse tunc in manibus fidelium etiam Virginum psalterii librum, qui *Arianis* exprobrat, Virginem *adhuc psalterium præ manibus tenentem publice flagellari iussam.* In vita S. MARIE neptis S. ABRAHÆ Eremitæ sic legitur: „Erat autem in medio utriusque cellulæ fœnstra permodica, per quam docebat eam psalterium, aliasque scripturas, & cum ea in laudibus Domini vigilabat, & psalmos nihilominus concordie nebat.“ Eodem pertinet, quod in regula S. BENEDICTI præcipitur: *Quod vero restat post vigilias, a fratribus, qui psalterii vel lectionum aliquid indigent, meditationi inserviatur.* Psalmos memoriae ad verbum mandari, S. HIERONYMUS passim a teneris annis, tenerisque etiam virgunculis petit. Atque ad RUSTICUM, perfectum monachum delineans, præcipit: *Discatur psalterium ad verbum.* Et GAUDENTIO tradens regulam pro PACATULA, ex utero per parentes DEO oblata, *Cum virgunculam septimus annus exceperit*, vult, ut *discat memoriter psalterium.* In litteris ad EUSTOCHIUM laudans disciplinam, ac moniales Hierosolymitani monasterii exstructi, a S. PAULA Romana per ordinem psalterium cantasse dicit. Quare non licebat cunquam sororum ignorare psalterium. Et ad LÆTAM scribens de Hunnis etiam barbaris catholicam religionem amplecti incipientibus, HUNNI, inquit, *discunt psalterium.* CYRILLUS Scythopolitanus, in vita S. SABBÆ, commemorat, novitos monachos non fuisse reliquis iunctos: *Donec psalterium addiscerent, & psalmodiæ regulam &c.* Et in vita S. THEODOSII: *Et addiscit psalterium, & reliquias divinas scripturas.* Plura eiusmodi documenta affert LUPUS in scholio ad canonem II. Concilii Nicæni II. quo fancitur, *omnium, qui ad Episcopatus provehendus est gradum, omnino nosse psalterium: ex hoc etiam omnis, qui sub eo est Clericus, ita moneatur, & imbuatur.* Quod ex veteri disciplina est repetitum. Sic GENNADIUS Cpolit. Archiepiscopus, *nullum Sacerdotem consecravit, qui non prius psalterium sedulo in ore habuisset, teste NICEPHORO.* Idem in Occidente diu obtinuit, ut nullus ordinaretur psalterii nefcius. *Quia nimisrum psalmorum modulatio, iuxta DIONYSIUM, omnibus ferme sacerdotalibus mysteriis iungitur, & substantia ratione cohæret.* Quandoquidem & psalmorum perpetuus est usus in omnibus ecclesiasticis

Psalterium ediscendum.

Ap. Rosweid. p. 368.

Cap. 8.

Epist. 4.

Ep. 12.

Ep. 7.

L.XV. c.23.

De eccl. hier. c. 3.

sticis officiis, & ex psalmis sunt deponita etiam, quæ successu temporum articulatum iuxta festorum, & dierum diversitatem sunt posita; veluti *typica* apud *Græcos* nihil aliud sunt, quam versuum, ex psalmis hinc inde congestorum, & ad solemnitatis arcana exponenda aptiorum ecloga. Nihil hic dicam de illo veterum anachoretarum more frequenti, per diem, aut per noctem, psalterium integrum, etiam cum canticis absolvientium, ut in vita S. PALÆMONIS Abbatis legitur: *Erat vero sancti Senis ministerium simile, nocte canebat totum psalterium, & cantica sine ullo strepitu.* Eo respexit S. BENEDICTUS in sua regula, distributionem psalmorum relinquens *Reg. c. 18.* ordinandam, si quis melius aliter iudicaverit: „Dum omnimodis id atten-„datur, ut omni hebdomada psalterium ex integro numero centum quin-„quaginta psalmorum pfallatur, & dominico die semper a capite repeta-„tur ad vigilias. Quia nimis iners devotionis suæ servitium ostendunt mo-„nachi, qui minus psalterio cum canticis consuetudinariis per septimanæ „circulum psallunt: cum legamus, sanctos Patres nostros uno die hoc stre-„nue implevisse, quod nos tepidi utinam septimana integra persolvamus.“

HILDEMARUS in commentario MS. in regulæ hoc caput apud P. HERRGOTT *Præf. de vet. eos incessit, qui relicto ritu monastico canonicorum officium secuti sunt: disc. monast. §. 3.* *Si Romanum officium facitis, minus psallitis, quam regulæ officium con-*
 „tineat: nam in hebdomada post Paschu... & Pentecosten... totum psal-
 „terium in officio Romano non canitur. Et tamen præcipit regula, per u-
 „namquamque septimanam totum omnimodo esse canendum cuius canticis
 „suis.“ RADULPHUS *Tungrensis* triplicem hic facit ordinem S. AMBROSII, *Prop. 10. de*
 HIERONYMI, & BENEDICTI. Et quanvis ordinem S. HIERONYMI videatur *Canorum ob- servantia.*
 eundem facere cum Romano, in hoc tamen cum S. BENEDICTO conspirare
 vult S. HIERONYMUM, ut singulis hebdomadibus psalterium, licet non eo-
 dem ordine, absolvatur, fecus ac in ordine *Ambrosiano* contingat a). In a
 regula S. FERREOLI similiter præscribitur, ut per ordinem psalterium de- *Cup. 12.*
 cantetur, præter id, quod quisque privata devotione sibi suscipiendum du-
 xerit:

a) „Venerabiles vero (inquit) Patres HIERONY-
 MUS, & BENEDICTUS, ex Sanctorum Patronum
 observatione considerantes, totum psalterium ex
 integro qualibet hebdomada persolvi debere, ali-
 ter psalterium distinxerunt. Nam pro aliquibus
 horis diurnis certis psalmis reservatis, residuos
 omnes in septem nocturnos distribuerunt, vi-
 delicet HIERONYMUS pro Dominica octodecim,
 & BENEDICTUS duodecim: ambo vero pro qua-
 libet feriarum similiter duodecim psalmos depu-
 tantes. Festivitates autem beatus BENEDICTUS
 in numero psalmorum dominicis adæquavit, ut

cap. 33. HIERONYMUS vero illas respectu Do-
 minicæ mediavit: quia illis tantum novem psal-
 mos dedit, & si tres psalmi addantur, qui more
Romano in festivitatum vigiliis de sero persolvun-
 tur... Similiter in festivitatibus ad noctem psal-
 mi duodecim habebuntur. In secunda autem
 parte psalterii distribuenda BENEDICTUS discre-
 pat ab AMBROSI, & HIERONYMO. Eius au-
 tem divisio ex sua regula sciri potest. Utrius-
 que autem divisione, licet alia & alia, totum
 psalterium qualibet septimana, nisi festivitas oc-
 currat, est complendum.“

xerit: „Ut omni tempore psalmi usque ad finem psalterii in ordine decantentur: sibi tamen secretius propter propriam mercedem, excepto publico psalmdi lenti cursu dominico, quantum per singulos dies DEO tamen scienter laudes offerat occulta ruminacione.“ - De S. GERMANO *Parisienfi*, in libello de eius vita a FORTUNATO conscripta, id notatur: *Ut quinquaginta psalmos, vel amplius in templo sui pectoris decantaret.* Et postea: *Tertia noctis hora ingrediens in ecclesiam, non est egressus ulterius psallentium ab ordine, donec clarescente die decantatus solemnisiter cursus universus consummaretur ex canone.* Qualis hic canon fuerit, ut est rata ac fixa psalmodiae norma, primum non est decidere; id aliunde constat ex eodem FORTUNATO de Clero *L. II. c. 10. Parisienfi*, ex Davidicis psalmis constitisse cursum:

*Carmine DAVIDICO divina poemata pangens,
Cursibus assiduis dulce revolvit opus.*

Quo etiam innuitur, quod idem in vita S. GERMANI declarat, Clero per vices sibi succedenti, assida psalmodia sanctum Pontificem constanter adhaesisse: *Ut se mutantibus Clericis, sine vicissitudine ipse decantandi modulamina non finiret.* Postremo demum id ex typico Græcorum est notandum, cefare psalterium a magna feria quinta usque ad Sabbathum Antipascha. Quod intelligi potest de ordinaria psalterii prosecutione. Quomodo etiam in Occidente illi, qui canonem monasticum S. BENEDICTI sequuntur, tamen illis diebus ritui se Romano conformant. Psalmis alia semper sunt accensita cantica, tum veteris, cum novi Testamenti, ita ut deinceps hi psalmi maiores ob præstantiam novi Testamenti, illi minores sint dicti. Nota demum frequentem in regula S. BENEDICTI locutionem: *psalmum imponere*, nimirum cantando præire choro. Sic cap. 44. Reg. *Ut psalmum, & lectionem, vel aliud quid non presumat in oratorio imponere, nisi iterum Abbas iubeat.* Et cap. 63. *Ergo secundum ordines, quos constituerit (Abbas) vel quos habuerint ipsi Fratres, sic accedant ad pacem, ad Communionem, ad psalmum imponendum, in choro standum.* S. BENEDICTO, uti omni retro antiquitati ecclesiastice, usitatisima est vox psallendi, a psalmis dicta, cum, ut postea notabimus, alias id nominis instrumentis musicis tribueretur. In hystoria *Lausiacæ PALLADIUS*, „Psalmum (inquit) psallit ANTONIUS, quem non verat, & cum eum duodecies cecinisset, duodecies oravit, ut in hoc quoque PAULUM probaret.“ Ubi vides promiscuum psallendi, & canendi vocabulum distinctum ab orando. Sic mox: „Mensa autem rursus apposita, cum & rursus cecinisset, & orasset, sero vespere federunt ad comedendum.“ Apud eundem Abbas ADOLIUS: „A Vespera usque ad illud tempus, quo congregabatur Fraternitas in oratoriis, in Oliveto, in colle Asum-

Cap. 28.

Cap. 10.

„sumptionis, unde ascendit IESUS, perpetuo stabat psallens, & orans, &
 „ieunubat; & five pluebat, five grandinabat, manebat immobilis. Im-
 „pleto autem tempore consueto, excitatorio malleo pulsabat cellas omnium,
 „eos congregans ad oratoria, & in unoquoque oratorio unacum eis psal-
 „lens unam, aut duas antiphonas, & unacum eis orans: & sic die appro-
 „pinquante ibat in cellulam . . . Et cum quievisset usque ad horam tertiam,
 „psalmodia excitatus, erat ei intentus usque ad vesperam.“ Ad priorem illam di-
 sciplinam referendum, quod apud Anonymum *Græcum* in vitis PP. de se te- *Rosm. L. V.*
 statur ROMANUS monachus in *Scithi*: „Et rursus pro calamis, & cithara, *p. 604.*
 „vel alio musico opere, quo delectabar in conviviis meis, dico mihi duo-
 „decim psalmos in die, & duodecim in nocte.“ Nempe ante conversio-
 nem Palatinus nobilissimæ familiæ delectabatur musica illa.

XIV. Licet autem olim, ut iam diximus, usitatum plerumque fuerit, *Per cantum*
 præter antiphonum, seu alternum canendi modum, ut unus quidam psal- *RESPONSO-*
 mum præcineret; solemne tamen sicut respondere, qui responforius vo- *RIUM,*
 catur canendi modus: *Quod uno canente*, ut ait S. ISIDORUS, *chorus perso-* *L. I. de off.*
nando respondet. Itud S. AMBROSIO est respondere psalmum. CASSIANO: *div. c. 8.*
Psalmos uno modulante respondere. EUCHERIO: *Respondere, cum psalmus ca-* *S. Ambr. in c.*
nitur. Sic S. ATHANASIUS de se testatur: „Refidens in fede præcepi, ut *15. Luc.*
 „Diaconus psalmum legeret; populi responderent, *Quoniam in sæculum* *Caf. L. III. de*
„misericordia eius.“ Et SOZOMENUS de celebri S. BABYLÆ translatione: *Inß. mon. c. 8.*
 „Ferunt autem, tunc & viros, & mulieres, & adolescentes, & virgines, *Eucher. Serm.*
 „fenes, ac pueros, interea dum urnam traherent, mutuo fese adhortatos *de orat.*
 „esse, ut toto itinere perseveranter psallerent, prætextu quidem, ut labo- *S. Athan. L. V.*
 „rem itineris psalmis solarentur, revera autem, ut eo zelo, & voluntate *bifl. tripart.*
 „moti ostenderent, haud esse Imperatorem perinde, atque ipsi erga DEUM *c. 2.*
 „animatum. Præcinebant autem aliis, qui studio psallendi præstabant, & *Sozom. L. V.*
 „multitudo concentu suo, ac voce sonora succinendo sequebatur, & illud *c. 19.*
 „Psalmistæ cantabat: *Confundantur omnes, qui adorant sculptilia, & qui* *De tradendis*
„gloriantur in simulacris.“ Ita intelligendum est, quod S. AMBROSIUS ad *basilicis.*
 MARCELLINAM sororem prescribit: „Matutinis horis lectum est, ut memi-
 „nisti, fratres, quod summi animi dolore respondimus: *DEUS venerunt* *Hom. 36. in 1.*
„gentes in hæreditatem tuam.“ Clare vero S. CHRYSOSTOMUS: „Et is, qui *Corinth.*
 „psallit, solus psallit: etiamsi omnes respondendo resonent, tanquam ex uno
 „ore vox fertur.“ Ut iam etiam similes ex S. AUGUSTINO quosdam locos
 retulimus. Fueruntque deinceps hi vocati psalmi *responforii*: veluti apud
 S. GREGORIUM *Turonensem* legitur de S. NICETIO: „Quodam mane, cum *De vitiis PP.*
 „surrexisset ad *Matutinas* sanctus NICETIUS, exspectatis duabus antiphonis *c. 8.*

„egressus est in sacrarium, ubi dum resideret, Diaconus *responsorium psalmum canere coepit.*“ Occurrit etiam præcism *responsorii nomen apud*

Num. 58. „S. AMBROSIUM in Ps. XXXVII. „Nam ante *responsorium proximum versus sicutus est: Et proiecerunt me, sicut mortuum abominatum.*“ Et in Ps.

Num. 15. „XLV. „Unde & illud, quod hodie in psalmi *responsorio decantatum est,* „plurimum nostræ conduit assertioni: *Exspectans exspectavi Dominum.*“ Ad-

notant vero *San-Maurense:* „*Responsoria proprie dicuntur cantus, qui singulis lectionibus subiicitur . . Verum, hic non sumi eo sensu responsoria, manifestum est, cum dicatur non lectionis, sed psalmi respon-*“ *rium.* Itaque haud illibenter existimaremus, post psalmos singulos decan-

tarī olim confuevisse singula *responsoria:* præsertim cum GENNADIUS de

„*Script. eccl. tradat, Musæum Episc. Masil. scripsisse responsoria psalmorum.*“

„Et RHABANUS lib. I. de *Instit. Cler.* c. 51. auctor sit, *responsoria in usu*

„longe ante antiphonas in *Italia* fuisse. At vero eadem posse etiam pro

„ipſis psalmi versiculis usurpari, AMBROSIUS ostendit in psalm. XXXVII.

„n. 58. col. 841. Nam ante *responsorium proximum*, inquit, *versiculus est:*

„Et proiecerunt me &c. Ubi clarum est, per vocem *responsorium intelli-*

„gendum versiculum illum: Sed tu ne derelinquas me &c. ut patebit con-

„ſideranti. Neque vero mirum videri debet, si psalmorum versiculi, alter-

„nis choris persoluti, *responsoria* vocitentur; cum iam laudatus Card. (Bo-

De div. psalm. n. NA) psalmos quoque ob eandem rationem antiphonas posse nominari au-

s. XVI. §. 10. „tumet.“ Confusa nonnihil menti doctissimorum virorum in nota ad hunc

n. 1. locum oberravit antiquioris *responsorii cantus notio;* quæ tamen ex addu-

ctis locis clarius redditur, ad conciliandas varias circa hanc rem sententias.

Ad c. 57. L. COTELERIUS vult, veteres confueuisse, non illud totum, quod a præcen-

II. Conſtit. tore audierant, canendo respondere, sed postremas solum voces. Et hac de

apostol. causa illud Conſtit. *ἀνὰ δύο κ. τ. λ.* interpretatur: *Peractis per binos lectioni-*

nibus, quidam alius DAVIDIS hymnos psallat, & populus extrema versuum

succinat: quasi τὰ ἀντοτίχα non initia versuum, sed postrema significant.

COTELERIO ea in re accedit Heinr. VALESIUS in *Annotationibus ad EUSEBIUM,*

T.II. p. 484. SOCRATEM, & SOZOMENUM. Hos sequuntur BINGHAMUS, & Thomas MAN-

GEY in *novissima editione operum PHILONIS*, ut adnotavit VEZZOSIUS *Praef.*

T.II. Opp. Ven. THOMASII, subditque: Opinionem, ut minus firmam, &

Patrum documentis diffonam, quum invenisset THOMASIUS, refutandam ag-

gressum esse. At inter tot Patrum loca, a COTELERIO allegata, unicum po-

tissimum expendit, utpote qui affirmanti, chorum succinuisse repetendo

integrum illud, quod præcentor cantaverat, negotium aliquod facere pot-

L.II. hist. eccl. est apud PHILONEM, & EUSEBIUM, ubi vox *ἀντοτελεύτια* occurrit. Item-

c. 17. que apud SOZOMENUM, ubi de hymnis, ab Arianis usurpati, ait: *καὶ εἰς συ-*

σηματα

σηματα μεριζόμενοι κατὰ τὸν τῶν ἀντιφώνων τρόπον ἐψαλλον, ἀνθοτελέντια συντίθενται πρὸς τὴν ἀντῶν δόξαν πεπομψένα. Quæ sic interpretatur VALESIUS: *Et in cœtus divisi, antiphonatim psallebant, clausulas quasdam iuxta ipsorum dogma compositas adiicientes.* SUFFRIDUS Petrus, qui SOZOMENI tres libros postremos latinos fecit, *corollaria*, quæ VALESIUS *clausulas*, interpretatur. Clausulas autem *Arianorum* putat doxologiam *Gloria Patri per Filium &c.* At hoc VEZZOSIO videtur idem, ac integrum versum, seu integrum præcentoris sententiam repetere, non postrema tantum illius verba. Suadere hoc putat, & ad conciliandam horum doctissimorum Virorum sententiam facere, quod THOMASIO verisimile visum, veterem illam divisionem psalmorum in minores versus, quam ipse ex vetustissimo MS. Cod. *Vatic.* versionis LXX. publici iuris fecit, usurpatam in Ecclesia fuisse a sui exordio usque ad illud temporis, quod AUGUSTINUM inter, & CASSIODORUM intercessit, utpote, quæ satis commoda erat ad eam *responsorii* cantus rationem, de qua agitur. Præter varios vero a me iam cap. I. & paulo ante de cantu fidelium allatos locos, Venerabili Viro libenter expendendos, si viveret, proponerem citatos S. AMBROSHI locos, quibus responsoriū psalmi indigitat. Et MUSEUS *responsoria* psalmorum scripsisse memoratur GENNADIO, quæ ἀναστήχα ἀνθοτελέντια, clausulæ a psalmis distinctæ fuisse videntur; aut a psalmis excerptæ, atque diei, seu festo accommodatae, ut a populo succinendo responderentur. Certe *responsorium* psalmi: *Exspectans exspectavi Dominum, & respexit me*, quod AMBROSII notat, ex Ps. XLV. non est desumptum, si quidem illius psalmi *responsorium* fuerit. Ad finem capituli primi MUSEUM *Mafsilensem*, & AUTMUNDUM *Tullensem* Antistitem laudavimus in elucubrandis responsoriis celebratos.

XV. Cantus *Tractus* vocari solet, dum unus solus canebat, nullo suc-
cinente, sed audientibus cunctis. De quo intelligi potest S. HIERONYMUS ad RUSTICUM: *Dicas psalmum in ordine tuo.* CASSIANUS clare hic usitatam exponit distributionem de nocturnis orationibus. „Prædictum duodenarium „numerum ita dividunt, si duo fuerint fratres, senos psallant; si tres, qua-
„ternos; si quatuor, ternos. Quo numero nunquam minus in congre-
„gatione decantant; ac proinde quanta libet multitudo convenerit, nun-
„quam amplius psallunt in synaxi, quam quatuor fratres.“ Et iam antea: *Cop. 5.*
„Unus in medium psalmos Domino cantaturus exurgit. Cumque sedenti-
„bus cunctis (ut est moris nunc usque in *Egypti* partibus) & in psallentis
„verba omni cordis intentione defixis, undecim psalmos orationum inter-
„iectione distinctos contiguis versibus parili pronunciatione cantasset, duo-
„decimum sub *alleluia* responsione consummans, ab universorum oculis

TRACTUM,
totius psalmi
decantatione
ab uno facta,

L. II. c. II.

„repente subtractus, quæstioni pariter, & cæremoniis finem imposuit.“ Legendus est Card. THOMASIU*s* in Præfat. in *Psalterium cum canticis*, ubi de ritu hoc veteri, diu in *Hispaniis*, ac *Galliis* perseverante, agit, orationes nimirum psalmis, loco antiphonarum, subnectendi. In plerisque regulis antiquorum monachorum hac in re ordo quidam præscribitur apud HOLSTENIUM a). Observandum etiam est, quod antea de eo, qui psallenti respondebat, in eadem habetur regula: „In die dominica, vel oblationis tem-
„pore, nullus deerit de hebdomadariis, sedens in loco Ebiymii, psallenti-
„que respondens ex una duntaxat domo, quæ in maiori servit hebdoma-
„da &c.“ Non liquet, an hoc solummodo de responsione ad ultimum psalmum, de qua mox laudatus CASSIANUS, nimirum de *alleluia* sit intellegendum. Singulare etiam est, & a communi illa regula diversum, quod in regula SS. PAULI, & STEPHANI legitur apud eundem HOLSTENIUM:
P. II. p. 76. „Initium versuum psallentium in choro priores, qui in eis stant, incipient:
n. 5. „aut si eis adversatur infirmitas, hi incipient, quibus iusserit Pater. Qui-
bus incipientibus mox omnes, si potest fieri, in prima, aut secunda syl-
laba pariter, unanimiter, & uno ore subiungant; ut non sit dissonantia
cantantium, quæ maxime ab inordinato initio, & quodammodo conten-
tiosa varietate folet accidere.“ Idem hoc est, quod in regula S. BENEDI-
CTI antiphonam, vel psalmum imponere.

*Alternum, seu antiphonam, cui op-
ponitur in di-
rectum.*

XVI. Frequentem esse in regula S. BENEDICTI locutionem, psalmum, vel antiphonam imponere, iam observavimus. Sic cap. 24. Reg. *Privati-
atatem a mensæ confortio ista erit ratio, ut in oratorio psalmum, aut anti-
phonam non imponat, nec lectionem recitet, usque ad satisfactionem.* Et cap. 47. *Psalmos autem, vel antiphonas, post Abbatem ordine suo, quibus iussum fuerit, imponant.* De imponendis psalmis paulo ante ex eadem regula exempla peculiaria attulimus, quæ perinde ad cantum alternum referri possunt. Prout non multo post eodem vertente sæculo VI. S. NICETIUS Episcopus *Lugdun.* in epitaphio, in ecclesia *Lugdunensi* alternos canentium choros instituens,

*Psallere præcepit, normamque tenere canendi,
Primus & alterutrum tendere voce chorum.*

Discimus

a) P. I. c. VI. p. 29. „Adstantibus ergo ad orationem, nullus præsumat sine præcepto, qui præfet, patris psalmi laudem emittere. Ordo iste te-
neatur, ut nullus priorem in monasterio ad standum, vel psallendum ordine præsumat præ-
cedere.“ Et in alia regula SS. PP. p. 37. n. 4.
„Illud quoque observandum est, ut præsente
feniore quoemque, vel præcedente in ordine

psallendi, sequens non habeat facultatem loquendi, vel aliquid præsumendi, nisi tantum is, qui in ordine, ut dictum est, præcedere videtur.“ In regula S. PACHOMII p. 65. n. 17. „In die Dominicæ & collecta, in qua offerenda est obla-
tio, absque præposito domus, & maioribus mona-
sterii, qui alicuius nominis sunt, nemo psal-
lendi habeat potestatem.“

Discimus etiam ex *Sidonio APOLLINARI* dudum ante ad S. IUSTI sepulchrum *Lib. V. ep. 17.* vigilias , alternante mulcedine , monachos , clericosque concelebrasse . Eodemque referri possunt , quæ supra capite primo de antiphonis , seu cantu alterno ex instituto S. AMBROSII , vel DAMASI P. S. BASILII , FLAVIANI , & THEODORI , vel etiam S. IGNATII M. diximus . Modo ex PALLADII hist. *Lausiacæ* attuli locum de Abbatे ADOLIO , qui *implete tempore consueto excitatorio malleo pulsabat cellas omnium , eos congregans ad oratoria , & in unoquoque oratorio unacum eis psallens unam , aut duas antiphonas , & unacum eis orans.* PUBLIUM instituisse ex THEODORETO in *Philoth.* iam me minimus , ut *vespertinos , & matutinos hymnos DEO simul offerrent , in duas quidem divisi partes , & singuli sua voce utentes , ex successione autem canticum emitentes.* Mentionem etiam p. 45. fecimus , duos sibi e Congregatione S. MAURI adversari monachos , *Hugonem* nempe MENARDUM , & Edmundum MARTENIUM , quorum alter negat , alter affirmat S. BENEDICTUM alternum apud suos cantum secutum fuisse . Cum vero psalmos dicere cum antiphonis , tribus modis intelligi possit : aliisque sit , psallere chorus alternis , ac divisis ; aliis , psallere cum cantu , & modulatione ; aliis , psalmis certas quasdam sententias inserere , quas antiphonas vocant , eoquod ad eorum cantum alternis versibus vicissim psalmi decantentur , hic perinde queri potest : an veteres , præsertim monachi , alternis chorus psallerent ? aut psalmos voce plena , ut aiunt , decantarent , atque ad imeram potius recitationem accederent ? anne cum psalmis etiam antiphonas eo , quo nunc in ecclesia accipiuntur , sensu celebrarent ? Quod MARTENIUS de antiquis monachorum ritibus operose disquirit . Similiter HÆFTENUS *lib. VII. Tr. IV. disq. 3.* & MENARDUS in *concordiam reg. ad c. 23. p. 354.* ubi sic loquitur : *Antiphona a Græco ἀντιφωνή , id est , ex adverso , reciproce & alternatim , seu vicissim canere , idque dupliciter. Primo psalmodia , chorus alternos psalmos aut eorum versiculos vicissim modulantibus : secundo per antiphonas , quæ olim versiculis constabant , quos duo chori alternatim concinebant , ut planum est ex S. ISIDORO lib. VI. Orig. c. 19.* Inter responsorios autem , & antiphonas hoc differt , quod in responsoriis unus versum dicit , in antiphonis autem versibus alternant chorus . Hodie aliter : nam per antiphonas duo iunguntur simul psallendo chorus , sed non est proprie ἀντιφωνή , hoc est per antiphonas canere , quia nulla est ibi vocum reciprocatio , seu alternatio . S. BENEDICTUS psalmis interserit antiphonas : quæ tamen olim seorsum a psalmis canebantur , ut liquet ex CASSIANO . Qua in re si arbitrandum sit , ex *L. III. c. 8.* prima origine alterni cantus , seu per antiphonas , res est diiudicanda . S. BENEDICTI cantus per antiphonam fuisse videtur alternus , seu alternantibus chorus , ut aut singulis , aut quibusdam versibus antiphona interponeretur ,

c. 104.

c. 5.

aut ante psalmum imponeretur, & post psalmum subderetur. Huiusmodi antiphonas, seu versiculos selectos in officio iuxta S. BENEDICTI regulam sive, dubitare non licet, cum in c. XIII. de Sanctorum festivitatibus, vel omnibus solemnitatibus, sicut die dominico agendis subdat: *Excepto, quod psalmi, aut antiphonæ, vel lectiones ad ipsum diem pertinentes, dicantur.* Sed non hoc præcise intelligendum est, quando c. XVII. dicit: *Si maior congregatio fuerit, cum antiphonis: si vero minor, in directum psallantur,* quin simul includatur, qui proprio antiphonus, seu alterius est cantus, choris alternantibus. „ Id porro (inquit V. THOMASIVS) primum omnium

*Prefat. in
Re/p. & an-
tiph.*

„ animadvertisi volumus, responforii, ac antiphonæ vocabula in ecclesiastico „ ritu non tantum denotare sententias aliquas, sive orationes certis verbis „ compositas, quæ in ecclesiis canuntur; quantum canendi rationem, mo- „ dumque in eis usurpandum: his enim vocabulis indicare censuerunt nostri „ maiores, qua id ratione modulandum, cui titulum præfixerunt responforii, „ vel antiphonæ: quomodo alia item vocabula instituerunt, ut discrimina „ omnia ecclesiastici cantus significant: hinc *Traetus* in Missa; hinc et- „ iam cantus *Drectus*, vel *Drectaneus* in officiis *Mediolanensis*, & mona- „ sticis.“ Antiphonas cum psalmis canendi ritum iam supra ex græcis ad la- tinos translatum meminimus, SIGEBERTO, & IVONE in chronicis id S. AM- BROSIO tribuentibus. Ab aliis SIRICIO adscribitur, quod antiphonas psalmis admiscuerit. Quod intelligi debet de selectis versiculis, olim cantu alterno sœpe repeti solitis, secus ac hodie fit, excepto cantu responforio, non anti phono, in *invitatorio*, seu psalmo *Venite exultemus*. De quo S. BE-

Cap. 9.

C. 12. 13. 17. NEDICTUS in sua regula: *Post hunc psalmus nonagesimus quartus cum anti- phona, aut certe decantandus.* Et dum alias cum antiphona canere, & in

directum, folet S. Pater sibi opponere, non in hoc præcise distare hic col- ligitur, quod alterum cum modulatione, alterum sine modulatione recitare fit: cum dicat de psalmo nonagesimo quarto, *cum antiphona, aut certe de- cantandus.* Quæ verba miror apud EUSTACHIUM a S. UBALDO in disquisi- tione *de cantu a D. AMBROSIO in Mediolanensem ecclesiam inducto* §. 9. ac-

In cap. 12. cipi, *Ut idem sit*, sunt verba Pauli Auguſtini a IANUA, seu de FERRARIIS, de- Reg. cantare, ac non cantare, sed simpliciter sine vocis modulatione recitare.

Neque rem evincit, quod HÆFTENUS ad eandem rem confirmandam affert L. VII. Tr. *Disquisit. monast.* „ Voluit (ait) S. BENEDICTUS per psalmodiam cum antiphon-

IV. disq. 3. „ na designare eam officii divini partem, quæ fit cum nota, & melodico con- centu, quod ipse fatis indicat: cum enim dixisset, *modulatis, ut supra di- ximus, sex psalmis*: idipsum paulo post exprimens dicit: *Post quas lectiones sequantur ex ordine sex alii psalni cum antiphonis, sicut anterius;* unde ma- nifestum est, cum antiphona psallere idem S. BENEDICTO esse, atque psalmos

„ mo-

„ modulari. „ Mihi enim vero contrarium ex hoc etiam loco manifestum videtur , putoque in regula S. BENEDICTI proprio sensu opponi *cum antiphona* canere & *in directum*, ut cum antiphona canere idem sit ac cantu alterno, ita ut *in directum* oppositum sit in modo canendi, non in ipso cantus modulo præcise. Multo minus, ut visum est HOLSTENIO, *directaneum* est, quod a stantibus recitatur , sed id, quod non alternis choris , vel nullis interpositis antiphonis canitur , aut recitatur , olim haud dubie ab omnibus simul. Quomodo etiam in breviario *Mediolanensi Ambrosiano* idem est, ac communiter , non alternatim ab utroque choro stante dici. „ Cum totus simul chorus (sunt „ verba V. THOMASII) communiter canit , non alternis , sed uno veluti o-
 „ re , unoque concentu. Hunc cantum ab Antiquis *Directum*, vel *Directa-*
 „ *neum* appellatum arbitror. Accipio hoc loco cantum pro vocum conso-
 „ nantia , et si fortassis sine speciali musicæ tono. Psalmi *directanei* extat
 „ mentio in regula S. BENEDICTI , aliisque antiquis monumentis. *Mediola-*
 „ *nensis* ecclesia in matutinis laudibus psalmum unum post capitulum decan-
 „ tat , quem *directum* appellat, *qui* , ut in breviario *Ambrosiano* habetur, *ab*
 „ *utroque choro stante dicitur communiter* , & non alternatim. Eodem mo-
 „ do cantari consuevit psalmos *directaneos* , vel ipsa vocabulorum similitu-
 „ do ostendit: sed de cantu *directaneo* alibi sit locus. Hic tantummodo no-
 „ tabo obiter, eo modo olim in Missa consuevit cantari *hymnum angelicum*,
 „ *Sanctus* , *Agnus DEI* , & in officiis aliqua item , ut , *Domine ad adiuvan-*
 „ *dum me festina* , cum *Gloria &c.*“ *Directaneum* opponitur antiphonæ in
 regula SS. CÆSARII , & AURELIANI : „ Dicite antiphonam, responsum,
 „ & aliam antiphonam: antiphonas ipsas de ordine psalterii. Post hæc di-
 „ cant matutinos, *directaneum*: *Exaltabo te DEUS meus* , & rex meus.
 „ Deinde in ordine totus matutinarius in antiphonas dicatur.“ In regula
 S. AURELIANI : „ Ad lucernarium *directaneus* parvulus, id est , *Regna terræ*
 „ *cantate DEO* , *psallite Domino*. Alia die: *Laudate pueri Dominum* , anti-
 „ phonæ tres a).“ In officio *Ambrosiano* annotantur psalmi directi die domini-
 nico ; qui nempe recitantur post psalmos consuetos laudum simul ab utro-
 que choro stante, & non alternatim, ut observat MURATORIUS, subditque : T. IV. antiq.
 „ Cen- Ital. p. 840.

a) Et mox: „ Ad duodecimam imprimis *directaneus* parvulus : *Sol cognovit occasum suum*. Sex forores binos psalmos cum suis alleluiatricis dicant: antiphonas tres ; lectiones duas , unam de Apostolo, aliam de evangelio. Ad nocturnas paschales deinde sicut in duodecima designavimus. Ad matutinos imprimis *directaneum* : *Exaltabo te DEUS meus* : *DEUS* , *DEUS meus* , *ad te luce vigilo* , cum *alleluia*. Deinde, *Confitemini Domino* , cum *alleluia*. Deinde,

Cantemus Domino, cum *alleluia*. Postea : *Lau-*
da &c. totos tres cum *alleluia*. *Cantate Domi-*
no &c. cum *alleluia*. *Magnificat &c.* aut
 cum antiphona , aut cum *alleluia*.“ Idem in
 regula S. BENEDICTI observare licet, quod psal-
 mi vel in *directum*, vel contra cum antiphona ,
 aut cum *alleluia* dicantur. Cap. 12. „ In Matu-
 tinis dominico die imprimis dicatur sexagesimus
 sextus psalmus sine antiphona in *directum*. Post
 quem dicatur quinquagesimus cum *alleluia*.“

*Præfat. in
Resp. & an-*
tipb.

n. 21.

n. 40.

a

„Censet autem Du-CANGIUS in glossario latino ad vocem *directaneus*, quod „idem est, atque directus, eo vocabulo significari psalmos aut hymnos, qui „unico vocis tono, nulla modulatione, pronunciarentur. Sed videndum, „num potius ita psalmi appellarentur, quod non alternatim, sed continua- „to progressu, atque una voce ab integro choro recitarentur, aut etiam „cancerentur.“ Ita MURATORIUS. Apud eundem p. 886. BEROLDUS ad rem præsentem: „Oratione finita totus chorus canit leni voce vel privatum: „Qui habitat in adiutorio, sicut psalmum directum.“

Repetitæ an-
tiphonæ.

L. III. c. 8.

Lib. II. c. 2.

XVII. Obscurius CASSIANUS de antiphonis loquitur, quæ nonnihil explicatius edifferere conabimur. *Nam cum stantes, inquit, antiphonas tres concinuerunt, humi post hæc, vel sedibus humillimiis infidentes tres psalmos, uno modulante, respondent, qui tamē singuli a singulis fratribus vicissim succendentibus sibi præbentur.* Agitur de vigiliis tempore hyemali, quo noctes sunt longiores, longius protrahendis. Cumque sex fuerint singulis nocturnis distributi psalmi, hic vero tres tantum uno modulante occurunt, haud dubie tres priores sub antiphonis stando concinendis intelliguntur. Rem clarius, & extra dubium facit, quæ idem CASSIANUS de diversitate psalmarum per diversas provincias narrat, mox initio initi de hac re sermonis: „Multos namque (inquit) comperimus, per alias regiones pro captu mentis suæ habentes quidem, ut ait Apostolus, zelum DEI, sed non secundum scientiam, super hac re diversos typos, ac regulas fibimet constituisse. Quidam enim vicenos, seu tricenos psalmos, & hos ipsos antiphonarum profelatos melodiis, & adiunctione quarundam modulationum debere dici singulis noctibus censuerunt.“ Illustratur hæc res egregie canone 19. Concilii *Turonensis* II. huiusmodi: „Itemque pro reverentia Domini MARTINI, vel cultu, & virtute id statuimus observandum, ut tam in ipsa Basílica sancta, quam in ecclesiis nostris iste ordo psallendi servetur, ut in diebus festivis ad *Matutinum* sex antiphonæ binis psalmis explicitentur. Toto *Augusto* manicationes fiant, quia festivitates sunt, & Missæ. *Septembri* septem antiphonæ binis psalmis explicitentur: *Octobri* octo, ternis psalmis; *Novembri* novem, ternis psalmis: *Decembri* decem, ternis psalmis. *Iannario*, & *Februario* itidem usque ad *Pascha*. Videtur hic ratio habita fuisse longitudinis noctium, ut pro earum incremento antiphonæ psalmis intercinendæ multiplicarentur, tam quoad antiphonarum numerum, quam quoad psalmos, quibus interserantur: cum ex sequentiibus pateat, duodecim psalmos in matutino fuisse dictos, licet binis tantum, vel ternis explicitarentur antiphonis. Quod converit cum illis, quæ ex CASSIANO attulimus. Melius ita res explicatur, quam si cum MENARDO, aut

MABIL-

MABILLONIO dicas, binos aut ternos psalmos fuisse pro singulis antiphonis. Istum psallendi modum cum antiphonis MARTENIUS in multis antiquis monasticis ritualibus, & breviariis libris deprehendit, putatque præscripsisse S. BENEDICTUM, dum psalmos cum antiphonis dicendos esse decernit, ut singulis psalmis singulæ antiphonæ interfererentur. Disquirit utrum cum psalmis antiphonas decantarent veteres monachi. Distinguit primo cantum antiphonum, seu reciprocum, proprie sic dictum. *Nunc vero, inquit, usus invaluit, ut antiphonas vocaremus eas breves sententias, quas psalmis præponimus, & subiicimus; sive quia ad earum tonum psalmi alternis versibus concinantur; sive quia earum pars ab uno decantaretur, alia ab altero.* Antiphonas vero huiusmodi nullas nisi ex scripturis defumtas decantari solitas ex regula PAULI, & STEPHANI probatur: *Nullus præsumat responsoria, vel antiphonus, quæ solent aliqui composito sono pro suo libitu, & non ex canonica scriptura defumta canere, in congregazione ista vel meditari, vel legere.* Nota mentionem soni compositi. Recteque observat MARTENIUS, cum antiphonæ sint quædam quasi cantilenæ, ad excitandam audientium devotionem compositæ, non nisi cum nota, & suavi modulatione debere cantari, atque imponi ordine. Modulationis voce S. BENEDICTUS in sua regula utitur; qualis vero ea prima hac ætate fuerit, quantum scire licet, capite sequenti disquiremus. Simplicem admodum fuisse, & sine arte compositam, vel inde concludi potest, quod nuspian in eius ætatis regulis, aut canonibus ecclesiasticis præcepta aut discendi, aut canendi inculcentur; nisi eo accipias tempus, quod S. BENEDICTUS c. 8. & 48. meditationi psalmorum assignat.

XVIII. Cum in regula S. BENEDICTI capite nono sex nocturnarum horarum priores psalmi cum antiphonis canendi præscribantur: *Sequantur, ut verba S. Patris habent, reliqui sex psalmi cum Alleluia.* Obiter notandum, MENARDUM in quodam codice invenisse loco *cum Alleluia, cum albis,* sed retinenda est prior lectio. Quod paulo ante vidimus ex CASSIANO psal- L. II. c. 11. mum duodecimum conclusum esse *Alleluia*, quadanterus cum D. BENEDICTI instituto convenit. In Conc. TURON. II. an. 566. respicitur ad eandem normam visione angelica ostensam, consummandi scilicet duodenarium psalmorum numerum sub *Alleluia* responso, ut apud CASSIANUM narratur. *Su-* *Alleluia,* *GLORIA PATRI, orationes in fine.* *pereft,* habet 18. laudati Conc. canon, *ut vel duodecim psalmi expediantur ad matutinum, quia Patrum statuta præceperunt, ut ad sextam sex psalmi dicantur cum Alleluia, & ad duodecimam duodecim, itemque cum Alleluia, quod etiam Angelo ostendente didicerunt.* Notandum autem ex eodem CASSIANO, observatum omnino esse apud *Egyptios* monachos, ut in respon- sione *Alleluia* nullus dicatur psalmus, nisi is, qui in titulo suo *Alleluia*

inscriptione prænotatur. Est hoc, quod a S. ATHANASIO iam fuit præscriptum. *Sed psallere vis ὑπανοντα responsonem, quæ habet Alleluia, habes centesimum quartum &c.* Magno numero ibi recenset eiusmodi psalmos. Patet autem, aut sœpius, aut saltem in fine fuisse repetitum *Alleluia*, sicuti modo psalmos terminamus doxologia *Gloria Patri*. Apud GREGORIUM *Turon.* gemina ei, quam ex CASSIANO attulimus, occurrit phrasis OPPILÆ LEWIS HILDI *Wisigothorum* regis legati verbis: *Gloriam non recte respondetis.* COIN T. I. p. 144. TIUS in annal. *Franc.* simpliciter exponit: *Gloria non recte canitis.* Cum de cantu responsorio sit accipiendum, ut apud CASSIANUM explicatur. „Ut L. II. c. 8. „(inquit) uno cantante in clausula psalmi omnes astantes concinant cum „clamore *Gloria Patri &c.* nuspian per omnem Orientem audivimus, sed „cum omnium silentio ab eo, qui cantat, finito psalmo orationem succe- „dere. Hac vero glorificatione Trinitatis tantummodo solere antiphonam „terminari.“ Postrema hæc verba lucem affundunt aliquam iis, quæ in T. V. aneccl. expositione antiquæ liturgiæ *Gallicanæ* apud MARTENIUM lego. *Antiphona p. 97. D.* autem dicitur, quia prins ipsa anteponitur, & sic ponetur psalmi versiculum, cum gloria Trinitatis adhæctetur. Absonum est, ut psalmi versiculum integrum intelligas psalmum, qua ratione cum nostro more conveniret. Quare dicendum, illos psalmos, quorum versiculis antiphona interponitur, solitos terminari *Gloria Trinitatis*, seu doxologia *Gloria Patri*, hoc discrimine, quod in Occidente omnibus psalmis subnecteretur, secus ac in Oriente, saltem apud monachos in *Ægypto*; cum teste THEODORETO, in liturgia, matutino, vespertino, & tribus diei horis canonicas, quas τὸ τριημέριον vocat, clerus populusque una voce succinuerit *Gloria Patri &c.* In Concilio *Vasensi* III. an. 529. ad universalem etiam Orientis usum provocatur c. 5. „Et quia non solum in fede apostolica, sed etiam per totum Orientem, & totam *Africam*, vel *Italię*, propter hæreticorum astutiam, qui „DEI Filium non semper cum Patre fuisse, sed a tempore cœpisse, bla- „sphemant, in omnibus clausulis post *Gloria*, sicut erat in principio dici- „tur, etiam & nos in universis ecclesiis nostris hoc ita dicendum esse de- „cernimus.“ Nota, *Græcos* ad præfens usque tempus secundam hanc do- xologiæ partem incipere a verbis οὐ νῦ οὐ ταλα. Et nunc, omissis illis sicut erat in principio. In Concilio *Narbonensi* III. an. 589. definitum est, ut in psal- lendis ordinibus per quenque psalmum *Gloria* dicatur Omnipotenti DEO: per maiores vero psalmos, prout fuerint prolixius, pausationes fiant, & per quamque pausationem *Gloria Trinitatis Domino* decantetur. Videri queat S. BENEDICTUS distinguere psalmum, qui cum *Gloria Patri*, ab eo, qui cum *antiphona* dicitur. Cui, inquit, subiungendus est tertius psalmus, & *Gloria*. Post hunc psalmus nonagesimus quartus, cum antiphona. S. Pater autem alias sub-

subiungi præcipit in fine psalmi more Occidentalium *Gloria Patri*, atque etiam psalmos dividi maiores vult *in duas*, ut loquitur, *Glorias*.

XIX. Sed hæc erant insueta in *Egypto*, ubi orationes intermiscebant Orationes, & lectiones inter cantum psalmorum, post lectiones responsoria. psalmis, non antiphonas, ut mox videbimus: & singulare est, quod CASSIANUS loco paulo ante laudato habet: „Denique si quispiam iuniorum, vel „pro fervore spiritus, vel pro eo, quod necdum institutus est, cœperit mo- „dum decantationis exceedere, psallentis progressio senioris interdicitur plau- „su, quem dans manu sua in fedili, in quo sedet, cunctos facit ad ora- „tionem confurgere, illud omnibus modis providens, ne quod sedentibus „tedium generetur prolixitate psalmorum, quia is, qui decantat, non „modo per se ipsum intelligentiæ fructum amittat, sed etiam per illos in- „cidat detrimentum, quos fastidium synaxeos nimietate sua fecit incurrere.“ Iam superius observavi, THOMASIUM eundem usum, interponendi orationes singulis psalmis, veteri *Hispanico*, & *Gallicano* cursui tribuere. In eo tamen ei assentiri non possum, quod in Occidente cœptum velit; cum veri- similius sit, CASSIANUM eum in *Galias* adduxisse ex Oriente, unde etiam origo est antiquissimi ritus *Hispanici*. Notabilis autem est canon *Agathensis* Concilii an. DVI. ubi simul antiphonis iunguntur orationes, dum præscribitur c. 30. *Ut post antiphonas collectiones per ordinem ab Episcopis, vel Presbyteris dicantur.* Auctor libri de virginitate *Gracus*, inter opera S. ATHANASII, etiam *Alleluia* per vices subiungere præcipit: „Ad quemlibet „psalmum preces, & genuum inflexio cum lacrimis addatur . . . & post „tres psalmos absolutos dices *Alleluia*. Quodsi virgines tecum fuerint, & „illæ quoque psallant, & singulæ singulas preces effundant.“ Adhuc ex THEODORETO est commemorandum, quomodo S. IULIANUS Abbas institue- rit monachos, ut post decantatum ab omnibus simul nocturnum officium, Theodor. in hijor. relig. a mane bini in oratione diem ita exigerent, ut genuflexus DEUM alter ado- raret, stans alter psalmos caneret quindecim: & vicissim illo psallente, hic adoraret; fero autem convenientes, post aliquam quietem officium ve- spertinum exsolverent. Idem de PUBLIO testatur cap. 5. instituisse duo mo- nasteria, *Græcorum* unum, & *Syrorum* alterum, quibus una erat ecclesia, ad quam omnes convenienter mane, & vespere, divisoque choro laudes divinas illi græce, hi syriace celebrarent. Ita autem dies consumebatur: *Psalmodiam oratio*, ut ait, *orationem psalmodia*, & *utramque eloquiorum divinorum lectio excipiebat*. Idem THEODORETUS de ABRAHAME, ad epi- scopatum ex solitudine assumto, narrat, quod, psalmorum de nocte retento numero, orationes duplicarit: *Quadraginta noctu alteruas hymnодias explебat, interiectorum precum mensuram congeminans*. In vita PAULI Simplicis

apud PALLADIUM in *Lansiacam* c. 28. ita legitur: *Psalmum psallit ANTONIUS, quem noverat: & cum eum duodecies cecinisset, duodecies oravit.* Et paulo post: *Surgit rursus, & facit duodecim orationes, & psallit duodecimi psalmos.* *Et post orationes primi somni parum dormiunt;* & *rursus expurgiscuntur ad psallendum a media nocte ad diem usque.* Hunc morem fuisse in *Egypto,*

L. II. de in, ex angeli traditione psalmos orationum interiectione distinctos decantandi, fit. caenob. CASSIANUS testatur. S. CÆSARIUS, qui etiam laicos ad divinam in ecclesia imbuuerat psalmodiam, hanc eis suadet vicissitudinem a). Ipsa haec in divinis officiis vicissitudo varietatem quandam concentus facri faciebat pulcherrimam: unde etiam frequentes collectæ, seu orationes, quæ etiam Missæ dicebantur, ad finem præsertim subiecti sunt solitæ, uti saepius in regulis

c. VIII. §. 7. antiquis monasticis videre licet. In regula S. ISIDORI singularis est locus: „In cotidianis vero vigiliarum officiis primum tres psalmi canonici recitandi sunt, deinde tres Missæ psalmorum, quarta vero canticorum, quinta matutinorum officiorum. In dominicis diebus, vel festivitatibus Martyrum, solemnitatis causa singulæ superaddantur Missæ. Verum in vigiliis recitandi aderit usus, in matutinis psallendi, canendique consuetudo, utroque modo fervorum DEI mentes diversitatis oblectamento exerceantur, & ad laudem DEI sine fastidio ardenter excitentur.“ Frequens orationum, seu Missarum usus antiquus erat percommodus non solum inter cantica, sed etiam lectiones. *Vigiliæ*, uti habetur in regula S. CÆSARII, a mense Octo-

P. II. p. 92. bri usque ad Pascha duos nocturnos faciant, & tres Missas. Ab una Missa legat frater folia tria, & orate: legat alia tria, & levet se. Et mox: *Omní Dominica sex Missas facite. Prima Missa semper resurrectio legatur: dum resurrectio legitur nullus sedeat. Perfectis Missis dicite matutinos directaneo.* Resurrectio haud dubie evangelii lectio est, in Dominica peculia-

P. III. p. 70. riter fieri solita. Congruunt his, quæ notantur in regula S. AURELIANI: „Lectiones Apostoli, aut Prophetarum duæ ad capitellum. Completis nocturnis dicetis matutinos. In æstate, id est post Pascha usque ad Calendas Octobris ipse ordo erit. Sexta feria vero post nocturnos duæ Missæ fiant in

„æstate,

2) „Quid tibi (inquit Serm. 285. in app. T. V. S. AUG.) prodest, quod fideliter psallis, si post-eaquam psallere desiris, DEO supplicare nolueris? Et ideo unusquisque, quando psallere cessaverit, cum omni humilitate oret, & supplicet Domino: ut quod verbis protulit ex ore, DEO auxiliante implere mercatur in opere. Sic est psallere, fratres, quomodo feminem iterum orando (arando) sepelire, vel tegere. Sicut enim qui feminat in agro, si arando cooperire dissimulaverit; venient volueres, & totum,

quod feminatum esse videbatur, diripient; ita, qui in agro cordis sui feminaverit verbum DEI, & psallendo, vel legendu asperferit, nisi postea orando in corde suo recondiderit, & quodammodo sepelierit, venient volueres, id est, cogitationes faculi huius volatiles, inanes, & vacue, & rapient, quod in corde fuerat feminatum. Et ideo ubi cessaverit aliquis psallere, non cesset orare, si vult in agro cordis sui messem divinæ misericordiæ proficere.“

„æstate, & in hyeme tres. Nam Dominica omni tempore in æstate, & in „hyeme post nocturnos sex Missæ fiant.“ Quoad tres Missas in hyeme paulo post explicat: *Ubi post celebratos secundos nocturnos, quia noctes crescunt, quotidie ad librum facite Missas tres. Una soror legat paginas aut tres, aut quatuor, quomodo mensura fuerit libri.* CASSIANUS omnia complexus est libri secundi capite sexto, de *consuetudine duodecim orationum inscripto*, postquam priore capite retulerat, qua ratione id Patres visione angelica fuerint edicti a). Conveniuntque partim illis, quæ adhuc hodie observantur, partim iam ante mille trecentos annos sunt fancita in Concilio Laodiceno de Evangelio etiam Sabbato legendō, ut eodem modo ac die Dominica celebaretur: *Quod in Sabbatis Evangelia cum aliis scripturis legi conveniat.* Pertinet huc etiam sequens canon: *Quod in conventu fidelium nequaquam psalmos continuare conveniat: sed per intervallum, id est, per psalmos singulos recenseri debeant lectiones.* Quem canonem sic explicat Theodor. BALSAMON: „Cum psalmi ex antiqua traditione uno filo continuo recitarentur, & populus congregatus hanc ob rem molestia afficeretur, & defessus nullam eius curam amplius gereret, sed ecclesia egredetur; statuerunt Patri tres, non esse psalmos in sacris congregationibus connexive recitandos, sed intermedie etiam lectiones esse faciendas, ut populus quiesceret aliquantulum, & deinde rursus caneret. Propterea enim & in sessiones diuersas sacram divisum psalterium.“ Διὰ γὰρ τότοῦ οὐ εἰς καθίσματα διάφορα τὸ ἱερὸν κατεμεστῶν ψαλτήριον. Constanter apud Gracos psalterium in cathismata manet divisum, de quibus MEURSIUS, Leo ALLATIUS, & le MOYNE in Variis sacris, eorum errorem recte notans, qui decepti interpretatione *Isidori T.II. p. 980.* MERCATORIS, vocem συνάζεις processionem interpretantur, cum apertissime sacros conventus designet. Præter lectiones ex scripturis, etiam ex SS. PP. legebantur in nocturno officio iuxta regulam S. BENEDICTI. In vita S. CÆSARII Arelat. legitur: *Frequentiter etiam ad Matutinos, ad lucernarium propter advenientes homiliae recitabantur, ut nullus esset, qui se de ignorantia excusaret.* *Claudianum Mamertum laudat Sidon.* APOLLINARIS de lectionibus in *L.IV. ep. 11.* officio divino per festa ordinatis.

a

c. 16.

c. 17.

n. 34.

Hic

a) „Ex hinc venerabilis Patrum senatus, intelligens Angeli magisterio, congregationibus fratrum generalem canonem non sine dispensatione Domini constitutum, decrevit hunc numerum tam in vespertinis, quam in nocturnis conventiculis custodiri, quibus lectiones geminas adiungentes, id est unam veteris, & aliam novi Testamenti, tanquam a se eas traditas, & velut extraordinarias, volentibus tantum, ac divina-

rum scripturarum memoriam possidere assidua meditatione studentibus addiderunt. In die vero Sabbati, vel dominico utrasque de novo recitant Testamento, id est, unam de Apostolo, vel actibus Apostolorum, & aliam de evangeliis. Quod etiam totis quinquagesimæ diebus faciunt hi, quibus lectio curæ est, seu memoria scripturarum.“

*Hic solemnibus annuis paravit,
Quæ quo tempore lecta convenienter.*

Adhuc tunc Missæ liturgia cum reliquis divini officii partibus arctius constricta, erat distincta in Missam Catechumenorum, & fidelium; ut Missa Catechumenorum fere fuerit, quod nunc officium matutinum, a lectionibus exorsum, mediis psalmis inter lectiones V. & N. Testamenti, uti ex Con-

L. II. c. 57. stitutionibus apostolicis patet: „Medius autem lector in quodam loco ex „celso stans, legat libros Moysis &c. Peractisque per binos lectionibus, qui „dam alius DAVIDIS hymnos psallat, & populus extrema versuum succinat.

„Dein acta nostra recitentur, & epistolæ PAULI. . . Postea Diaconus, vel

Reg. c. 9. „Presbyter legat evangelia.“ In regula S. BENEDICTI responsoria singulis lectionibus subdi iubentur canenda, ita ut postremo *Gloria Patri* innescatur: „Post tertiam vero lectionem, qui cantat, dicat *Gloria*. Quam dum

„incipit cantor dicere, mox omnes de sedilibus surgant, ob honorem &

„reverentiam Sanctæ TRINITATIS.“ In Regula S. FRUCTUOSI, Archiepiscopi

*. 2. *Bracarensis*, etiam responsoria memorantur: „Sabbatorum vero, & domi „nicarum noctium curriculis, feno Missarum supraiecto officio, senis etiam „Missis vigiliæ cum senis responsoriis celebrantur: ut resurrectionis domini „cæ solemnitas ampliori officiorum psalmodia magis honoretur.“ Ex hoc loco patet, quod sicut iuxta institutum S. BENEDICTI responsoria singulis lectionibus, ita alibi singulis Missis, seu orationibus coniungi sint solita. In horis tantum diurnis S. BENEDICTUS Missarum meminit his verbis: *Et Missæ sunt*. Qua de re SMARAGDUS in commentario: „Quod in aliis locis dicit „completum est, hac in clausula & missæ sunt dicit: & missæ sunt re „petit. Orationes enim officii, quæ a nobis sunt completæ, DÈO sunt „missæ, quia in illius honore sunt celebratæ. Aliter orationes, id est, col „lectæ, quæ in fine cursus a Sacerdote dicuntur missæ, id est, DEO „missæ vocantur.“ Quam interpretationem probat MENARDUS in concor dia regularum, not. ad c. XXIV. & paßim alii auctores.

HYMNI.

XX. Iuxta eandem vero regulam S. BENEDICTI in solemnitatibus, quando duodecim lectiones dicuntur, cum lectione evangelii, ante illam hymnus *Te DEUM laudamus*, postea vero *Te decet*, ut constanter fit, præscribitur; alios vero hymnos, quos S. Pater *Ambrosianos* vocat, aut etiam generatim hymnos, ceu iam usitatos in horis canonicas, non recenset nominatim, ut S. AURELIANUS in sua regula diversos a nostris. Subinde mentionem fecimus hymnorum maturini, & vespertini *Græcorum*, cum quibus multum congruit hymnus *Te DEUM*, addito simul triumphali, ex quibus omnibus

bus compositus videtur. *Wil. Ern.* TENTZELIUS de hoc hymno idem fere tenet. Vulgaremque opinionem, ex chronico S. PACII potissimum alias firmatam, qua tribuitur SS. AMBROSIO & AUGUSTINO, ex tempore in baptismo S. AUGUSTINI eum concinentibus, refutat, præsertim ex ipsius AUGUSTINI, notatu alias digna omnia ad baptismi sui celebrationem gesta, sedulo annotantis, hac de re silentio. His tamen auctoribus vindicare conatur EUSTACHIUS a S. UBALDO singulari disquisitione. Græce legitur in *Polyglottis Anglicanis* ex celebri codice *Alexandrino*. USSERIUS in epist. ad VOSSIUM dissert. *de symbolis* premissa, laudat hymnorum partim latino, partim hibernico sermone scriptorum codicem vetustissimum. In qua hymnorum collectione NICETAS *DEUM laudasse* legitur, dicens: *Laudate pueri Dominum, laudate nomen Domini: Te Deum laudamus, te Dominum confitemur &c.* In antiquissimo antiphonario monasterii *Benchorenſis*, quod MURATORIUS edidit, hymnis referto, eundem *hymnum in die dominico* invenio eodem modo incipientem: *Laudate pueri Dominum, laudate nomen Domini. Te Deum laudamus &c.* Nihil vero de S. NICETA, prout in psalterio, circa tempora HENRICI I. exarato, inscribitur *Hymnus S. NICETI, Lugdunensis*, ut puto, aut *Trevirensis*, cui eundem adscribunt USSERIUS, & STILINGFLETUS in *Originibus Britanicis*, cum paulo post eius ætatem in regula CÆSARII *Arelatenſis* præscribatur; uti etiam in regula S. BENEDICTI, sunt, qui istum S. HILARIO tribuant, qui tamen alibi ABUNDIO, nescio cuinam, alibi SISIBUTO adscriptus legitur. Hymno *Te Deum laudamus* in regula S. CÆSARII pro matutinis laudibus iungitur doxologia *Gloria in excelsis Deo &c.* qua etiam in Constitutionibus apostolicis *oratio matutina*, indeque ab aliis *hymnus matutinus* dicitur, antiquissimis temporibus usitatus, a quo *hymnus vespertinus*, a S. BASILIO memoratus, itidem antiquissimus, ut iam superius memini, distinguitur. Egimus capite primo de hymnodiis græcis, & latinis, quave cautione, ac selectu tam in Oriente, quam Occidente admissi sint studio humano, ac metro compendi hymni; dudum antea in Oriente, quam Occidente, ubi nullus ante SS. HILARIUM, & AMBROSIUM id genus compositionis elucubrassæ legitur: primus vero S. AMBROSIUS invexisse fertur in ecclesiam *Mediolanensem*, teste PAULINO, vitæ eius auctore, num. 13. Qua de re in PROSPERI Chronicō, sub THEODOSIO, leguntur *hymni Ambrosiani compotiti, qui nunquam ante in ecclesiis latinis modulis canebantur*. Hic autem rememorandum est, quia hymnorum in omnibus divini officii partibus iugis fuit usus ad divinas laudes concinendas, quid imprimis hymni rationem habeat. *Hymnus ergo, iuxta S. AUGUSTINUM, tria ista comprehendit, & canticum, & laudem, & DEI.* Est- *In Pſ. 148.* que frequens apud veteres totius officii divini, matutini præsertim, & vesperini

*Exercit. ſe-
lēt. P. I.
Exerc. 10.*

In Psalm. 64. tini hinc denominatio. *Progressus Ecclesiæ*, inquit S. HILARIUS, *in matutinorum, & vespertinorum hymnorum delectationes, maximum misericordia DEI signum est. Dies in orationibus DEI inchoatur, dies in hymnis DEI clauditur.* Et EPIPHANIUS in Doctrina compendiaria de fide catholica: *Matutini*, inquit, *hymni in Ecclesia perpetuo sunt, & orationes matutinae lucernalesque, simul psalmi, & orationes.* Simile ex S. CHRYSOSTOMO testimonium antea attuli: atque in epistola S. VIGILII ad eundem S. CHRYSOSTOMUM *Aet. MM. fin. de martyrio SS. SISINNII, MARTYRII, & ALEXANDRI apud RUINARTUM, cera. p. 612.* hymni nomine totum venit officium matutinum: *Ibique Levitis aliquantis, in Ecclesia deprebenis, hymnum cantantibus matutinum, fit fasta depopulatio.* Quam in rem est imprimis memorabilis Concilii Agathensis canon, quo omnes divini officii partes simul comprehenduntur. „Et quia convenit ordinem Ecclesiæ ab omnibus æqualiter custodiri, studendum est, ut sicut ubique fit, & post antiphonas collectiones per ordinem ab Episcopis, vel Presbyteris dicantur, & hymni matutini, vel vespertini diebus omnibus decantentur, & in conclusione matutinarum, vel vespertinarum missarum post hymnos capitella de psalmis dicantur, & plebs collecta oratione ad vesperam ab Episcopo cum benedictione dimittatur.

Uniformis
ordo in divi-
na psalmodia.

XXI. Passim in aliis Conciliis idem uniformis ordo est constitutus, ut haud dubie horæ canonicæ etiam inde sint dictæ. In Concilio *Venet.* habitu anno 465. statuitur: „Ut vel intra provinciam nostram sacerorum ordo, & pfallen di una sit consuetudo: & sicut unam cum Trinitatis confessione fidem tenemus, unam & officiorum regulam teneamus: ne variata observatione in aliquo devotio nostra discrepare credatur.“ In Concilio *Bracarense* II. (quod aliis primum dicitur, qui, quod *Bernardus Brito* edidit, pro genuino non habent) mox canone primo idem cavetur, ne etiam monasteriorum consuetudines cum ecclesiastica regula sint permixtæ, ut iam retuli. Sic etiam canone primo Concilii *Gerundeni* an. 517. tam quoad Missæ, quam pfallendi ordinem idem statuitur: „Ut quomodo in metropolitana ecclesia fuerit, ita in DEI nomine in omni *Tarraconeysi* provincia tam ipsius Missæ ordo, quam pfallendi, vel ministrandi consuetudo servetur.“ Ad huiusmodi canones provocant Patres Concilii *Toletani* IV. ne quid dicam de *Toletano* XI. & aliis posterioribus. „Unus igitur ordo orandi, atque pfallendi nobis per omnem *Hispaniam*, atque *Galliam* conservetur, unus modulus in Missarum solemnitatibus, unus in vespertinis, matutinisque officiis, nec diversa sit ultra in nobis ecclesiastica consuetudo; qui in una fide continetur, & regno: hoc enim & antiqui canones decreverunt, ut unaquæque provincia & pfallendi & ministrandi parem consuetudinem contineat.“

Sunt,

Can. 2.

Sunt, qui velint in hoc, & mox sequenti, aliisque etiam huius Concilii canonibus, loco *Galliae*, *Gallicae* reponendum. At etiam *Gallia Narbonensis* ad idem *Vigottorum* pertinebat regnum. Id nempe tunc agebant, ut uniformitas officii divini in regno saltem, aut provincia conservaretur, qualis in metropoli erat, quando iam ecclesiae cathedrales suum sibi proprium ordinem psalmodie, a monastico diversum, unde primum eum mutuaverant, servabant, secus ac fieri primum erat, Episcopis potissimum ex monachatu assumitis, avitæ observantiæ forte tenacioribus. Opportune hic referimus, quod **GENNADIUS** de Musæo *Massiliensi* Presbytero narrat, eum *c. 79. de vi-*
hortatu S. VENERII Ep. excerptisse ex SS. scripturis lectiones, totius anni fe-*ris illustr.*

stivis aptas diebus, responsoria etiam psalmorum, & capitula, temporis, & lectionibus congruentia: *Quod*, addit **GENNADIUS**, *opus tam necessarium a lectoribus in ecclesia probatur, & expeditum, ut sollicitudinem tollat, & moram, plebique ingerat scientiam, celebritatem, & decorum.* Ad finem fæc. VI. **AUTMUNDUS** *Tullenensis* Episcopus in S. APRI veneratione nonnulla scripta, ac responsoria ad posterorum recordationem exarasse dicitur apud MABILLONIUM. Sic præfules ornare sacra christiana elaboraverunt.

*L. VI. annal.
n. 78.*

XXII. Ut vero singillatim aliquid de divini officii partibus dicam, a nocturnis vigiliis exordiar. Superius sparsim de vigiliis etiam per noctibus mentio est iniecta, quam **GREGORIUS Nazianz.** πάνυχον σάτω vocat: atque etiam **S. CHRYSOSTOMUS**, ad OLYMPIADEM laudat ἱερᾶς πανυχίδας, ἱερᾶς Epist. 2. ἀγρυπνίας. Et **MAXIMUS** in epist. 8. DIONYSII τὰς νυκτερινὰς τῶν Φαλμοδιῶν κανόνας, quod **PAULINUS** vocat Nat. VI. S. FELIC.

Exultare DEO, & psalmos producere noctem.

Fuit vero etiam fidelium, ac promiscui vulgi hæc contentio, exemplo PAULI, & SILÆ media nocte ad hymnum DEO dicendum furgentium. „De tempore autem diuiniæ noctis (inquit S. BASILIUS in regulis fusius disputatis) quod id ad orationem necessarium sit, traditum nobis est a PAULO, & SILA in Actis: scriptum est enim sic: *Circiter autem mediani noctem PAULUS, & SILA laudabant DEUM.* Atque quidem etiam auctor psalmorum confirmat, sic dicens: *Media nocte surgebam ad confitendum tibi, super iudicia iustitiae tuæ.*“ Est S. BASILIUS inter præcipuos, qui studium fidelium auxit in nocturnis vigiliis, varietate psalmodie concelebrandis, cantu præsertim responsorio, *uni ex ipsis hoc minoris dato, ut quid canendum est, prior ordiatur, reliqui succinunt, atque ita psalmodie varietate, precibusque subinde intermixtis noctem superant:* uti superius vidimus pariter de S. AMBROSIO, qui fideles saepe ad id hortatur. *Nocte,* inquit in Ps. CXVIII. *orandum diu, & pro-*

*De nocturnis
vigiliis tum
fidelium,
Orat. 33.
Epist. 2.*

c. 37.

MART. GERBERT. DE MUSICA ECCL. L. I. A a ° tra-

trabenda psalmis tempora &c. Et: DEO vacato, indulge orationibus, & ne obdormiscas, psallito, somnum tuum bona fraude fraudato. S. CHRYSOSTOMUS de psalmodia fidelium etiam domi inter cœnam, & convivia agens, tamen ad idem PAULI exemplum provocat. „Si enim (inquit) PAULUS, „cui intolerabilia flagella imminebant, cum ligno alligatus in carcere habi- „taret, media nocte, quando est omnibus somnus iucundissimus, cum SILA „DEUM perpetuo laudabat, & nec locus, nec tempus, nec sollicitudines, „nec somni tyrannis, nec ulli labores, nec dolores, nec quidquam aliud „eum coegit, modulationem illam intermittere: multo magis nos, qui „incunde vivimus, & DEI bonis fruimur, hymnos, quibus DEO gratiae „agantur, oportet emittere.“ In suis homiliis sæpe mentionem facit de vi- giliis nocturnis tum monachorum, cum etiam fidelium, eos hortando, ut in nocturnis precibus assidui essent (ut PALLADIUS in eius vita testatur) atque etiam in earum tædio sublevando per cantum laboravit, ut supra di-

*I. II. c. 9. ximus, testeque SOCRATE, Primus precatio-nes, quæ in nocturnis hymnis
L. VIII. c. 7. fieri solent, amplificavit.* Atque ut narrat SOZOMENUS: *Exinde populus Cpolitanus matutinis, & nocturnis hymnis promptius uti cœpit.* Eadem laus, ut modo memini, in Occidente S. AMBROSIO tribuitur, sub quo *primum antiphonæ, hymni, & vigilia in ecclesia Mediolanensi celebrari cœperunt,* *L. IX. c. 7.* ut PAULINUS in eius vita testatur, & S. AUGUSTINUS in confessionibus, illud more orientalis ecclesiæ eum fecisse, dicit: ubi præsertim S. ATHANASIUS *Alexandriae, DIODORUS, & FLAVIANUS Antiochiae* in hoc studio pietatis emi- nuerunt. Et sicut *Cpoli* S. CHRYSOSTOMUS, ita postea in eadem urbe sub S. GENNADIO ANTHIMUS, ut THEODORUS Lector, THEOPHANES in chrono- graphia, & CEDRENUS narrant, hymnis, & canticis, quæ componebat, atque diversis choris per viros, & mulieres cani faciebat, vigiliarumque la- borem, ac tædium leniit. Iam initio huius capituli quedam commemora- vimus de nocturnis vigiliis in præcipuis festis.

Tum præser- tim mona- chorum, & Hom. 57. ad Antioch. L. II. c. 2. XXIII. De monastici instituti sectatoribus utriusque sexus, non est, quod multa dicam, *Qui, ut ait S. CHRYSOSTOMUS, noctes dies faciunt, in clericorum gratiarum actionibus, & hymnodiis degentes.* Nec vero viri tantum, sed mulieres hanc exercent *Philosophiam, naturæ infirmitatem promptitudinis abundantia superantes.* Teste CASSIANO paulo ante laudato, *Quidam vi- cenos psalmos, & hos ipsos antiphonarum protelatos melodiis, & adiunctione quarundam modulationum debere dici singulis noctibus censuerunt &c.* Totus est fere in hoc argumento de canonico nocturnarum orationum, & psalmo- rum modo liber secundus de Institutis cœnob. S. HIERONYMUS ubicunque de utriusque sexus religiosis hominibus agit, & ad eos scribit, hoc offi- ciuum

ciūm commemorat etiam tenerrimarum virguncularum. APPOLLINARIS *Sidonius* solemnes describit vigilias in festo S. IUSTI alternis Clericorum, & *L. V. cap. 17.* Monachorum choris celebratas : „Processio fuerat antelucana, solemnitas „anniversaria, populus ingens sexu ex utroque, quem capacissima basilica „non caperet, & quamlibet cincta diffusis crypta porticibus. Cultu per- „acto vigiliarum, quas alternante mulcedine Monachi, Clericique psalmi- „cines concelebraverant, quisque in diversa secessimus; non procul tamen, „utpote ad tertiam præsto futuri, cum Sacerdotibus res divina facienda.“ Contigit quandoque etiam duplicari cursum in præcipua solemnitate. Cuiusmodi exemplum in vita RADEGONDÆ FORTUNATUS *Pictaviensis* affert: *Quia,* inquit, *mos est in festivitate Beati HILARII reliquis monasteriis circumcirca proximis, quæ sunt ibi, usque in medium noctem vigilias celebrare: de media nocte unusquisque Abbas cum suis fratribus ad suum revertitur monasterium cursum celebrare.* Celebre est apud Græcos μεσονυκτὸν seu μεσονύκτον officium, quod media nocte ex psalmis, hymnis, aliisque precibus perficitur, non solum a Monachis, sed etiam a clero, ad quem ab illis tam in Oriente, quam in Occidente cum reliquis canoniciis divini officii horis statæ nocturnæ vigilie devenerunt, sacris Conciliorum canonibus firmatae, etiam poenarum rigore, qui vel semel huic officio sine ægritudinis necessitate desuerit: uti iam medio fæculo quinto in Concilio Venetico suit statutum pro illis clericis, qui in civitatibus degerent, ubi numerosior clerus huic muneri sufficeret ad decantandas laudes divinas: *Clericus, ut habet Concilium istud, quem intra muros civitatis suæ manere constiterit, & a matutinis hymnis sine probabili excusatione ægritudinis inventus fuerit defuisse, septem diebus a communione habeatur extraneus.* Citatur hic canon ab IVONE & a BURCHARDO. Quotidianum hunc fuisse Clericorum pensum, licet maior die dominico solemnitas omnium præsentia fuerit, ut ex Concilio Tarragonensi discimus anni 517. ubi iubetur, ut omnis clerus die Sabbati ad vesperam sit paratus, quo facilius die dominico solemnitas cum omnium præsentia celebretur, ita tamen, ut omnibus diebus vespertas, & matutinos celebrent. Docemur ex GREGORIO *Turonensi*, media nocte incepsum esse cursum. *Media nocte, inquit, surgentes ad reddendas DEO gratias &c. Ingressi sumus explorare cursum nunquam tamen psallentibus nobis potuit excitari.* Apud Io. *Climac.* scalæ gr. 10. de Monachorum vigiliis & nocturnis exercitiis, vespertinæ vocantur pernoctationes. *Quidam enim in vespertinis pernoctationibus expeditissimi a cura mundi puras ad orationem extendunt manus. Alii cum psalmorum modulatione assunt. Alii lectioni magis incumbunt.* Longum foret ex regulis monasticis SS. BENEDICTI, CÆSARII, AURELIANI, ordinem varium vigiliarum pro temporum, & dierum festorum, vel pri-

*T.I. act. ord.
S. Benedicti
p. 316.*

Can. 14.

*Parte VI.
c. 244.
Burchard. L.
II. 153.
c. 7.*

*L. IX. hist.
c. 6.*

vatorum diversitate hic recensere. CÆSARII intelligo regulam monialium apud BOLLANDUM ad diem 11. *Ianuarii*. In altera enim apud HOLSTENIUM, & STEVARTUM hæc solum habentur: „Vigilias a mense *Octobri* usque ad „*Pascha* duos nocturnos faciant, & tres Missas. Ab una Missa legat fra- „ter folia tria, & orate: legat alia tria, & levet se. Dicite antiphonam, „responforium, & aliam antiphonam: antiphonas ipsas de ordine psalte- „rii.... Omni Dominica sex Missas facite.“ Cum lectionibus nimirum sociata oratione, ut Missam interpretor. Insignis est locus de vigiliis in *T. III. spicil.* collatione Episcoporum an. 499. habita coram GUNDOBALDO *Burgundiæ Re-*
Dach. f. 305. ge adversus *Arianos*. Designata fuerat a Rege *Burgundiæ* collatio ad diem festum S. IUSTI. In vigilia ipsius solemnitatis Episcopi decreverunt, ad eius sepulchrum pernoctare, ut futuræ collationis successum DEO commendarent. *Evenit autem, ut ea nocte, cum lector secundum morem inciperet lectionem a Moyse, incidit in illa verba Domini: Sed ego indurabo cor eius &c. Deinde cum post psalmos decantatos recitaret ex Prophetis, occurserunt verba Domini ad ISAIAM dicentes: Vade, & dices populo huic: audite auditores &c. Cumque adhuc psalmi fuissent decantati, & legeret ex Evangelio, incidit in verba, quibus Salvator exprobrat IUDÆIS incredulitatem: Væ tibi Corozaim &c. Denique cum lectio fieret ex Apostolo, pronuntiata sunt verba illa: An divitias bonitatis eius &c. Quod cum ab omnibus Episcopis observatum fuisset; cognoverunt lectiones illas sic occurrisse volente Domino, ut scirent induratum esse cor Regis. Patet inde vicissitudine cantus psalmorum, lectionisque sacrarum scripturarum ex Heptateucho, Prophetis, Evangelio, & Apostolo vigilias esse transactas. Quod vero observatum est bonum ex decantatis psalmis, & lectionibus omen, opportune hic aliis firmare iuvat exemplis. Quorum illud singularius est de S. MARTINI in Episcopum electione, ut a S. PAULINO, & SULPITIO *Severo* in eius vita narratur a). Defensor nomen erat Episcopo, qui se contentiousius S. Viri electioni opposuerat. Atque ita, inquit SULPITIUS, habitum est, divino nutu psalmum hunc lectum fuisse, ut testimonium operis sui Defensor acciperet. Alterum exemplum notat V. BEDA in vita S. PATRICII his verbis: *Eodem vero die, quo S. PATRICIUS* *sacris benedictionibus consacratus est, con-**

a

ve-

a) Sic vero ille canit lib. II.

*Dum mage condensæ stipant altaria turba,
Ac sua fautoris pendent in vota frequentes,
Nec prætentu potest trahi obstaculu lector.
Sed Diaconus, qui forte aderat, vix codice rapto
Quem primum propere referati pagina psalmi
Obtulerat subito festinus tempore versum
Arripit, hec prisci decuntans verba Prophetæ:*

*Ex ore infantum, parvoque ex murmure laudem **
*Luctantum teneras fecisti evolvere linguis.
Exos propter perversum ut destruat ista
Frolata a parvis laudatio Defensorum.
Tollitur in cælum clamor præseusque probatur
Iudicium clamante DEO sententiu Christi.*

* Psal. VIII. 3.

venienter hoc Psalmista canticum in choro psallentium clericorum decantatum est: Tu es Sacerdos in æternum secundum ordinem MELCHISEDECHI.

XXIV. Officium, de quo nunc egimus, olim vigiliarum, seu nocturnorū nōmen habuit, quod hodie nominātū *matutinū*; quo nomine ^{De matutinis laudibus.} appellata fuit ea divini officii pars, uti etiamnum a *Gracis ὥθης* dicitur, quam modo *laudes*, melius *matutinas laudes* vocamus. In vita S. MAURI vocantur *matutini hymni*. *Ecce*, de S. MAURO fit sermo, *in hac nostra basilica cum aliis eiusdem habitus viris matutinos decantat hymnos*: semper autem tam in Occidente, quam Oriente arctius cum ipsis vigiliis coniunguntur, maxime, quando integræ vigiliæ πανυχίδες pernoctes fuerunt celebratæ: quales nobis omnium accuratissime S. BASILIUS in saepe laudata ad Neocæsarienses epistola descripsit, atque ad rem præsentem memorat: *Illuciente iam die pariter omnes velut uno ore, ac corde confessionis psalmum Domino offerunt*. Qui nimirum est psalmus quinquagesimus, de quo CASSIANUS: *Denique per ITALIAM, hodieque consummatis matutinalibus hymnis quinquagesimus psalmus in universis ecclesiis canitur*. Author Constitutionum apostolicarum, qui doxologiam *Gloria in excelsis* orationem matutinam facit, singularem etiam psalmum ὥθησὸν matutinum, L. VIII. c. quasi omnibus iam notum, nominat: quem alibi dicit, esse sexagesimum secundum, eundemque S. CHRYSOSTOMUS ἑωθῶν ψαλμὸν appellat. „Videamus autem (inquit) undenam incipiat, & quid nos doceat: *DEUS* In ps. 140. „*DEUS meus.*“ S. ATHANASIUS, aut quisquis est author vetustissimi libri de *Virginitate*, eundem præter alios virginibus commendat: Πρὸς ὥθησον δὲ τὸν ψαλμὸν τέτον λέγετε· Οὐ Θεός οὐ τ. λ. διάφανα δὲ ἐνλογεῖτε πάντα οὐ τ. λ. „Matutina hora hunc psalmum dicite: *Deus Deus meus, ad te de luce vigilo*. „*Sitivit in te anima mea*. Sub diluculum vero: *Benedicte omnia opera Domini Domino. Gloria in excelsis Ec.*“ S. AMBROSIUS ad similes psalmos videtur alludere in Ps. CXVIII. „*DEO* (inquit) vacato, indulge orationibus, & ne obdormiscas psallito, somnum tuum bona fraude fraudato, mane festina ad ecclesiam: defer primitias pii voti, & postea, si vocat fæcularis necessitas, non excluderis dicere: *Prævenerunt oculi mei mane meditari verba tua*, & sic securus procedis ad tuos actus. Quam iucundum inchoare ab hymnis, & canticis a beatitudinibus, quas in evangelio legis. Quam prosperum, ut te CHRISTI sermo benedicat, & dum recantas Domini benedictiones, studium alicuius virtutis assumas, ut etiam in te benedictionis divinæ meritum recognoscas. Benedictiones hæ sunt hymnus trium puerorum. ARNOBIUS *Iunior* in Ps. CXLVIII. „Quotidie (inquit) huius psalmi tuba, per totum mundum mox ut cœperit auro-

- „ra diei inchoare principium, universa, quæ in cœlo & in terra sunt, ad laudandum, & benedicendum DEUM provocamus.“ CASSIANUS adhuc alios, qui omnes hodieque sunt in usu, commemorat a). Conveniuntque his, quæ GREGORIUS *Turonensis* de S. GALLO *Arvernensis* episcopo iam animam exhalaturo narrat: „Albescente iam aurora interrogavit, quid in eccl. 6. T.I. act. ord. S.Ben. p. 119. clesia psalleretur. Dixerunt benedictionem se psallere: at ille psalmo quinquefimo, & benedictione decantata, & alleluia tico cum capitello expresso, consummavit officium totum temporis matutini.“ Psalmus CXLVIII. cum sequentibus hic præcise alleluia ticus dicitur, quia hebraice ab 147, *Laudate incipiunt primus, & ultimus, qui etiam in titulo Alleluia habent, quos laudes vocat S. BENEDICTUS*, unde forte nomen *laudum* toti officio venit, quod S. BENEDICTUS matutinorum solemnitatem vocat, cum aliis illorum temporum b).
- P. II. p. 93. S. CÆSARIUS apud HOLSTENIUM: „Perfectis Missis dicite matutinos, directantes, neo: *Exaltabo te DEUS meus, & Rex meus.* Deinde, *Confitemini. In de, Cantemus Domino. Landa anima mea Dominum.* Benedictionem: „*Laudate Dominum de cœlis. Te DEUM laudamus. Gloria in excelsis DEO:* & capitellum.“ Pro Dominica nempe. Post directaneum vero *Exaltabo &c.* Cæteros cum antiphona psallendos esse non repetit, qua prius præcepit, ut post prædictum psalmum directaneum *in ordine totus matutinarius in antiphonas dicatur.* Ut vero dies festos a privatis, ita solemnitates a cæteris diebus festis distinguit in regula monialium apud BOLANDUM c). AURELIANUS triplicem ordinem præscribit, peculiarem pro Sabato & omni Sabbatho hymnum *Te DEUM laudamus* dici iubet. In eo autem pro Dominica, tempore paschali, & maioribus festivitatibus (secus ac inter-
- a) „Illud quoque (inquit lib. III. Instit. c. 6.) nosse debemus, nihil a senioribus nostris, qui eandem matutinam solemnitatem addi debere censuerunt, de antiqua psalmorum confuctudine immutatum, sed eodem ordine missam, quo prius in nocturnis conventibus, celebratam. Et enim hymnos, quos in hac regione ad matutinam excepero solemnitatem in fine nocturnarum vigiliarum, quas post gallorum cantum ante auroram finire solent, similiter hodieque decantant, id est psalmum 148. & reliquos, qui sequuntur: quinquefimum vero psalmum, & sexagefimum secundum, & octogefimum nonum huic novellæ solemnitati novimus suisse deputatos.“
- b) Cap. XII. Reg. Quomodo matutinorum solemnitas agatur? „In matutinis Dominico die imprimis dicatur sexagesimus sextus psalmus sine antiphona in directum. Post quem dicatur quinquefimus cum *Alleluia*. Post quem dicatur centesimus septimus decimus, & sexagesimus secundus. Inde benedictiones & laudes. Lectio una de Apocalypsi ex corde, & responsorium, & Ambrofianum: versus, canticum de evangelio, litania: & completum est.“
- c) Die 12. Ian. p. 736. „Post hoc matutinales canonici dicantur privatis diebus cum antiphonis, festis vero diebus cum *Alleluia* psallantur. Omnes dominicae sex Missæ siant, postea matutinæ siant. Imprimis dicite directaneum parvulum *Confitemini* cum antiphona, *Cantemus Domino*: & omnes matutinarii cum *Alleluia* dicantur; sabbato enim & omnibus diebus festis vigilæ celebrentur. In solemnitatibus vero ipsis, impletis matutinis, & hymnum dicant *Te Deum laudamus*. In exteriore oratorio procedendum est, & dicendus est directaneus parvulus. Post hoc canticum: *Cantemus Domino.* Deinde benedictio trium puerorum: post benedictionem *Gloria in excelsis*.“

tertio pro diebus privatis) *Magnificat*, & *Gloria in excelsis*, maioremque numerum psalmorum requirit, nempe duodecim, ut omnino præcipitur in Conc. Turon. II. c. 18. *Quicunque minus quam duodecim psalmos ad matutinum dixerit, ieiunet usque ad vesp̄eram &c a).* Qui nunc partim in laudibus, partim in vesperis dicuntur, quæ duæ officii divini partes inter se convenient. Hucque RADULPHUS *Tungreensis* duos canones a nobis laudatos Concilii *Bracarensis*, & *Agathensis* trahit, quibus idem psallendi ordo in matutinis, vel vespertinis officiis tenendus præscribitur. *Matutini*, inquit, ^{De canonum obser. pos.} *officium appellat, quod vocamus laudes. Utrobique ergo debet esse idem or-* ^{pos. 14.} *do psallendi, quia ambo similiter inchoantur &c.* Sed videtur in illis canonibus amplior significatus *Matutini* esse.

XXV. S. BENEDICTUS in sua regula illud psalmi citans: *Septies in die laudem dixi tibi*, septenarium hunc numerum diurnis applicans horis, a nocturnisque distinguens, *Qui, inquit, septenarius sacratus numerus a nobis sic implebitur, si Matutinæ, Prima, Tertia, Sextæ, Nonæ, Vesperæ, Completoriique tempore, nostræ servitutis officia persolvamus, quia de his horis dixit propheta: Septies in die laudem dixi tibi. Nam de nocturnis vigilis idem ipse Propheta ait: Media nocte surgebam ad confitendum tibi. Ergo his temporibus referamus laudes Creatori nostro super iudicia iustitiae suæ: id est matutinis, prima &c.* De matutinis seu laudibus, ut vocamus, diximus modo, quas primus CASSIANUS ab ipsa *Prima nostra* nomine distinguit, si ipse auctor est titulorum, seu synopsum, capitibus singulis præfixarum, qualis habetur libro III. c. 4. *Matutinam, quam nos Prima horæ solemnitatem appellamus, non antiqua traditione statutam, sed nostro tempore adinventam esse.* Etsi vero in contextu nomen *Prima* non adhibuerit, officium tamen distinxit, quod a S. BENEDICTO *Prima* vocatur, qui CASSIANO plurimum usus est, ac etiam in sua regula commendat, non tam libros de Institutis monachorum, quam Collationes, ut tamen aliunde etiam, quæ instituto monastico commoda intellexit, depromeret. CYPRIANUS in vita S. CÆSARII sic scribit: *De profectibus itaque cunctorum sollici- L. I. n. 110. tus*

2) Ad matutinos (inquit AUREL. ap. HOLSTEN. P. III. p. 70.) imprimis directeum: *Exultabo te Deus meus & rex meus. Inde, Indica me Deus. Deus Deus meus, ad te de luce vigilo, cum Alleluia. Deinde, Confitemini Domino, cum Alleluia. Deinde, Cantemus Domino, cum Alleluia. Postea, Lauda anima mea Dominum. Laudate Dominum quia bonus est psalmus. Lauda Hierusalem Dominum. Totos tres cum Alleluia. Deinde benedictio dicenda est. Post benedictio-*

nem, Laudate Dominum de cœlis. Cantate Dominum canticum novum. Laudate Dominum in Sanctis eius: cum Alleluia. Magnificat anima mea Dominum: aut cum antiphona aut cum Alleluia. Hymnum, Gloria in excelsis Deo: & capitellum. Et complebitis matutinos ipso ordine toto Pascha. Sie omni die dominico, & omnibus maioribus festivitatibus, in quibus ab opere vacabitis.

tus & providus Pastor statim instituit, ut quotidie Tertiæ, Sextæque, & Nonæ opus in Sancti STEPHANI basilica clerici cum hymnis cantarent, ut si quis forte secularium, vel penitentium sanctorum opus exsequi ambiret, absque excusatione aliqua quotidiano interesse posset officio. Ipse CÆSARIUS in append.

Serm. 140. S. AUG. Et ideo rogo vos fratres carissimi, ad vigilias matutinas surgite: ad Tertiam, ad Sextam, ad Nonam ante omnia convenite. Nusquam Prima facit mentionem, dum de secularibus agit. In appendice, quam regulæ monialium subiunxit, officium prescribens pro diebus festis, Deinde, inquit, dicenda est Prima cum psalmis sex, & hymnus (Fulgentis auctor ætheris) lectiones due una de veteri, alia de novo testamento, & capitellum. Hoc modo Dominica, vel Sabbato, & maioribus festivitatibus fieri debet. Qui post AUXARIUM CÆSARIO succedit in episcopatu Arelateni S. AURELIANUS quotidie in ordine psallendi duodecim psalmos, hymnum &c. pro monachis assignat; in regula autem pro monialibus sex tantum, sicut etiam in aliis horis. Secus ac S. BENEDICTUS, qui ternis psalmis, hymno, lectione, versu Kyrie eleison, uti reliquas horas minores absolvit, ut, si maior congregatio fuerit cum antiphonis; si vero minor in directum psallantur.

c. 17. L. III. c. 4. Quod etiam CASSIANUS de sua matutina dicit, tribus psalmis & orationibus celebranda a). Cum alicubi minoribus horis sex psalmos attributos afferat, aut etiam pro horæ numero plures: „Sunt (inquit) quibus in „ipsis quoque diurnis orationum officiis, id est, Tertia, Sexta, Nonaque „id visum est, ut secundum horarum modum, in quibus hæc Domino „redduntur obsequia, psalmorum etiam, & orationum putarent numerum „coequandum: nonnullis placuit senarium numerum singulis diei convenientibus deputari.“ S. CÆSARIUS in reg. Monial. alium ordinem pro quotidianiis diebus, alium pro dominico & Sabbato statuit b). S. AURELIANUS pro quotidianiis diebus monachis duodecim psalmos decantandos assignat, cum in Regula monialium haud aliter, ac S. CÆSARIUS, sex tan-

Apud Bollandum d. 12. Jun. T.I. p. 736.

b) Reg. ad Mon. ap. Hofst. P. II. p. 111. tamenum-

a) „Secundum modum nempe, qui antiquitus in observatione tertiarum vel sextarum trinitate confessionis exemplo statutus est, & somno deinceps finem, & initium operationi, æquali simul modetamine facerent. Qui typus licet ex occasione videatur inventus, & recenti memoria pro causa, quam diximus, statutus appareat; tamen illum numerum, quem designat beatus DAVID, quanquam spiritalem quoque habeat intellectum, secundum litteram manifestissime supplet: Septies in die laudem dixi tibi super iudicia iniustitiae tue. Hac enim adiecta solemnitate, septies fine dubio spiritales hos conuentus in die facientes, septies in ea laudes

Domino dicere comprobamur. Denique cum hic idem typus de Oriente procedens huecumque fuerit utilissime propagatus, in nonnullis nunc usque per Orientem antiquissimis monasteriis, quæ nequaquam vetustissimas regulas Patrum violari patiuntur, minime videtur admissus.“

b) „Quotidianis vero diebus ad Tertiam, Sextam, Nonam Seni psalmi cum antiphonis, hymnis, lectionibus, vel capitellis suis dicantur. Dominica vero die vel sabbatorum ad Tertiam psalmi sex; post quos lectiones tres, una de Prophetis, alia de Apostolo, tertia ex evangeliis, & post ipsas lectiones psalmi sex, antiphona una, hymnus & capitellum.“

tummodo præscribat a). Quod vero superius memoravimus ex eodem CASSIANO, fuisse apud monachos morem, diurnas horas privatim agendi in suis cellis, id forte *Egypto* singulare fuit: cum viderimus paßim horarum diurnarum *Tertiæ*, *Sextæ*, *Nonæ* in antiquissimis monumentis recurrere mentionem. Veluti CLEMENS *Alexand.* notat, nonnullos certas ac definitas horas, ut exempli causa *Tertiam*, *Sextam*, *Nonam* orationi destinasse, concorditer iis, quæ superius hanc in rem testimonia retulimus. Videturque in libro de Virginitate, S. ATHANASIO attributo, item in regulis S. BASILII suis disputatis, & S. HIERONYMI epistola ad LÆTAM etiam *Matutina* (quæ postea *Prima* dici cœpit) deprehendi hora præter reliquas diurnas. Attamen recens a MONTFAUCONIO edita S. CHRYSOSTOMI homilia, commemoratis vi-giliis, quatuor tantum psalmodiæ & hymnorum tempora commemorat b). p. 631.

a.

L.VII. from.

q. 37.

T. XIII.

b

*De VESPERIS
& COMPLE-
TORIO.
De Spiritu S.
c. 29.*

XXVI. *Vespertinam* cum *Matutina* synaxi celeberrimam fuisse, superius audivimus, citaturque iam a S. BASILIO antiquissimus hymnus vespertinus, cuius auctorem se ignorare dicit. „Vifum est (inquit) Patribus nostris ve- „spertini luminis (id est *Hesperi*) gratiam haudquaquam silentio arripere, sed „mox ut apparuit, agere gratias. Quis autem fuerit auctor illorum ver- „borum, que dicuntur in gratiarum actione ad lucernas, dicere non pos- „sumus. Populus tamen antiquam profert vocem, neque cuiquam unquam „vifi sunt impietatem committere, qui dicunt, *Laudamus Patrem, & Fi- lium, & Spiritum Sanctum DEI.*“ Cumque ex vetustissimo MS. editus prostet eiusmodi hymnus, qui omnia ea contineat, quæ a S. BASILIO me- morantur, vifum est eum hic referre, prout in *Bibliotheca Græca Io. Alber- ti FABRICII* habetur: „Lumen hilare sanctæ gloriæ immortalis Patris coele- „stis, sancti, beati, IESU CHRISTE, quum ad Solis occasum perveneri- „mus, lumen cernentes vespertinum, laudamus Patrem & Filium & Spi- „ritum Sanctum DEUM. Dignus es tempore quovis sanctis vocibus celebra- „ri, Fili DEI, vitæ dator, quapropter mundus te glorificat.“ Alia προσ- φῶνησις & ἐυχαριστία ἐπιλύχνῳ, seu *proclamatio & gratiarum actio lucer- nalis*

T. V. p. 196.

- a) Quotidianis igitur diebus ad *Tertiam* duodecim psalmos dicite, antiphonam, hymnum: *Iam surgit hora tertii. Lectionem & capitellum: Fiat Domine. Ad Sextam fit ipse numerus psal- morum, antiphona, hymnus: Iam Sexta sen- sim volvitur, lectione & capitellum. Ad Nonam ipso ordine dieendum: hymnus vero: Ter- hora trina volvitur.*“
 b) „Deinde (inquit) *Tertiam*, *Sextam*, *Nonam*, & *Vespertinas* orationes persolvunt; & in quatuor

partes totam diem dividentes, singulis in partibus psalmodia, & hymnis DEUM honorant; aliis omnibus prandentibus, ridentibus, Indentibus, ciboque nimio sese dirumpentibus, hi hymnis dant operam. Nullum fere mensa, & sensilibus rebus tempus deputatur. Rursus post prandium eadem exercitia resumunt, postquam paulum somno se dederunt. At nocturnes interdiu etiam dormiunt, illi noctu vigilant. Vere filii lucis sunt &c.“

- L.VIII.* c. 36. *nalis* habetur in Constitutionibus apostolicis non excluso psalmo centesimo
- L.II.* c. 59. quadragesimo, qui in iisdem *vesperi* dicendus commendatur, ἐπιλύχνιον, seu *lucernalis* ideo a *Græcis* dictus. Celebre semper fuit apud eosdem λυχνίον, seu *lucernale officium*, quod respondet *vesperis* nostris. Sanciturque in *Concilio antiquissimo Laodiceno*, „ Idem precum ministerium omnino debere „ fieri in *Nonis*, & *Vesperis*.“ Semper omnino id tempus aptum & con- gruum visum est, quo antequam nos cubitum recipiamus, DEO pro ac- ceptis per diem beneficiis gratias agamus. „ Postremo autem (inquit S. CLE-
- Liv. II. Pa-* „ MENS *Alexandrinus*) antequam nos somnus invadat, pium & sanctum est,
- dag. c. 4.* „ DEO gratias agere, ut, qui eius benignitatem & gratiam fuerimus con- „ secuti, ita ut cum divino quodam afflatu nos ad somnum conferamus: & „ confitemini ei, inquit, in canticis labiorum, quod in eius iussu fiat, quid- „ quid ei visum est, & ad eius salutare nihil est neque mancum, neque di- „ minutum.“ S. AMBROSIUS, qui in Psal. CXVIII. hymorum officii ve-
L. V. c. 12. spertini in Ecclesia meminit, in *Hexaem.* avicularum exempla proponit, ut ab eis psallere discamus, DEUMque affiduis concelebrare hymnis: *Quis enim*, inquit, *sensum hominis gerens, non erubescat sine psalmorum celebritate diem vel inchoare, vel claudere: cum etiam minutissimæ aves solemni de- votione & dulci carmine ortus dierum, & noctium persequantur.* Idem in

Pref. n. 9. *Pf. I. Diei ortus*, ait, *psalmum resultat, psalmum resonat occasus.* Diximus de hac re, non tantum quatenus est privatæ devotionis, sed etiam publici in Ecclesia officii pars; nihilque fidelibus, iis præsertim, qui se peculiari- ter DEO consecraverant, fuit antiquius, quam nonnisi solemnibus hymnis in gratiarum actionem Creatori oblatis, cubitum concedere. *Postquam*, in-
Hom. XIV. quid S. CHRYSOSTOMUS, *paululum sederunt, hymnisque totum concluserunt,* in *Ep. I.* ^{ad} *Timi.* ^{c. 17,} *singuli quiescunt in stratis, ad quietem, non ad deliciis adornatis.* Ita in vita S. MACRINÆ fororis refert ipse S. GREGORIUS *Nissenus*, post coenam, familiareque cum forore colloquium, se ad ecclesiam recepisse, DEO reddere vespertinas gratias τὰς ἐπιλύχνιας ἐνχεριστιας. *Cantantium*, inquit, *vox me ad gratias agendas vespertinas vocabat.* Videtur hic ecclesia fuisse publica, prope quam monasterium tam virorum quam mulierum erat, quod in sua domo mater S. GREGORII instruxerat: unde nihil obest, quo minus publicus in ecclesia fuerit iste vespertinus conventus. Qualem etiam S. AUGU-

L. XXII. de STINUS memorat in *Victoriana villa*, quæ non longe ab *Hippone* distabat.
Civit. Dei „ *Memoria Martyrum ibi est (inquit) Mediolanensem PROTASII, & GER-*
n. 7. „ *VASII.* Portatus est eo quidam adolescentis, qui cum die medio tempore „ æstatis equum ablueret in fluminis gurgite, dæmonem incurrit. Ibi cum „ iaceret vel morti proximus, vel simillimus mortuo, ad vespertinos illuc „ hymnos & orationes cum ancillis suis, & quibusdam sanctimonialibus ex „ more.

„more Domina possessionis intravit, atque hymnos cantare cœperunt.“ Forte dies aliquis festus erat, quibus, ut superius memini, solebant ad conventus publicos etiam alicubi moniales accedere, pariter ac monachi, quotidianum cum reliquis fidelibus peragendo officium, vespertinum imprimis ac matutinum. PALLADIUS de monachis *Nitriensibus* scribit, „*Vespere ap-* *In Laus. c. 7.*
 „petente (τῆς ἑσπέρας παταράσσης, quod HERVETUS interpretatur *circa ho-*
 „*ram nonam*) licet itare & audire ab unaquaque cellula hymnos & psalmos
 „CHRISTO decantatos, & preces ad hymnos emissas, adeo, ut existimet
 „quispiam, se in sublime elatum transmigrasse in paradisum deliciarum.“
 CASSIANUS post *Nonam*, *ad extremum*, inquit, *undecima*, *in qua lucer-* *L. III. Instit.*
nalis hora signatur. In regula Moñ. S. CÆSARII pro diebus festis post *No-* *c. 3.*
nam immediate sequitur: „Cunctis diebus festis ad duodecimam psalmis,
 „qui ad *Tertiam* dicendi sunt, antiphonæ tres iungantur, lectiones vero de re,
 „hoc est de ipsa festivitate dicantur.“ Tum postquam de vigiliis matutinis ca-
 nonicis, & *Prima* egisset, subdit demum de vesperris: „Ad vesperam simili mo-
 „do in exteriori oratorio directaneus parvulus dicatur, & antiphonæ tres:
 „hymnus una die: *Deus qui certis legibus*, altera die: *Deus Creator o-*
 „*mnum*.“ Officium hoc vesperrarum cum lucernario convenit in regula
 S. AURELIANI, duodecima vero postponitur, cui paschales nocturni æqui- *c. 18.*
 parantur a). Lucernalium psalmorum meminimus supra ex S. EPIPHANIO *a*
 cum matutinis. Quod officium etiam cum vespertino coniunctum innuitur
 in Concilio *Emeritenſi* in *Hispania*. Oportet igitur, ut sicut in aliis ecclesiis *Can. 2.*
vespertino tempore post lumen oblatum, prius dicitur *vespertinum*, quam so-
nun in diebus festis; ita & a nobis custodiatur in nostris ecclesiis. Lucer-
 narium, de quo S. ISIDORUS, erat precatio quedam, seu psalmodia ad ac- *Cap. 7. Reg.*
 cendendas lucernas, quod præbat vespertino, iuxta canonem *Emeriten-*
sem, ac sonum. In Concilio *Turonensi II.* duodecim statuuntur ad duode- *Can. 18.*
 cimam psalmi cum *Alleluia*, respiciendo ad numerum horæ, sicut ad *Sextam*
 sex ibidem præscribuntur. CASSIANUS, ad nocturnas & vespertinas solemnita- *L. II. c. 4 5. 6.*
 tes in *Egypto* duodecim psalmos dici solitos, afferit. Ultra processit S. AU-
 RELIANUS mox citatus, *in ordine psallendi* quotidiano præter hymnum de-
 cem & octo psalmos præscribens. Iterumque a lucernali officio distinguit,
 ut non desint, qui cum *Completorio* eandem hanc faciant horam. Secus esse,
 MABIL-


- a) „Ad lucernarium directaneus parvulus id est,
Regna terre cantate DEO, psalite Domino. Alia
 die, *Laudate pueri Dominum*. Antiphona tres.
Hymnus: *Hic est dies verus Dei*. Et capitellum,
 quem hymnum tota Pascha ad matutinos, & ad
 lucernarium dicite. Ad duodecimam imprimis

directaneus parvulus: *Sol cognovit occasum suum*.
 Sex forores binos psalmos cum suis alleluia-
 tis dicant, antiphonas tres, lectiones duas, unam
 de Apostolo, aliam de evangelio. Ad nocturnos
 paschales ipso numero, sicut in duodecima
 designavimus.“ Ap. HOLSTEN. P. III. p. 69.

De cursu Gall. MABILLONIUS advertit, ex ipsa AURELIANI regula colligi. Profecto enim §. 5. n. 60. Completæ, seu Completorii officium ibi ordinatur: *Quando repausatur estis, in schola, in qua manetis, Completa dicatur, imprimis directaneus, Et psalmus nonagesimus dicatur, deinde capitella consuetudinaria.* Idem psalmus in regula S. BENEDICTI cum aliis pro Completorio præscribitur; de quo tamen officio nihil in regula S. CÆSARII legitur. In regulis S. BASILII, fusiis disputatis, occurrit aliquid, quod poslit Completorio nostro respondere. Nec abludit, quod ex S. AUGUSTINI ad ALIPIUM epistola pri-
Ep. 29. n. 11. mum edita habetur: *Acta sunt vespertina, quæ quotidie solent: nobisque cum Episcopo recentibus, fratres eodem loco hymnum dixerunt, non parva multitudine utriusque (sexus) ad obscuratum diem manente, atque psallente.* Summe memoranda est ea epistola, in qua narrat S. AUGUSTINUS, quibus adhortationibus obtinuerit demum, ut *Hipponenses Catholici abhorrent a luxuriosis conviviis, quæ in Sanctorum natalitiis apud Africanas ecclesias celebrazione mos erat.* Id vero egit, *ut meridiano tempore divinis orationibus Et psalmis interessent, ita illum diem multo mundius atque sincerius placere celebrandum.* Quod quam celebre fuerit, mox enarrat: *Pomeridiano autem die maior, quam ante meridiem affuit multitudo, Et usque ad horam, qua cum Episcopo egredieremur, legebatur alternatim, Et psallebatur: nobisque egressis duo psalmi lecti sunt Et.* Id quod de communi vespertino officio intelligendum est, tunc longius protracto. Inde ergo fieri potest, ut communi officio vespertino completo (quod semper solemne fuit apud fideles, estque ad hodiernum diem) dum, divino servitio arctius obstricti, suos adhuc hymnos & psalmos adderent, vel ante somnum psalmodiæ peculiariter indulgerent, completerentque divina officia; Completorii peculiaris hora excreverit; cuius sunt, qui auctorem faciant S. BENEDICTUM, apud quem pri-
Reg. c. 17. mum occurrit hoc nomen, officiumque trium psalmorum dictione terminandum: *Qui psalmi directaneæ sive antiphona dicendi sunt. Post quos hymnus eiusdem horæ Et.* Apud CASSIANUM huc pertinet, quod habetur de L. IV. c. 19. Instit. officiis, quæ sibi per Mesopotamiam, Palæstinam, & Cappadociam, ac totum Orientem singulis hebdomadibus vicissimi reddere fratres consueverint, atque etiam S. BENEDICTUS imitatus est: *Has autem, inquit CASSIANUS, septimanas unusquisque suscipiens, usque ad cœnam dominici diei ministraturus observat. Qua perfecta ministerium totius hebdomadis ita concluditur, ut hi, quibus succedendum est, convenientibus in unum fratribus ad concinendos psalmos, quos quieturi ex more decantant, omnibus in ordine pedes lavent.*

C A P U T I V.

*Qualem habuerint, esseque voluerint prima Ecclesiæ ætate
sancti Patres ecclesiasticum cantum.*



I.

estat, ut de cantus ac musicæ veteris ecclesiasticae ratione aliqua dicamus, non admodum quidem multa: quantum nempe rescire licuit ex veteribus christianis Doctoribus, qui vix artem illam attigerunt, aut nobis aliquid reliquerunt. Quæ enim de ORIGENIS, & DODYMI Alexandrini peritia musica ab antiquis narrantur, præsertim de ORIGENE, quod eam cum reliquis scientiis docendo etiam gentilibus religionem christianam simul instillaverit, ut HIERONYMUS de Scriptoribus ecclesiasticis per-

hibet, non huc proprie spectat. Et quæ habemus S. AUGUSTINI, CASSIODORI, & BOETHII scripta in hac materia, in alio fuit genere a). S. AU-

Vetus musica
RHYTHMI-
CA & ME-
TRICA.

a

GUSTINUS

a) Veluti S. AUGUSTINI sex libri de Musica (deperditio eius libro, quem ipse indicat lib. II. Retractat. c. 11. & POSSIDIUS in Indiculo Opp. S. AUG. „; Contra HILARIUM de Canticis ad Altare) „; In quibus (ut ait CASSIODORUS de Artibus & disciplinis liberalium litterarum c. 5.) humanam vocem, rhythmicos sonos, & harmoniam modulabilem in longis syllabis atque brevibus naturaliter habere monstravit.“ Ac libro primo quidem, quæ ad huius discipline considerationem pertinent, numeroformum motuum species explicantur. In secundo de syllabus, pedibusque metricis disputat. In tertio tractat de *rhythmo*, *metro*, & *versu*: primumque *rhythmi* ratio, & proprietas traduntur; tumque incipit tractatio de *metro*, quæ in quarto libro continuatur. In quinto de *versu* differit. Atque hæc ipsa S. AUGUSTINUS *nugacitatem* vocat, quam apud benevolos officiosi laboris nomine deprecatur initio libri sexti, ubi deinceps studiosorum mentes ex numerorum consideratione ad DEUM provehit. Idem S. AUGUSTINUS

de his libris scribens ad MEMORIUM Episcopum, Ep. 101. qui eos ardenter postulaverat, „Verumtamen (inquit) te hoc tantopere flagitasse penitebit. Difficilime quippe intelliguntur in eo quinque libri, si non adsit, qui non solum disputantium possit separare personas, verum etiam pronunciando ita sonare morulas syllabarum, ut eis exprimantur, sensumque aurium feriant genera numerorum, maxime, quia in quibusdam etiam silentiorum dimensâ intervalla miscentur, quæ omnino sentiri nequeunt, nisi ut auditorem pronunciator informet. Sextum fane librum, quem emendatum reperi, ubi est omnis fructus cæterorum, non distuli mittere Caritati tux, fortassis ipse tuam non multum refugiet gravitatem.“ Nimirum ubi lectorem ex numerorum consideratione ad DEUM provehit, non quatenus sensus afficit, sed rationem: codem quidem fine, quo etiam musica sacra tendit, „Quæ (ut ait CASSIODORUS l. c.) & sensum nostrum ad superna erigit, & aures modulatione permulcat.“

B b 3

L. I. de Mus. GUSTINUS definit musicam *scientiam bene modulandi*; sed eam tractavit unice, quatenus soni in intervallorum spaciis, earumque certa dimensione cantando, saltandoque nos mulcent, estque *rhythmica* ac *metrica* musica ab *harmonica* distincta. „*Harmonica* (iuxta CASSIODORUM) scientia est musicalis, quæ discernit in sonis acutum & grave. *Rhythmica*, quæ requirit in concursione verborum, utrum bene fonus vel male cohæreat. *Metrica* est, quæ mensuras diversorum metrorum probabili ratione cognoscit; ut verbi gratia, *heroicum*, *iambicum*, *elegiacum* & cætera.“

L. XVI. c. 18. sius *Aul.* GELLIUS: „Longior mensura vocis πυθμὸς dicitur, altior μέλος. „Est & alia species νανονικῆς (sc. partis *Geometriae*) quæ appellatur μετροῦσα, „per quam syllabarum longarum, & brevium, & mediocrium iunctura, „& modus congruens cum principiis *Geometriae* aurium mensura examina-

L. II. de Ordin. „tur.“ S. AUGUSTINUS alicubi discutiens, quid humana ratio in musica ne n. 39. 40. egerit circa sonum, eumque triplicem „aut in voce animantis, aut in eo, „quod flatus in organis faceret, aut in eo, quod pulsu ederetur: Videbat autem (inquit) hanc materiam esse vilissimam, nisi certa dimensione temporum, & acuminis gravitatisque moderata varietate soni figurarentur. Recognovit hinc esse illa seminā, quæ in grammatica, cum syllabus diligenti consideratione versaret, pedes & accentus vocaverat. Et quia in ipsis verbis brevitates & longitudines syllabarum, prope æquali multitudine sparsas, in oratione attendere facile fuit, tentavit, pedes illos in ordines certos disponere, atque coniungere: & in eo primo sensum ipsum fecuta, moderatos impressit articulos, quæ & cæsa & membra nominavit. Et ne longius pedum cursus provolveretur, quam eius iudicium posset sustinere, modum statuit unde reverteretur, & ab eo ipso versum vocavit. Quod autem non esset certo fine moderatum, sed tamen, rationabiliter ordinatis pedibus, curreret, *rhythmi* nomine notavit, qui latine nihil aliud, quam numerus dici potuit.“ Hoc prioribus libris de musica S. AUGUSTINUS propositum habet quoad ipsam syllabarum dimensionem, quæ fono, dum aliæ productiores, aliæ correptiores inter se miscentur, demulcent. „Quare

L. II. c. 2. „(inquit) illud nunc quæro, utrum fonus versuum aliquando te aliqua per aures voluptate communoverit?“ Respondetque discipulus, qui interloquitur: „Prorsus sæpiissime, ita ut nunquam fere sine delectatione versum audierim.“ Agit deinde curate de syllabarum pedibus, eorumque structura, qua ratione delectant, dum alii aliis, æqualitate servata, miscentur. „Quid

Ibid. c. 9. „enim (inquit) auribus potest iocundius esse, quam cum & varietate mulcentur, nec æqualitate fraudatur?“ *Rhythmi* rationem, quoad melodicus *L. IX. de Nu-* est, sic describit *Martianus Capella*: „Temporum alia simplicia sunt, quæ ptiis Phiol.

„podica

„*podica* etiam perhibentur. *Pes* vero est numeri prima progressio per legitimos & necessarios sonos iuncta. Cuius partes sunt *arjis* & *thesis*. *Arjis* est elevatio; *thesis* depositio vocis ac remissio.“ S. BASILIUS mentionem facit τῶν ἀρμονιῶν ρύθμων, *rhythmorum harmonicorum*, quem locum S. AMBROSIUS respiciens, *claustra rhythmorum* nominat. Et apud S. CHRYSOSTOMUM ρύθμῳ συγχέμενον θεῖον ἄσμα, *rhythmo compositum divinum canticum* memoratur. Atque in anecdoto nostro Gerontico Abb. PAMBONIS carpunktur monachi, qui μελωδῶν ἄσματα ἐν ρύθμοις ἡχεσ, modulantur cantica, ac numero adstringunt tonos. Cum *rhythmo* coniunctum est *metrum*, quod potest dici ipsius *rhythmi* mensura. „Vides (inquit S. AUGUSTINUS) L. III. c. 1. ut opinor, quam recte utrumque nomen his rebus sit impositum: nam quoniam illud pedibus certis provolvitur, peccaturque in eo, si pedes diffoni misceantur, recte appellatus est *rhythmus*, id est numerus: sed quia ipsa provolutio non habet modum, nec statutum est in quo pede finis aliquis emineat, propter nullam mensuram continuationis non debuit *metrum* vocari. Hoc autem utrumque habet: nam & certis pedibus currit, & certo terminatur modo. Itaque non solum *metrum* propter insignem finem, sed etiam *rhythmus* est propter pedum rationabilem connectionem.“

II. Hæc pertinent ad illud sacrorum hymnorum in Ecclesia genus, quod antiquissimis Ecclesiæ temporibus in usu fuit, in Oriente præsertim a S. EPHREM, inter *Latinos* a S. AMBROSIO excultum, unde & *Ambroſiani* primis secundis in usu? sunt dicti hymni: non eo quod sola *rhythmi*, aut *metri* ratio totam cantus ac musicæ varietatem confecerit, sed certi coaptati sint moduli musici. Ac totus quidem in eo est EUSTACHIUS a S. UBALDO, *Difq. II.* de cantu a S. AMBROSIO in *Mediolanensem* ecclesiam inducto, non cantum alternum, vel populi concentum primum induxisse in ecclesiam *Mediolanensem* S. AMBROSIUM, sed cantum ipsum modulatum antea insuetum in ecclesia occidentalí. Plures vero sunt eruditi, qui demum ad saeculi secundi exitum, aut initium tertii primordia cantus ecclesiastici revocant. MOSHEMIUS, in *primis rerum christianarum initiosis*, nulla adhuc publica, & omnibus nota adfuisse carmina existimat, non totum itaque concinisse coetum, sed unum & alterum tantum, cui poeticæ nonnihil fuerit facultatis, inflatu Spiritus S. accensum, cæteris tacentibus decantasse, ex loco PAULI 1. Cor. XIV. 26. infert: *Unusquisque vestrum psalmum habet, doctrinam habet: „Ergo (inquit) sacri veterum Christianorum Poetæ erant ex eorum ordine, qui Prophetæ appellabantur, quos insti- catus quidam divinus impellebat ad DEUM publice laudandum, & fratres docendos &c. Alii ut cantum modulatum primis Ecclesiæ saeculis in- suetum*

*Præf. in Ps. I.
n. 12.*

suetum afferant labiliori utuntur NICEPHORI auctoritate, agentis de sancti EPHREM hymnis compositis ad *metrum HARMONII*, qui BARDESANIS hæretici filius errores patris conatus est carminum cantu propagare, cuius singula verba p. 72. & 77. recitavimus. Ex quibus, & quidem p. 77. relatis, modulati ecclesiastici cantus originem dignosci existimat EUSTACHIUS a S. Ubaldo in commentario de *Benedictione DEI*, *Observ. I. Sect. 4.* citatque in eandem sententiam *Ant. DEMOCHAREM*, *lib. IV. adversus Missoliturgos*, c. 12. *Franciscum BIARIUM de veter. monach. T. II. cap. 2. §. 2. num. 18. MARTENIUM de antiqu. monachorum ritibus lib. I. cap. 2. num. 50. PIGNATELLUM Consult. Canonic. Conf. 41.* Dicitur quidem NICEPHORUS MARTENIO, cantum melodicum primis Ecclesiæ saeculis insuetum asseruisse, sed id in editionibus non præcise legitur, quas præ manibus habeo. Id vero expresse

*Marten.**l. c. & de antiqu. eccl. disc. III. n. 8. dulationis fuso permixto, Christi populos nutrisset; ecce tibi HARMONIUS**Hæften.**L. VII. Tr. 4. Disq. 4. quidam &c. S. EPHREM vero divinos hymnos ad HARMONII carminum leges**composuit ἀφ' ὧν πρὸς Σῦλον καὶ οἱ μετέπειτα τῆς ἐκκλησίας μελοτοίοι τὰς ἀφορμὰς τῶν μελῶν πορισάμενοι ἐπὶ μᾶλλον ἀνέγησαν τὰῦτα καὶ ἐπιδίδυαι παραπονεστατο. A quibus per emulationis ardorem posteriores Ecclesiæ cantores modulorum formulas mutuati magis etiam atque magis augere, atque propagare eas sunt aggressi.**Ab hoc tamen non videtur abludere, quod idem NICEPHORUS dicit, dum de Arianorum nocturnis cantibus Cpoli sub S. CHRYSOSTOMO agit, quos hic æmulatus sit. Catholica autem Ecclesia, ait, principio eiusmodi psalmodiae hymnorumque canendorum inde sumto, ad hunc usque**diem consuetudinem eam retinet, & sacris cantilenis operatur. Morem autem antiphonorum, hoc est, alternis per responsionem carminum concinendorum, Ecclesia antiquitus iam inde ab Apostolis accepit.**Provocat NICEPHORUS præcise ad morem poetarum antiquorum lyricorum, dum aut foli, aut alternis carmina sua canebat. Quod factumne fuerit primum in sacris hymnis, metrice, ac rhythmice compositis, non constat. Hymni ecclesiastici antiquiores, qui supersunt, metro adstricti haud erant, et si, qua melodia etiam psalmi, ac cantica a cantoribus fuerint decantata, manifestum fatis non sit.**De rebus eccl. c. 25. Notandum autem (inquit WALAFRIDUS) hymnos dici non tantum, qui**„ metris vel rhythmis decurrunt, quales composuerunt AMBROSIUS, HILARIUS, & BEDA Anglorum Pater, & PRUDENTIUS Hispaniarum scholaisticus, & alii multi: verum etiam cæteras laudationes, quæ verbis convenientibus, & sonis dulcibus proferuntur. Unde & liber psalmorum apud Hebraeos liber hymnorum vocatur.“ Dici hic queat, quod de ipsis psalmis, aut canticis sacræ scripturæ tenent, qui illos metro constare negant, stilum potius,*

tius, & orationis colores attendi debere: cuiusmodi fane cantica ex tempore prolata in novo etiam habentur Testamento, certis tantum versuum distinctionibus, & sermone, figurisque elevationibus composita, quæ etiam afficiunt, ac demulcent, quando harmonica acutorum vel gravium sonorum accedit modulatio, quemadmodum in *rhythmica*, & *metrica* cum *harmonica* coniuncta. Quæ aliaque discernit auctor de Musica inter opera S. BEDEÆ. Cum enim primum attulisset *harmonie* definitionem, antea ex CASSIODORO positam: „Vel *harmonica* (subiungit *De Musica quadr.*) est illa, T. I. p. 416.
„quæ consistit in numeris dupliciter, & mensulis: una *localis*, secundum ed. Bayl.
„proportionem sonorum vocumque; alia *temporalis* secundum proportionem longarum brevirumque figurarum. Alia, id ex *harmonica*, quod diffractio modulationis & varietatis canendi scientia: & facilis ad perfectiōnem canendi via, plurimumque vero dissimilium proportionalis consonantia, & scientia de numero relato ad sonum.“ *Harmonicæ* etiam canonica dicebatur. Rationem exponit PTOLEMAIS *Cyrenaica*, cuius verba affert PORPHYRIUS in *Harmonicis* a). Longe aliter *Canonici* cantores nominantur *Can.* 17. *Conc. Laodiceni*, inde, quod Ecclesiæ adscripti fuerint. Sunt etiam Canonarchæ apud *Gracos* e numero lectorum, seu cantorum, qui ceteris cantoribus iuggerere soliti sunt canones, qui sunt hymni, sive cantica ecclesiastica, certa serie composita. Quales iam memorantur in *Gerontico*, quod ex MS. *Vindob.* edimus, ubi sic Abbatem PAMBONEM alloquitur frater *Alexandria* redux: Εν ἀρελέσια δαπανῶμεν τὰς ἡμέρας ἡμῶν ἐν τῇ ἐρήμῳ ταῦτα καὶ ἔτε κανόνας ἔτε τροποδίαια ψάλλομεν ἀπελθόντες (forte ἀπελθόντες) γάρ μα ἐν Ἀλεξανδρείᾳ εἶδον τὰ τάχυμata τῆς ἐκκλησίας πᾶς ψάλλεστι καὶ ἐν λύτρῃ γέγονε πολλῷ διὰ τὸ καὶ ἡμεῖς καὶ ψάλλομεν κανόνας καὶ τροποδίαια. In ignavia transfigimus dies nostros in eremo ista, neque canones, aut troparia canimus. Adveniens enim Alexandriam, vidi ordinem ecclesiæ quomodo psallunt, ac multo sum affectus mœrore, coguod nos canones, Καὶ troparia non canimus. Insignis est hic locus, unde palam fit, quid monachi in eremo actitarint, quæ contra

cantus


a) „Canonicum autem (inquit) studium, secundum quos generalius est? Iuxta Pythagoricos. Quam enim nunc *harmonicam* vocamus, *canonicam* illi dicebant. Cur vero illam nominamus *canonicam*? Non ut aliquibus visum fuit a canone instrumento, sed a rectitudine. Siquidem ratio id, quod rectum est, reperit, utendo canonicis, sive regulis *harmonicis*. Etiam instrumentis *harmonica* lege compositis *canonicum* appellant, quod in fistulis, tibiis, atque aliis instrumentis adhibeant stūlium, ac curam: quæ et si non sit *canonica*, sic tamen vocat̄, quia

fiat secundum rationes, & theorematum *canonica*. Potius ergo instrumentum a *canonica* effectione sic est denominatum. *Canonicus* vero universus est *harmonicus*, qui circa id, quod *harmonia* constat, ratiocinando versatur. Differunt autem *musicæ* & *harmonicæ*. Musici enim dicuntur *harmonicæ* illi, qui ordiuntur a sensibus; *canonici* vero sunt *Pythagorici*, qui & *harmonicæ*. Utrique vero generatim *musicæ* appellantur.“ VITRUVIUS lib. I. c. 1. in candem sententiam loquitur: „Musicæ autem seiat oportet, uti canonicam & mathematicam rationem habet.“

Cc

cantus fuerit *Alexandriæ* modulatio, haud dubie secundum tropos, seu modos, ac disciplinam artis musicæ. *Hymni & psalmi ut canerentur secundum morem Orientalium partium institutum esse a S. AMBROSIO, & ex illo in hodiernum retentum multis iam ac pene omnibus gregibus christianis, & per cœlestes orbis imitantibus*, discimus ex S. AUGUSTINO a). Huius auctoritate potissimum assertum it laudatus P. EUSTACHIUS a S. UBALDO, ipsum cantum harmonicum a S. AMBROSIO institutum esse in ecclesia *Mediolanensi*. Lectis tot testimoniis de cantu ecclesiastico a prima Ecclesiæ ætate, a nobis hactenus allatis, an hoc statui posit? iudicet lector. Illud vero me latet, unde hauserit KIRCHERUS, quod SS. AMBROSIUS, & AUGUSTINUS, PYTHAGORAM imitati, quindecim monochordi divisiones, id est sistema intra *Disdiapason*, seu duas octavas constituerint, sicuti postea BOETIUS, qui notas antiquas musicas græcas ex alianabetho græco inter paucos, quos sciverim, ex scriptoribus Latinis de Musica, aut etiam Græcis christianis, conservavit. Sed nihil ille de cantu ecclesiastico. *Per singulos modos*, ait inter alia, *a veteribus musicis unaquaque vox diversis notulis insignita est.* Ad rem vero nostram nihil superat monumenti liturgici prioris ætatis cum notis eiusmodi, sicuti supersunt græca carmina cum notis in bibliothecis *Parisii*, *Berolini*, *Oxonie*, *Florentiae*. Specimen hic adiungam ex MS. fæc. IX. vel X. monasterii S. Galli,

in



a) „Dubitari hic potest (inquit THOMASINUS de vet. & nova eccl. disc. P. I. lib. II. c. 73. n. 5.) an illud instituerit tum AMBROSius, ut qui psalmos ante tantum recitabant, canere iam inciperent? An ut alternis caneretur, & ab ipso caneretur populo, cum antea unus cecinisset cantor, auscultantibus ceteris & orantibus, vel plures cecinissent cantores, non simul, sed per vices? AUGUSTINI verba id magis suadere videntur, institutum tunc primo fuisse cantum ipsum: *Institutum, ut canerentur hymni & psalmi.* Vix tamen adduci possum, ut credam in

Ecclesia Latina annis pene quadringentis psalmorum morem fuisse recitationem, cantum nullum, cum psalmi ipsi cantica sunt, cum psallere sit canere, cum cantus, & psallendi toties meminerit PAULUS. Quod tamen ait AUGUSTINUS AMBROSIUM id instituisse secundum morem ecclesiarum orientalium, de alterno ipsis populii cantu dicere videtur, quem paulo ante DIODORUS & FLAVIANUS Antiochiae instituerant. Neque enim tam multi anni interfluxere, ut eo temporis intervallo in ea re non potuerit ecclesia *Mediolanensis* ab *Antiochenis* discre-

in quo superscriptis notis musicis varia S. ADHELMI carmina, & SEDULII *Paschale* continentur. In primis autem tantum versibus cuiusque carminis comparent notæ. Adscribam præterea fragmentum, in quo luculenta divisione antiquioris musicæ disciplinæ habetur a).

a

III. Ex antiquis monumentis nihil superest, quod aut nos de antiqui Qualis cantus cantus ecclesiastici ratione instruat, aut modum aliquem illius exhibeat. Ni- prima Eccle-
si velis huc referre, quæ in antiquissimo *Luxovienfi* lectionario deprehen-
duntur, rubro notata e. g. post lectionem sabbati sancti: *Cantemus Domino*
gloriose Eccl. Item in festo S. IOANNIS *Baptistæ*: *Benedictus Dominus DEUS*
Israel in medio contextus evangelii, & alia, quæ forte peculiarem vocis elevationem, ac cantum designant. Iam memini in celebri S. GERMANI psalterio, quod *Parisiis* vidi, sœpe ad unum aut duos etiam versus in margine litteram &c. comparere, quæ succentum populi responsorum, aut antiphonum designet. Postea referemus, quam se S. AUGUSTINUS oblectatum testetur suavisonantis ecclesiæ canticis *Mediolani*. Quod vero singulariter cautum a S. ATHANASIO tradit lib. X. Confess. *Qui tam modico flexu vocis faciebat sonare lectorem psalmi, ut pronuncianti vicinior esset, quam canenti,* id S. ISIDORUS commune facit primitivæ Ecclesiæ. *Primitiva autem Ecclæ De Offic. c. 7.*
clefia, inquit, ita psallebat, ut modico flexu vocis faceret psallentem resonare: ita, ut pronuncianti vicinior esset, quam psallenti. Patet S. AUGUSTINI verba sua fecisse S. ISIDORUM, quodque ille de S. ATHANASIO singulariter commemoraverat, toti Ecclesiæ primitivæ tribuisse. Ex collatis vero Sancti AUGUSTINI locis alia saltem disciplina Ecclesiæ saeculis IV.

&

pare. Credibile autem nullo modo fucrit, totis quadringentis annis, quos psalmos orientalis ecclesia caneret, ab occidentalibus dumtaxat recitatos. PAULINUS, AMBROSII vite scrip-
tor diserte id institutum docet ab AMBROSIO,
ut alternis caneretur. Hoc enim solum vox antiphonæ & Græcis tunc, & Latinis sonabat, ad quos & Græcis defluxit. Imo indicat PAULINUS eum morem ab Oriente profectum. Ita enim ille: *Hoc tempore primo antiphonæ, hymni, ac vigilie in ecclesia Mediolanensi celebrari coepérunt.*

a) Ex Cod. MS. Bibliothecæ publ. Argent. sec. XI. qui continet librum *Oneliae*. B. GREGORII Papæ urbis *Rome* in EZECHIELEM. „Nunc de prima voce, velut de sonitus totius parente dicemus. Omnis vox in duo genera dividitur, *continuum* atque *divisum*. *Continuum* est velut iuge conloquium, *divisum*, quod in modulatione servamus. Est & *medium*, quod in utroque permixtum, ac neque alterius continuum modum fervat, nec alterius frequenti

C c 2

& V. colligitur, quando iam in divinis officiis, ecclesia ex statu presso in libertatem vindicata, celebrior cultus, ac solemnior etiam in variatione cantus extiterat. Agnoscit S. AUGUSTINUS in hymnis & psalmis canendis variam consuetudinem, & pleraque dicit haberi in *Africa* ecclesiæ membra pigriora, ita ut *Donatistæ* reprehenderint, quod sobrie canerent in ecclesia. Suavi melodia compositus esse debuit ecclesiasticus cantus. *Cum*, inquit, *liquida voce & convenientissima modulatione cantantur*. Tempora & momenta in ecclesia cantandi exprimit ad *JANUARIUM*. „Quando autem non est tempus, cum in ecclesia fratres congregantur, sancta cantandi, nisi cum legitur, aut disputatur, aut Antistes clara voce deprecatur, aut communis oratio voce Diaconi indicetur? Aliis vero particulis temporum quid me lius a congregatis christianis fiat, quid utilius, quid sanctius, omnino non video.“ Obiter hic noto, me in *GROTI* libello haud reperire, quod eum pluribus probare niti *Ioh. Iac. HULDRICUS* de facrorum hymnorum in ecclesia usu dicit, omnes Christianorum etiam preces fuisse cantatitias. Quod *Huldri. P. I.* firmari ex citato Sancti AUGUSTINI loco forte quis dicat. Alibi in regula pro monialibus, inter alia præscribit, ut non cantent, nisi quæ præscripta sint cantari. Quæ verba citantur, & ita explicantur in regula PAULI & STEPHANI: „Ne quæ cantanda sunt in modum prosæ, & quasi lectionem mutemus, aut quæ ita scripta sunt, ut in ordine lectionum utamur, in tropis, & cantilenæ arte nostra præsumtione vertamus.“ Narrat S. HIERONYMUS ex libro hymnorum S. HILARII, qui excidit, in hymnorum carmine *Gallos* indociles vocari. Igitur oportuit arte aliqua, & institutione non modica opus fuisse; si quidem hoc non potius intelligendum sit de arte pangendi carmina hymnorum, quam de ipsa disciplina cantandi. Quo de studio nihil etiam in antiquis regulis monasticis legitur, præterquam quod aliqua vocis ratio, & selectus fit habitus. Nisi forte hoc ipsum quis non tantum de capaci ad canendum ingenio, ac naturali quadam facultate, verum etiam arte aliqua, & studio comparata, accipiendum existimet. Cuius rei tamen nullum uspiam indicium, atque argumentum appareret, ut, prolati in medium testimoniis, patebit. Non hic sermo est de reconditioni musices theoria, quam schola *Pythagorica* cum aliis mathematicis disciplinis ceu necessariam ad sapientiæ studium partem requirebat; quas disciplinas cum aliis Philosophiæ partibus rei christianæ etiam proficuas nostri existimabant. Nequid dicam etiam de *Phonastis* veterum, vocis formandæ conservandæque magistris, de quibus nuperrime scripsit *Wilb. BALLHORN*, qui in scholis etiam publicis non cantum aut disciplinam musicam, sed rectum vocis pronuntiationisque usum docebant. Id ex S. IUSTINO discimus, ante suum ad sacra christiana accessum, cum ex Philosophiæ studio ad profectum sa- pientiæ

Dial. cum Tryphone n. 2. p. 103.

pientiae aspirans, inter alios etiam celeberrimum *Pythagoreum* adiisset, auditor illius & familiaris fieri cupiens. In primo accessu: „Quid ergo (inquit „ ille) dedisti operam *Musicæ*, *Astronomiæ*, & *Geometriæ*? An putas per „ specturum te quidquam eorum, quæ beatæ vitae conducunt, nisi hæc prius „ didiceris, quæ animum a rebus, sensum moventibus, abstrahent, & ad ea, „ quæ mente percipiuntur, idoneum efficient, ut ipsum pulcrum, & ipsum „ bonum intueatur? Cum has disciplinas pluribus laudasset, ac necessarias „ prædicasset, dimisit me a se, postquam ei confessus sum, me nescire. Fe- „ rebam igitur, ut par erat, moleste, quod spe excidissim; eoque magis, „ quod mihi aliquid scire videretur. Rursus cum tempus illud considerarem, „ quod mihi in his disciplinis conterendum erat, non ferebam me in lon- „ gum tempus reiici.“ Evidem ORIGENES his aliisque disciplinis instru- „ etum esse cupit S. GREGORIUM *Taumaturgum*. „Per modum quidem finis *Philocalia* „ (inquit) ad christianam doctrinam: efficaciter autem propterea optaverim c. 13. „ te etiam assequi Philosophiæ Græcorum circulares disciplinas, aut ^{principia} „ institutiones, quæ scilicet valent ad christianismum. *Quæ* & geometrica „ & astronomica ad sacrarum litterarum explanationem conferunt. Ut quod „ aiunt Philosophorum *ætate* *Geometria* & *Musica*, *Grammatica* & *Rhe- „ torica*, atque *Astronomia*, veluti *Philosophiæ* adminiculis, istud nos asse- „ ramus etiam de ipsa *Philosophia*, christianæ sapientiæ comparatione.“ De „ musica in eundem finem agit S. AUGUSTINUS. *Mamertus CLAUDIANUS* in ep. S. Augustinus „ ad SAPAUDUM rhetorem sui ævi: *Studiorum quasi quandam mortem flebili L.II. de doct. „ veluti epitaphio tumulans*, inter alia queritur, *musicen & geometricam at-* chr. n. 26-28. „ que arithmeticam tres quasi furias despui. Hic tamen ipse CLAUDIANUS Baluz. T.VI. „ laudatur a Sidonio APOLLINARI in epitaphio: Miscellan. p. „ §36. 537.

Traictator, geometra, musicusque.

L.IV. ep. II.

apud Sirmond.

opp. var. T.I.

p. 944. D.

Et mox: *Psalmorum hic modulator & phonascus,*
Ante altaria, fratre gratulante,
Instructus docuit sonare classes.

Has autem aliasve, ut paulo ante in eodem epitaphio perhibetur,

Monachus vidente in ævo
Secreta bibit institutione.

Ut dici possit, quod ipse haufit, didicitque in scholis illis, impendisse quoad musicam attinet, ut *ante altaria* instructæ sonarent *classes*. Palam erit ex medii ævi monumentis, ad institutionem cantus etiam ecclesiastici theoriam musices adplicanti, atque in scholis traditam fuisse, quæ potissimum in monasteriis, vel alibi etiam doctoribus monachis instruebantur, sed non ita istud in prima hac Ecclesiæ ætate, sex etiam, & amplius sæculorum de-

- cursu, frequentatum studium legitur. Est apud S. BASILIUM in regulis brevius tractatis Interrogatio CCCVII. „Numquid alternis vicibus incipiendum sit psallere, aut precari? Resp. In hoc inter multos, qui idonei fuerint, rectus ordo servetur, ut neque parvi momenti res putetur, aut indiffe-rens: neque æquabilis unius aut alterius personæ delectus superbiæ suspe-ctum reddat eum, qui præficitur, & quasi cæteri contemnerentur.“ Id interpretor de selectu aliquo faciendo, qui aptiores, voce vel ingenio magis idonei sint ad psallendi munus obeundum. Quod fieri potuit iuxta ac a CASSIANO psallendi disciplina lib. II. *Iustit.* describitur. Idem vero,
- L. IV. c. 16. de Regulis diversarum correptionum, poenam constitutam ei designat, si decantans psalmum vel modicum titubaverit; quod ad verbum in regula S. COLUMBANI repetitur. Et ad eundem modum S. BENEDICTUS statuit: „Siquis Reg. c. 45. „(inquit) dum pronuntiat psalmum, responsoriū, antiphonam, vel lectionem, fallitur; nisi per satisfactionem ibi coram omnibus humiliatus fuerit, maiori vindictæ subiaceat; quippe qui noluit humilitate corrigeret, quod negligenter deliquerit. Infantes vero pro tali culpa vapulent.“ Sed lapsus illi varii esse potuerunt, præter canendi modulos, ac artem. Sic, quod legitur: *Quod vero restat post vigilias, ut fratribus, qui psalterii vel lectiōnum aliquid indigent, meditationi inserviatur, ad dicendi quidem studium referendum existimo, sed canendi non designat disciplinam, ex illo S. Proem. in regulas breviores.*
- Cap. 8. BASILII expressum: ἐν τῇ μεριμνῇ γέ ἔχεται τῶν ἀναγκαίων „In curiā, seu meditandis & expendendis rebus necessariis transfigamus reliquam noctis partem, expletentes, quod dictum est a beato DAVIDE: *In lege Domini meditabitur die ac nocte.*“ Nec aliunde aliquid luculentius de disciplina canendi ex regula S. BENEDICTI colligi potest. Occurrunt quidem voces cantus, psalmodiæ, modulationis: at ubi omnia articulatim per plura capita de disciplina psallendi præscribuntur, nihil tamen habetur de disciplina, aut institutione canendi. Solummodo cap. 47. cavet, „Ne cantare aut legere præsumat, nisi qui potest ipsum officium implere, ut ædificantur audientes. Quod cum humilitate & gravitate, & tremore faciat, & cui iussit Abbas. (Et:) Psalmos autem vel antiphonas post Abbatem, ordine suo, quibus iussum fuerit, imponant.“ Nec hic omittam, quod in Bibl. PP. *Lugd.* sub nomine S. BENEDICTI refertur ex MS. *Casinensi*, cumque illis congruit, quæ S. Pater in sua regula dicit de antiphonis, vel psalmis impo-nendis. „Quando in choro ad psallendum stant, consona voce, & corde psallant, & illi incipient versum, qui præ cæteris utilius possint, ut ad primam vel secundam syllabam cæteri convenire possint iuvenculi pronunciantes voce.“ Prius præscriptum fuerat, quomodo fratres oportet *Matutinis laudibus prompta voluntate, vocum modulis, nec nimis producere,*
- T. IX. p. 658. p. 657.

et, nec multum correpte cum summa gravitate & honestate officium persolvere divinum. Et in regula PAULI, & STEPHANI, eodem adhuc s̄ec. VI. cap. 5. scripta: „Initium versuum psallentium in choro priores, qui in eis stant, incipient; aut si eis adversatur infirmitas, hi incipient, quibus iusserit Pater: quibus incipientibus, mox omnes, si potest fieri in prima aut secunda syllaba pariter unanimiter, & uno ore subiungant: ut non sit dissonantia cantantium, quae maxime ab inordinato initio, & quodammodo contentiosa varietate folet accidere.“ Poterat ea etiam, quae hodie obtinet psalmorum modulatio, iuxta varietatem tonorum in genere diatōnico sine multa disciplina disci, ac teneri. Aliud dici debet de modulatore cantu, de qua re nihil constat ex prima ætate hac, quoad cœtus monasticos; ut nihil de eremi incolis dicam, de quibus paulo ante retuli locum ex *Gerontico* Abbatis PAMBONIS, in quo canones, & troparia a monachis aliena iudicantur, cantusque modulatus; PAMBONE Abbevehementer dolente, quod futurum in Spiritu prospexerat. „Væ nobis (inquit) fili! quoniam venient dies, in quibus relinquent monachi solidum alimen- tum, per Spiritum Sanctum declaratum. & sequentur cantica, & tonos. Qualis enim compunctio, quales lacrymæ proveniunt ex modulis? qualis enim compunctus est monacho, quando in ecclesia, aut in cella conficit, & voce suam boum instar extollit. . . . Etenim non venerunt monaci in hanc eremum, ut assistentes DEO vocem elevent, modulentur cantus, & concinnent sonos, ac manus pedesque moveant a).“ An totus contextus solum de excessu in cantu intelligi possit, iudicet lector, an potius de cantu modulato, quem nec hodieque omnes religiosi ordines amplectuntur. Audierat, didiceratque discipulus PAMBONIS *Alexandriæ* troparia, seu modulos ἐμάθε δὲ τροπάρια, idque animum eius affixerat, quod in eremo neque canones musici, nec moduli canerentur, οὐτε κανόνας οὐτε τροπάρια ψάλλομεν. Canones interpretari licet ex arte compositas cantiones, ασματα οὐ πάχες, quæ postea, dicit PAMBO, a Spiritu Sancto prædictum, fore, ut monachi prosequerentur. Nihilominus in historia *Lauſiaca* PALLADII c. 7. legimus de ARSISIO, & Syncellitis quinque millibus in monte Nitriæ, ex quibus

a

a) Οὐαὶ γῆραι τέκνον ὅτι ἔφθασαν οἱ ημέραι ἐν αἷς ὑπολέγουσιν οἱ μοναχοὶ τὴν σερεὰν τροφὴν τὴν διὰ τὸ ἀγίον πνέυματος ρίψασταν καὶ ἐξαπολύθησαν αἵματα καὶ πάχες ποιὰ γαρ δακνύεις ποιὰ δάκνου τίτονται ἐκ τῶν τροπαρίων· ποιὰ γαρ κατάνυξις τῷ

μοναχῷ ὅταν ἐν ἐκκλησίᾳ καὶ ἐν κελλίᾳ θύσαται· καὶ ὑψοῖ τὴν Φωνὴν ἀντίθετος οἱ βόες . . . καὶ γαρ ὡκεὶ ἐξῆλθον οἱ μοναχοὶ ἐν τῇ ἐρήμῳ ταῦτη ιδαὶ παρίσανται τῷ Θεῷ καὶ μετεωρίζονται καὶ μελαρδόσιν αἵματα καὶ ρύθμούς τοις πάχεσι καὶ σέιστι χεῖρας καὶ μεταβαίνουσι πόδας.

quibus ipse etiam PAMBO fuerat: *Circa horam autem nonam licet stare, & audire in unoquoque monasterio hymnos & psalmos Christo canentes, & preces ad hymnos emitentes, adeo, ut existimat quispiam, se sublime elatum transmigrasse in paradisum deliciarum.* Sed hymnodia, psalmodiaque, seu hymnos psalmosque canentes confundi non debent cum illis, qui μελωδίσσων ἀσματαὶ ποθητέσσιν ἔχεις, bene concinnatas cantiones, & modulos exquisitos affectant; ne dicam tragicō etiam modo manus, pedesque movent. Ex toto illo Gerontico patet, neutquam eam cantus disciplinam in eremo fuisse, qualis *Alexandriæ* fuerat sicc. IV. quo quidem adolescente scimus S. ATHANASIUM ita moderasse cantum, ac tam modico flexu vocis fecisse sonare lectorem psalmi, ut pronuncianti vicinior esset, quam canenti. *Abb. IV. c. 23.*

Hist. Lat. c. 10. *gante ATHANASIO Episcopo, ex solitudine venit Alexandriam.* Mortuus est ante annum 390. præsente tum MELANIA, ut refert ex eius ore PALLADIUS. RUFINUS inter eos recenset solitarios, quos suis oculis viderit. Necesse est igitur, non diu eam canendi moderationem in ecclesia *Alexandrina* substitisse, ut per S. ATHANASII fata fieri proclive fuit. Quodsi statuamus, *Nitriæ* montis *Alexandriæ* propinqui *mouachoo* disciplinam psallendi modestam, quam S. ATHANASIUS instituit, sectatos esse, ac siueius, tenaciusque servasse, in concordiam revocare licet locum PALLADII cuius PAMBONIS Abb. sermone de *tropariis*, & *canticis*; cum PALLADIUS de hymnis, & psalmis loquatur. Hymni autem *harmonicis rhythmis*, ut cum S. BASILIO loquar, compositi veteri more, & psalmi, prout usque in hunc diem canuntur, primigeniam simplicitatem præferunt. Adhibitam fuisse vocis contentionem, argumento est, quod THEODORETUS in *hist. relig. c. 17.* de ABRAHAME narrat, cum se in vicum quemdam inferendæ lucis evangelicæ causa insinuare vellet, *paulatim aggressus est divinum officium, utens voce moderata.* Et tamen senserunt *psalmodiam*, ut mox sequitur, fitque concursus ad viros DEI disturbando. Factus postea Episcopus, nocte, ut idem perhibet, *quadraginta hymnos, quos inter se invicem loqueundo, & respondendo dicunt, implebat, earum, quæ intercedunt, precum duplicans numerum.* Hoc videtur esse apud CASSIANUM parili pronunciatione cantare. „Cum-
c. 5. „ que (inquit) sedentibus cunctis (ut est moris nunc usque in *Egypti* partibus) & in psallentis verba omni cordis intentione defixis, undecim psalmos orationum interiectione distinctos contiguis versibus parili pronunciatione cantasset, duodecimum sub *Alleluia* responsione consummans &c.“ Cantu etiam responsorio, & antiphono eadem simplicitas, & moderatio servari potuit, ut a *tropariis*, *odique modulatioribus* distingueretur, & nihilominus concinna vocis flexione canorus esset, & cantus recte diceretur.

Quem

Quem obtinuisse a primordiis Ecclesiae, atque etiam in monachorum coetibus inde ab eorundem origine, tot sparsim ostendimus testimonios: *Qui, ut verbis S. BASILII utar, nec de cibis, nec de iudicamentis sunt solliciti, sed minime distracti, & Domino continententer adstantes, noctu diuine perseverant in orationibus: quorum os non loquitur opera bonum, sed hymnos DEO nostro concinunt continenter.* Ab his non ablutus S. CHRYSOSTOMUS *Hom. 14. in I. ad Tim.* de monachis agens. „Inde (inquit) ubi surrexere, divinis laudibus instant, hymnosque propheticos canunt magno suavitatis concentu, & canticis numerosis. Non fistula, non cithara, non ullum aliud instrumentum musicum tam dulces efficit modos, quam sancti illi summa in solitudine, & quiete psallentes.“ Quod P. MARTENIUS in historia musicalia etiam quoad Ordinem S. BENEDICTI multis tueretur a).
Epist. 207. ad Neocas.

a

IV. De *Polyphonia*, seu musica consonantia plurium simul vocum, nihil est, quod in praesentiarum dicam, an prima hac aetate uspiam in Ecclesia obtinuerit; cum incertum sit, an unquam apud veteres in usu fuerit. Quoad musicam instrumentalem, seu organicam, ut veteres vocabant, a voce *assa* distinctam, ut CATO apud NONNIUM habet in *assa*: *Melos alterum in cantibus est bipartitum: unum, quod est in assa voce, alterum, quod vocant organicum*, quæstio esse potest, tum circa privatum usum fidelium etiam in conviviis, quam publicum in Ecclesia, an unquam prima Ecclesiæ aetate locum habuerit? IO. ZACH. HILLIGERUS de psalmoruim, hymnorum atque odarum sacrarum discrimine ad *Ephes. V. 19. Coloss. III. 16.* non audet quidem affirmare, CHRISTO nomen dantes, in primis Ecclesiæ facultatis instrumenta musica cum voce recepisse, quo certius habeamus, ex unanimi veterum

Doctorum

a) „E pure (inquit p. 370.) viva la verita parlano essi di mille variazioni, & notano mille reformi, ma non mai in ordine a quella parte del canto, che comprende le Intonationi, o voglion dire le cantilene dc' salmi; le quali, quelle medesime essendo, che anche oggi dalla Romani Chiesa si usano, & che dai fantissimi loro Institutori furono da prima usate, ne da essi reconoscendo la loro origine, forz' è conchiuder, che quelle stesse esse pur sieno che furono dagli Apostoli nella Chiesa nascente introdotte; & che'l canto della salmodia, da Patri de primi secoli detto *unisono* o *confono* quel medesimo sia, che da novi dicefi *canto fermo*, oppur *Gregoriano*. In fatti nella monastica salmodia il principal luogo teneva il canto espressamente dal santo Patriarca (BE-

NEDETTO) preferito nella sua regola. Or se contemporanamente, o anche, posteriormente alla promulgazione di essa una nuova specie di *cantilene*, per l'addietro nella Chiesa cattolica non mai usate, prodotta si fosse, qualche notizia, di cio sene avrebbe al certo, o dalla medesima Regola del santissimo legislatore, o da alcuna delle diffuse Istorie degli eruditissimi di lui Figliuoli. Ma poichè ne in quella, ne in queste ne pure un semplice vestigio ritrovati di tale innovazione, forz' è dire, che quali in tutta la Chiesa pe'l corso de primi cinque secoli furono in uso le Intonationi dc' salmi, tali al principio ancora del secolo dalla veneratissima religione *Benedettina* ricevute nel suo nascimento fossero, e constantemente dipoi ritenute.“

MART. GERBERT. DE MUSICA ECCL.

L. I.

Dd

§. 10.
a

Doctorum consensu, musicam instrumentalem ad tempora usque CONSTANTINI M. in sacris fuisse improbatam. Ut ut autem ex eius sententia ob perpetuas, quibus agitabantur veteres Christiani persecutio[n]es, in sacris eorum publicis nulla potuerint adhiberi organa musica, minime tamen iisdem omnimode interdicebantur, ut potius cuiuslibet christianæ fuerit concessum libertati, instrumentis privatim, si fieri potuerit, delectari musicis. Idque postea de psalmorum cantu, vi etymi, usuque avito *Hebraorum* sumit a). Hanc quæstionem attingit CLEMENS Alex. L. II. c. 4. *Pædagogi*. Et quamvis initio omnem plane instrumentorum usum abesse velle videatur etiam in conviviis; postea tamen indulgentior videri posset, nisi mox in allegoriam prolaberetur. „Uno ergo instrumento (inquit) verbo solo pacifico nos utimur, „quo DEUM honoramus, non amplius veteri psalterio, & tuba, & tympano, & tibia, quibus mos erat iis, qui in bello se exercebant, DEI- „quæ metum contempserunt, & simul congregatis concionibus in choris „uti, ut per eiusmodi modos solutus ac diectus excitaretur animus. (Et „paulo post) Hæc est gratiosa, ac iucunda nostra comedatio. Et si ad „lyram vel citharam canere & psaltere noveris, nulla in te cadet reprehensio (καὶ πρὸς οὐδέποτε ἐθελήσῃς οὐ λύγαν φέδει τέ καὶ ψάλλειν μᾶκος οὐκ ἔστιν. SUIZERUS *Thef. eccl. V.* ὁγανον, & HOSPINIANUS *lib. II.* de templis, interpolata aut corrupta esse volunt.) *Hebraum* iustum regem imitaberis, qui DEO est gratus & acceptus: *Exultate iusti in Domino, rectos decet laudatio*, (dicit prophetia) *Confitemini Domino in cithara, in psalterio de cuncto ei psallite. Cantate ei canticum novum.* Nunquid autem de chordum psalterium verbum IESUM significat, qui manifestatur elemento decadis?“ Hæc omitti non debuissent ab illis, qui ad hunc provocarunt locum, opusque est totum contextum legere, ut de mente plene constet, & de sensu, in allegoriam deflectente, ea, quæ ex veteri Testamento de

a) „Neque est absolum (inquit) dicere, quod psalmi hi, vi etymi, quod §. 7. ex definitione BASILII erimus, atque usus apud *Hebreos* faci, in primitiva pariter Ecclesia cum multis instrumentis sint decantati. Evidem videtur nobis ostendare oraculum, quod i. Cor. XIV. 15. legimus, ubi, dum ψάλλειν ad mentem suum refertur, cantus non externus cum instrumentis, sed internus, cum idcirco sacris coniunctus, connotari potest; itemque primorum & antiquiorum Doctorum cœtus Christiani de instrumentis musicis, in sacris adhibitis, silentium, psalmis licet sœpius voce modulata prolati, nostro minus favet asserto. At quamvis, ut iam supra diximus, tum propter persecu-

tiones, & odia gentilium in Christianos, tum propter prophanicum organorum musicorum, in ethniconum turpibus ac forditis theatris, atque sacrificiis, usum per prima quatuor secula ex congressibus sacris musica exularit instrumentalis, hanc tamen privatim, & in conviviis veterum Christianorum non simul viguisse, solide nunquam evinci poterit. Ipse Apostolus, qui in nostro loco, uti ex antea dictis appareat, de epulis, a charitate nomen habentibus, agit, voce ψαλμιζ cantum, instrumentis simul factum, haud tacite indicat, ut testimonia CYPRIANI in epistola ad DONATUM, CLEMENTIS Alexandrini, aliorum silentio præterea.“

de variis instrumentis musicis in templo, & psalmorum cantu habentur. Quemadmodum passim alii SS. Patres, qui in psalmos commentantur, fludiose quidem inter psalmos distinguunt, qui cum instrumentis cani sunt soliti; at quando ad morem antiquum in christianis conventibus deveniunt, vertunt stilum. Sic EUSEBIUS, qui in psalmum LX. accurate mox initio hæc post ORIGENEM distinxit. Nec contrarium ex eodem EUSEBIO concludi potest, ubi in psalmum XCI. instrumentorum etiam meminit, in psalmo memoratorum: „Ut (inquit) in unum congregati ea, quæ psalmus „indicat, peragantur. Eorum autem *primum* est confiteri Domino; *se- cundum*, cum musicis instrumentis psallere nomini eius; *tertium*, ma- tutinis horis annuntiare misericordiam eius; *quartum*, nocturnis tempo- ribus enarrare veritatem eius: & hæc non modo labiis & voce, sed et iam per musicorum instrumentorum pulsationem agere: nam ait, *in de- cachordo psalterio, cum cantico in cithara.*“ Agit enim de Sabbati fe- ratione; ac deinceps, dum, quæ Christiani ad eius imitationem in con- ventibus Dominicæ diei canant, exponit, dicit Christianos vivente psalte- rio, & cithara animata, spiritualibusque canticis hymnum effundere a). Haud absimili modo laudatus S. CLEMENS *Alexandrinus* loquitur b). S. HILARIUS in proemio in psalmos sedulo disquirit de *psalmo, cantico psalmi, psalmi cantico* &c. quoad instrumentorum usum & concentum. At quoad nostram utilitatem deinceps in sensum allegoricum sumit, & de fidelium cantu, sonituque agens hymnorum, solarum meminit vocum. Idem de S. In P. 29. BASILIO dicendum (quem unacum S. HILARIO hic pro instrumentis musicis in veteri Ecclesia Michael PRÆTORIUS in syntagmate musico citat) & de S. CHRYSOSTOMO, qui expressis verbis in postremos psalmos commentans, qui- T. I. P. II. bus variorum instrumentorum fit mentio, infirmitati *Iudeorum* id concessum c. 13. dicit.

a) „Olim quidem (inquit ibid. p. 608.) eum po- puli ex eírenncione per symbola & figuræ DEUM eolerent, non ineongrum erat, per psal- teria & eitharas hymnos DEO emittere, idque die sabbati prestatre, otium nempe solventes, & in hoc legem sabbati transgredientes. Nos vero *Iudeum* in abscondito servantes secundum illud Apostoli dictum: *Non enim, qui in manifesto Iudeus est &c.* viventi psalterio, & cithara ani- mata, spiritualibusque canticis hymnum ef- fundimus &c.“

b) „Divinum antem (inquit Pædag. L. II. e. IV.) ministerium separans psallit spiritus: *Laudate eum in sono tube.* In sono enim tube susci- tit mortuos. *Laudate eum in psalterio, quo-*

niam lingua est psalterium Domini. *Et in ci- thara laudate eum.* Per eitharam os intelligatur, quod spiritu tanquam plectro pulsatur. *In tympano & choro laulate eum:* Dicit Ecclesiast, quæ resurrectionem carnis meditari solet in pelle resonante. *In chordis & organo laudate eum.* Organum dieit corpus nostrum, & chordas eius nervos, per quos immixte & concinne intendantur, & spiritu pulsatum voces edid humanas. *Laudate eum in cymbalis iubilationis.* Oris cymbalum dicit lingnam, quæ pulsatis labris resonat. Et ideo humanæ natu- ræ acclamavit: *Omnis spiritus laudet Dominum:* quoniam omnis spiritus, quem fecit, curam ges- fit. Vere enim pacificum instrumentum homo est.“

D d 2

T. I. edit.
Montf. p.
607.

a
b

T. I. P. II.
c. 13.

212 L. I. CANTUS PRIMA ECCLESIAE ÆTATE

a dicit. De Christianis vero agens, eodem modo, ac superiores interpretes, accipit a). S. AMBROSIUS de ELIA usum instrumentorum profanum sacræ opponit hymnodiæ: „Non immerito (inquit) vœ illis, qui mane ebrietas potum requirunt, quos conveniebat DEO laudes referre, prævenire lumen, & vacare orationi, occurrere Soli iustitiæ, qui nos visitat, & exurgit nobis. Sic nos CHRISTO, non vino & siceræ surgamus. Hymni dicuntur, & tu citharam tenes? Psalimi canuntur, & tu psalterium sonas, aut tympanum? Merito vœ, qui salutem negligis, mortem eligis.“ Autor epist. ad DARDANUM, inter epistolas S. HIERONYMI, diversa genera musicorum instrumentorum, quæ in psalmis memorantur, describens, ad modum quidem etiam, & formam instrumentorum musicorum sui ævi respiciere videtur, sed nihil de usu eorundem in sacris christianis dicit b). Propius ad rem sunt, quæ leguntur in auctore quæstionum & responsionum ad Orthodoxos, qui ad sec. IV. vel V. refertur a monachis S. MAURI, editoribus S. IUSTINI M. sub cuius nomine venerunt quæstiones illæ, ubi id in quæstionem inducitur de Christianis, quomodo in ecclesiis more eorum, qui sub lege fuerunt, parvulorum canticis utantur. „Si (quærerit) ab infidelibus ad seductionem inventa carmina, iis autem, qui sub lege fuerunt, ob animi imbecillitatem concessa; qui sub gratia sunt & perfecta, atque ab iis, quos dixi, moribus aliena accepere instituta, quomodo in ecclesiis

Quæst. 107.

- a) „Cecinit (inquit in Pf. CXLV.) aliquando DAVID in psalmis; & nos quacum DAVID hodie: ille citharam habuit ex inanimatis nervis. Ecclesia citharam habet ex animatis nervis intentam. Lingue nostræ nervi citharae sunt, diuersum quidem sonum, sed concordem pietatem emittentes: nam & foeminae, & viri, & senes, & iuvenes discernuntur quidem secundum ætatem; non discernuntur tamen secundum rationem modulationis hymnorum.“ Alibi: „Hic (in Pf. XLI. n.2.) non est opus cithara, neque nervis extensis, neque plæstro, nec arte, nec ulla instrumentis; sed si velis, te ipsum efficies citharam, cum carnis membra mortificaveris, cum corpore pulchrum concentum efficeris.“ Et in Psalm. CL. „Illa autem instrumenta tunc illis permisfa fuerant, & propter eorum imbecillitatem, & quod eos in charitate, & concordia contempserant, & mentem eorum excitarent, ut lumbenter facerent, quæ eis erant utilia: & quod per talen animi detectionem vellet eos ad manus studium revocare.“
- b) „Cogor (inquit T. IX. ed. Antw. p. 113.) a te, ut tibi DARDANE de aliquibus generibus mu-

corum (*instrumentorum*) sicut res docet, vel visione, vel auditu brevi sermone respondeam. Alia enim ad lucidum proferre non possum: quia unaqueque res secundum ingenium eius est, quæ autem possunt enarrari, libenter explicabuntur. Primum omnium ad organum, coquod manus esse his in sonitu & fortitudine nimia computantur, clamores veniam: de duabus elephantorum pellibus concavum coniungitur: & per duodecim fabrorum sufflatoria comprehendatur: per quindecim cinctas areas in sonum nimium, quos in modum tonitru concitat: ita ut per mille passuum spatia fine dubio sensibiliter utique, & amplius audiatur: sic apud *Hebreos* de organis, quæ ab *Hierusalem* usque ad montem *Oliveti*, & amplius sonitu audiuntur, comprobatur. Duo genera organi a plerisque esse dicuntur. Primum est, quod prædictissimum: & aliud, quod de peregrinatione *Iudaicæ* populi apud *Babylonios* inscribitur: *Super flumina Babylonis Ec.* Hoc totum figuraliter ac spiritualiter significat evangelium Christi &c.“

„ecclesiis more eorum, qui sub lege fuerunt, parvolorum canticis utantur? (Resp.) Non canere simpliciter parvulis convenient, sed cum inanimis instrumentis canere, & cum saltatione & crotalis: quare in ecclesiis refecatur ex canticis usus eiusmodi instrumentorum, atque aliorum parvulis convenientium, ac simplex relictus est cantus.“

Boxhornius in epistola quadam ad *Constantinum HUGENIUM*, qui singularēm librum de *musicorum in Ecclesia instrumentorum usu* scripsit, inter alios hunc profert locum, putatque τὴν χρῆστων τῶν τοιχτῶν ὁργάνων usum eiusmodi instrumentorum non damnari, sed cum saltatione tantum, ac crotalis. *Michael PRÆTORIUS* ex eo loco triplicem rationem expromendi verbum colligit:

Una, inquit, fit κατὰ τὴν ἐνθύμησιν, quando ratione concipitur, & oratione profertur; *altera* διὰ σομάτων per cantilenas, humana voce expressas: *tertia* διὰ σομάτων per instrumentorum musicorum impulsionem. Res inde dependet, an in textu verba, cum inanimis instrumentis canere, & cum saltatione & crotalis, disiunctive vel coniunctive sumenda sint? Neque vero verba græca dubio locum relinquere videntur, instrumenta simul cum saltatione & choreis coniungi, & ab usu ecclesiastico aliena statui ab auctore: οὐ τὸ ἄσται ἀπλῶς ἐσὶ τοῖς νηπίοις ἀρμόδιον, ἀλλὰ τὸ μετὰ τῶν αὐλήχων ὁργάνων ἄσται καὶ μετὰ ὁργήσεως καὶ κροτάλων. Διὸ ἐν ταῖς ἐκκλησίαις προσιρέσται εἰς τῶν ἀστυτῶν ἡ χρῆσις τῶν τοιχτῶν ὁργάνων, καὶ τῶν ἀλλων τῶν νηπίοις ὅντων ἀρμοδίων καὶ ὑπολέλειπται τὸ ἄσται ἀπλῶς.

THEODORETUS *Meletianos* notat cum plausu maiorum, & quadam saltatione hymnos concinentes, & multa simul tintinnabula, funi appensa, moventes, *Qua de causa*, inquit, *magnus ille ATHANASIUS perpetuo cum eis bellum gessit*. S. AUGUSTINUS initio *libri III. de musica*, antiquum modum, sonandi cymbala, describit, de antiquis symphoniacis agens, qui scabella, & cymbala pedibus feriunt, certis quidem numeris & his, qui sibi cum aurium voluptate iunguntur, sed tamen tenore perpetuo, ita, ut si tibias non audias, nullo modo ibi notare possis, quousque procurrat connexio pedum, & unde rursus ad caput redeatur. Confimile aliquid suis tintinnabulis actitabant *Meletiani*, quin alia adhibuerint instrumenta. Quæ tamen alicubi in festivitatibus christianis, more ab ethnicis adducto, resonabant. S. AURELIUM passim laudat S. AUGUSTINUS, quod a memoria seu ecclesia S. CYPRIANI, ubi sacrum eius requiescebat corpus, repulerit, qui noctes ad sonum instrumentorum etiam saltando transigebant, quorum loco vigiliae sacræ sunt institutæ. „Nonne (inquit) id egit institutio in nomine CHRISTI Enarrat. II. „vigiliarum istarum, ut ex isto loco citharae pellerentur? Et ecce ipsæ iu in Ps. 32.n.5. „bentur sonare: *Confitemini Domino in cithara, in psalterio decem chor* „*darum psallite ei.* Nemo convertat cor ad organa theatrica. „Proinde (ut

p. 209.

„ observat BELLOTE) nequaquam instrumentorum musicorum vitio vertendum est, quod posterioribus tantum fæculis usâ sit Ecclesia musicis cantoribus, & musicalibus instrumentis: sed quod a gentilibus eiusmodi musica instrumenta in turpibus ac fordidis usibus, nimirum in theatris, con viviis, ac sacrificiis consueverint adhiberi.“ S. GREGORIUS Nazianz. orat. 33. Christianum modum celebrandi festa declarans, „Id autem (inquit) hac demum ratiōne consequemur, si nec domus limina fertis coronemus, nec choreas agitemus, nec oculum paſcamus, nec aurem cantu demul ceamus.“ Hæc etſi in Ecclesia non siebant, in gratiam tamen festivitatis agitabantur inter instrumentorum sonum tripudia: quæ passim incessit S. CHRYSOSTOMUS, & S. AUGUSTINUS sermonibus in *Kal. Ian.* & alibi. S. BA-

Hom. 14. in ebrio. n. 8. SILIUS: *Cantus, inquit, meretricios exerces, oblitus psalmorum & hymnorum, quos didicisti. Moves pedes & insanus saltos, choreas ducis illicitas, cum genua ad DEI & Domini nostri IESU Christi cultum fletere oporteat.* Adscribam hic locum ex homilia I. S. CHRYSOSTOMI de LAZARO, in qua, & proxime antecedenti in *Kalendas*, hoc maxime argumentum tractat, quod tunc ad anni auspicia in his delinqueretur etiam a Christianis, ut tamen alii abstracti ad divinum cultum in Ecclesia spiritualis symphonia ipsimet essent.

T. I. p. 708. „Ipsi (inquit) tibia citharaque suistis Spiritui Sancto: cumque cæteri choros ducerent diabolo, vos, eoquod hoc in loco versabamini, præbuistis vos ipfos organa vasaque spiritualia: exhibuitisque animas vestras ceu musica instrumenta, que Spiritus Sanctus pulsaret, & in corda vestra gratiam suam inspiraret. Unde modulatum concentum reddidistis non solum hominem demulcentem, verum etiam supernas virtutes delectantem.“ SANCTUS AUGUSTINUS vero *serm. II.* de *Kal.* christianum morem, celebrandi festivos cantus, a tripudiis profanis egregie distinguit: „Admonemus caritatem vestram fratres, quoniam vos quasi solemniter hodie convenisse conspicimus, & ad hunc diem solito frequentius congregatos, ut memineritis, quod modo cantatis, ne sit lingua perstrepens corde muto, sed quod sonuistis voce ad aures invicem vestras, clametis affectu ad aures DEI. Hoc enim cantabatis: „Salvanos Domine DEUS noster, congreganos de gentibus, ut confiteamur nomini sancto tuo. Et modo, si solemnitas gentium, quæ fit hodierno die in lætitia fæculi atque carnali, in strepitu vanissimarum & turpissimarum cantionum, in conviviis, & saltationibus turpibus, in celebratione ipsius falsæ festivitatis, si ea, quæ agunt gentes, non vos delectent, congregabimini ex gentibus.“ S. BASILIUS laudata mox homilia in ebriosos, in lascivas mulieres acriter invehitur, festum *Epiphaniae* Domini ita profanantes. „Servitutis CHRISTI excusso iugo, ve lamentis honestatis a capite reiectis, contemptu DEO, spretis ipsius Angelis, virilem omnem aspectum citra pudorem ferentes, comas agitantes,

Num. 1.

„ tra-

„ trahentes tunicas , ac pedibus simul ludentes , lascivienti oculo , effuso ri-
 „ su , ad saltandum quasi quodam furore concitæ , omniem iuvenum libidi-
 „ nem in seipsis provocantes , in Martyrum basilikis pro moenibus civitatis
 „ choros constituentes , loca sancta officinam obscenitatis suæ effecere . Can-
 „ tilenis meretriciis ut aerem conspurcarunt , ita terram tripudiis pulsatam
 „ pedibus immundis foedarunt &c.“ Quem locum iisdem fere verbis ex-
 pressit S. AMBROSIUS . Vide quæ mox ex S. AUGUSTINO afferemus de choris *S. Ambros.*
 saltantium in Martyrum festis . Unum addimus ex S. CHRYSOSTOMO . „ Tunc , *L. de Elia* §
 inquit , *natura debachatur* , qui adiunt ex hominibus brita fiunt , alii ut equi *ieim.* c. 18.
biuniunt ; alii ut asini calcitrant ; magna dissolutio , magna confusio : nihil *S. Chrysost. b.*
strenuum , nihil generosum . Multa istuc diaboli pompa , cymbala , tibiae , *42. in Act. Ap.*
cantica fornicationis & adulterii plena . Suetum enim fuerat , ut simul in-
 strumenta musica , & cantus cum saltibus coniungerentur . Exemplum legitur
 in vita S. RAEGUNDIS Reginæ . „ Quadam vice obumbrante iam noctis cre- *Sec. I. Act. o.*
 „ pusculo , inter choraulas & citharas dum circa monasterium a secularibus *S. B. p. 325.*
 „ multo fremitu cantaretur , & sancta duabus testibus perorasset diutius , di-
 „ cit quædam monacha sermone ioculari : Domina , recognovi unam de meis
 „ canticis a saltantibus prædicari . Cui respondit : grande est , si te delectat , con-
 „ iunctam religioni , audire odorem seculari . Adhuc foror pronuntiat : Vere , Do-
 „ mina , duas & tres hic modo meas canticas audivi , quas tenui . Sancta respon-
 „ dit : Teste Deo (testor Deum) me nihil audisse modo seculari de cantico . Un-
 „ de manifestum est , ut carne licet in facculo , mente tamen esset in cœlo .“
 Ita inter orandum in DEUM rapta erat , ut nihil perciperet auditu . Op-
 portune hic referimus , quod Raphael VOLATERRANUS , ubi de saltationibus *Lib. 35.*
 in commentar. Urbanis agit , atque inter alia ad celebratum S. AUGUSTINI
 locum provocat , egregie edicit , ad nostrorum potissimum temporum corri-
 gendam perversitatem saltandi . „ Omnino (inquit) totum hoc genus , ut
 „ libidinosum , pestilique exempli , non solum a Christianis , sed a gravitate
 „ Romana reiicitur . Scipionis enim ÆMILIANI verba quædam orationis ,
 „ quam contra legem iudicariam T. GRACHI habuit , & MACROBIUS huius-
 „ cemodi ponit . Docentur præstigias inhonestas cum cymbalis , fimbriis ,
 „ psalterioque ; euntes in ludum histrionum discunt cantare , quæ maiores
 „ nostri ingenuos probro ducere voluerunt , euntque in ludum saltatorium ,
 „ inter cinoedas virgines puerique ingenui versantur . CICERO item pro MU-
 „ RENA : Nemo sobrius saltat , nisi forte insaniat , neque in solitudine , neque
 „ in convivio moderato : intempestivi convivii , immoderati ioci comes est illa
 „ saltatio . PLUTARCHUS ait : Saltationem Coribantes Creteusum populos pri-
 „ mum invenisse , genus hominum insanum , atque maleficum . AUGUSTINUS
 „ quoque noster , Praestat (inquit) arare vel fodere die dominico , quam
 „ cho-

Serm. 8.

„choreas ducere. O mores! o tempora! quod officium psaltriarum, & immo pudicarum fuerat, canere videlicet ad lyram, ac psallere, nunc virginalis matronalisque pudor christianarum in laudibus dicit, magistrisque eius adhibent artis.“ At in flore christiano exesse iubebatur non solum in publicis ecclesiasticis conventibus, sed etiam privatis domibus: „Ubi (inquit S. GAUDENTIUS Brixiensis) lyra sonat & tibia, ubi omnia postremo genera musicorum inter cymbala saltantium concrepant. Infelices ille domus sunt, quæ nihil discrepant a theatris. Anferantur, quæso, universa ista de medio. Sit domus christiani, ac baptizati hominis immunis a choro diaboli.“ PRUDENTIUS in *Hamartigenia*:

Num propter lyricæ modulamina vana puellæ
Nervorumque sonos, & convivale calentis
Carmen nequitiæ, patulas DEUS addidit aures?

Idem tamen recte impendi in DEI laudem posse alibi agnoscit, quidquid *In Apothecarii* habetur resonans in musicis instrumentis:

Quidquid in ære cavo reboans tuba curva remugit,
Quidquid casta chelis, quidquid testudo resultat,
Organa disparibus calamis quod consona miscent;
Æmula pastorum, quod reddunt vocibus antra:
Christum concelebrat, Christum sonat, omnia Christum,
Muta etiam fidibus sanctis animata loquuntur.

Neque tamen hinc coniici potest, aliquem tunc in sacris fuisse instrumentorum usum. Est inter epistolas CASSIODORI quadragesima libri II. sub THEODORICI Regis nomine de *Citharædo*, quem Rex Francorum a THEODORICO postulavit; & licet talis facer usus non commemoretur (ait namque convivii sui fama pelleatum Regem Francorum, citharædum expetiisse. Et epist. sequenti ad ipsum CLODOVÆUM, qui ore manibusque consona voce cantando gloriam vestræ potestatis oblectet) alius tamen non illaudabilis innuitur. „Citharædum, quem a nobis diximus postulatum, sapientia vestra eligat præsenti tempore meliorem: facturus aliquid *Orphei*, cum dulci sono gentilium fera corda domuerit.“ Iste etiam possit esse in sacris effectus salutaris ad elevandum versus DEUM affectum. Recenset FORTUNATUS in elogio S. GERMANI varia instrumenta musica, ubi de pie ordinato *Parisii* agit ecclæstico cursu, quæ tamen omnia de disparibus hominum vocibus intelligi possunt.

Hinc

Hinc puer exiguis attemperat organa cannis:

Inde senex largam raptat ab ore tubam.

Cymbalicae voces calamis miscentur acutis,

Disparibusque tropis fistula dulce sonat.

Tympana rauca senum puerilis tibia mulcet,

Atque hominum reparant verba canora lyram a.

a

Nota demum notionem vocis *psallere* aliam fuisse olim usu ecclesiastico, quam profano apud classicos latinos auctores, qui id nominis distinguendo a cantu, instrumentis musicis peculiariter tribuebant b). Forte alio sensu apud *Sidonium APOLLINAREM* accipitur vox *psallere*, ubi clerici dicuntur *foenerari*, & *Syri* *psallere*. *Cum potius*, inquit le *MOYNE* in Var. fac. *Syri foenerare* T.II. p.474. *tur per mercaturam, & ludicrus artes suas, & clericorum esset cantare, & psallere.* Dicit vero *Syros* *psallere*, quia revera *Syri*, & *Syræ* mulieres ad tibias, & organa saltare etiam, & cantare solebant; unde collegia *Ambubuarum* saltantium, cantantium, & tibias inflantium. In Ecclesia autem perpetuus *psalmorum Davidicorum* usus nomen hoc frequentissimum fecit in omni oris officio pro divinis laudibus concinendis, antequam instruentorum usus ullus esset in Ecclesia, ac ipse etiam cantus qualiscunque de-
mum fuisse.

b

V. Cau-

- a) P. LYRON ex Congr. *S. Mauri* T. I. des singularités historiques & littéraires p. 142. P. MABILLONIUM refutat, quod scriperit, instrumenta fuisse adhibita in ecclesia *Parisenis* tempore S. GERMANI. Contra D. IOLY, Cantor & Canonicus ecclesie *Parisenis*, in tractatu historico scholarum episcopatum, & ecclesiasticarum P. III. c. 30. p. 551. ita de laudati FORTUNATI loco differit: „FORTUNAT fait voir dans ses vers *ad Clerum Parisensem* avec quelle pieté, nombre d'ecclésiastiques, instrumens de Musique se faisoit la psalmodie dans cette Eglise en présence de St. Germain, & de jour & de nuit.“ P. THOMASIN in tractatu de Officio divino, carminis istius subsequentibus verbis meminit: P. I. c. 25. §. 4. „FORTUNAT faisant la description de l'Eglise, & du Clergé de Notre Dame de Paris sous le Pontificat de St. Germain Evêque de Paris, n'a pas oublié les orgues, les flutes, les trompettes, & les autres Instrumens, qui accompagoient le chant des psaumes.“ *Ioannes etiam FILESAC*, Theologus

Parisenis, *Mélanges choisis* lib. II. Tr. sub titulo *Cantus Ecclesie* putat, musicam organicam in usu fuisse *Parisiis* sicc. VI. sub Episcopatu S. GERMANI. Qui forte primus hoc ita exposuit, potestque ex sententia P. LYRON, ut diximus, stilo poetico sumi de disparis etatis dissimilibus vocibus.

- b) „Pueri (inquit CICERO in CATILINAM II.) tam delicati non solum amare & amari, neque cantare & psallere, sed etiam sicas vibrare, & spargere venena didicerunt.“ Et SUETONIUS in TITO: „Ne musicæ quidem radix, ut qui cantaret, & psalleret iucunde, scienterque.“ GELLIUS vero id adhuc distinctius hunc in modum expressit lib. XIX. c. 11. „Desideravit exhiberi, quos habere eum sciebat, scitissimos utriusque sexus, qui canerent vocē, & qui psallerent.“ Addidit *voce canere* (quod canendi nomen etiam instrumentis communis esset) ut a psallendo per instrumenta distingueret: unde & psaltria eadem ac fidicina; fecus ac usū ecclesiastico, quo psaltes idem ac cantor habetur.

Quales can-
tus, & voces
veteres pro-
barint.

V. Cautione opus tum fuerat summa, ne labes aliqua ex pravis genti-
lium consuetudinibus sacra sua celebrandi, Christianorum festis diebus, quos
alias in lætitia transfigere ratio postulabat, illaberetur. Quam in rem grave-
l. V. c. 9. est monitum auctoris *Constitut. apostol.* „Siquidem (ait) neque in dominicis

„diebus, qui sunt dies lætitiarum, permittimus vobis quicquam inhonestum
„aut loqui, aut agere; ait enim quodam in loco scriptura: *Servite Domi-*
„*no in timore, & exultate ei cum tremore.* Oportet igitur, ut exultatio-
nes vestræ cum metu, & tremore conjunctæ sint: Christianus enim, idem-
que fidelis, neque ethniam cantilenam, neque meretricium canticum
eloqui debet; alioqui continget ei, ut in cantilena diabolica nomina ido-
lorum memoret, & pro Spiritu Sancto in eum subeat dæmon.“ Universum
sibi cavendum ab omni harmonia, ac cantu molli, & effeminato exi-

L. II. *Pædag.* stimavit christiana vetustas. „Sunt enim (inquit CLEMENS Alexandrinus) ad-

„mittendæ modestæ & pudicæ harmoniæ: contra a forti & nervosa nostra
cognitione vere molles & enervæ harmoniæ amandandæ quam longissime,
quæ improbo flexuum vocis artificio ad delicatam & ignavam vitæ agendæ
rationem deducunt. Graves autem, & quæ ad temperantiam pertinent
modulationes, ebrietati, ac proterviæ nuncium remittunt. Chromaticæ
igitur harmoniæ, impudenti in vino proterviæ, floribusque redimitæ, &
meretriciæ musicæ sunt relinquendæ.“ Loquitur de musica domi etiam in

T. III. *Bibl.* conviviis adhibita, idemque libro sexto *Stromatum* repetit: „Est autem su-

PP. p. 183. „pervacanea responda, quæ frangit animos, & varie afficit, ut quæ sit ali-
B. „quando quidem lugubris, aliquando vero impudica & incitans ad libidi-
„nem, aliquando autem lymphata & insana.“ Respicit ad varia antiquorum
musica genera, ac modos *diatonicum*, *chromaticum*, *enharmonicum*, de
quibus nulla unquam in antiquioribus hac prima ætate auctoribus nostris fit
mentio, quando de ecclesiastica musica, vel cantu agitur; et si quasvis etiam
incompositas voces, & clamores in Ecclesia, præsertim inter tremenda myste-
ria non ferendas probe norant, & studiose vitabant. „Quando in unum

De orat. De-
min. „(ait S. CYPRIANUS) cum fratribus convenimus, & sacrificia divina cum DEI
„Sacerdote celebramus, verecundiæ & disciplinæ memores esse debemus:
„non passim ventilare preces nostras inconditis vocibus, nec petitionem
„modeste commendandam DEO, tumultuosa loquacitate iactare: quia DEUS
„non vocis, sed cordis auditor est, nec admonendus est clamoribus, sed
„cogitationes hominum videt.“ Hoc Laconice S. BENEDICTUS in sua regula

Cap. XX. „expressit: *Non in multiloquio*, inquit, *sed in puritate cordis, & com-*
Cap. LIII. *punctione lacrymarum nos exaudiri sciamus.* Et alibi: *Si alter vult sibi for-*
te secretius orare, simpliciter intret & oret, non in clamosa voce, sed in
lacrymis, & intentione cordis. Abbas PAMBO cantus modulationem, ac in-

tensum

tensem clamorem officere compunctioni cordis vult, atque idcirco monachis interdictum, ut ex iis, quæ p. 207. recitavimus, verbis constat. Imprimis S. CHRYSOSTOMUS multus est in hoc carpendo vitio, quod non potuit non esse frequens, quando promiscua turba populi voces suas cantui iunxit, ut hæc haud dubie præcipua causa fuerit, cur, saltem ubi id numerosior Clerus, cantorum ac musicorum chorus ferebat, populus exclusus sit a psallendo, & cantu, etiam in sacrificio, ubi alias maxime communia omnium sunt vota, sed eo maiori opus est reverentia, & religione, quo est sanctius opus a). Alium paulo post eiusdem S. Doctoris afferemus locum ex Hom. I. in illud: *Vidi Dominum*, contra eos, qui incompositas voces emittunt, nihiloque melius se gerunt, quam lymphati toto corpore tumultuantes, ac circumacti, mimorum, saltatorumque more indecenter manus iactando, pedibusque subfultando: quæ primum audivimus S. PAMBONEM graviter incessisse, & paulo ante ex THEODORETO intelleximus, S. ATHANASIUM in *Meletianis* damnasse, cum plausu manuum, & saltatione quadam hymnos concinibus. De turpi in festis saltatione paulo ante gravissimas SS. Patrum attulimus sententias. Extat contra eam rem CHILDEBERTI Regis constitutio, circa med. fæc. VI. „Noctes pervigiles cum ebrietate, scurilitate, vel canticis, etiam in ipsis sacris diebus Pascha, Natale Domini, & reliquis festivitatibus, vel adveniente die dominica dansatrices per villas ambulare.“ S. AUGUSTINUS sermone in natali S. CYPRIANI M. idem incessit vitium, per totam noctem eam solemnem saltantium, sed ut tamen emendatum sit: „Num quidnam (inquit) in hoc loco, et si psalmus cantandum est, ab aliquo saltandum est? Aliquando ante annos non valde multos“ 5. „etiam istum locum invaserat petulantia saltatorum. Iustum tam sanctum locum, ubi iacet tam sancti Martyris corpus, sicut meminerunt multi qui

„habent

- a) „Non cogitas (inquit hom. I. in illud: *Vidi Dominum*, n. 2.) angelos huic stupenda afflire mente, cumque reverentia hanc circumvallare? Verum tu ista non cogitas, quoniam ea quæ in theatris audiuntur, quæque spectantur, mentem tuam obscurarunt: & ideo quæ illie geruntur, in Ecclesiæ ritus inducis; ideo clamoribus nihil certe significantibus animum incompositum evulgas. Quomodo ergo veniam postulabis tuorum delictorum? Quomodo ad misericordiam Dominum inflesces, qui usque adeo contentum offeras preceptionem? *Miserere mei Deus*, inquis, ac mores a misericordia alienos declaras. Clamas serva me, & corporis speciem a salute alienam exprimis: quid ad supplicandum conferunt manus, quæ semper in sublime iactantur, & indecora circummaguntur?

a

T. IV. Conc.
Labb. p. 811.
S. 1852.

Serm. 311.

Quid clamor vehemens, qui cum violento spiritu impulsu strepitum habet nihil certi declarantem? Annon ita quidem partim mulierum in triviis meretriciam artem exercentium, partim vero eorum, qui in theatris vociferantur, sunt opera? Quomodo igitur aedes angelorum DEUM glorificantum hymnis demonum admisere ludicra? Quomodo autem non reverentis hanc voem, quam illuc profers *Servite Dominum in timore, & exultate ei cum tremore*. Hocce est eum tremore servire, sic diffundi distendique, ut nec ipse seins, quæ loquaris incomposito vocis boatu? Istud vero contemtus est, non timoris, arrogantiæ, non humiliatis; istud ludentium est potius, quam divinas laudes celebrantium.“

E e 2

„ habent ætatem ; locum , inquam , tam sanctum invaserat pestilentia & pe-
„ tulantia saltatorum. Per totam noctem cantabantur hic nefaria , & a can-
„ tantibus saltabatur.“ Non hoc utique in ipsis sacris agebatur , sed festi
sacri occasione , & veluti religionis prætextu. Unde proxime ante hæc
verba id carpit , quod pronum est ex sacris etiam cantibus oriri malum , ut

S. Aug. Serm. *311. n. 4.* „ iis fideles nimium oblectentur. „ Quanto (inquit) magis delectat , tanto

„ fortius strangulat. Hæc dico : & laudatis , & clamatis , & amatiss. Respon-
„ det tibi , non ego , sed sapientia: mores volo , non voces. Sapientiam
„ lauda vivendo , non sonando , sed consonando.“ Pene malum istud ob-
lectionis eum permoverat , ut omnem Ecclesiæ cantum putaret abolen-

L.X. Confess. „ Ita (inquit) fluctuo inter periculum voluptatis , & experimentum

„ 33. „ salubritatis; magisque adducor , non quidem irretraçabilem sententiam
„ proferens , cantandi consuetudinem approbari in Ecclesia ; ut per oblecta-
„ tionem aurum infirmior animus in affectum pietatis assurgat. Tamen cum
„ mihi accidit , ut me amplius cantus , quam res , quæ canitur , moveat , pœ-
„ naliter me peccare confiteor , & tunc mallem non audire cantantem.“
Nimirum malum hoc facilis audientes occupat , quam cantantes ; cantori-
bus vero imprimis cavenda est vanitas hæc , & perversio recti in cantu ec-
clesiastico finis , dum venantur lñdibria vanæ gloriolæ. „ Insuper (in-
quid auctor sub nomine RUFINI , in illud psalmi XLVI. *Pſallite sapienter*
commentans) „ pſallunt , qui laudem humanam ex cantu querunt , more fa-
„ tuarum virginum.“ Locum vero D. PAULI ad *Ephes. V.* versans : *Audiant*
hæc , inquit S. HIERONYMUS , *adolescentuli* , *audiant hi* , *quibus pſallendi in*
ecclesia officium est , *DEO non voce* , *sed corde cantandum* : *nec in tragœdo-
rum modum guttur* , *& fances dulci medicamine colliniendas* , *ut in ecclesia*
theatrales modi audiantur , *& cantica* ; *sed in timore* , *in opere* , *in scientia*
scripturarum. *Quamvis sit aliquis* , *ut illi solent appellare* , *κανόφωνος* ,
si bona opera habuerit , *dulcis apud DEUM cantor est*. Rem eandem carpit

De bono pſal. NICETIUS , & simul corrigendi modum ostendit : „ Sonus etiam (inquit)

„ 3. „ vel melodia consentiens sanctæ religioni pſallatur , non quæ tragicas dif-
„ ficultates exclamat , sed quæ in vocibus veram christianitatem demonſtret ;
„ non quæ aliquid theatrale redoleat , sed compunctionem peccatorum fa-
„ ciat. Sed & vox omnium vestrum non diffona debet esse , sed consona.
„ Non unus insipienter protrahat , aut unus humiliet , alter vocem extol-
„ lat ; sed innitatur humiliter unusquisque vocem suam intra sonum chori
„ concinantis includere , non extrinsecus extollentes , aut protrahentes qua-
„ si ad stultam ostentationem indecenter efferre , neque hominibus placen-
„ di studio celebrare debemus.“ Eadem fere in regula PAULI & STEPHANI
apud

apud HOLSTENIUM cavitur. Iterum vero audiēndus est S. NICETIUS eo-
dem libro de *Psalmodie bono* c. 3. ita effatus inter alia: „Et nos utique o-
„mnes quasi ex uno ore eundem psalmorum sonum, eandemque vocis mo-
„dulationem æqualiter proferamus. Qui autem æquare se non potest cæ-
„teris, melius est ei tacere, aut lenta voce psallere, quam clamosa voce o-
„mnibus perstrepere. Sic enim & ministerii implebit officium, & humili-
„ter psallenti fraternitati non facit offendiculum. Si ergo & nostra omnium
„vox fuerit inoffensa vel consona labiorum cymbalis bene sonantibus, & nos
„delectabit, & audientes ædificabit, & DEO nostro suavis erit tota lauda-
„tio.“ Gravis habetur canon *Trullanus*, qui omnia complectitur in cantu *cant. 75.*
ecclesiastico vitanda: *Eos, qui in ecclesiis ad psallendum accedunt, volumus,*
nec inordinatis vociferationibus uti, & naturam ad clamorem urgere: nec
aliquid eorum, quæ ecclesiæ conveniunt, & apta non sunt, adsciscere: sed
cum magna attentione & compunctione psalmias DEO, qui est occultorum in-
spector, offerre. Pios enim & sanctos fore filios ISRAEL sacrum docuit oraculum,
Quos hic notet canon, ZONARAS explicat, commentans in hunc canonem:
„Quales sunt infraicti illi modorum soni, argutæque cantillationes, atque ad sce-
„nicos, meretriciosque ritus nimis evirata modulatio, quibus præcipue hoc
„tempore in templis canentium cura impenditur.“ Atque hoc est, quod
semper magis magisque ingravatum est malum, universimque iam suo tem-
pore de musica BOETIUS est conquestus: *Amisit musica gravitatem & vir-* L. I. c. 1.
tutis modum, ac pene in turpitudinem prolapsa minimum antiquam speciem
servat. Sapientes quique agnoverunt, quantum musica in vitam, animos, ac
mores hominum valeat; quantum adeo curandum, ut vel maxime in sacris
rite servetur: *Affentior enim PLATONI, ait CICERO, nihil tam facile in a-* L. II. de legi-
nimos teneros atque molles influere, quam varios canendi sonos: quorum di- bus.
ci vix potest, quanta sit vis in utramque partem.

VI. Hoc tanto magis studiose est attendendum ab homine christiano. Qualisque
Est ergo, ait CLEMENS Alexandrinus, attingenda musica ad mores ornando, spectatus fi-
& componendo. Vetus ille locum hic meretur apogaus, quem GREGORIUS L. IV. stroin.
Nazianzenus laudat: *Cigni, inquit, olim ac hirundines aiebant, si non mul-* Ep. I.
tum, nec apud multos canimus, at illud certe in nobis pulcherrimum est,
quod modum in canendo tenemus. Ita fit, ut musica ac cantus suum, ad
quem est institutus, sortiatur finem, a quo nuspam minus, quam in Eccle-
sia deviare, vel ipsa flagitat religio, ob quem a DEO hæc nobis in suo ser-
vitio permittitur delectatio. „Etenim (inquit S. BASILIUS) ubi Spiritus San- In Ps. I. n. 1.
ctus genus hominum perspexit, ad excolendam virtutem adduci vix pos-
se, & a nobis ob nostram in voluptatem propensionem viam rectam con-

„ temni , quid agit ? Dogmatis immiscuit harmoniæ dulcedinem , ut rerum „ auditarum iucunditate ac dulcedine eloquiorum utilitatem nescientes per- „ ciperemus : haud aliter atque sapientes medici , qui nauseantibus potionem „ amariorem daturi , sæpius calicem melle circumliniunt .“ Hac ergo sua-
vitate utendum est , ut virtutis in nobis ardor incendatur , affectus in DÉUM inflammetur , non suffocetur ; reverentia divini officii attendenda est , idque agendum , quod agitur , ut commode S. CHRYSOSTOMUS monet , hortatur- que fideles , ut in publico psalmorum cantu non boatu aliquo perstrepant , sed moderarentur , componerentque vocem a). Iure merito S. AMBROSIUS in libro primo de Officiis pertractans , quæ potissimum sacræ militiæ , DEI- que servitio addictos spectant , primam hic verecundia disciplinam expostulat , quæ habitum decentem , ac vocis modum requirit , muneri , & actioni convenientem , ad rite placandum , adorandumque Numen. Denique , in-
quit , *in ipso canendi genere prima disciplina verecundia est , imo etiam in omni usu loquendi , ut sensim quis aut psallere , aut canere , aut postremo loqui incipiat , ut verecunda principia commendent processum.* Istud usque ad invidiam adversariorum schismaticorum , *Donatistarum* nimirum , obser-
vabat tempore S. AUGUSTINI florentissima tunc *Africana* ecclesia : „ Ita (in-

Epi. 55. n. 34. „ quit S. AUGUSTINUS) ut *Donatistæ* nos reprehendant , quod sobrie psalli- „ mus in ecclesia divina cantica Prophetarum : cum ipsi ebrietates suas ad „ canticum psalmorum humano ingenio compositorum , quasi ad tubas ex- „ hortationis inflammat .“ Notat tamen etiam defectum quemdam in alte-
ra extrema parte : „ De hac re (inquit) tam utili ad movendum pie animum , „ & accendendum divinæ dilectionis affectum , varia consuetudo est : & ple- „ raque in *Africa* ecclesiæ membra pigriora sunt .“ Expertus fuerat ad fi-
nem vitæ adhuc gravius aliquid ex irruptione *Vandalorum* in *Africam* , quod teste POSSIDIO in eius vita , eum vehementer afflxit . „ Cernebat etiam (in-

Cap. 28. „ quit) hymnos DEI & laudes de ecclesiis deperiisse .“ Ipse vero sæpe con-
testatur , quam commendatum habuerit , quantumve moveri se contigerit .
Ibid.

L. X. Confess. „ Non cantu (inquit) , sed rebus quæ cantantur , cum liquida voce & con- „ venientissima modulatione cantantur , magnam instituti huius utilitatem rur- „ fus

a) „ Quid autem est (ait hom. I. in illud : *Vidi Domum*) quod queritur , quodque a nobis re- poscitur ? ut dum divinos hymnos emittimus , multo tremore contracti , multaque religione ornati , ita demum eos offeramus . Nam fuit quidam inter eos , qui hie adfunt , quos ne ve- stre quidem caritati arbitror esse ignotos , qui contempnentes DÉUM , ac Spiritus loquia pro vulgaribus ac profanis ducentes , incompositas vo-
ces emittunt , nihiloque melius se gerunt , quam

lymphati toto corpore tumultuantes ac circum- acti , moresque præferentes a spirituali statio- ne alienos . Miser & infelix ! oportebat te cum tremore ac reverentia angelicam glorificationem emittere , cumque terrore corporis redire conditori , ac per hanc delictorum veniam postulare : tu vero mimorum & saltatorum mo- res huc inducis , dum indecenter manus iactas , pedibus subsultas , totoque circumageris cor- pore .“

„suis agnosco a). Aliquando ei negotium fuit cum monachis, qui toti fere huic pio alioquin & sancto psallendi operi dare operam volebant. „Quid enim agant (inquit de opere monachorum) qui operari corporaliter non lunt, cui rei videntur, scire desidero. Orationibus, inquiunt, & psalmis, & lectioni, & verbo DEI. Sancta plane vita, & CHRISTI suavitate laudabilis: sed si ab his avocandi non sumus, nec manducandum est, nec ipsae escæ quotidie præparandæ, ut possint apponi & assumi. Si autem ad ista vacare servos DEI certis intervallis temporum ipsius infirmitatis necessitas cogit, cur non & apostolicis præceptis observandis aliquas partes temporum deputamus? Citius enim exauditur una obedientis oratio, quam decem millia contemtoris. Cantica vero divina cantare etiam manibus operantes facile possunt, & ipsum laborem tanquam divino celeumate consolari.“

VII. Cantum, ac musicam ecclesiasticam recte ordinasse, laudi semper fuit datum, ac pietati adscriptum. S. AMBROSIUS, cum id sibi criminis daretur ab *Arianis*, neutquam id a se amolitur, quod hymnis suis populum SS. Trinitatis docuerit fidem. Qui, cum esset nihil minus, quam delicatus, & remissioni favens, hoc tamen delectationis genus libenter fidelibus indulxit, & ordinavit. Idem de S. BASILIO dicendum. Hostes suos provocat viriliter, præter alia quædam religionis, & pietatis studia magnis vociferationibus melodiæ modum, a consuetudine alienum, quam apud se invaluisse dicebant, cavillantes. *Qui, inquit, etiam si omnia mensum, quibus folia cadunt, somnia & visa capitibus suis colligant, nullum nobis probrum poterunt inurere, cum philes sint in unaquaque ecclesia, qui testimonium dent veritati. Quod si causam rogentur implacabilis illius, & inexpabilis belli, psalmos dicunt, & melodiæ modum a consuetudine, quæ apud nos invaluit, diversum.* S. ATHANASIUS cantum quidem ac musicam imprimis moderare studuit, neutquam vero abolere, quod non nemo, nescio qua fronte, sibi colligere visus est ex libro decimo Confessionum S. AUGUSTINI: qui ipse fatetur, se nonnunquam fallaciæ sensuum, delectatione musicae ultra rationem facile abeuntium, immoder-

¶) Et paulo ante L.X. Confess. n.49. „Nunc in sonis quos animant eloquia tua, cum suavi & artificiose voce eantantur, fateor aliquantulum adquiesco, non quidem ut haerream, sed ut surgam eum volo. Attamen eum ipsis sententiis quibus vivunt, ut admittantur ad me querunt in corde meo nonnullius dignitatis locum, & vix eis præbeo congruentem. Aliquando enim plus mihi videor honoris eis tribuere, quam decent, dum ipsis Sanctis dictis religiosius & ardentius sentio moveri animos nostros in flammam pietatis,

a

Ab illis, qui cantum ecclesiasticum promoverunt.

cum ita cantantur, quam si non ita eantarentur; & omnes affectus spiritus nostri pro sui diversitate habere proprios modos in voce atque eantu, quorum nescio qua oœulta familiaritate excitentur. Sed delectatio earnis meæ, cui mentem enervandam non oportet dari, siæpe me fallit, dum rationem sensus non ita comitatur ut patienter sit posterior; sed tantum quia propter illam meruit admitti, etiam præcurrere ac dueere conatur. Ita in his pecco non sentiens, sed postea sentio.“

immoderatius caventem, errare nimia severitate. „Aliquando autem (in-
 L.X. Confes. » quit) hanc ipsam fallaciam immoderatius cavens erro nimia severitate :
 n. 50. „ sed valde interdum , ut melos omne cantilenarum suavium, quibus Davi-
 „ dicum psalterium frequentatur , ab auribus meis removeri velim , atque
 „ ipsius ecclesiae ; tutiusque mihi videtur, quod de *Alexandrino* Episcopo A-
 „ THANASIO saepe mihi dictum commemini, qui tam modico flexu vocis fa-
 „ ciebat sonare lectorem psalmi , ut pronuncianti vicinior esset , quam ca-
 „ nenti.“ An S. AUGUSTINUS aliquam moderationem attulerit, quandoqui-
 dem *Donatistæ* causam reprehendendi *Africanos* sumserint, non constat. Po-
 tius ipse S. AUGUSTINUS ingenio *Africanorum* pigriori id tribuit. Atque
 ex eodem colligere alibi licet , plus minusve sibi in hac re induluisse varias
 variarum gentium ecclesiæ. Videturque S. AMBROSIUS , et si a S. AUGUSTI-
 NO ab orientali ecclesia morem mutuasse dicatur , amplius aliquid, quam S.
 ATHANASIUS , quoad vocum concentum, in ecclesiam *Mediolanensem* indu-
 xisse , aliarum forte ecclesiæ orientalium , haud dubie *Antiochenæ* , quæ
 ad Orientem proprie dictum pertinet, fecutus exempla. Nescio autem, qui-
 Ad an. 60. bus ex monumentis antiquis collegerit BARONIUS , *Romanam Ecclesiam me-
 n. 32. diam* fecutam viam, nec simplicitatem *Alexandrinam* , nec orientalis eccle-
 siæ suaviori concentu compositos numeros in omnibus amplexatam, sic tem-
 perasse utrumque, ut miram quandam cum suavitate adiunixerit gravitatem.
 Nisi forte hoc coniiciat ex posteriorum temporum cantu utriusque eccle-
 siæ , studioque in hac re variorum summorum Pontificum , GELASII impri-
 mis, & post eum S. GREGORII , aut quos alias non parvo numero laudat
 De reb. eccl. WALAFRIDUS , „ quod (ait) plenarius officiorum ordo , qui nunc per
 c. 25. „ *Romanum* orbem fervatur , post antiquitatem multis annis evolutam insti-
 „ tutus , & ad omnem eminentiam sanctæ religionis est dilatatus. Cre-
 „ scente enim fidelium numero , & hæresum pestilentia multiplicius pacem
 „ maculante catholicam, neceſſe erat augeri cultum veræ obſervationis: ut
 „ & clarior religio accendentium ad fidem animos invitaret , & auctior cul-
 „ tus veritatis constantiam Catholicorum adversus inimicos ostenderet. In
 „ tantum denique vel cantilenæ , vel psalmodiæ memoriter exercende
 „ usus erat rarus apud priores , ut de novissimis pœne *Romanorum* Præfuli-
 „ bus , & qui nec ducentis annis nostra tempora præcesserunt , quasi memo-
 „ rabile quiddam & singulare scribatur, si qui in rebus prædictis eminentio-
 „ nes cæteris viderentur.“ Dicit hoc , quod antiquis temporibus cantandi
 ars , ac modi , non uti deinceps , regulis ac notis musicis perfecti fuerint,
 vixque aliquo cantus discrimine confiterint ex ipsius sententia : „Solebant
 „ enim psalmos, æque ut cæteras scripturas, partim etiam legitando, suis of-
 „ ficiis inferere.“ Optandum esset , ut hæc monumentis idoneis afferuisset,
 pate-

patesceret inde, morem S. ATHANASII in ecclesia *Romana* diu substitisse: cum nunc de plerisque principalioribus ecclesiis, *Alexandrina* in *Egypto*, *Antiochena* in *Syria*, *Cesareenfi* in *Cappadocia*, *Cpolitana* in *Epiro*, *Africanis Carthagine*, *Hippone*, & viciniori etiam *Romæ Mediolanensi* in *Italia* plus nobis quoad cantus antiqui rationem constet, quam de principe ecclesia *Romana*.

VIII. Ex primariis autem ecclesiis in suburbicarias, suffraganeasque propagatum esse canendi modum, hasque illis sese conformasse in hoc, sicut in aliis disciplinæ ecclesiasticæ capitibus, eo minus dubium est, quo magis suapte allicit suavitas musicæ, & cantus, atque insignes illius effectus passim deprædicarunt scriptores veteres, tum ex ipsius cantus modulatione, adeo profunde in animum illabente, affectusque ciente; tum etiam ex psalmorum, hymnorum, canticorumque spiritualium, præsertim divinitus in scripturis inspiratorum natura & virtute mirabili, ad perinovandas, eliquandasque mentes; quibus si melodia ipsa accedit, simulque rite concurrat, non potest non insignis fructus & utilitas in fidelium cordibus sperari: ut, quemadmodum corpore constamus & mente, ad interiores animæ recessus melius penetret, quod per sensus adeo suaviter defert cantus modulatio.

„ Ex „ citat enim animam (inquit vetustissimus auctor quæstionum & responsionum

„ ad Orthodoxos) ad fervens desiderium illius, quod in canticis celebratur: *Quæst. 107.*

„ sedat exsurgentex carne vitiosos appetitus: malas cogitationes repellit, *Opp. S. Iustini*

„ quæ nobis iniiciuntur ab invisibilibus hostibus: irrigat animam, ut ferax *p. 486.*

„ sit bonorum divinorum; fortes ac generosos ad constantiam in rebus ad-

„ versis efficit athletas pietatis: omnium vitæ molestiarum medicina fit piis

„ hominibus. Vocat hoc PAULUS *gladium spiritus*, quo adversus invisibiles

„ hostes armat milites pietatis. Verbum enim DEI est, quod & cogitatum,

„ & cantatum, & auditum vim habet pellendorum dæmonum, & quæ ad a-

„ nimam in virtutibus pietatis propriis perficiendam conducunt, ex canticis

„ ecclesiasticis pii consequuntur.“ Ita mentem affici ad pietatem, etiam per

fonum musicæ, ac cantus, nec illi etiam, qui ex veteribus visi sunt apa-

thiam quandam probare in perfecto Christiano, omnibus rerum mundana-

rum, ac sensuum delectationibus nuntium remittente, inficiati sunt, aut can-

tum damnarunt, quin contra commendarunt. Veluti celebris ille EVA-

GRIUS *Ponticus*, qui etiam ultra modum apathiam illam affectasse visus est,

delectationem illam, quæ ex psalmis, hymnis, & canticis spiritualibus per-

cipitur, tantum abest, ut vitio verterit a), ut potius ad virtutem perficien-

dam, pravaque desideria suffocanda idoneam cumprimis iudicarit. Atque in

hoc discrimen posuit mundanæ facræque musicæ, quod, cum illa pravos,

MART. GERBERT. DE MUSICA ECCL. L. I. Ff hæc

a) Vid. T. III. Monument. COTEL. p. 81. 82.

Probarunt-
que ob insi-
gnes eius ef-
fectus.

a

hæc pios excitet affectus , pravosque sedet. Sic pariter S. BASILIUS : *Eft autem , inquit , divina & musica harmonia , non quæ verba quædam complectitur , aures demulcentia , sed coercentia , & mitigantia malignos spiritus , qui obnoxias iniuriis animas infestant.* Quæ idem eandem in sententiam habet in psalmum primum , seu potius præfatione in psalmos , optime in sua versione RUFINUS expressit de psalmorum virtute , quatenus hac constant modulatione . „ Veteribus namque animarum vulneribus novit mederi , sed & recentibus velocissimum scit adhibere remedium , atque intactis perseverantiam salutis adhibere ; sed & universis pariter passionibus subvenire , quæ dominationibus variis humanas animas agunt. Et hoc sub modulatione quadam , & delectabili canore humanum animum ad pudicitiam provocante . „ Quoniam quidem Spiritus Sanctus videns obluctantem , & resistentem a virtutis via humani generis animum , & ad delectationes vitæ magis declinari , quam ad virtutis rectum iter erigi , delectabilibus modulis cantilenæ vim suæ doctrinæ permiscuit , ut dum suavitate carminis mulcetur auditus , divini sermonis pariter utilitas inseratur.“ Eadem iisdem propemodum verbis sanctus CHRYSOSTOMUS in psalmum XLI. expressit , ut S. BASILIUM præ oculis habuisse videatur. Ex naturæ nostræ propensione ad delectationem ex cantus suavitate , licet hanc voluptatem ex facris cantionibus hauriendam statuit : variis etiam usus ex communi vita allatis exemplis infantum , viatorum , agricolarum , nautarum a) . S. AMBROSIUS ab ovo rem repetens , argumen-

a

a) „ Cum (inquit T. V. p. 131.) DEUS vidisset multos homines esse fōcordiores , nec ad legendā spiritualia libenter accedere , nee qui in eo capitur laborem tolerare , volens gratiorem laborem efficere , einsque sensum præscindere , admisit prophetiæ melodiam , ut omnes eantie modulatione delectati , eum magna animi alacritate saeros ei hymnos emitant . Nihil enim animam æque erigit , alatamque quodammodo efficit , atque a terra liberat , & exfolvit a vinculis corporis , amoreque sapientia afficit , & ut res omnes ad hanc vitam pertinentes irrideat , perficit , ut cantus modulationis , & divinum canticum numero compositum . Nostra eerte natura usque adeo delectatur eantieis & earminibus , ut vel infantes ab umeribus pendentes , si fleant & afflentur , ea ratione sopiantur . Nutries eerte , que eos gestant in ulnis , sœpe abundantes & redentes , & quædam puerilia eis carnina debeatantes , superedita eorum ita sopiantur . Quocirea sœpe quoque viatores meridie agentes iugalia animalia , hoc faciunt canentes , itineris molestiam illis canticos consolantes . Nec solum

viatores , sed etiam agricultoræ uvas in torculari caleantes , vindemiantes , & vites colentes , & quocunque aliud opus facientes , sœpe cantant . Nautæ quoque remos impellentes hoc faciunt . Iam vero mulieres quoque texentes , & confusa stamina radio dispergentes , sœpe quidem , & per se singulæ , sœpe etiam omnes concorditer unam quædam melodiam concinnant . Hoe autem faciunt mulieres , viatores , agricultoræ & nautæ , qui ex opere faciendo suscipiunt , laborem cantu consolari volentes , utpote cum anima , si earmen & eanticum audierit , molesta & difficultia fit facilis toleratura . Quoniam ergo hoc genus delectationis est nostræ animæ valde innatum , ne dæmones lasciva & meretricia cantica introducentes omnia everterent , psalmos DEUS opposuit , ut ex ea re simili caperetur voluntas & utilitas . Ex externis enim eantieis dampnum , & exitium , & multa gravia invehuntur ; nam , cum quæ sunt in his cantieis lasciviora & iniquiora partibus anima infederint , eam imbecilliores reddint & molliores : ex psalmis autem spiritualibus lucri quidem pluri-

mento in lib. psalmorum finem, & institutum canendi, præsertim in divina psalmodia prosequitur a). S. CHRYSOSTOMUS hom. in illud: *Diligentibus Deum omnia cooperantur in bonum.* Exemplo S. PAULI & SILÆ in carcere media nocte hymnos canentium miram, ac singularem facrorum hymnorum deprædicat vim b). PETRUS *Chrysologus* in Psalmos, CHRYSOSTOMUM imitatus, *Serm. X. in Ps. 38.* cum eadem pene ex communi vita attulisset exempla, quæ paulo ante memora-
vimus, demum DAVIDEM ipsum pulchre inducit: *DAVID, qui dum fistula pecus carum*

Domino cecinit triumphale. MARIA quoque tympanum sumens, cæteras hortabatur, dicens: *Canticus Domino: gloriose enim honorificatus est: equum & ascensem proiecit in mare.* Ipse etiam MOYSES cum legem Domini legisset, quo eius memoriam pectoribus affigeret audientium, per canticum locutus est, dicens: *Audi cœlum, & loquar: Expectetur sicut pluvia eloquium meum: & descendant sicut ros verba mea, sicut imber super grumen, sicut nix super fenum.* Delectatur igitur canticum DEUS non solum laudari, sed etiam reconciliari. Inde & MOYSES tunc maxime cantico usus est, quando cœlum testificebatur & terram, ut salutem suam cœlestis fono gratiae concinenter avidius mundus audit, & facere suavitatem dulcedinis in æternum legis observantium mentibus inoleret humanis. Denique legis tubula priusquam cantico firmarentur, per indignationem Moysi fractæ & communite sunt. Ubi vero tali signaculo consecratae sunt, humana locum ira non habuit, quia sanctificatio eam facere suavitatis exclusit.“

b) „Vide namque (ait T. III. p. 153. 154.) celestem & efficacem hymnorum vim, & quo pacto cum in carcere versarentur, & alligati ligno essent, atque impostoribus & captivis admixti, non modo nihil passi sunt detimenti, sed & hac ratione splendidiores evaserint, & omnes, qui carcere incolebant, virtutis sua radis collustrarint. Quippe illa facrorum vox hymnorum cum in anamam uniuscuiusque captivorum penetrasset, transmutavit illam propemodum, ac reformavit: *Subito enim, inquit, terræ motus factus est magnum, ita ut moverentur fundamenta carceris, & statim aperta sunt omnia offia, & universorum vinculi soluta sunt.* Vides hymnorum, qui DEO canuntur, virtutem? Non ilimodo, qui obtulerunt hymnos, foliatum perciperunt, sed etiam effecerunt, ut omnium vincula solverentur: ut factis ipsis innotesceret, quo pacto DEUM diligentibus omnia cooperentur in bonum.“

carum mulcet & oblectat in pascuis, cantu dura didicit superare bellorum: cantu meruit ducentare populos ad salutem, cantu valuit vocare gentes, reducere Iudeos, fugare dæmones, DEI filios ad superni Patris obsequium convocare: sicut bene invitans cernit melodia.

S. AUGUSTINUS luculentus est nobis de se ipso testis, quantum adhuc catechumenus rudis in amore germano tuo, sic DEUM alloquitur, caperetur cum vel legeret in villa cum catechumeno

ALYPIO feriatus psalmos DAVID, cantica fidelia, & sonos pietatis, excludentes turgidum spiritum. Quantum deinde baptizatus fleverit in hymnis & canticis tuis, iterum affatur DEUM, suave sonantis Ecclesiæ vocibus commotus acriter: voces illæ influebant auribus meis, & eliquabatur veritas in cor meum, & exstremabat in te affectus pietatis, & currebant lacryme, & bene mibi erat cum eis. Idque initio mox conversionis suæ senserat, ita subito commutatus, & delinitus, ut alibi reminiscitur: Verum-

L. X. n. 50. tamen, inquit, cum reminiscor lacrymas meas, quas fudi ad cantus Ecclesiæ tuæ in primordiis recuperatae fidei meæ. Agnoscit omnes affectus spiritus nostri pro sui diversitate habere proprios modos in voce, atque cantu,

Ib. n. 49. L. IX. c. 6.7. quorum nescio qua occulta familiaritate excitentur. Prodit etiam, non parum, ad maturandam conversionem, piis ex psalmis conceptis motibus, se esse extimulatum. Non abs re erit hic afferre ex eodem S. Doctore, dum Iu-

L. V. n. 23. LIANUM Pelagianum incessit, quædam de virtute musices, per PYTHAGORAM præstata, ex CICERONE prosequentem. Debuisti sane, inquit, homo ecclesiasticus ecclesiastica musica potius, quam Pythagorica commoveri, quid Davídica cithara egerit in SAULE, quando malo spiritu vexabatur, & tangente citharam sancto ab illa molestia respirabat. Et quis dubitet cantum, veluti in SAULE malignum spiritum, dura etiam peccatorum emollire peccora, & ad salutarem poenitentiam conterere. „ Nec peccatores despiciunt (inquit Ni-

De bono psal. „ CETIUS) sed remedium eis per poenitentiam lacrymosam ingerit. Domi- c. 1.

„ nus itaque DEUS noster per DAVID servum suum confecit potionem, quæ „ dulcis esset gustu per cantationem, & efficax ad curanda vulnera pecca- „ torum per suam virtutem. Suaviter enim psalmus auditur, dum canitur, „ penetrat animum, cum delectat.“ Quoad eos vero, qui ad DEUM con- versi, ei se se totos consecrarunt, tunc, præfertim in solitudine, hæc una semper fuit voluptas ac delectatio, quæ, quo magis rite frequentatur, ipsa sua affluitate gratiam orationis & psalmodiae comparat, ut S. NILUS ex- pertus, bene in tractatu pulcherrimo de Oratione expendit. Ac CASSIO- DORUS, qui utrumque statum in mundo & religione fecutus fuit, præfatio- ne in psalmos, quantum, diu noctuque dum teruntur, affiant, nobis decla- rat. *Psalmi sunt denique, inquit, qui nobis gratas esse faciunt vigilias:*

quando

quando silenti nocte psallentibus choris humana vox erumpit in musicam, verbisque arte modulatis ad illum redire facit, a quo pro salute humani generis divinum venit eloquium. Cantus qui aures oblectat, & animas instruit; fit vox una psallentium, & cum angelis Dei, quos audire non possumus, laudem verba miscemus. De musices virtute universim insignis eius habetur epistola nomine THEODORICI Regis ad BOETIUM Patricium scripta, quo-
modo, quoties ad aures nostras disciplinæ suæ lege pervenerit, imperet cantum, mutet animos artifex auditus, & operosa delectatio, ut ibi loquitur, iterum divinam celebrans psalmiodiam: *Loquamur, inquit, de illo lapso e cœlo psalterio, quod vir toto orbe cantabilis ita modulatum pro anima sponte compositum, ut his hymnis & mentis vulnera sanarentur, & Divinitatis singularis gratia acquiratur.* Etiam IOANNES CLIMACUS in sua Scala gradu 15. musicam ponit: *Qui DEUM diligunt, ait, ad hilaritatem & divinam dilectionem, atque ad lacrimas, & ex mundanis, & ex spiritualibus canticis, ac melodiis excitari solent.*

IX. Prava & infructuosa foret ista ex cantu & musica concepta delectatio, si sensus tantum demulcens hæreret, nec ulterius tendens animum penetraret, piis motibus imbuendo & affectionibus in DEUM: ut idem sit musices finis ac orationis, artificiose ad movendum animum rite compositæ. *Ergo scientiam modulandi, inquit S. AUGUSTINUS, iam probabile est, esse L. I. de Musscientiam bene movendi.* Quod universim de musica dictum, certum, & *sic.* assertum de sacra musica haberi debet, ut affectum nostrum in DEUM commoveat, & prodat. Id est, quod idem S. Doctor alibi dicit: *cantare & Serm. 33. psallere negotium esse amantium.* Quia nimis, dum voces nostras extollimus, cantu DEUM laudando, iam mentis nostræ affectum significamus, ex divinis perfectionibus voluptatem & gaudium tota animi & vocis contentione exponiendo, minime in delectatione, quæ ex melodia percipitur, conquiescendo, dum tamen ipse cantus ac melodia ita movet, ac erigit mentem. *Nihil, inquit S. CHRYSOSTOMUS, animam aequa erigit, & alatam Hom. in Ps. quodammodo efficit, & a terra liberat, & exsolvit a vinculis corporis, & 41. amore sapientiae afficit, & ut res omnes ad hanc vitam pertinentes irrideat, perficit, ut versus modulatus, & divinum canticum numero compositum. ἀς μέλος συνθετίζει, καὶ ποιητὴ συγκείμενον θεῖον ἀσπει.* Insigniter hanc materiam S. ATHANASIUS in saepe laudata ad MARCELLINUM epistola pertractat de psal- morum præstantia, quid causæ sit, quod eiusmodi sermones cum modulatione, & odis psallantur a). Deinceps eodem plane modo, ac paulo ante a

F f 3

ex

a) „Quidam enim (respondebat) inter nos simpliciores, tametsi credunt verba esse divinitus in-

spirata, arbitrantur tamen ob soni suavitatem, voluptatemque aurium, psalmos cani. At ne-

ex S. AUGUSTINO retulimus, eos a culpa minime excusat, qui in cantu vel psalmodia oblationem præcise consecrantur. „Qui igitur (inquit) hoc modo divina cantica non legunt, non prudenter psallunt, sed sese oblectant, culpandi fane, quia non est speciosa laus in ore peccatoris. Qui autem prædicto modo psallunt, ita ut verborum modulatio ex animæ numeris, & ex consonantia cum Spiritu proferatur; hi lingua quidem psallunt, & cum in mente psallant, non sibi solum, sed etiam audire se volentibus magna sunt utilitati. Beatus igitur DAVID, cum eo modo SAU- LI psalleret, non solum DEO placebat, sed & perturbationem & furoris moibum ex SAULE abigebat, parabatque illius animæ tranquillitatem. Ita quoque Sacerdotes, dum psallerent, populorum animos ad tranquillitatem advocabant, & ad concordiam cum iis, qui in cœlis choreas agunt.“ Quod itaque cum modulatione psalmi dicantur, id non fit ex suavis concentus studio, sed signum est harmoniae cogitationum animæ. Sequitur hinc, cum intelligentia & attentione mentis esse canendum, atque hoc interpretantur sancti Patres illud PAULI: *Cantantes & psalentes in cordibus vestris Domino. Sic cantet, scribit S. HIERONYMUS in eum locum, servus Christi, ut non vox canentis, sed verba placeant, quæ leguntur; ut spiritus malus, qui erat in SAULE, eiiciatur ab his, qui similiter ab eo possidentur, & non introducatur in eos, qui de DEI domo scenam fecere populorum.* Vides quantum piaculum sit, si canendo in id non intenditur, quod agitur, nec psallimus iuxta Apostolum in cordibus nostris. *Quid est in cordibus vestris?* ait S. CHRYSOSTOMUS: *Cum intelligentia inquit. Ut non os quidem, inquit, verba loquuntur, mens autem extra versetur undique vagans: sed ut lingua ab anima audiatur.* Nimirum ut cantus mulcedo afficiat animum, atque in id, quod canendo deponitur, intentionem affectionemque mentis flectat. Idem etiam SS. Patres huc illud psalmi sumunt, *Psalite sapienter,* & alia huiusmodi saepè in psalmis occurrentia. S. BASILIUS ad interrogationem, *traet. interr. CCLXXIX.* quid significet illud, *psallite intelligenter?* „Quod est (respondet) in cibis T. II. N. E. „ sensus qualitatis cibi cuiusque, hoc in verbis sacræ scripturæ est intelligentia. *Nam, inquit, fauces cibos degustant; mens vero verba diiudicat.* Job XII. 11. apud LXX. „ Si

Eph. V. 18.

In Ps. 41.

n. 1.

In Reg. brev. traet. interr. CCLXXIX.
T. II. N. E. p. 513.
Job XII. 11.
apud LXX.

quaquam ita se res habet, non enim voluptatem, aut eloquentiam affectavit scriptura: sed id quodque ad animæ utilitatem constitutum est omnibus; maxime duabus de causis, primo quia decuit divinam scripturam non obiter, sed fuis DEUM hymnis celebrare. Continua igitur oratione dicuntur legis & Prophetarum verba, nec non historie omnes cum novo Testamento: fuisse autem effervescunt psalmorum, odarum & cantorum scripta: atque eo modo observabitur,

ut totis viribus, & tota potestate DEUM diligant. Secundo quemadmodum harmonia tibias apte componens unum concentrum efficit; ita enim in anima variis sint motus, infitque vis cogitandi, concupiscenti, irascendi, ex quorum permotione membrorum corporis operatio exoritur; ratio posulat, hominem secum non diffundire, nec a semetipso diffidere; ita ut optimæ quidem cogitet, pessimæ vero faciat &c.“

„ Si quis igitur animo ita afficitur per vim & efficaciam uniuscuiusque verbi, velut afficitur gustu per qualitatem cibi cuiusque, is confecit mandatum illud psallite intelligenter.“ Et in admonitione ad filium spiritualem. „In tempore psalmodice sapienter psalle fili, & spirituales cantus vi. p. 710. gilanter cane coram Domino, ut virtutem psalmorum facilius possis acquirere, omnisque duritia cordis eorum dulcedine molliatur; tunc dulces habens fauces, gaudensque cantabis: *quam dulcia faucibus meis eloquia tua, Domine, super mel & favum ori meo.* Sed non poteris sentire hanc dulcedinem, nisi cum summa vigilantia ac sapientia cantaveris. *Fauces enim, inquit, escam gustabunt, sensus autem verba discernit.* Sicut enim ex carnalibus escis alitur caro; ita ex divinis eloquiis interior homo fascitur ac nutritur.“ Et quia psalmi simul salutarem continent doctrinam, ac dogmata pietatis, id potissimum agendum, ut quod psalmi continent, id etiam mens teneat & affectus, opusque conspiret ipsum, quod egregie S. CÆSARIUS edifferit, atque DIONYSIUS Areop. quomodo recte mentes ad De cel. hier. el. Attw. Cor- facra obeundi cantu disponantur, declarat a). derii p. 288.

a

X. Non igitur in cantu attenditur, quid lingua proferat, aut os clamet, sed quod intus in mente teneatur; nec clamor vocis, sed cordis intentio exauditur a DEO, qui est scrutator cordium. „Quia DEUS (inquit S. CYPRIANUS) non vocis, sed cordis auditor est. Nec admonendus est Ut mens aliena non sit ab eo, quod canitur.

De orat. Dom. p. 415. N.E.

a) „Ubi ergo illa (inquit) quæ res quasque faeras complebitur, hymnorum modalatio anime nostræ affectiones, & ea faera, quæ paulo post celebranda sunt, rite disposuit, divinorumque carminum concantu cum ad res divinas, tum ad femetipas, mutuamque confectionem, seu uniuersa concordique chorea facrorum coaptavit &c.“ S. CÆSARIUS Serm. 284. „Quando quis vestrum (inquit) psallit versiculum psalmi, ubi ait, *Confundintur superiores, quia iniuste iniquitatem fecerunt in me,* conetur superbiam fure, ut eternam confusione mereatur evadere. Quando psallimus: *Perdes omnes, qui fornicantur abs te;* omnes malas concupiscentias studeamus evadere. Quando psallimus, quod *beatus est vir, qui in lege Domini meditatibus die ac nocte;* superficias oceupationes, & mordaces iocos, otiosos, luxuriososque sermones quasi venenum diaboli respuanus, & lectiōnem divinam aut ipsi frequentius relegamus, aut si nos ipsi legere non possumus, illos, qui legunt libenter, & frequenter audire studeamus. Quotiens psallimus: *Si reddidi retribuens milia mala &c.* ne ipsi contra nos tam duram maledi-

ctionem proferre videamur, nulli unquam hominum malum pro malo reddamus; ut eum secura conscientia possimus dicere, *Dimitte nobis debita nostra, sicut & nos dimittimus debitoribus nostris.* Et quia longum est omnia replicare, quæ de istis tribus aut quatuor peccatis, id est, superbia, fornicatione vel odio diximus, hoc de reliquis omnibus vitiis sentiamus. Et quotienscumque in psalmis peccatores maledicuntur, studeamus peccatum fugere; ne ipsi nos videamur ore proprio maledicere. Quotiens in psalmis iusti, misericordes, sobrii, easti vel humiles collaudantur, tales esse eum DEI adiutorio laboremus; ut benedictio, quæ ad illos dirigitur, etiam ad nos divino munere proferatur. Iterum atque iterum rogo, atque supplico, ut quotienscumque psallitis, quid in ipsis psalmis intrinsecus intelligi vel observari debat, attentius cogitatis, ut dum lingua vestra Dominum laudat, ad animam vestram benedictio divina perveniat: præstante Domino nostro IESU CHRISTO, qui vivit & regnat in seculorum. Amen.“

„ clamoribus, qui cogitationes hominum videt, probante Domino & dicente:
 „ *Quid cogitatis nequam in cordibus vestris.* Et alio loco: *Ego scient omnes*
 „ *ecclesiae, quia ego sum scrutator renis & cordis.* Psalmus sonet. Convivium
 „ sobrium sit nobis spiritualis auditio, prolectet aures religiosa mulcedo.“ Nec
 p. 425.
eam hic præterierim, passim deinceps a SS. Patribus inculcatam eiusdem
S. Martyris præclare dictam sententiam eodem sermone. „*Claudatur (inquit)*
 „ *contra adversarium peccatum, & foli DEO pateat, nec ad se hostem DEI*
 „ *tempore orationis adire patiatur.* Obrepit enim frequenter & penetrat,
 „ & subtiliter fallens preces nostras a DEO avocat, ut aliud habeamus in
 „ corde, & aliud in voce quando intentione sincera Dominum debeat non
 „ vocis sonus, sed animus & sensus orare. Quæ autem segnitia est alien-
 „ nari & rapi ineptis cogitationibus & profanis, cum Dominum depreca-
 „ ris quasi sit aliud quod magis debeas cogitare, quam quod cum DEO
 „ loqueris. Quomodo te audiri a DEO postulas, cum te ipse non au-
 „ dias? Vis esse DEUM memorem tui, cum rogas, quando tu ipse tui me-
 „ mor non sis.“ Inter cantandum pronum est hoc, quando voci, & can-
tui intentio, non verbis cœlestibus, aut DEO affigitur, quod pari ratione
brevi sententia S. CHRYSOSTOMUS damnat in psalm. CXLV. Cum inter oran-
dum non audieris verba DEI, quomodo DEUS exaudiet vocem tuam? Im-
 N. 3.
 primis S. CHRYSOSTOMUS in hac re facundus est, DEUM nobis proponens,
 qui scrutator est cordium, & quod intus agitur prospicit, quem satis non
 est ore celebrare, „*Nisi etiam (inquit in psalmum XLI.) eum mens intus*
 „ resonet. Non enim hominibus canimus, sed DEO, qui potest vel corda
 „ audire, & in mentis nostræ arcana ingredi. Hoc quoque PAULUS often-
 „ dens vociferatur dicens: *Ipse Spiritus interpellat pro nobis genitibus in-*
 „ *enarrabilibus. Qui autem scrutatur corda, scit, quid desuleret Spiritus.*
 „ Hoc autem dicebat, non quod Spiritus gemit, sed quod viri spiritua-
 „ les, qui habent dona Spiritus, pro propinquis orantes, & supplicatio-
 „ nes offerentes, hoc facerent cum compunctione & gemitibus. Hoc nos
 „ quoque faciamus, & quotidie DEUM interpellemus per psalmos & ora-
 „ tiones.“ Quod S. BENEDICTUS „non in clamosa voce, aut in multiloquio,
 Cap. 20.
 „ sed in puritate cordis, & compunctione lacrimarum exaudiri nos scire vult,“
 In Ps. 140.
 „ id pulchre S. CHRYSOSTOMUS in illud Psalmi: *Domine clamavi ad te, ex-*
 „ *audi me,* exponit a), atque nos cantare, & psallere in cordibus nostris
 „ iubet

Cap. 20.

n. 1.
a

a) „ Quid queso (inquit) dicis? Quoniam clamasti, vis exaudiri, & eam afferis iustam cau-
 fum, eum exaudiaris? Iis ergo, qui magna &
 vehementi voce intensaque prædicti sunt, opus
 est? Sed hoc fuerit a ratione alienum. Quid
 enim peccavit, qui est parva & exili voce, tar-

dæque & impeditioris linguae? Nonne talis erat
 MOSES, & plus quam omnes exandebatur?
 Nonne Iudei clamabant plus quam omnes, sed
 DEUS eorum precibus non annuit? Magna
 enim vel exili voce esse præditum, sunt natu-
 ræ commoda & incommoda. Ea autem non

◦

iubet ex D. PAULO in psalmis, hymnis & canticis spiritualibus, non ut in anima instrumenta, aut solo vocis garritu veluti aviculae, sed ut homines decet intellectu praeditos, & voluntate, cum intelligentia, & pio voluntatis motu, veluti in Angelorum choro, ac coelestium mentium, DEUM non sano vocis, sed perenni laude celebrantes, ac digna afficientes gloria. S. AMBROSIUS illud D. PAULI *Ephes.* V. 18. *Sed impleamini Spiritu S. &c.* eundem in modum est interpretatus a). Qnod veteres dicebant intus canere, dum sola sinistra fides carpebant, ita ut sonus tantum ad proximos perveniebat, id S. AMBROSIUS huc trahit, *Aspendium* etiam citharistam adducens, qui in eo *In Ps. I.*
Pref. n. 12.

„Aiunt etiam (inquit) eorum, qui cithara canunt, pe-
„ritiores intus canere, ut ferunt fabule de *Aspendio* citharista: caussas quo-
„que modulatinum & quædam claustra rhythmorum in superiore parte esse
„psalterii. Docuit ergo DAVID intus nos canere oportere, intus psallere
„(quemadmodum canebat & PAULUS dicens: *Orabo spiritu, orabo &*
„*mente. Psallam spiritu, psallam & mente*) & ad superiorum intuitum
„vitam nostram actusque formare, ne delectatio dulcedinis excitet corpo-
„ris passiones, quibus non redimitur nostra anima, sed gravatur b).“
S. AUGUSTINUS serm. de quadam psallendi consuetudine in festo Epiphaniæ,
idem prosequitur c). Aliquid etiam indulget aurium oblectationi, sed quam
cir-

faciunt, ut vel audiamur, ut que nec digna sint, que vel laudentur vel vituperentur.“ At verum deinde illius versiculi intellectum explicans num. 1. & 2. „Clamorem (inquit) hic dicit internum, quem cor inflammatum peperit, & contritus animus, quo cum clamaret MOSES, exaudiiebatur. Quemadmodum enim, qui clamat, vires suas exhaustit, ita etiam qui corde clamat, totam mentem suam convertit. Talem ergo clamorem DEUS requirit, qui convertat, non qui finat oscitare, nec canentem alio divertere. Non solum autem querit talem clamorem, sed etiam ut ipse ore tur. Sunt enim multi, qui sunt quidem, ad DEUM autem non clamant, sed labia ad DEUM clamant, & nomen DEI circumferunt; at mens nihil fentit eorum, que dicuntur. Qui ita se gerit, non clamat, et si maxime vociferetur.“

a) „Rationabilem (inquit) vitam diligit Spiritus Sanctus: quia si bene vixerimus, implebimus eo, ut memorat ad confitendum & extollendum DEI donum diverso vocis canore, ut laus in DEUM omni lingua canatur. In quo enim est

Spiritus, semper spiritualia meditatur, ut non in labiis tantum sit, sed de corde prorumpat, propter vetus dictum Domini per Prophetam. Ait enim, *Plebs haec labiis me honorat, cor autem eorum longe est a me.*“

- b) Verba illa *causus quoque modulatinum &c.* a *Sun - Maurenibus* editoribus gemina sunt notata illis *Basilianis*: Τὸ ψαλτήσιον δὲ τοῦτο τῶν ἀρμονικῶν ρύθμων ἀνάθεν ἔχει τὰς ἀφορμας, οὐαὶ γένει ταῖς ἀναζητεῖν μελετῶμεν, οὐ μη τῇ ἡδονῇ τῷ μελετᾷ ἐπὶ ταῖς σαρκὸς πάσῃ καταρεούμεναι. Quas S. BASILIIΣ *ἀφορμας*, S. AMBROSIUS *causus modulatinum* appellat, id in superiori parte psalterii intelligentum est, ex quo τὸ ὄχωδες, seu sonorum editur, ut innuant, sursum erigendam esse mentem, non quod sensus demulcat, in sensis attendendum. c) „Vos vero fratres non solum suavitas vocis, sed etiam sensus ipsius lectionis teneat occupatos, ut quomodo sonus vocis delectat in auribus, sic virtus ipsius lectionis duletur in

circumspeße iam ex libris confessionum intelleximus, quam sibi in isto lenocinio sensus a peccato timuerit. Legendus idem est in psalm. CII. quomodo non magis ore, quam mente canere, DEUMque religioso carmine diligenter concelebrare debeamus. Huc idem S. AUGUSTINUS illud psalmi

In Ps. 64. n. 3. a interpretatur : *Te decet hymnus DEUS in Sion a.* Multis autem modis, quemadmodum oratio, ita etiam cantus orationis locum habens, in ecclesia fit in peccatum, inde præfertim, si mens aut soli fono intenta, aut distracta divagatur, nec ad id, quod canitur, attendit. „Dum psallitur (monet in

Num. 31. „ regula sua S. AURELIANUS) studeant sanctæ animæ vestræ non vagari animo; verum etiam nec operari aut loqui præsumant. Sed psallite sapienter: sicut dixit Propheta: *Psallam & intelligam.* Et illud: *Psallam spiritu, psallam & mente.* Metuentes illud: *Maledictus homo, qui facit opus Domini negligenter.*“ Multis nos scriptura id monet, quia hic pluribus etiam evagationibus distractionibusque proclive est succumbere, quam in ordinaria oratione; cum tamen eadem utrinque attentio, ac mentis devotione in DEUM requiratur: cavendumque est, ne aliquid hic intromittatur, aut intercedat, quod opus DEI, Maiestatemque divinam dedebeat, sive in eo, quod canitur, sive in cantu ac musica ipsa, sive in canente, quando in id,

De psalmodiæ bono c. 2. quod agit, non est intentus. „Tantum charissimi (monet NICETIUS) intermittentes fabulas superfluas, intento sensu & vigilanti mente psallamus, ut DEO non displiceamus. Sic enim nos hortatur psalmus dicens: „Quoniam rex omnis terræ DEUS, psallite sapienter, id est intelligenter: „ut non solum spiritu, hoc est, fono vocis, sed & mente psallamus, & ipsum quod psallimus, cogitemus, ne captivata mens fabulis & extra-

„neis

cordibus; secundum illud quod scriptum est: *Quan dulcia fauibus meis eloquia tua Domine.* Et iterum: *Eloquia Domini desiderabilia super aurum, & lapidem pretiosum multum, & dulciora super mel, & favum.* Qui enim, quando psallit, suavitatem tantummodo vocis, & compositionem cuiusque foni attendit, & quid in ipsis verbis intelligi debeat non attendit; aures eius accipiunt transitorium cibum, sed ad animam eius non pervenit DEI verbum.“

a) „Sed ubi? In Sion, inquit, in Babylonie non decet. Etenim quisque cum cooperit innovari, iam corde in Ierusalem cantat, dicente Apostolo: *Conversatio nostra in cælis est.* In carne enim ambulantes, inquit, non secundum carnem militamus. . . Qui ergo secundum hanc spem cantat, ibi cantat: ergo dicat, *Te decet hymnus, Deus, in Sion.* In Sion, non in Babylonie. Sed modo ibi es adhuc in Babylonie?

Ibi, inquit, sum, amator iste & civis iste: ibi sum; sed carne, non corde. Cum autem duo quedam dixerim, quia ibi sum carne, non corde; unde canto, non ibi: non enim carne canto, sed corde. Carnem quidem sonantem audiunt & cives Babylonie, cordis autem sonum audit conditor Ierusalem. Unde dicit Apostolus, exhortans ipsos cives ad amatoria quædam cantica & desideria redeundi ad illam pulcherrimam civitatem, visionem pacis: *Cantantes, inquit, & psallentes in cordibus vestris Domino.* Quid est, cantantes in cordibus vestris? Ne inde cantetis, unde etsi in Babylonie: sed inde cantate, unde sursum habitatis. Ergo, *Te decet hymnus, Deus, in Sion.* In Sion te decet hymnus, non in Babylonie. Qui cantant in Babylonie, cives Babylonie, etiam hymnum Dei non decenter cantant. Audi vocem scripturæ: *Non est speciosa lans in ore peccatoris.* *Te decet hymnus, Deus, in Sion.*“

„neis cogitationibus laborem habeat in fructuosum. Sonus etiam vel melodia
 „consentiens sanctae religioni psallatur &c. Totum enim tanquam in con-
 „spectu DEI, non hominibus placendi studio celebrare debemus.“ Multis
 modis peccari potest in munere cantus sacri, dum, quod unice specta-
 ri debet, non attenditur, nimirum psallendo angelico nos perfungi officio
 in conspectu divinæ Maiestatis, in quo stantes DEUM laudibus, psalmis-
 que, hymnis & canticis spiritualibus celebramus. „Ubique (ait S. BENEDICTUS *cap. 19.*)
 „de hac disciplina psallendi) credimus divinam esse præsentiam, & oculos
 „Domini in omni loco speculari bonos & malos: maximie autem hoc sine
 „aliqua dubitatione credamus, cum ad opus divinum assistimus. Ideo
 „semper memores sumus, quod ait Propheta: *Servite Dominum in timore.*
 „Et iterum, *Psallite sapienter.* Et, *In conspectu Angelorum psallam tibi.*
 „Ergo consideremus, qualiter oporteat nos in conspectu divinitatis & An-
 „gelorum eius esse. Et sic sumus ad psallendum, ut mens nostra con-
 „cordet voci nostræ.“ Et S. CÆSARIUS in sua regula: *Cum vero psalmis
 & hymnis oratis DEUM, id versetur in corde, quod profertur in voce.*
 Hac CASSIODORUS in plām. CL. S. AMBROSII horæ sextæ roseum illum, ut
 vocat, hymnum citat:

*Orabo mente Dominum,
 Orabo simul spiritu:
 Ne vox sola DEO canat,
 Sensusque noster alibi
 Ductus aberret fluctuans,
 Vanis præventus casibus.
 Tunc enim DEO accepta est
 Oratio canentium,
 Si pura mens idem gerat,
 Quod explicat vox cantici.*

XI. Nec illud demum avitæ pietatis in florentis antiquæ Ecclesiæ Patri- Aut etiam
 bus omittendum est, quod impense fidelibus inculcarunt, estque cum pri- opera.
 mis necessarium, ut placita DEO sit vox canentis, nimirum, si nec persona
 DEO displiceat, ac sit exosa, nec opera a voce in DEI laude dissentiant.
Non est, iuxta Sapientem, *speciosa laus in ore peccatoris.* Est vox mendax, *Ecli XV. 9.*
 qui ore laudat, at in honestat opere. „Quis putas (ait ORIGENES) ita ca- *Hom. 6. in In-*
 „noræ vocis est, & ita Spiritus puri mentisque sinceræ, ut cantilena eius *dic. T. II. N.*
E. p. 471. „divinum

„divinum delectare possit auditum? Ille profecto est, qui nullum raucum
„habet in se peccati sonum, qui nihil offensionis in lingua, nihil crastitu-
„dinis in spiritu gerit.“ EUSERIUS in psalm. CIII. in laudes divinæ psal-
modiæ excurrens, vim illius ac utilitatem pluribus deprædicat, eam autem
cantores percipere tunc putat, *si eis vita sit pura.* S. BASILIO a Neocæsa-
rensis cantus novitas obiciebatur, & melodiæ modus a consuetudine di-
versus, quasi non fuerint tempore magni GREGORII, nimirum TAVMATUR-
GI illius, cuius plurimum se iactabant institutis; sed, quæ præcipua erant,
& ad vitam recte instituendam a vitiis alienam maxime idonea posthaben-
tes, in huiusmodi minoris momenti rebus hærebant, ac tergiversabantur a).

- Praf. in Ps. I. n. 5.* Præ oculis habenda est sancti AMBROSI sententia: *Delectatur igitur can-
tico DEUS non solum laudari, sed etiam reconciliari.* Et in psal. CXVIII.
exemplis etiam illuſrat, quam vim in vitam ac opera nostra facra exercere
debeant cantica, ac hymni b). Illa itaque DEO imprimis placet consonantia,
quæ in factis nostris resonat, respondetque pulcherrimæ rerum a DEO con-
ditarum harmoniæ, ubi solus in hoc orbe homo tot aduersos miscet sonos
in vita sua, tam multa sunt diffona finibus a DEO intentis, ut tanto opus
sit citharædo, qui ita possit in humanis ludere, ne præstabilita, ad mani-
festandam divinam in operibus suis gloriam, deficiat harmonia. Hanc S.
CHRYSOSTOMUS vocat SAULIS infaniam, DAVIDIS cithara sanatam, a nobis
pariter

a) „Qui quidem (inquit S. BASILIUS Epist. 207. n. 4.) nihil ex illius institutis hacdennis conser-
vavisti. GREGORIUS non operiebatnr in preci-
bus. Quomodo enim? qui verus erat Apofoli di-
scipulus, dicentis: *Omnis vir orans &c.* Iura-
menta fugiebat pura illa anima & digna Spiritus
Sancti confortio, contenta his vocibus: *Ita, &*
Non, propter præceptum Domini, qui dixit:
At ego dico vobis, ne iuretis omnino. Non au-
debat ille fratrem suum fatuum appellare; ve-
rebatnr enim communionem Domini. Indignatio & ira, & acerbitas ex illius ore non profi-
cisebantur: convitium odio habebat, ut in re-
gnum celorum nou perdueens. Invidia & ar-
rogantia ab illa doli expertise anima faceſſebant.
Non accessisset ad altare, antequam reconciliaretur
fratri. Mendacem sermonem, & artificios ad al-
liorum calumniam instrictum, ita abominabat-
tur, ut qui sciret, mendacium ex diabolo or-
tum esse, Dominumque eos omnes, qui menda-
cium loquuntur, perditurum. Horum si nihil
in vobis est, sed puri estis ab omnibus; vere
discipuli estis eius, qui mandatorum Domini

discipulns fuit. Si minus, videte, ne culicem
coletis, de vocis quidem fono in psalmorum
cantu litigantes, madata vero maxima dissol-
ventes. Ad hos me sermones adduxit necesse
was causa defendendæ, ut discatis trahem ex
oculis vestris eiicere, & ita demum festucas alienas
extrahere.“

b) „Hymni nobis (inquit) canticum nobis, psalmi nobis iustificationes Domini sint. Ideoque
canticum dicitur Domini Testamentum, quia remissionem omnium peccatorum, Dominique ius-
titias in scripturis Evangelii suavi mentis exultatione concinnavit. Ipse quoque Dominus
non designatus est dicere: *Cantavimus vobis,*
& non saluisti. Cantavit nobis iu Evangelio
veniani delictorum: debuerunt *Iudei* meutem
attollere, non hispironico corporis motu, sed
spiritu. Non fecerunt, ideo reprehenduntur.“
Et post pauca: „Deinde qui cantat, vacuis est,
& diversorum cogitationum curas relevat, enpas
relegat, sequeſtrat avaritiam, & non solum
corporis voce, sed etiam mentis suavitate fe-
mulet &c.“

pariter sumendam, ut divina cantica animæ concinamus a). Hic nobis præcipius fructus ex divinis canticis ac psalmodia accrescere debet, ut quoniam salutaribus doctrinis pro nostra instructione morumque & vite informatione sunt referta, exardescamus, ea meditantes, ad opus; ac veluti nos ipsos pacto obstringamus, ut dictis fidem servantes, omnia impleamus. „Propter „ea enim (idem alibi ait aureum os) psalmos nobis cecinit ille beatus, vel *Expos in Ps.*
 „potius gratia Spiritus, non ut verba tantum dicamus, sed eos factis quo-^{41. n. 5.}
 „que meditemur. Ne ergo existimes te propterea huc ingredi, ut verba
 „tantum dicas, sed ut, quando succinis, responsum illud pacta conventa
 „esse arbitreris. Quando enim dixeris: *Quemadmodum desiderat cervus ad*
„fontes aquarum, ita desiderat anima mea ad te DEUS: cum DEO pactum
 „fecisti, scripsisti syngrapham absque charta, & atramento, voce professus,
 „te ipsum diligere plus oninibus, & nihil ei præferre, eiusque amore ar-
 „dere. Si ergo egressus videris formosam aliquam, & impudicam mulie-
 „rem, te inescantem, & ad sui amorem pellicientem, dic ei: Non possum
 „te sequi, cum DEO pactum feci, & præsentibus fratribus, Sacerdotibus,
 „Doctoribus, professus sum, & promisi per responsum illud, me eum ita
 „diligere, *quemadmodum desiderat cervus ad fontes aquarum.* Vereor, pacta
 „conventa transgredi, illum unum deinceps amorem meditor. Si videris
 „argentum in foro situm, aut vestes aureas, alias gloriose incedentes, sti-
 „patos famulis, & habentes equos frenis auratis, ne te moveat illa pompa,
 „sed tibi rufus cane, & dic tuæ animæ: paulo ante cecinimus: *Quem-*
„admodum desiderat cervus ad fontes aquarum, ita desiderat anima mea ad
„te DEUS, & quod scriptum est, nobis attribuimus, idque nostrum esse
 „fecimus.“ Loquitur de veteri more canendi, respondendique in ecclesia
 per antiphonas: quando ex psalmis unus quis singularis est de promtus
 versiculos, qui iugiter a populo succineretur, repetereturque, dum inter-
 rim psalmi contextus procedebat. Seliguntur autem eiusmodi antiphonæ,
 quæ maxime salutares esse possint cantantibus ad instillandam pietatem, &
 ut

a) „Cithara ergo DAVIDIS (inquit hom. 28. in Ep. ad Rom.) opus nobis fuerit, ut divina cantica animæ concinamus, & ea, quæ ad illum pertinent, & ea, quæ ex bonis operibus procedunt. Nam si vel alterum fecerimus, & cantionem audientes, canenti per opera repugnemus, ut tunc SAUL faciebat, pharmacum nobis in damnationem erit, & immanior fiet infania. Nam antequam audiamus, timet malignus dæmon, ne audientes corrigamur: cum autem audientes iidem ipsi manemus, ipsi metus abscedit. Psallamus canticum per opera, ut peccatum ipso dæmone deterius efficiamus.

Dæmon euim non omnino privat nos regno celorum; sed & aliquando vigilanti prodest; peccatum autem omnino excludit. Peccatum enim dæmon est voluntarius, ac spontanea infania, ideoque non habet, qui misericordiam & veniam tribuant. Hoc ergo incantationis genere cantemus animæ sic affectæ, & ab aliis scripturis, & a beato DAVIDE. Psallat os, & mens erudiatur. Neque enim illud spernenda res est. Nam si linguam canere doceamus, illa canente, animam pudebit contraria volentem.“

ut modo intelleximus ex S. CHRYSOSTOMO, ad nostram instructionem, informationemque vitæ etiam, & actionum, ne a voce dissonent. Hom. 28. in epift. ad *Roman.* pluribus monet cantores, ne cantui per opera repugnant; omnes hortatur, ut pfallamus canticum operum τὴν ἀπὸ τῆς πράγματος ὠδὴν.

*In Ps. 34.
Serm. 2.*

*Enarrat. in
Ps. 67.*

In Ps. 102.

- a) In eadem inculcanda re non minus frequens est S. AUGUSTINUS. „Quando cantas hymnum (ait) laudas DEUM. Lingua tua quid agit, nisi laudet conscientia. (Et) DEO cantamus, DEO & vivamus. (Iterum): Cantat DEO, qui vivit DEO: pfallit nomini eius, qui operatur in gloriam eius, ita cantando, ita pfallendo, id est, sic vivendo, sic operando. Non poteritis, quam vera cantetis, probare, nisi coeperitis facere quod cantatis:“ Et alibi: „Nam quid prodest (inquit) quod hymnum cantat lingua tua, si sacrilegium exhalat vita tua? Male vivendo multas linguas misisti in blasphemiam. Lingua tua vacat hymno, & cæteræ te intuentium vacant blasphemii. Si ergo vis benedicere Dominum, fac verbum eius, fac voluntatem eius. *Te decet hymnus DEUS*, ait psalmus. Sed ubi? In *Sion*. In *Babylone* non decet &c.“ Ingeniose alicubi veteris & novi Testamenti discrimen faciens, ubi nimirum datur gratia, charitate in cordibus nostris diffusa, per Spiritum Sanctum, ut impleamus præcepta, huc interpretatur illud psalmi CXLIII. *DEUS canticum novum cantabo tibi, in psalterio decem chordarum pfallam tibi* a). In sermone vigesimo sexto, præsertim autem vigesimo septimo paschali vocem *Alleluia* interpretatus: hoc canendo, & in hoc verbo consonantes ore, & consentientes corde, exhortari nos invicem dicit, ad laudandum DEUM. b). *Mores volo*, alibi idem

a) „Decem (inquit Serm. 33.) chordarum psalterium, decem præcepta legis intelliguntur. Cantare autem & pfallere, negotium esse folet a manuum. Vetus enim homo in timore est, natus in amore. Ita enim duo Testamenta discernimus, vetus & novum... Caritas ergo cantat canticum novum. Nam timor ille servilis in veteri homine constitutus, potest quidem habere psalterium decem chordarum, quia & *Iudacis* carnalibus data est ipsa lex decem præceptorum: sed cantare in illa non potest canticum novum; sub lege est enim, & impletre non potest legem. Organum ipsum portat, non traxit; & oneratur psalterium, non ornatur. Qui autem sub gratia est, non sub lege, ipse implet legem: quia non est ei pondus, sed deus, nee timenti tormentum est, sed amanti ornamentum. Spiritu enim dilectionis accusans, iam in psalterio decem chordarum cantat canticum novum.“ Et postea n. 5. „Hoc est canticum novum, quod pfallit in psalterio

decem chordarum. Nemo enim laudat Deum, id est, dicit hymnum, nisi ore suo factis contentiat, Deum & proximum diligendo.“

b) „Eum autem (ait in priore sermone n. 1.) tantum homo securus laudat, qui non habet unde displiceat: (Et in altero n. 1.) Laudemus Dominum fratres, vita & lingua, corde & ore, vocibus & moribus. Sie enim sibi dici vult Deus *Halleluia*, ut non sit in laudante discordia. Concordant ergo prius in nobis ipsis lingua eum vita, os enim conscientia. Concordant, inquam, voces cum moribus: ne forte bona voes testimonium dicant contra malos mores. O felix *Halleluia* in celo, ubi templum Dei angeli sunt! Ibi enim concordia summa laudantium, ubi est exultatio secura cantantium, ubi nulla lex in membris repugnat legi mentis; ubi non est rixa cupiditatis, in qua periclitetur victoria caritatis. Hic ergo cantemus *Halleluia* adhuc solliciti, ut illie possimus aliquando cantare fecuri.“

idem ait S. AUGUSTINUS, *non voces. Sapientiam lauda vivendo; non so-* *nando, sed consonando.* Etsi enim laudare DEUM, eiusque celebrare maiestatem primarium sit hominis erga DEUM officium, ut tamen id cantu fiat, necessitas non est; quamvis opportunum, & salutare; idque optimum, si, ut haecen diximus, omnia concordent, simusque toti occupati in DEI laudibus, ut idem nos hortatur. *DEUM toti laudate, cantet vox; can-* *tet vita; cantent facta; DEUM toti laudate.* Et in psalm. XXXII. *Cantate vocibus, cantate cordibus: cantate oribus, cantate moribus: cantet can-* *ticum uovum noua lingua, sed vita.* Hoc in Concilio Carthag. IV. c. 10. sub magisterio S. Doctoris pulchre in cantorum ordinatione est expressum: *Vide, ut, quod ore cantes, corde credas: & quod corde credis, operibus com-* *probies.* Atque in psalm. CXIX. laudatus S. Præfus fæpius ad hoc cantores stimulat. *Non poteritis, inter alia ait, probare, quam vera cantetis, nisi* *cæperitis facere, quod cautatis.* Idem nervose expressit studiosus S. AUGUSTINI æmulator S. CÆSARIUS Arelatensis a). Hoc igitur perfectam reddit harmoniam, atque musica unice christiano digna est, quæ per omnes vitæ nostræ actiones discurrit, quemadmodum in tota rerum universitate tam megacosmo, quam microcosmo, pulcherrima rerum consonantia, a Creatore omnia sunt ordinata, quibus nos conspirare in omnibus nostris actibus debeamus, prius operibus, quam cantu & vocibus, qua ratione musicam disciplinam dicit CASSIODORUS, per omnes actus vitæ nostræ diffundi b).

Hoc

a) „Bonum quidem est (inquit Serm. 284.) & factis acceptabile Deo, quando lingua fideliter pfallit, sed tunc est vere bonum, quando linguae concordat etiam vita. Consentiant simul voces & mores; ne forte bona voces contra malos mores testimonium ferant, & ipsa vos lingua vestra redarguat. Si enim aliud sonat in ore, & aliud apparet in opere; quod lingua videtur adulicare, incipit eonversatio mala destruere. Vos ergo fratres non solum suavitas vocis, sed etiam sensus ipsius lectionis teneat occupatos; ut quomodo fons vocis delectat in auribus, sic virtus ipsius lectionis dulciscitat in cordibus, secundum illud quod scriptum est, *Quam dulcia fauibus meis eloqua tua Domine!* Et iterum, *Eloquia Domini desiderabilia super aurum & lapidem pretiosum multum, & dulciora super mel & favum.* Qui enim quando pfallit, suavitatem tantummodo vocis & compositionem cuiusque soni attendit, & quid in ipsis intelligi debeat, non attendit, aures eius accipiunt transitorium cibum, sed ad animam eius non pervenit Dei verbum; ac si velut ceram

quodammodo quis ruminat, & de mellis dulcedine omnino non gustat.“

b) „Primum (ait de Artibus & Disc. liberalium litterarum c. 5.) si Creatoris mandata faciamus, & puris mentibus statutis ab eo regulis serviamus. Quidquid enim loquimur, vel intrinsecus venarum pulsibus commovemur, per musicos rhythmicos harmonicas virtutibus probatur esse locutum. Musica quippe est scientia bene modulandi, quodsi nos bona conversatione tractemus, tali discipline probamur semper esse foretati: quando vero iniuritates gerimus, musicam non habemus. Cœlum quoque & terra, vel omnia quæ in eis dispensatione superna peraguntur, non sunt sine musica disciplina: cum PYTHAGORAS hunc mundum per musicam conditum, & gubernari posse tetetur. In ipso quoque religione valde permixta est; ut decalogi de cæchordus, tintinnus cythara, tympana, organi melodia, cymbalorum fonus; ipsum quoque psalterium ad instar instrumenti musici nominatum esse, non dubium est: eoquod in ipso contineatur cœlestium virtutum suavis nimis, & grata modulatio.“

a

b

240 L. I. CANTUS PRIMA ECCLESIAE ÆTATE &c.

In Ps. 97.

Hoc alibi idem ex ipsa musicæ artis definitione pulchre explicat, quæ rerum sibi congruentium, id est sonorum differentias, & convenientias perscrutatur: „Nam (inquit) sive quando psalmodiam dicimus: sive quando mandatis Domini operam navanter impendimus, dulcissimæ harmoniæ gratia temperamur. Et si causas huius rei alta deliberatione perpendas, quælibet creatura rationalis, si auctoris sui vivat imperio, ab hac convenientia non probatur excepta. Merito ergo incessanter præcipimur Domino psallere, in psalmo citharizare, in cithara psallere; iubilare in tubis ductilibus & corneis; ut dubium non sit, hæc instrumenta dulcisona probabilium actuum nobis indicare concordiam.“ Demum etiam ENNODIUS est commemorandus, qui in panegyrico, quem dixit THEODERICO Regi, bonæ conscientiæ rationem in DEI laudibus concinendis recte flagitat. „Quod (inquit) devor. Sirmondi p. 1594. scendit a superis, sola hymnorum licet mercede taxari. Fabricator mundi ad potiora munera modulatis invitatur eloquiis. Dicite, si non præmii loco opifici suo lingua blanditur. Iungitur, quod de sacrario mundi pectoris laudatio debet principalis effluere: nec solum linguae nitorem postulat commemorationis numinis tui, bono adserenda conscientiæ.“

Peroratio de cantu ecclesiastico prima ætate.

XII. His opportune materiam de antiquiori sacra illa Ecclesiæ musica claudimus, quatenus a prima Ecclesiæ ætate ad medium usque decurrentis ex coœvis monumentis ecclesiasticis illustrari potuit. Vidimus parvis initiosis paulatim in Ecclesia opera & studio celeberrimorum Virorum Ecclesiæ Doctorum Pastorumque inoleuisse cantum in sacris Christianis, at qualis omnino fuerit, quibus præsertim modulis seu tonorum differentiis constititerit, nullis nobis ex illa ætate constat vel paradigmatis, vel præceptionibus, regulisque. Unde id saltem coniicere licet, maxima cantum & musicam veterem ecclesiasticam constituisse simplicitate, & sæculo demum quarto potissimum incrementa sumsisse tam in Oriente, quam Occidente cumprimis. Quodsi edax tempus ipsa autographa non consumisset veterum liturgicorum librorum monumenta, certiora haud dubie & explicationa nobis in hac materia dare licuisset, uti deinceps magis magisque nos facturos pollicemur.

LIB. II.